

ಮಾರ್ಕನು ಬರೆದ ಯೇಸುವಿನ ಸುವಾರ್ತೆ ಮಾರ್ಕನೆ ಲೀಖ್ಯೋತೆ ಯೇಸುನಿ ಅಲ್ಫಿ ಸಮಾಚಾರ್ ಮಾಲುಮ್‌ಕರಾನು

ಮಾರ್ಕನೆ ಲೀಖ್ಯೋತೆ ಅಲ್ಫಿ ಸಮಾಚಾರ್, ಯೇಸುನಿ ಸೇವೆನಿ ಬಾರೇಮ ಅಶೆಲ್‌ಥಿ ಲೀಖ್ಯೆರೊತ್ತೆ ಏಕ್ ನ್ಹಾನು ಅಲ್ಫಿ ಸಮಾಚಾರ್‌ನು ಪುಸ್ತಕ್ ಹುಯಿರೊಸ್. ಅನಾಮ ಅದ್ಮಿಯೇನ ಖ್ವಾಜೆ ಘಣು ಅಶ್ಚರ್ಯನು ಅದ್ಭುತ್ ಕಾಮ್‌ಖ್ವಾರು ಛಾ. ಯೋ ಖ್ವಾರ ಅದ್ಭುತಾಮ ಮೋಟು ಅದ್ಭುತ್ ಕತೊ, ಯೇಸು ಪ್ರಭುನೆ ಕೈಯೆಕ್ಲಿ ಲತಾಡ ಖ್ವಮಾಳಿನ್, ಮರಿನ್, ಜಿವೊ ಹುಯಿನ್, ಉರೀನ್ ಆಯೊತೇಸ್ ಹುಯಿರೊಸ್.

ಅನಾಮ, ಶುರುಮಾಸ್ ಲೀಖ್ಯೆರೊಸ್‌ಕಿ, “ದೇವ್‌ನೊ ಛಿಯೊ ಹುಯಿರೊತ್ತೆ, ಯೇಸು ಕ್ರಿಸ್ತನಿ ಬಾರೇನಿ ಅಲ್ಫಿ ಸಮಾಚಾರ್” ಕರಿ. ಅನಾಮ ಯೇಸು ಅದಿಕಾರ್ ರ್ವಾಳೊ ಅಜ್ಜು ಖ್ವಾರುಸ್ ಕರಾನ ಶಕತ್‌ವಾಳೊ ಕರಿ ಮಾಲುಮ್ ಪಡಾಸ್. ಇನಿ ಅದಿಕಾರ್ ಅಜ್ಜು ಶಕತ್ ಇನೆ ಬೋಲ್ಯೊತೆ ವಾತೆಮಾಬಿ, ಭೂತ್‌ಖ್ವಾರು ನಖ್ವಾಡ್ಯೊತೆ ಅಜ್ಜು ಅದ್ಮಿನು ಪಾಪ್‌ಖ್ವಾರು ಮಾಪ್ ಕರೊತ್ತೆ ಇನಾಮ ದೆಖಾವಸ್. ಯೇಸು ಆಯೊತೆ ಇನೊ ಜಾನ್ ದೀನ್, ಅದ್ಮಿನ ಪಾಪ್‌ಥಿ ಛೋಡಾವಸ್‌ನಟೇಕೆ ಕರಿ ಯೋಸ್ ಇನಿ ಬಾರೇಮ ಬೋಲ್ಯೊ.

ಅನಾಮ ಪಹಿಲೆ ಬ್ಯಾಪ್ಟಿಸ್ಮ್‌ದೆವಾಳೊ ಯೋಹಾನ್ನಿ ಬಾರೇಮ ಥೋಡು ಅಜ್ಜು ಯೇಸು ಬ್ಯಾಪ್ಟಿಸ್ಮ್‌ಲಿದೋತೆ ಅಜ್ಜು ಇನ ಶೋದನೆ ಹುಯೊತೆ ಇನಿ ಬಾರೇಮ ಆವಸ್. ಅನ ಬಾದ್‌ಮ ಯೇಸುನೆ ವಚನ್ ಬೋಲಿದಿದೋತೆ ಅಜ್ಜು ಅಲ್ಫಿ ಕರೊತ್ತೆ ಬಾರೇಮ ಆವಸ್. ಛೇಟುನಿ ಅದ್ಯಾಯಮ ಖ್ವಾರು ಯೇಸುನಿ ಆಖ್ರಿ ವರಾನಿ ಬಾರೇಮ, ಶಿಲ್‌ಬೆಪರ್

ಮಾರ್ಕ್ಯಾತೆ ಅಜ್ಜು ಮರೀನ್ ಜಿವ್ತೊ ಹುಯಿನ್ ಆಯೋತೆ ಇನಿ ಬಾರೇಮ ಲಿಖ್ತಿರ್ದೊಸ್.

ಕಾಡಿದೇಖೊ

1. ಅಲ್ಫಿ ಖಬರ್‌ನಿ ಶುರುವಾತ್. 1:1-13
2. ಯೇಸುನೆ ಗಲಿಲಾಯಮ ಸೇವೆ ಕರ್ಯೊತೆ. 1:14—9:50
3. ಗಲಿಲಾಯಾಥು ಯೆರೂಸಲೇಮ್‌ತೋಡಿ. 10:1-52
4. ಖರ್ತಿನ್ ವಾರಮ ಯೇಸು ಯೆರೂಸಲೇಮ್‌ಕನ ಥೋತೆ. 11:1—15:45
5. ಯೇಸು ಪಾಳ್ತೊ ಜಿವ್ತೊ ಹುಯಿನ್ ಆಯೋತೆ. 16:1-8
6. ಜಿವ್ತೊ ಹುಯಿನ್ ಆಯೋತೆ ಪ್ರಭು ದೆಖಾಯೆತೆ, ಅಜ್ಜು ಪರ್‌ಲೋಕ್‌ಮ ಪಡ್ಲೆಲಿದೋತೆ. 16:9-20

ಬ್ಯಾಪ್ತಿಸ್ಮ ದೈವಾಳೊ ಯೋಹಾನನೆ ಬೋಲಿ ಖ್ವಮ್‌ಭಾಡ್ಯೊತೆ
(ಮತ್ತಾಯ 3:1-12; ಲೂಕ 3:1-18; ಯೋಹಾನ 1:19-28)

¹ ದೇವ್‌ನೊ ಛಿಯೊ ಹುಯಿರ್ದೊತೆ, ಯೇಸು ಕ್ರಿಸ್ತನಿ ಬಾರೇಮ, ಅಲ್ಫಿ ಸಮಾಚಾರ್‌ನಿ ಶುರುವಾತ್.

² ಪ್ರವಾದಿ ಯೆಶಾಯನ ದಪ್ತರ್‌ಮ ಲೀಖ್ತಿರ್ದೊತೆ ತಿಮ್, “ಹಂದೇಕ್, ಮಾರ ದೂತಾನ್* ತಾರ ಖ್ವಾಮ್ ಮೋಕ್ಲಿಶ್, ಯೋ ತಾರಿ ವಾಟ್ ಬರೋಬರ್ ಕರ್ಶೆ.†

³ ಏಕ್ ಭಣೊ ಉಜ್ಜಾಡಿ ಝಗೋಮ‡, “ಪ್ರಭುನಿ ವಾಟ್ ಖ್ವವಾರೊ,

ಇನಿ ವಾಟ್ ಖ್ವದ್ರು ಕರೊ” ಕರಿ ಚಿಕ್ಕುಕರಾಸ್.§

⁴ ಅಮ್ ಕರಿ ಪ್ರವಾದಿ* ಹುಯಿರ್ದೊಡೋತೆ ಯೆಶಾಯನ ಪುಸ್ತಕ್‌ಮ ಲೀಖ್ತಿರ್ದೊಸ್ತೆ ಇಮ್ಮಸ್, ಯೋಹಾನ ಉಜ್ಜಾಡಿ ಝಗೋಮ

* 1:2 1:2 ಖಬರ್ ದೆವಾಳು ಕರಿ ಮತ್‌ಲಬ್ † 1:2 1:2 ಮಲಾಕಿ 3.1 ‡ 1:3 1:3 ಯೇಸುನ ಕಾಲಾಮ ಆ ಲಿಖ್ತಿರ್ದೊ ಝಗೋಮ ಪಾಣಿ ಭಾಖ್ತ್ ಕೋ ರ್ವೆತುಥೂನಿ ಅಜ್ಜು ಶಾತ್ರಿ ಪಿಕಾವಾನ ಕೊ ಹುವ್ವಾನಿತೆ ಬಂಡಾ-ಟೋಕ್, ರೇತ್ರಿ ಝಗೊ ಅಜ್ಜು ಅದ್ವಿಕೊ ರ್ವೆತುಥೂನೀತೆ ಝಗೊ ಹುಯಿರ್ದೊ. § 1:3 1:3 ಯೆಶಾಯ 40.3 * 1:4 1:4 ದೇವ್ ಭಣೀಧು ವಾತೆ ಬೋಲವಾಳೊ

ದೆಖ್ಚಿನ್, ಅದ್ವಿ ಖ್ವಾರಾನ, “ತುಮೆ ಪಾಪ್ ಕರಾನು ಮ್ಹೇಲಿನ್ ದೇವ್ ಭಣಿ ಫರೊ ಅಜ್ಜು ಬ್ಯಾಪ್ತಿಸ್ಕೆ ಲೇವೊ, ತದೆ ದೇವ್ ತುಮಾರು ಪಾಪ್ ಮಾಪ್ ಕರ್ಶೆ” ಕರಿ ಬೋಲ್ತೊಹುಯಿನ್ ಬ್ಯಾಪ್ತಿಸ್ಕೆ ದೆವ್‌ಕರ್‌ತೋಫೊ.

⁵ ತದೆ ಯೂದಾಯ ತಬರ್‌ಖ ಭಣೀಥು ಅಜ್ಜು ಯೆರೂಸಲೇಮ್ ಖ್ವಿಯೇರ್‌ಥು ಘಣು ಅದ್ವಿ ಯೋಹಾನಕನ ಜೈನ್, ಇವ್ಣ-ಇವ್ಣ ಪಾಪ್ ಕಬೂಲಿಲೀನ್, ಇನ ಹಾತೇಖ್ವು ಯೊರ್ದನ್ ನದ್ವಿಮ ಬ್ಯಾಪ್ತಿಸ್ಕೆ ಕರೈಲೆವ್‌ಕರ್ತುಥು.

⁶ ಯೋಹಾನ ಊಟ್ನ ಕೇಖ್ವೊಥಿ ಬಣಾಯುಹುಯು ಲುಂಗ್ವು ಪೇರರ್‌ಕ್ತೊಡೊ, ಕಂಬರ್‌ನ ಚಾಂಬ್ಡಾನು ಕಂಬರ್‌ಪಟೊ ಭಾಂದಿರಾಕ್‌ತೋಫೊ ಅಜ್ಜು ಚಿಡ್ವೊಬಿ ಜಂಗ್ಲಿ ಶೇತ್ ಇನು ಖಾಣು ಹುಯಿರಲ್ವು.

⁷ ಯೋಹಾನೆ ಅದ್ವಿ ಖ್ವಾರನ, “ಮಾರೇಥಿಬಿ ಶಕತ್‌ವಾಳೊ ಮಾರ ಪೀಲೆ ವಳ್ಳಾವಸ್; ಮೇ ಝುಕಿನ್ ಇನಿ ಖೋಖ್ವೊಡಾನಿ ಡೋರಿ ಛೋಡಾನಾಬಿ[†] ಲ್ಹಾಯೇಕ್‌ಕೊಯ್ನಿ ಕರಿ ಬೋಲಿವತಾಳ್ವೊ.

⁸ ಮೇ ತುಮೂನ ಪಾಣಿಥಿ ಬ್ಯಾಪ್ತಿಸ್ಕೆ ದೆವಾಡುಸ್; ಕತೋಬಿ ಯೋತೊ ತುಮೂನ ಪವಿತ್ರಾತ್ಮಥಿಬಿ ಬ್ಯಾಪ್ತಿಸ್ಕೆ ದೆವಾಡ್‌ಶೆ” ಕರಿ ಬೋಲಿವತಾಳ್ವೊ.

ಯೇಸು ಬ್ಯಾಪ್ತಿಸ್ಕೆ ಲಿದೋತೆ ಅಜ್ಜು ಇನ ಶೋದನೆ ಹುಯೂತೆ
(ಮತ್ತಾಯ 3:13—4:11; ಲೂಕ 3:21-22; 4:1-13)

⁹ ಏಕ್ ದನ್ನೆ ಯೇಸು ಗಲಿಲಾಯ ತಬರ್‌ಖಾನು ನಜರೆತ್ ಕರಿ ಗಾಮ್‌ಥು ಏನ್, ಯೊರ್ದನ್ ನದ್ವಿಮ ಯೋಹಾನಥಿ ಬ್ಯಾಪ್ತಿಸ್ಕೆ ಕರೈಲಿದೊ.

¹⁰ ಯೇಸು ಬ್ಯಾಪ್ತಿಸ್ಕೆ ಲೀನ್, ಪಾಣಿಮಾಫೊ ಭಾರ್ ನಿಕಳಾತ್ಯಾ ಸೊರ್ಗ ನಿಕ್ಕಿನ್, ದೇವ್‌ನು ಆತ್ಮ ಪರೈವಾನಿಘೋಣಿ ಇನಾಪರ್ ಉತ್ರಿನ್ ಆಯೂತೆ ದೇಖ್ಚೊ.

[†] 1:7 1:7 ಯೇಸುನ ಕಾಲಾಮ ಖೋಖ್ವೊಡಾನಿ ಡೋರಿ ಛೋಡಾನು ಗುಲಾಮ್‌ನು ಕಾಮ್ ಹುಯಿರಲ್ವು.

11 ತದೆ ಪರಲೋಕ್‌ಮಾಧು “ತೂ ಮಾರೊ ಪ್ಯಾರ್‌ನೊ ಛಿಯೊ, ತಾರೇಥಿ ಮೇ ಘಣು ಖುಶಿ ಛೂ” ಕರಿ ಏಕ್ ಅವಾಜ್ ಖ್ವಮಜ್‌ಪಡ್ತು.

12 ತದ್‌ನು-ತದ್ದೇಸ್ ಯೇಸುನ ಪವಿತ್ರಾತ್ಮನೆ ಉಜ್ಜಾಡಿ ಝಗೋಮ ಚಲಾಯೊ.

13 ಹಿಜ್ಜಾ ಯೇಸು ಚಾಳಿಖ್ವ ರೋಜ್ ಥೊ, ಜಂಗ್‌ಳಿ ಜಿನಾವರ್‌ಬಿ ಹಿಜ್ಜಾ ಥೂ. ತದೆ ಶೈತಾನ್‌ಥಿ ಯೇಸು ಶೋದನೆಮ ಪಡ್ಚೊ, ಅಜ್ಜು ದೇವ್ ದೂತರ್ ಖ್ವಾರುಐನ್ ಇನಿ ಸೇವಾ-ಚಾಕ್ರಿ ಕರ್ಚ್.

ಯೇಸುನೆ ಮಾಲ್ಟು ಖ್ವಾವಾಳ ಚಾರ್ ಜಣಾನ ಬುಲಾಯೊತೆ
(ಮತ್ತಾಯ 4:12-22; ಲೂಕ 4:14-15; 5:1-11)

14 ಯೋಹಾನನ ಜೇಲ್‌ಮ ಕೋಂಡಿನ್ ಫಾಲಿದೆವಾನ ಬಾದ್‌ಮ ಯೇಸು ಗಲಿಲಾಯ ತಬರ್‌ಖಾನ ಆಯಿನ್ ದೇವ್ನ ಸುವಾರ್ತೆನ ಅಮ್ ಬೋಲಿ ಒತಾಳ್ತೊಕಿ,

15 “ದನ್‌ಖ್ವಾರ ಭರೈಗ, ದೇವ್ನಿ ರಾಜ್ಯ ಖನ್ನೆ ಐಗು! ತುಮಾರು ಪಾಪ್ ಖ್ವಾರು ಮ್ಹೇಲಿನ್ ದೇವ್‌ಭಣಿ ಫರಿನ್, ದೇವ್ನಿ ಅಭಿ ಸಮಾಚಾರ್ ನಂಬೊ!” ಕರಿ ಬೋಲ್ತೊ.

16 ಏಕ್ ದನ್ನೆ ಯೇಸು ಗಲಿಲಾಯ ದರ್ಯ್‌ವ್ ಕನಾರೆಕರಿ ವಳ್ಳೊಜಾತೊಥೊ. ತದೆ ಜಾಳು ನಾಖುಕರ್ತಥಾತೆ ಸೀಮೋನ್ ಅಜ್ಜು ಇನೊ ನ್ಹಾನೊ ಬೈ ಅಂದ್ರೆಯನ ದೇಖ್ತೊ. ಅವ್ಣೆ ಮಾಲ್ಟು ಖ್ವಾವಾಳ ಹುಯಿರ್ತೊ.

17 ಯೇಸುನೆ ಇವ್ಣುನ, “ಮಾರ ಕೇಡೆ ಆವೊ, ಮೇ ತುಮೂನ ಮಾಲ್ಟು ಖ್ವಾವಾಳಾನಿತರ ಕಾಹೆ ಅದ್ವಿನ ಖ್ವಾವಾಳಾನಿತರ ಬಣವುಸ್. ಕರಿ ಬೋಲ್ತೊ.

18 ಅಮ್ ಬೋಲ್ತಾಸ್‌ನ ಇವ್ಣೆ ಇವ್ಣು ಜಾಳುಖ್ವಾರು ಮ್ಹಂದಿನ್ ಯೇಸುನ ಕೇಡೆ ಗಯ.

‡ 1:11 1:11 ದೇವ್ ರ್ವಾನಿ ಅಜ್ಜು ರಾಜ್‌ಭಾರ್ ಚಲಾವಾನಿ ಝಗೊ

19 ಯೇಸು ಬಿಜು ಜರ ಖ್ವಾಮ್ಜೆ ಜೈನ್, ಜೆಬೆದಾಯನೊ ಥಿಯೊ ಯಾಕೋಬನಾಬಿ ಅಜು ಇನೊ ನ್ಹಾನೊ ಭೈ ಯೋಹಾನ್ನ ದೇಖ್ಯೊ ಇವ್ಣೆ ಡೋಣ್‌ಮ ಜಾಳಾನ ಬರೋಬರ್ ಕರುಕರ್ತಥ.

20 ದೇಕ್‌ತಾಸ್, ಇವ್ಣುನಾಬಿ ಬುಲಾಯೊ; ಬುಲಾವ್‌ತಾಸ್‌ನ ಇವ್ಣೆ ಇವ್ಣೊ ಬಾ ಜೆಬೆದಾಯನ ಕೂಲಿಆಳ್‌ನ ಜೋಡೆ ಡೋಣ್‌ಮ ಮ್ಹಂದಿನ್ ಯೇಸುನ ಕೇಡೆ ಗಯ.

ಭೂತ್ ಧರೀರಾಖ್ಯುಧೂತೆ ಏಕ್ ಅದ್ಮಿನಿ ಬಾರೇಮ

(ಲೂಕ 4:31-37)

21 ಬಾದ್‌ಮ ಯೇಸುಬಿ ಇನು ಶಿಷ್ಯರ್ ಕಪೆರ್ನೊಮ್ ಕರಿ ಗಾಮ್‌ನ ಗಯ, ಹಿಜ್ವಾ ಸಬ್ಬತ್ ದನ್ನೆನ್ ಯೇಸು ಸಬೆ ಭರಾವಾನು ಮಂದಿರ್‌ಮ* ಜೈನ್ ವಚನ್ ಬೋಲಿದೆವಾನಿಕ್‌ಳ್ಯೊ.

22 ಅದ್ಮಿಖಾರ್ಡು ಯೇಸುನಿ ಭೋದನ್ನ ಖ್ವಮ್‌ಜಿನ್, ಘಣು ಆಶ್ಚರ್ಯವಾದು. ಶನಕತೊ ಯೋ ಮೋಶಿನಿ ವಚನ್ ಶಿಕಾಡವಾಳ ಶಾಸ್ತ್ರಿಯೇನಿ[†]ಘೋಣಿ ಕಾಹೆತೆ, ಅದಿಕಾರ್ ರ್ಹವಾಳಾನಿತರ ವಾಕ್ಯ ಬೋಲ್ತೊಧೊ.

23 ತದೆ ಯೋ ಸಬೆ ಭರಾವಾನು ಮಂದಿರ್‌ಮ ಭೂತ್ ಧರೀರಾಖ್ಯುಧೂತೆ ಏಕ್ ಅದ್ಮಿ ಆಯು.

24 ಯೋ ಚಿಕ್ರಿನ್, “ನಜರೇತ್‌ನೊ ಯೇಸು, ಹಮಾರೇಥಿ ತುನ ಶಾತ್ ಲ್ಹಾ? ಹಮೂನ ಬರ್ಬಾತ್ ಕರಾನ ಆಯೊಕಿ ಶು? ತು ಕೋಣ್ ಕರಿ ಮನ ಮಾಲುಮ್; ತೂ ದೇವ್‌ನೊ ಪವಿತ್ರ್ ಥಿಯೊ ಹುಯಿರ್ರೋಸ್” ಕರಿ ಬೋಲ್ಯೊ.

25 ಯೇಸುನೆ ಯೋ ಭೂತ್‌ನ ಗುರ್‌ಕ್ಳೆನ್, “ಖೊಪ್‌ರ್ದ್ವಿ ಅನ ಮ್ಹಂದಿನ್ ಭಾರ್‌ನಿಕಳ್” ಕರಿ ಬೋಲ್ಯೊ.

§ 1:21 1:21 ವಾರಾನೊ ಖ್ವಾತ್‌ನೊ ದನ್ನ ಸಬ್ಬತ್‌ನೊ ರೋಜ್ ಕರಿ ಬೋಲಾಸ್. ಆ ದನ್ ಯೆಹೂದ್ಯರ್ ಲೋಗ್‌ನು ಆರಾದನೆ ಕರಾನೊ ದನ್ ಅಜು ಆರಾಮ್ ಕರಾನೊ ದನ್ ಹುಯಿರ್ರೋಸ್. *

1:21 1:21 ಯೆಹೂದ್ಯರ್ ಲೋಗ್‌ನು ಆರಾದನೆ ಕರಾನು ನ್ಹಾನು ಮಂದಿರ್ † 1:22 1:22 ಅವ್ಣೆ ಯೆಹೂದ್ಯರ್ ಲೋಗ್‌ಮ ಮೋಶಿನಿ ವಚನ್ನ ಅಭಿನಿತರ ಶಿಕಿಹುಯು ಅಜು ಬಿಜಾನ ಶಿಕಾಡವಾಳು.

26 ತದೆ ಯೋ ಭೂತ್‌ನೆ ಯೋ ಅದ್ವಿನ ಧಡಾಶಮರೈನ್, ಜೋರೇಮ್ಮಿ ಚಿಕ್ರಿನ್ ಭಾರ್ ನಿಕ್ಕಿಗಯು.

27 ಅನ ದೇಖಿನ್ ಅದ್ವಿಖ್ವಾರು ಆಶ್ಚರ್ಯಖೈನ್, “ಆ ಶಾತ್ ನವಿ ತರ್ರಾಧಿ ಬೋಲಿ ದೇಯಿತೆ? ಯೇಸು ಅದಿಕಾರ್‌ಧಿ ಭೂತ್‌ಅಖ್ವಾನಬಿ ಹುಕುಮ್ ದೇಸಾನಿ, ಭೂತ್ ಖ್ವಾರುಬಿ ಇನಿ ವಾತ್ ಖ್ವಮ್‌ಜಾಸಾನಿ!” ಕರಿ ಏಕ್‌ಧಿ ಏಕ್ ಬೋಲಿಲಿದು.

28 ಜಲ್ದೀಸ್‌ಮ ಯೇಸುನಿ ಬಾರೇಮನಿ ಖಬರ್ ಗಲಿಲಾಯ ತಬರ್‌ಖಾನು ಖ್ವಾರಿ ಬಾಜುಮ ಪೈಲಿಗಯು.

ಯೇಸುನೆ ಘಣ ಅದ್ವಿನ ಅಟ್ಟು ಕರೈತ್ತೆ

(ಮತ್ತಾಯ 8:14-17; ಲೂಕ 4:38-41)

29 ಬಾದ್‌ಮ ಇವ್ವೈ ಸಬಾಮಂದಿರ್‌ಥ ನಿಕ್ಕಿನ್ ಯಾಕೋಬಬಿ ಯೋಹಾನ್ನ ಜೋಡೆ ಸೀಮೋನ್‌ಬಿ ಅಂದ್ರೆಯನ ಘರ್‌ಕನ ಗಯ.

30 ಹಿಜ್ಜಾ ಸೀಮೋನನಿ ಖ್ವಾಮ್ಮಿ ತಾವ್ ಏನ್ ಮ್ಹುತೀಧಿ, ಒಗ್ಗಿಸ್‌ಮ ಇವ್ವೈ ಇನಿ ಬಾರೇಮ ಯೇಸುನ ಬೋಲ್ಯು.

31 ಯೇಸು ಸೀಮೋನನಿ ಖ್ವಾಮ್ಮಿನ ಖನ್ನೆ ಜೈನ್, ಇನೊ ಹಾತ್ ಧರೀನ್ ಉರಾಡ್‌ತಾಖ್ವತರ್, ಇನೊ ತಾವ್ ಉತ್ತಿಗಯೊ. ತದೆ ಯೋ ಉರೀನ್ ಇವ್ವಿ ಸೇವಾ-ಚಾಕ್ರಿ ಕರಿ.

32 ದನ್ ಡುಬಾನ ಬಾದ್‌ಮ ಖ್ವಾಂಜ್‌ನು, ಅದ್ವಿಖ್ವಾರು ರೋಗ್‌ಮ ರ್ವಾಳ ಖ್ವಾರಾನ ಅಜು ಭೂತ್ ಧರಿರಾಖವಾಳ ಖ್ವಾರಾನ ಯೇಸುಕನ ಲೀನ್ ಆಯು.

33 ಗಾಮ್ ಅಮ್ಮಿಸ್ ಯೋ ಘರ್‌ನ ಬಾಕಲ್‌ನ ಖ್ವಾಮ್ವೆ ಭರೈರ್ರೊಡ್ರು.

34 ತದೆ ಯೇಸು ಖ್ವಾರಿ ತರ್ರಾನು ರೋಗ್‌ವಾಳ ಘಣ ಅದ್ವಿನ ಅಟ್ಟು ಕರೈತ್ತೆ, ಅಜು ಘಣು ಭೂತ್ ಖ್ವಾರು ಕಾಡ್ಲೊ, ಯೋ ಭೂತ್ ಖ್ವಾರಾನ ಯೇಸು ಕೋಣ್‌ಕರಿ ಮಾಲುಮ್ ಥು, ಇನಾಖ್ವಾಜೆ ಯೋ ಭೂತ್ ಖ್ವಾರಾನ ವಾತ್ ಬೋಲಾದಿದೊಕೊಯ್ನಿ.

ಗಲಿಲಾಯಮ ಯೇಸುನಿ ಉಪದೇಶ್
(ಲೂಕ 4:42-44)

35 ಇನ ವ್ಹಾಣೇಸ್ ವೇಳಿ ದನ್ ನಿಕ್ಕಾನ ಅಗಾಡಿ, ಅಂಧಾರು ರ್ವಾವಾನಿಸ್ ವಖತ್‌ಮ, ಯೇಸು ಉರೀನ್ ಘರ್ ಮ್ಹೆಂದಿನ್ ಉಜ್ಜಾಡಿ ಝಗೋಪರ್ ಜೈನ್, ಪ್ರಾರ್ಥನೆ ಕರುಕರ್ತೊಥೊ.

36 ಬಾದ್‌ಮ ಸೀಮೋನ್‌ಬಿ ಇನ ಜೋಡ್ಡ ರ್ವಾಳು ಯೇಸುನ ಥೂಂಡ್‌ತುಹುಯಿನ್ ಹಿಜ್ಜಾ ಆಯು.

37 ಹಿಜ್ಜಾ ಯೇಸುನ ಮಳಿನ್, “ಅಖ್ಬುಜ್ಞಣು ತುನಾಸ್ ಥೂಂಡುಕರಾಸ್” ಕರಿ ಬೋಲ್ಯು.

38 ತದೆ ಯೇಸುನೆ ಇವ್ವುನ, “ಅಪ್ಪೆ ಖನ್ನೆ ಛಾತೆ ಬಿಜ್ಜಾಡ್ಡ ಗಾಮ್‌ನಾಬಿ ಜಯ್ತೆ. ಹಿಜ್ಜಾಬಿ ಮೇ ದೇವ್ನಿ ಅಲ್ಫಿ ಖಬರ್‌ನ ಬೋಲ್‌ನು; ಅನಾಸ್‌ಖ್ವಾಜೆ ಮೇ ಐರ್ಟ್ವೊಸ್ತೆ” ಕರಿ ಖ್ವಮ್‌ಜಾಡ್ಲೊ.

39 ಬಾದ್‌ಮ ಯೇಸು ಗಲಿಲಾಯ ತಬರ್‌ಖಾನು ಖ್ವಾರಿ ಬಾಜುಮ ಜೈನ್, ಸಬಿ ಭರಾವಾನು ಮಂದಿರ್‌ಮ ದೇವ್ನಿ ಅಲ್ಫಿ ಖಬರ್‌ನ ಬೋಲ್ತೊಹುಯಿನ್, ಭೂತ್‌ಖ್ವಾರು ಕಾಡುಕರ್ತೊಥೊ.

ಯೇಸುನೆ ಏಕ್ ಅದ್ವಿನ ಅಲ್ಫು ಕರೈತ್ಯೆ
(ಮತ್ತಾಯ 8:1-4; ಲೂಕ 5:12-16)

40 ಖೋಡ್ ಲಾಗಿಹುಯು ಏಕ್ ಜಣೊ ಯೇಸುಕನ ಐನ್, ಇನ ಖ್ವಾಪ್ಪೆ ಥುಕ್‌ಣ್ಣ ಟೇಕಿನ್, “ಮನ ಅಲ್ಫು ಕರಾನ ತಾರೇಥಿ ಹುವಾಸ್, ತುನ ಮನ್ ಉಶೇತೊ ಮನ ಶುದ್ಧಿ ಕರೆಜಾಯ್” ಕರಿ ಗಿಂಗೈಲಿದೊ.

41 ತದೆ ಯೇಸುನೆ ಇನಾಪರ್ ಘಣು ಗೋರ್‌ಖೈನ್, ಇನ ಹಾತೇಖ್ವು ಛೀಮಿನ್, “ಮನ ಮನ್ ಛಾ; ಶುದ್ಧಿ ಹೂ” ಕರಿ ಬೋಲ್ತೊ.

42 ಅಮ್ ಬೋಲ್ತಾಸ್‌ನ ಇನು ಖೋಡ್‌ಖ್ವಾರು ನಿಕ್ಕಿಜೈನ್, ಯೋ ಪಾಕ್ ಹುಯಿಗೊ.

‡ 1:40 1:40 ಯೆಹೂದ್ಯರ್ ಲೋಗ್‌ನು ಪದತ್ತಿಮ ಕೊಹೊಡ್ ಲಾಗವಾಳು ಖ್ವಾರು ಪಾಪ್ ಕರಯ್ತುಹುಯು ಗಲೀಜ್ ಅದ್ವಿಕರಿ ಬೋಲಿನ್ ದೂರ್ ರಾಕ್‌ತುಥು.

43-44 ತದೆ ಯೇಸುನೆ ಇನ ರೈತೈನ್, “ಹಂದೇಕ್, ಮೇ ತುನ ಅಟ್ಟು ಕರೈಯ್ಯ ಕರಿ ಕಿನಾಬಿ ನಕೊ ಬೋಲೀಶ್; ಕತೋಬಿ ತು ಯಾಜಕಕನ ಜೈನ್ ತಾರು ಆಂಗತನ್ ವತಾಳಿನ್ ಮೋಶೇನೆ ಶುದ್ದಿನಖ್ವಾಜೆ ಹುಕುಮ್ ದೀರಾಖ್ಯೋತೆಕ್ ಇಮ್, ಕಾಣ್ಗೆ ಖ್ವಾರು ಲೀಜೈನ್ ದೇ. ಯೋಅಖ್ವು ಅದ್ಮಿವೋನ ಸಾಕ್ಷಿ ಹುಯಿರ್ದವಾದೆ ಅಮ್ ಕರಿ ಬೋಲಿನ್ ಇನ ಒಗ್ಗಿನ್ ಮೋಕ್ಲಿದೊ.

45 ಕತೋಬಿ ಯೋ ಚಲ್ಯಾಜೈನ್, ಯೇಸುನೆ ಇನ ಅಟ್ಟು ಕರೈಯ್ಯ ಕರಿ ಬೋಲಿನ್ ಖ್ವಾರಿ ಬಾಜುಮ ಪೈಲೈನಾಖ್ವು. ಅನೇಥಿ ಯೇಸು ಬಿಜು ಖೆವ ಗಾಮಾಬಿ ಖ್ವಾರಾನ ದೆಖಾವಾನಿ ಘೋಣಿ ಜಾವಾನ ಕೋ ಹುಯುನಿ. ಇನಾಖ್ವಾಜೆ ಯೇಸು ಭಾರ್ ಉಜ್ಜಾಡಿ ಝಗೋಮ ಜೈನ್ ಥೊ, ತೋಬಿ ಚಾರ್ಡ್ಡಿಆಡಿಥು ಅದ್ಮಿಖ್ವಾರು ಇನಾಕನ ಅವಕರ್ತುಫ್ಥು.

2

ಯೇಸುನೆ ಲಕ್ವೊ ಮಾರಿರಾಖವಾಳ ಏಕ್ ಅದ್ಮಿನ ಅಟ್ಟು ಕರೈಯ್ಯತೆ

(ಮತ್ತಾಯ 9:1-8; ಲೂಕ 5:17-26)

1 ಥೋಡ ದನ್ನ ಬಾದಾಮ ಯೇಸು ಕಪೆರ್ನೊಮ್ ಗಾಮ್ ಪಾಲ್ಟೊ ಗಯೊ, ಅಜು ಯೋ ಘರಮ ಛಾ ಕರಿ ಖಬರ್ ಪೈಲಿಗಯು.

2 ಅನ ಖ್ವಮ್ಜಿನ್ ಘಣು ಅದ್ಮಿ ಐನ್ ಭರೈಜೈನ್, ಘರಾನ ಮಹಿ ಗೋಡೊ ಮ್ಹೆಲಾನಬಿ ಝಗೊ ಕೋ ಥೂನಿ, ಬಾಕಲ್ಕನಾಬಿ ಝಗೊ ಕೋ ಥೂನಿ. ಯೇಸು ಇವ್ವುನ ವಚನ್ ಬೋಲಿ ದೆವ್ಕರ್ತೋಥೊ.

3 ತದೆ ಚಾರ್ ಅದ್ಮಿನೆ, ಏಕ್ಜಣೊ ಲಕ್ವೊ ಮಾರ್ಚುಹುಯಾನ ಹಿಜ್ಜಾಪಳ್ಳಿನ್ ಆಯು.

4 ಹಿಜ್ಜಾ ಅದ್ಮಿನಿ ಭೀಡ್ ಭರೈರ್ದ್ಲೀತೆ ಇನಾಖ್ವಾಜೆ, ಮಹಿ ಯೇಸುಕನ ಇನಲೀನ್ ಆವಾನ ಕೋ ಹುಯುನಿ. ಇನಾಖ್ವಾಜೆ ಇವ್ಣೆ ಯೋ ಘರಾನ ಲ್ಲತ್ಪರ್ ಚಥೀನ್, ಯೇಸುನಿ ನೇರ್ ಉಪ್ಪರ್ ಲ್ಲತ್ನ ಥೋಡು

ಕಾಡಿನಾಖಿದೀನ್, ಮೋಟಿ ಖೀಂಡ್ ಬಣ್ಣಿನ್ ಇನಾಮಾಕರಿ ಯೋ ಲಕ್‌ವೊ ಮಾರಿರಾಖವಾಳನ ಖುಡೈರಾಖುಧೂತೆ ಬಿಲ್ಲಾವ್ಣಿ ಖ್ವಮೇದ್ ಇಮ್ಮಸ್ ಹೇಟ್ ಉತಾರ್ಲ್ಯ.

5 ಯೇಸುನೆ, ಇವ್ಣೆ ಎತ್ರೇ ಇನಾಪರ್ ವಿಶ್ವಾಸ್ ಕರ್ಲ್ಯತೆ ದೇಖಿನ್, ಯೋ ಲಕ್‌ವೊ ಮಾರಿರಾಖವಾಳನ, “ಛಿಯ್ಯಾ ತಾರು ಪಾಪ್‌ಖ್ವಾರು ಮಾಪ್ ಹುಯಿಗಯು” ಕರಿ ಬೋಲ್ಯೊ.

6 ಹಿಜ್ಜಾ ಮೋಶೇನು ವಚನ್ ಶಿಕಾಡವಾಳು ಶಾಸ್ತ್ರೀಮ ಥೋಡು ಜ್ಞಾನ ಬೆರೂಥು.

7 ಇವ್ಣೆ “ಆ ಅಮ್ ಶನ ಬೋಲಾಸ್ತೆ? ಆ ದೇವ್ ಚಿಂಫಾವ್ಣಿ ಕರಾನಿ ವಾತೆ, ದೇವ್ ಮ್ಹೇಲಿನ್ ಬಿಜು ಕಿನೇಥಿ ಪಾಪ್‌ಖ್ವಾರು ಮಾಪ್ ಕರಾನ ಹುವಾನು? ಕರಿ ಇವ್ಣ-ಇವ್ಣ ದಿಲ್ಮ ಸೋಚಾಲಗ್ಲು.

8 ಯೇಸುನೆ ತದ್‌ನು-ತದೇಸ್ ಇವ್ಣೆ ಮನ್‌ಮ ಇಮ್ ಸೋಚುಕರಾತೆ ಮಾಲುಮ್ ಕರಿಲೀನ್, “ತುಮೆ ತುಮಾರ ದಿಲ್ಮ ಶನ ಅಮ್ ಸೋಚುಕರಾಸ್ತೆ?

9 ಕೆಹು ಶುಲ್ಬ? ಆ ಲಕ್‌ವೊ ಮಾರಿರಾಖವಾಳನ, ‘ತಾರು ಪಾಪ್‌ಖ್ವಾರು ಮಾಪ್ ಹುಯಿಗಯು’ ಕರಿ ಬೋಲಾನುಕಿ, ನಾತೊ ‘ಉರೀನ್ ತಾರಿ ಬಿಲ್ಲಾವ್ಣಿ ಪಳ್ಳಿನ್ ಚಾಲ್’ ಕರಿ ಬೋಲಾನು?

10 ಕತೋಬಿ ಮೇ ತುಮೂನ ಅದ್ಮಿನೊ ಛಿಯ್ಯಾನ ಜಮೀನ್‌ಪರ್ ಪಾಪ್‌ಖ್ವಾರು ಮಾಪ್‌ಕರಾನ ಹಕ್ ಛಾ, ಕರಿ ವತಾಳುಸ್” ಅಮ್ ಬೋಲಿನ್ ಯೋ ಲಕ್‌ವೊ ಮಾರಿರಾಖವಾಳ ಭಣಿ ದೇಖಿನ್,

11 “ಉಟ್, ತಾರಿ ಬಿಲ್ಲಾವ್ಣಿ ಪಳ್ಳಿನ್, ಘರೆ ಜಾ! ಕರಿ ಮೇ ತುನ ಬೋಲುಸ್” ಕರಿ ಬೋಲ್ಯೊ.

12 ಅಮ್ ಬೋಲ್ತಾಸ್‌ನ ಇನೆ ಉರೀನ್, ಇನಿ ಬಿಲ್ಲಾವ್ಣಿ ಪಳ್ಳಿನ್, ಅಖ್ವಾನ ದೇಕ್ತಾಡೋಳೆ ಭಾದರ್ ಚಲೆಗಯೊ. ಅನ ದೇಖಿನ್ ಖ್ವಾರುಜ್ಞಾನ ಘಣ ಅಶ್ಚರ್ಯಹುಯಿನ್, “ಹಮೆ ಹಂಕೆತೋಡಿ ಕದೇಬಿ ಅಮ್ಮು ದೇಖೀಸ್‌ರಾಖ್ಯೊಯ್ತೆ” ಕರಿ ದೇವ್ ಸ್ತುತಿ ಕರ್ತುಹುಯಿನ್ ಬೋಲ್ಯೊ.

ಯೇಸುನೆ ಲೇವಿನ ಬುಲಾಯೋತೆ
(ಮತ್ತಾಯ 9:9-13; ಲೂಕ 5:27-32)

13 ಯೇಸು ಪಾಲ್ಟೊಫರಿನ್ ಗಲಿಲಾಯ ದರೞ್ಯವ್ವ ಕನಾರೆಕನ ಗಯೊ. ಅದ್ವಿನಿ ಝೂಂಡ್‌ಖ್ವಾರು ಇನಾಕನ ಆವಾದಿನ್, ಯೇಸು ಇವ್ವುನ ವಚನ್ ಬೋಲಿ ದೆವಾಲಗ್ನೊ.

14 ಯೇಸು ಹಿಜ್ಜಾಥೊ ಜಾತೊರ್ದವಾನಿ ವಖ್ವತ್‌ಮ, ಶುಂಕ ಮಾಂಗಾನಿ ಝೂಗೋಪರ್ ಬೆರೊಥೋತೆ ಅಲ್ಪಾಯನೊ ಥಿಯೊ ಲೇವಿನ ದೇಖಿನ್, “ಮಾರ ಪೀರೆ ಆವ್” ಕರಿ ಬುಲಾಯೊ. ಯೋ ಉರೀನ್ ಯೇಸುನ ಪೀರೆ ಗಯೊ.

15 ಅನ ಬಾದ್‌ಮ ಯೇಸು ಲೇವಿನ ಘರ್ಮ ಖಾಣನ ಬೆರೊಥೊ. ಇನ ಪೀರೆ-ಪೀರೆ ಆಯುಹುಯು ಘಣು ಜಣು ಶುಂಕ ಮಾಂಗವಾಳು ಅಜು ಪಾಪಿಖ್ವಾರು, ಯೇಸು ಅಜು ಇನ ಶಿಷ್ಯರ್‌ನ ಜೋಡೆ ಖಾಣನ ಬೆರೊಥು.

16 ಹಿಜ್ಜಾ ಪರಿಸಾಯರ್‌ನಿ* ಝೂಂಡ್‌ವಾಳು ಹುಯಿರ್ದೊಡೊತೆ, ಮೋಶಿನಿ ವಚನ್ ಶಿಕಾಡವಾಳು ಶಾಸ್ತ್ರಿಮ ಥೋಡು ಜಣು, ಯೇಸು ಶುಂಕ ಮಾಂಗವಾಳನ ಅಜು ಪಾಪಿ ಅದ್ವಿನ ಜೋಡೆ ಖಾಣು ಖಾತಾನ ದೇಖ್ಪು. ತದೆ ಇವ್ವೆಯೇಸುನ ಶಿಷ್ಯರ್‌ನ, “ಯೋ ಅಮ್ಮಅದ್ವಿನ ಜೋಡೆ ಶನ ಖಾಣು ಖಾಸ್ತೆ?” ಕರಿ ಬೋಲ್ಪು.

17 ಅನ ಖ್ವಮ್‌ಜಿನ ಯೇಸುನೆ, “ಅಟ್ಟುರ್ದವಾಳನ ವೈದ್ಯನಿ ಜರೂರತ್ ಕೊಯ್ಪಿ ರೋಗ್‌ಮ ರ್ದವಾಳನ ವೈದ್ಯನಿ ಜರೂರತ್ ಲ್ಹಾ. ಮೇ ಆಯೋತೆ ನೀತಿವಾಳನ ಬುಲಾವನ ಕಾಹೆ, ಪಾಪಿ ಖ್ವಾರಾನ ಬುಲಾವನ ಆಯೋತೆ” ಕರಿ ಬೋಲ್ಪೊ.

ಉಪವಾಸ್‌ನಿ ಬಾರೇಮ ಪುಲ್ಲಾಯೊತೆ
(ಮತ್ತಾಯ 9:14-17; ಲೂಕ 5:33-39)

18 ಬಾಪ್ತಿಸ್ಮ ದ್ಯವಾಳೊ ಯೋಹಾನನು ಶಿಷ್ಯರ್‌ಬಿ, ಫರಿಸಾಯರ್‌ನು ಶಿಷ್ಯರ್ ಉಪವಾಸ್ ಥು. ತದೆ ಥೋಡು ಅದ್ವಿ ಯೇಸುಕನ

* 2:16 2:16 ಫರಿಸಾಯರ್ ಕತೊ ಯೆಹೂದ್ಯರ್ ಲೋಗ್‌ನು ಏಕ್ ಝೂಂಡ್‌ನು ಅದ್ವಿ ಅವ್ವೆ ಹಮೇಸ್ ಬರೋಬರ್, ಹಮಾರೀಸ್ ಚಾಲ್ಪು ಕರಿ ಬೋಲಾವಾಳು

ಆಯಿನ್, “ಯೋಹಾನನು ಶಿಷ್ಯರಾಗಿ ಫರಿಸಾಯರನು ಶಿಷ್ಯರಾಗಿದ್ದು ಉಪವಾಸ್ ರಟ್ಟಿಸಾನಿ, ತಾರು ಶಿಷ್ಯರ ಶನ ಉಪವಾಸ್ ಕೋ ರಟ್ಟಿಯಿ?” ಕರಿ ಪುಠಾಯು.

19 ತದೆ ಯೇಸುನೆ ಇವ್ವುನ, “ವ್ಯಹಾನ ಆಯೂತೆ ಅದ್ಮಿ ಇವ್ವ ಜೋಡೆ ನೌಶೋ ರಟ್ಟವಾಪರ್ ಉಪವಾಸ್ ರಹೆಜಾಯ್ ಕಿಶು? ನೌಶೋ ವ್ಯಹಾನಫರಮ ಇವ್ವ ಜೋಡೆ ರಟ್ಟವಾಲಗು ಇವ್ವೆ ಉಪವಾಸ್ ಕೋ ರಟ್ಟಿಯಿ.

20 ಕತೋಬಿ, ನೌಶೋನ ಇವ್ವಕಂಥು ಲೀಜಾವಾನ ದನ್ ಆವಾಶೆ, ಯೋ ದನ್ಮಾಸ್ ಇವ್ವೆ ಉಪವಾಸ್ ರಟ್ಟಿಶೆ.

21 ಕೋಣೆಬಿ ಫಾಟೆಹಯು ಜೂನ ಲುಂಗ್ಡಾನ ಕೇಡೆ ನವು ಲುಂಗ್ಡಾನು ಥಿಗುಳು ಲಗಾಡಿನ್ ಶಿವಾಕೊಯ್ವಿ, ಇಮ್ ಶಿವಿತೋ ಯೋ ನವು ಲುಂಗ್ಡಾನು ಥಿಗುಳು ಖೇಚಾವಸ್ತೆ ಇನಖ್ವಾಜೆ, ಯೋ ಜೂನು ಲುಂಗ್ಡು ಬಿಜೂಬಿ ಜಾಖ್ವತ್ ಫಾಟೆಜಾಸ್.

22 ಇಮ್ವಸ್ ಕೋಣೆಬಿ ಜೂನಿ ಚಾಂಬ್ಡಾನಿ ತಿತ್ತಿಯೇಮ ನವು ದ್ರಾಕ್ಷಿನು ರಖ್ವಾ ಭರಿ ಮ್ಹೇಲಾಕೊಯ್ವಿ, ಇಮ್ ಭರಿ ಮ್ಹೇಲ್ಯಾತೋ, ಯೋ ನವು ದ್ರಾಕ್ಷಿನು ರಖ್ವಾಯೋ ಜೂನಿ ಚಾಂಬ್ಡಾನಿ ತಿತ್ತಿನ ಫೋಡಿನಾಖಸ್. ತದೆ ದ್ರಾಕ್ಷಿನು ರಖ್ವಾಬಿ ಚಾಂಬ್ಡಾನಿ ತಿತ್ತಿಯೇಬಿ ಭೇ ಖರಾಬ್ ಹುಯಿಜಾಸ್. ಇನಾಖ್ವಾಜೆ ನವು ದ್ರಾಕ್ಷಿನ ರಖ್ವಾ ನವ ಚಾಂಬ್ಡಾನಿ ತಿತ್ತಿಯೇಮ ಭರಿ ಮ್ಹೇಲಾಸ್” ಕರಿ ಬೋಲ್ಯೊ.

ಸಬ್ಬತ್‌ನಿ ಬಾರೇಮ ಪುಠಾಯುತೆ

(ಮತ್ತಾಯ 12:1-8; ಲೂಕ 6:1-5)

23 ಯೇಸು ಸಬ್ಬತ್‌ನ ರೋಜೆ, ಇನ ಶಿಷ್ಯರನ ಜೋಡೆ ಖೇತರ್‌ಮಾಕರಿ ವಳ್ಳೊಜಾತೋಥೊ, ತದೆ ಇನ ಶಿಷ್ಯರನೆ ಖಾವಾನಖ್ವಾಜೆ ಥೋಡು ಬುಟ್ಟಾ ತೋಡಿಲಿದ.

24 ಫರಿಸಾಯರ್‌ವಾಳು ಅನ ದೇಖಿನ್ ಯೇಸುನ, “ದೇಕ್, ಅವ್ವೆ ಸಬ್ಬತ್ ದನ್ಮನಿಯಮ್‌ಕೊಂತೆ ಕಾಮ್ ಶನ ಕರಾಸ್?” ಕರಿ ಬೋಲ್ಯೊ.

25 ಯೇಸುನೆ ಇವ್ವುನ, “ದಾವೀದ್‌ಬಿ ಇನ ಜೋಡ್ಡ ರ್ವಾಳು ಖಾಣು ಕೊಂತೆ ವಖ್ತಮ, ಜಾಖ್ತ ಭುಕ್ ಲಾಗಖ್ತರ್, ದಾವೀದ್‌ನೆ ಶಾತ್ ಕರ್ರೊಕರಿ ತುಮೆ ಕದೇಬಿ ಪಡ್ಯಾಕೊಯ್ತಿಕಿಶು?

26 ಇನೆ ಗಲ್‌ಥಯಾಜಕ್[†] ಅಬಿಯಾತರ್‌ನ ಹಗಾಮ್ ದೇವ್ ಮಂದಿರ್‌ಮ ಜೈನ್, ಯಾಜಕರಸ್ ಖಲಿಖಾವ್ವುಡುತೆ ಪಣ್ಣಿ ಕೋಣ್‌ಬಿ ನಾ ಖಾವ್ವುಕರಿ ತದ್ನಿ ಖಾನುಲ್‌ಮ, ದೇವ್ ಖ್ವಾಮೆ ಮ್ಹೇಲಾತೆ ರೋಟಾನ ಪೈನ್, ಇನ ಜೋಡ್ಡ ರ್ವಾಳನಾಬಿ ದಿದೋನಿ?” ಕರಿ ಬೋಲ್ಯೊ.

27 ಅಜ್ಜು ಯೇಸುನೆ ಇವ್ವುನ, “ಅದ್ನಿನ ಅಲ್ಫಾನಖ್ವಾಜೆ ದೇವ್ ಸಬ್ಬತ್ ದನ್ನ ಬಣಾಯೋತೆ ಪಣ್ಣಿ, ಸಬ್ಬತ್ ದನ್ನ ದಾಬುಕ್ ರ್ವಾವಾನಟೀಕೆ ಅದ್ನಿ ಖ್ವಾರಾನ ಕೋ ಬಣೈರಾಖ್ವೋನಿ.

28 ಅನಖ್ವಾಜೆಸ್ ಅದ್ನಿನೊ ಛಿಯ್ಲ್ಯೊ ಸಬ್ಬತ್ ದನ್ಮಾಬಿ ಪ್ರಭು ಹುಯಿರ್ರೋಸ್” ಕರಿ ಬೋಲ್ಯೊ.

3

ಯೇಸುನೆ ಹಾತ್ ಝೂಟೊ ಪಡ್ಯೊಹುಯೊ ಏಕ್ ಅದ್ನಿನ ಅಲ್ಫು ಕರ್ರೊತೆ

(ಮತ್ತಾಯ 12:9-14; ಲೂಕ 6:6-11)

1 ಬಿಜೀಕ್ ದನ್ನೆ ಯೇಸು ಸಬೆ ಭರಾವನು ಮಂದಿರ್‌ಮ ಗಯೊ. ಹಿಜ್ಜಾ ಹಾತ್ ಝೂಟೊ ಪಡಿಹುಯು ಏಕ್ ಅದ್ನಿಡು.

2 ಹಿಜ್ಜಾ ಥೋಡು ಅದ್ನಿ ಯೇಸುಪರ್ ಗಲ್ತಿ ಲಗಾಡನಖ್ವಾಜೆ, ಸಬ್ಬತ್ ದನ್ಮಯೋ ಹಾತ್ ಝೂಟೊ ಪಡಿಹುಯು ಅದ್ನಿನ ಅಲ್ಫು ಕರಾಸ್ಕಿ ಶುಕಿ, ಕರಿ ಜುಪೀನ್ ದೇಖುಕರ್ತುಡು.

3 ಯೇಸುನೆ ಯೋ ಹಾತ್ ಝೂಟೊ ಪಡ್ಯೊಹುಯೊ ಅದ್ನಿನ, “ಉರೀನ್ ಖ್ವಾರಾನ ಇಚ್‌ಮ ಐನ್ ಭೀರೆ” ಕರಿ ಬೋಲ್ಯೊ.

4 ತದೆ ಯೇಸುನೆ ಇವ್ವುನ, “ಸಬ್ಬತ್ ದನ್ಮ ಧರ್ಮಶಾಸ್ತ್ರನಿ ನಿಯಮ್‌ನು ಕಾಮ್‌ಕರಾನು ಖೆವು? ಅಲ್ಫುಕರಾನುಕಿ

[†] 2:26 2:26 ಬಿಜಾನಖ್ವಾಜೆ ದೇವ್ ಖ್ವಾಮ್ನೆ ಬಲಿ ಚಡಾವವಾಳೊ

ಖರಾಬ್‌ಕರಾನು? ಜಾನ್ ಬಚ್ಚಾಡಾನುಕಿ, ಕಾಡಾನು?” ಕರಿ ಬೋಲಾಖ್ವತರ್ ಇವ್ಣೆ ಖೊಪ್ಪ್ ಥು.

5 ತದೆ ಯೇಸು ಖೀಜ್‌ಥಿ ಚಾರ್ತ್ರಿ ಬಾಜು ದೇಖಿನ್, ಇವ್ಣೆ ದಿಲ್ ಬಂಡಾನಿ ಘೋಣಿ ಹುಯಿರ್ಟೊತೆ ಇನಾಖ್ವಾಜೆ ಇನ ಘಣು ದುಖ್ ಹುಯು. ತದೆ ಯೋ ಹಾತ್ ಝೂಟೊ ಪಡ್ಯೊಹುಯೊ ಅದ್ವಿನ, “ತಾರೊ ಹಾತ್ ಖ್ವಾಪ್ಣೆ ಕರ್” ಕರಿ ಬೋಲ್ಯೊ ಯೋ ಖ್ವಾಪ್ಣೆ ಹಾತ್ ಕಾಡ್ತಾ, ಇನೊ ಹಾತ್ ಅಲ್ಟೊ ಹುಯಿಗಯೊ.

6 ತದೆ ಫರಿಸಾಯರ್ ಖ್ವಾರು ಭಾರ್‌ಜೈನ್ ಒಗ್ಗಿಸ್‌ಮ ಹೆರೋದ ರಾಜು ಭಣಿವಾಳನ್* ಜೋಡೆ ಮಶ್ಲತ್ ಭಂದೈನ್, ಯೇಸುನ ಖೆವಿ ತರೀಕಾಥಿ ಮಾರ್ತ್ರಿ ಕರಿ ಸೋಚ್ಕು.

ಗಲಿಲಾಯ ದರ್ಯಾವಾಕನ ಅದ್ವಿನಿ ಝೂಂಡ್ ಭರಾಯತಿ

7 ಅನ ಬಾದ್‌ಮ ಯೇಸು ಇನ ಶಿಷ್ಯರ್‌ನ ಜೋಡೆ ದರ್ಯಾವಾಕನ ಗಯೊ. ಗಲಿಲಾಯ ತಬರ್‌ಖಾಥು ಅಜು ಯೂದಾಯ ತಬರ್‌ಖಾಥು ಘಣು ಅದ್ವಿ ಇನ ಪೀರೆ ಗಯು.

8 ಎತ್ರೇಸ್ ಕಾಹೆತೆ ಯೇಸು ಅಮ್ಮು-ಅಮ್ಮು ಕಾಮ್ ಕರಾಸ್ ಕರಿ ಖ್ವಾಮ್‌ಜಿನ್, ಯೂದಾಯ ತಬರ್‌ಖಾಥು, ಯೆರೂಸಲೇಮ್ ಖ್ವಯೇರ್‌ಭಣಿಥುಬಿ, ಇದುಮಾಯ ತಬರ್‌ಖಾಭಣಿಥು, ಯೊರ್ದನ್ ನದ್ವಿನ ಪಾರ್ಲಿ ಬಾಜುಥು, ತೂರ್ ಅಜು ಸೀದೋನ್ ಖ್ವಯೇರ್‌ಥು ಘಣು ಅದ್ವಿಯೇಸುಕನ ಆಯು.

9 ಅದ್ವಿನಿ ಝೂಂಡ್ ಜಾಖ್ವತ್ ಥೀತೆ ಇನಾಖ್ವಾಜೆ ಯೇಸುನೆ, ಅದ್ವಿಖ್ವಾರು ಇನಾಪರ್ ಪಡೀನ್ ಧಕೇಲ್‌ಶೆ ಕರಿ ಇನ ಶಿಷ್ಯರ್‌ನ, “ಮಾರಖ್ವಾಜೆ ಏಕ್ ಡೋಣ್ಣಾ ಖ್ವವಾರಿ ಮಿಲ್ಲಾಣೊ” ಕರಿ ಬೋಲ್ಯೊ.

10 ಶನಕತೊ ಯೇಸುನೆ ಘಣ ಅದ್ವಿನು ರೋಗ್ ಅಲ್ಫು ಕರ್ಟೊಥೋತೆ ದೇಖಿನ್, ರೋಗ್‌ಮ ರ್ವವಾಳು ಖ್ವಾರು ಇನ ಥೀಮ್‌ನು ಕರಿ ಧಕೇಲ-ಧಕೇಲಿ ಕರ್ತುಥು.

* **3:6 3:6** ಹೆರೋದ ಅಜು ಇನ ಕುಟುಂಬ್‌ವಾಳ ಭಣೀನು ಅದಿಕಾರ್ ಚಲಾವವಾಳು ಏಕ್ ಝೂಂಡ್

11 ಅಜ್ಜು ಭೂತ್ ಧರೀರಾಖ್ಯುಹುಯು ಅದ್ಮಿಖ್ಹಾರು ಯೇಸುನ ದೇಖಾತೋಡಿ ಇನ ಗೋಡಾಪರ್ ಪಡ್ತೂಡು; ಇವ್ವಮಾನು ಭೂತ್‌ಖ್ಹಾರು, “ತೂ ದೇವ್‌ನೊ ಛಿಯ್ಯೊ!” ಕರಿ ಚಿಕರ್ತುಡು”.

12 ಕತೋಬಿ ಯೇಸುನೆ ಯೋ ಕೋಣ್ ಕರಿ, ಅದ್ಮಿನ ಖ್ವಾಮೆ ನಾ ಬೋಲ್‌ನು ಕರಿ ಭೂತ್‌ನ ಖ್ಹಾರು ರ್ಪೀತಾಯೊ.

ಯೇಸು ಭಾರ ಜ್ಞಣ ಅಪೊಸ್ತಲರ್‌ನ ಚೂಣ್ಯೊತೆ
(ಮತ್ತಾಯ 10:1-4; ಲೂಕ 6:12-16)

13 ಬಾದ್‌ಮ ಯೇಸು ಏಕ್ ಪಹಡ್‌ಪರ್ ಚಡ್ಛೀನ್, ಇನ ಕೋಣ್-ಕೋಣ್ ಹೋಣುಕಿ ಇವ್ವುನ ಬುಲಾಯೊ. ತದೆ ಇವ್ವೆ ಇನಾಕನ ಆಯು.

14 ಇವ್ವಮಾಡು ಯೇಸು ಭಾರ ಜ್ಞಣಾನ ಚೂಣಿನ್ ಅಪೊಸ್ತಲರ್‌[†] ಕರಿ ನಾಮ್‌ದಿದೊ. ಯೋ ಭಾರ ಜ್ಞಣ ಇನ ಜೋಡೆ ರ್ವ್ವೆವ್ವಕರಿ ಅಜ್ಜು ದೇವ್ನಿ ಅಲ್ಟಿ ಖಬರ್‌ನ ತಮಾಮ್ ಅದ್ಮಿನ ಬೋಲಿದೆವಾನ ಖ್ವಾಜೆ ಮೋಕಲ್‌ನು ಕರಿ,

15 ಅಜ್ಜು ಭೂತ್‌ಖ್ಹಾರು ಕಾಡಾನ ಅದಿಕಾರ್‌ವಾಳ ಹುಯಿರ್ದ್ವೇಣು ಕರಿ ಇವ್ವುನ ಅಲಕ್ ಕಾಡಿಮ್ವೆಲ್ಯೊ.

16 ಯೋ ಭಾರಜ್ಞಣ ಕೋಣ್-ಕೋಣ್‌ಕತೊ, ಯೇಸುನೆ ಪೇತ್ರ ಕರಿ ನಾಮ್ ಮ್ವೆಲ್ಯೊತೆ ಸೀಮೋನ;

17 ಜೆಬೆದಾಯನ ಲಡ್ಕಾ ಹುಯಿರ್ದ್ವಾಡಾತೆ ಯಾಕೋಬಬಿ, ಇನೊ ನ್ಹಾನೊ ಭೈ ಯೋಹಾನ. ಯೇಸುನೆ ಅವ್ವುನ ಬೊವನರ್ಗಿಸ್ ಕರಿ ನಾಮ್ ದಿದೊ, ಅಮ್‌ಕತೊ “ವಿಜ್ಞಳಿನ ಚೆಲ್ಕು” ಕರಿ.

18 ಅಜ್ಜು ಅಂದ್ರೆಯ, ಫಿಲಿಪ್ಪ, ಬಾರ್ತೊಲೊಮಾಯ, ಮತ್ತಾಯ, ತೋಮ, ಅಲ್ಫಾಯನೊ ಛಿಯ್ಯೊ ಯಾಕೋಬ, ತದ್ದಾಯ, ದೇಖ್ವ್ಡ್ ಪ್ಯಾರ್ ಕರಾವಾಳೊ ಕರಿ ಬೋಲೈಲಿದೋತೆ ಸೀಮೋನ,

19 ಅಜ್ಜು ಯೇಸುನ ಧೋಕೇಡಿ ಧರಿದಿದೋತೆ ಇಸ್ಕರಿಯೋತ ಯೂದ, ಅವ್ವೇಸ್.

[†] 3:14 3:14 ಅಪೊಸ್ತಲರ್ ಕತೊ ಹಕ್ ದೀನ್ ಬೋಲಿ ಮೋಕ್ಲಿಹುಯು ಅದ್ಮಿ

ಯೇಸು ಅಜ್ಜು ಬೆಲೆಬೂಲ್

(ಮತ್ತಾಯ 12:22-32; ಲೂಕ 11:14-23; 12:10)

20 ಅನ್ ಬಾದ್‌ಮ ಯೇಸು ಘರೆ ಆವಾದಿನ್, ಪಾಠ್ಲು ಅದ್ವಿ ಭರೈಗಯು, ಅನೇಥಿ ಯೇಸುನಾಬಿ ಇನ್ ಶಿಷ್ಯರ್‌ನ ಖಾಣುಬಿ ಖಾವಾನ್ ವಖ್ಹತ್ ಕೋ ಥೀನಿ.

21 ಯೇಸುನ ಘರ್‌ವಾಳಾನೆ ಇನ್ ದಿವಾನು ಲಾಗಿರ್ದೊಸ್ ಕರಿ ಅದ್ವಿಖ್ಹಾರು ಬೋಲಾತೆ ಖ್ಹಮ್‌ಜಿನ್, ಇನ್ ಘರೆ ಬುಲೈಲಿನ್ ಆವಾನಟೀಕೆ ನಿಕ್‌ಳ್ಳು.

22 ಎತ್ರೇಸ್ ಕಾಹೆತೆ ಯೆರೂಸಲೇಮ್‌ಥು ಆಯುಹುಯು ಮೋಶೆನಿ ವಚನ್ ಶಿಕಾಡವಾಳು ಶಾಸ್ತಿಖ್ಹಾರು, “ಆ ಯೇಸುನ ಬೆಲೆಬೂಲ್ ಧರಿರಾಖ್ಯೋಸ್! ಯೋ ಭೂತ್‌ನೊ ಯಜಮಾನ್ನಿ ಮದತ್‌ಥೀಸ್ ಯೇಸು ಭೂತ್‌ನಖ್ಹಾರು ಕಾಡಸ್ತೆ” ಕರಿ ಬೋಲುಕರ್ತೂಥು.

23 ಯೇಸುನೆ ಇವ್ಣುನ ಖನ್ನೆ ಬುಲೈನ್, ಇವ್ಣುನ ಮತ್ಲಬ್‌ನಿ ವಾತೆಖ್ಹು ಬೋಲ್ಯೋಕಿ: ಶೈತಾನ್‌‡ ಶೈತಾನ್ನಸ್ ಕಿಮ್ ಕಾಡೆಶೆ?

24 ಏಕ್ ರಾಜ್‌ಭಾರ್‌ನು ಅದ್ವಿಭಾಗ್ ಪಡೆನ್, ಇವ್ಣ ಇವ್ಣಾಸ್‌ಮ ಲಡೈ ಪಡಾಲಗ್ಯತೊ, ಯೋ ರಾಜ್ಯ ಪಡಿಜಾಶೆ.

25 ಏಕ್ ಘರ್‌ಮ ಭಾಗ್ ಪಡೆನ್ ಏಕ್‌ಥಿ ಏಕ್ ಲಡೈ ಕರಾಲಗ್ಯತೊ ಯೋ ಘರ್ ಪುಟಿಜಾಸ್.

26 ಇಮ್ಹಸ್ ಶೈತಾನ್ ಉರೀನ್ ಇನು ಭೂತ್‌ಖ್ಹಾರನ ಯೋಸ್ ನಖ್ಹಾಡ್ಯೊತೊ ಯೋ ಭಾಗ್ ಹುಯಿನ್, ಇನು ರಾಜ್‌ಭಾರ್ ರೆಶೈಕೊಂತೆ ಖತಮ್ ಹುಯಿಜಾಶೆ.

27 ಎತ್ರೇಸ್ ಕಾಹೆತೆ ಕೋಣ್‌ತೋಬಿ ಏಕ್ ಜಣು ಅಗಾಡಿ ಏಕ್ ಶಕತ್‌ವಾಳ ಅದ್ವಿನ್ ಭಾಂದ್ಯುನಾತೊ, ಇನ್ ಘರ್‌ಮ ಜೈನ್, ಇನು ಶೂತ್ ಖ್ಹಾರು ಚೋರಿ ಕರಾನ್ ಕೋ ಹುವಾನಿ. ಕತೋಬಿ ಯೋ ಇನ್ ಭಾಂದಿನಾಖಿದೆವಾನ್ ಬಾದ್‌ಮ ಇನ್ ಘರ್‌ಮ ಲೂಟಿ ಕರೆಜಾಯ್.

‡ 3:23 3:23 ಶೈತಾನ್ ಕೋಣ್ ಕತೊ ಅಗಾಡಿ ಯೋ ಪರಲೋಕ್‌ಮ ದೇವ್ ದೂತರ್ ಹುಯಿರ್ದೊಡೊ. ದೇವ್ ವಿರೋದ್ ಕಾಮ್ ಕರ್ತಾನ ದೇವ್ ಇನ್ ಪರಲೋಕ್‌ಮಾಥು ಧಕೇಲಿದೊ. ಆಸ್ ಭೂತ್‌ಖ್ಹಾರಾನ್ ಮೋಟೊ ಹುಯಿರ್ದೊಡೊ.

28 ಯೇಸುನೆ “ತುಮೂನ ಮೇ ಖ್ವಾಚಾಮ ಬೋಲುಸ್ಕಿ, ಅದ್ಮಿಖ್ವಾರು ಕರಾತೆಅಖ್ವು ಪಾಪ್‌ನಾಬಿ ದೂಷಣೆನಾಬಿ ಕ್ಷಮಾಪಣ್ ಮಳ್‌ಶೆ.

29 ಕತೋಬಿ ಪವಿತ್ರಾತ್ಮನಿ ಚಿಂಫಾವ್ಣಿ ಕರಾವಾಳನ ಕದೇಬಿ ಮಾಪಿ ಕೋ ಮಳ್‌ಶೆನಿ. ಯೋ ಹಮೇಶಾಬಿ ಮಾಪ್‌ಕರಾನ ಕೋ ಹುವ್ವಾನಿತೆ ಪಾಪ್‌ಮ ಪಡಿಗಯೊ” ಕರಿ ಬೋಲ್ಯೊ.

30 ಇವ್ಣೆ ಇನ, “ಭೂತ್ ಧರಿರಾಖ್ಯುಸ್” ಕರಿ ಬೋಲುಕರ್ತೂಢೂತೆ ಇನಾಖ್ವಾಜೆ ಯೇಸುನೆ ಅಮ್ ಬೋಲ್ಯೊತೆ.

ಯೇಸುನಿ ಆಯ ಅಜ್ಜು ಇನ ಬೈಯೆ

(ಮತ್ತಾಯ 12:46-50; ಲೂಕ 8:19-21)

31 ತದೆ ಯೇಸುನಿ ಆಯಾಬಿ ಇನ ನ್ಹಾನ ಬೈಯೇ ಹಿಜ್ವಾ ಐನ್, ಭಾರ್ ಭೀರಿನ್ ಇನ ಬುಲಾಯು.

32 ತದೆ ಯೇಸುನ ಅಶ್‌ಪಿಶ್ ಭರ್ಚೆರ್ದೂತೆ ಅದ್ಮಿಖ್ವಾರು ಇನ, “ತಾರಿ ಆಯ, ಭೇನೆ ಅಜ್ಜು ತಾರ ಬೈಯೇ ತುನ ಡೂಂಡಿನ್ ಭಾರ್ ಭಿಯ್ಯುಸ್ ದೇಕ್” ಕರಿ ಬೋಲ್ಯು.

33 ತದೆ ಯೇಸುನೆ ಇವ್ಣುನ, “ಮಾರಿ ಆಯ ಕೋಣ್? ಮಾರ ಬೈಯೇ ಕೋಣ್?” ಕರಿ ಬೋಲೀನ್,

34 ಇನ ಅಶ್‌ಪಿಶ್ ಬೆರುಢೂತೆ ಅದ್ಮಿನ ದೇಖಿನ್, “ಹಂದೇಕ್! ಅವ್ಣೇಸ್ ಮನ ಆಯಾಬಿ, ಮಾರ ಬೈಯೇ!

35 ಕೋಣ್ ದೇವ್ ಮರ್ಜಿನಿ ಘೋಣಿ ಚಾಲಾಸ್ಕಿ ಯೋಸ್ ಮಾರೊ ಬೈ ಮಾರಿ ಭೇನ್, ಮಾರಿ ಆಯ ಹುಯಿರುಸ್” ಕರಿ ಬೋಲ್ಯೊ.

4

ಪಂಡಾ ಛಿಡ್ಕಾವಾಳನಿ ಬಾರೇಮ ಮತ್ಸಬ್‌ನಿ ಖೇಣಿ

(ಮತ್ತಾಯ 13:1-9; ಲೂಕ 8:4-8)

1 ಯೇಸು ಪಾಲ್ಟೊ ಗಲಿಲಾಯ ದರ್ಯಾವ್‌ನ ಕನಾರೆಕನ ವಚನ್ ಬೋಲಿ ದೆವ್‌ಕರ್ತೂಢೊ. ಘಣು ಅದ್ಮಿ ಇನಾಕನ ಐನ್ ಭರ್ಚೆರ್ದೂತೆ ಇನಾಖ್ವಾಜೆ ಯೇಸುನೆ ಪಾಣಿಮ ಭೀಥಿತಿ ಡೋಣ್‌ಪರ್

ಚಢೀನ್ ಬೇಶಿಗಯೊ. ಯೋ ಅದ್ಮಿಖ್ವಾರು ಭಾರ್ ಕನಾರೇಕನ ಭರೈರೊಡ್ಲು.

² ತದೆ ಯೇಸುನೆ ಇವ್ವುನ ಮತ್ವಬ್‌ನಿ ಖೇಣಿಯೇಥಿ ಘಣಿ ಬಾರೇಮ ಬೋಲಿದಿದೊ.

³ ಇನೆ ಬೋಲ್ಯೋಕಿ, “ಹೈಕಡ್ ಖ್ವಮ್‌ಜೊ! ಏಕ್ ಅದ್ಮಿಖೇತರ್ಮ ಪಂಡಾ ಛಿಡ್ಕಾನಖ್ವಾಜೆ ಗಯೊ.

⁴ ಯೋ ಪಂಡಾ ಛಿಡ್ಕಾನಿ ವಖ್ವತ್‌ಮ ಥೋಡ ಪಂಡಾ ವಾಟ್ನ ಶೇಡೆ ಪಡೀನ್ ಜಿನಾವರ್ ಖ್ವಾರು ಆಯಿನ್ ಇನ ಚರಿಲಿದು.

⁵ ಬಿಜು ಥೋಡ ಪಂಡಾ ಜಾಖ್ವತ್ ಮಾಟಿಕೊಂತೆ ಬಂಡಾನಿ ಜಮೀನ್‌ಪರ್ ಪಡ್ಕು, ಛಿವರ್ ಮಾಟಿ ಥೀತೆ ಇನಖ್ವಾಜೆ ಪಂಡಾ ಒಗ್ಗಿನ್‌ಮ ಫುಟಿ ಆಯು.

⁶ ಕತೋಬಿ ದನ್ ಚಢೀನ್ ತಡ್ಕೊ ಪಡಾನ ಬಾದ್‌ಮ, ಯೋ ಶೊಶಿಯೆ ಮುರೈಬ್ಬುಗಯು. ಅಜು ಮಹಿತೋಡಿ ಜಡೆ ಕೋ ಮ್ಹೇಲಿರಾಖ್ವುಥುಂತೆ ಇನಖ್ವಾಜೆ, ಯೋ ಶೊಶಿಯೆ ಒಗ್ಗಿನ್‌ಮ ಮ್ಹುಕ್ಟೆಗಯು.

⁷ ಅಜು ಥೋಡ ಪಂಡಾ ಕಾಟಾನ ಡಾಗ್‌ಮ ಪಡ್ಕು ಯೋ ಕಾಟಾನು ರ್ಪಿಕ್ರುಖ್ವಾರು ಮೋಟುಹುಯಿನ್, ಯೋ ಶೊಶಿಯೇಪರ್ ಮೂಚ್ಚೆಜೈನ್ ಫುಟಾನ ಕೋ ಮ್ಹೇಲ್ಯೊನಿ. ಅನಖ್ವಾಜೆ ಯೋ ಶೊಶಿಯೆ ಪಂಡಾ ಮ್ಹೇಲ್ಯು ಕೊಯ್ನಿ.

⁸ ಬಿಜು ಥೋಡ ಪಂಡಾ ಅಲ್ಫಿ ಜಮೀನ್‌ಪರ್ ಪಡ್ಕು ಯೋ ಪಂಡಾ ಫುಟೀನ್, ಮೋಟು ಹುಯು ಅಜು ಪಂಡಾ ಮ್ಹೇಲ್ಯು; ಇನಾಮಾನು ಥೋಡು ಡೋಡಿಖ್ವ ಪಂಡಾಲಗು, ಥೋಡು ತೀನಿಖ್ವ ಪಂಡಾಲಗು, ಅಜು ಥೋಡು ಖೋ ಪಂಡಾಲಗು ಮ್ಹೇಲ್ಯು”.

⁹ ಬಾದ್‌ಮ ಯೇಸುನೆ, “ಕಿನ-ಕಿನ ಖ್ವಮ್‌ಜಾನ ಕಾನ್ ಛಾಕಿ, ಇವ್ವೆ ಕಾನ್ ಜೋಡಿ ಖ್ವಮ್‌ಜೊ!” ಕರಿ ಬೋಲ್ಯೊ.

ಖೇಣಿನಿ ಉದ್ದೇಶ್

(ಮತ್ತಾಯ 13:10-17; ಲೂಕ 8:9-10)

10 ಬಾದಾಮ ಯೇಸು ಎಕ್ಲೊ ರ್ವಾಪಾನಿ ವಖ್ವತ್‌ಮ, ಇನು ಭಾರ ಶಿಷ್ಯರ್ ಅಜ್ಜು ಇನಜೋಡೆ ರ್ವಾಪಾಳು ಬಿಜ್ಜು ಖ್ವಾರು ಅದ್ವಿ ಇನಾಕನ ಐನ್, ಯೋ ಮತ್ಲಬ್‌ನಿ ಖೇಣಿಯೇನಿ ಬಾರೇಮ ಪುಲ್ಲಾಯು.

11 ತದೆ ಯೇಸುನೆ ಇವ್ವುನ ಫರೈನ್ ಬೋಲ್ಯೋಕಿ, “ದೇವ್ನಿ ರಾಜ್ಯನಿ ಲಪಿರ್ದೇತೆ ಖ್ವಾಚಿ ವಾತೆಖ್ವಾರಿ ತುಮೂನ ದೆವೈರ್ದೇಸ್. ಕತೋಬಿ ಬಿಜ್ಜು ಖ್ವಾರು ಭಾರ್‌ಲ್ಯು ಅದ್ವಿ ಯೋ ಖ್ವಾರಿ ವಾತೆನ ಮತ್ಲಬ್‌ನಿ ಖೇಣಿಯೇಫಿ ಖ್ವಿಮ್‌ಭಾಸ್.

12 ಶನಕತೊ,
‘ಇವ್ಣೆ ಡೋಳೆಖ್ವು ದೇಖ್ವುತೋಬಿ
ದೆಖಾವ್ಣು ನಾ;

ಕಾನ್‌ಫಿ ಖ್ವಿಮ್‌ಜುತೋಬಿ
ಪರಖ್‌ಣು ನಾ.

ಇಮ್ ಕಾಯಿತೋಬಿ ದೇಖಿ, ಪರ್ಖಿಲಿದುತೊ, ಇವ್ಣೆ ದೇವ್ ಭಣಿ
ಫರಿಜಾಶೆ,
ಅಜ್ಜು ದೇವ್ ಇವ್ವುನ ಮಾಪ್ ಕರಿನಾಕ್‌ಶೆ ಕರೀಸ್, ಯೋ ಖ್ವಾರಿ
ಖ್ವಾಚಿ ಲಪಡೈರ್ದೇಸ್’.*

ಯೇಸುನೆ ಪಂಡಾ ಛಿಡ್ಕಾವಾಳನಿ ಮತ್ಲಬ್‌ನಿ ಖೇಣಿನಿ ಬಾರೇಮ
ಬೋಲಿವತಾಳ್ವೋತೆ

(ಮತ್ತಾಯ 13:18-23; ಲೂಕ 8:11-15)

13 ಬಾದಾಮ ಯೇಸುನೆ ಇವ್ವುನ, “ಆ ಮತ್ಲಬ್‌ನಿ ಖೇಣಿ ತುಮೂನ
ಮಾಲುಮ್‌ಪಡ್ಯ ಕೊಯ್ನಿಕಿ ಶು? ಇಮ್‌ಕತೊ, ಮೇ ಬೋಲುಸ್ತೆ
ಬಿಜಿಖ್ವಾರಿ ಮತ್ಲಬ್‌ನಿ ಖೇಣಿಯೇನ ತುಮೆ ಕಿಮ್ ಮಾಲುಮ್ ಕರ್ಶು?

14 ಯೋ ಪಂಡಾ ಛಿಡ್ಕಾವಾಳೊ ಕತೊ ದೇವ್ನಿ ವಚನ್ನ
ಬೋಲಿದ್ಯವಾಳೊ ಕರಿ.

* 4:12 4:12 ಯೆಶಾಯ 6.9-10

15 ಥೋಡು ಅದ್ಮಿ ದೇವ್ನಿ ವಚನ್ನ ಖ್ವಮಜ್ಞತಾಸ್, ಶೈತಾನ್ ಐನ್ ಇವ್ವಮಾನಿ ವಚನ್ನ ಕಾಡಿನಾಖಿದೇಸ್. ಅವ್ಣೇಸ್ ಪಂಡಾ ಪಡ್ಯಾತೆ ವಾಟ್ನು ಶೇಡೆನಿ ಮಾಟಿ ಹುಯಿರ್ದ್ಲಾಸ್.

16-17 ಬಿಜು ಥೋಡು ಅದ್ಮಿ ದೇವ್ನಿ ವಚನ್ನ ಖ್ವಮಜ್ಞತಾಸ್, ಖ್ವಶಿಥಿ ಒಗ್ಗಿಸ್‌ಮ ಮಾನಿಜಾಸ್. ಕತೋಬಿ ಯೋ ವಚನ್ನ ಇವ್ವ ಮಹಿ ಜಡ್ ಮ್ಹೇಲಿನ್ ಫುಟಾದೇಯಿಕೊಯ್ನಿ. ಇವ್ಣೆ ಥೋಡಾಸ್ ದನ್ ದೇವ್ನಿ ವಚನ್ನ ನಂಬಾಸ್, ಬಾದ್‌ಮ ಯೋ ವಚನ್ನಖ್ವಾಜೆ ಬಿಜಾಥಿ ಖ್ವತಾಪ್ಪಿ ನಾತೊ ವದೇಖ್ವೊ ಆಯುತೊ, ಜಲ್ಲೀಸ್‌ಮ ಪಡಿಜಾಸ್. ಅವ್ಣೇಸ್ ಪಂಡಾ ಪಡ್ಯಾತೆ ಬಂಡಾಪರ್‌ನಿ ಮಾಟಿ ಹುಯಿರ್ದ್ಲಾಸ್.

18-19 ಬಿಜು ಥೋಡು ಅದ್ಮಿ ದೇವ್ನಿ ವಚನ್ನ ಖ್ವಮಜ್ಞತಾಸ್, ಜಗತ್ತಿ ಸೋಚ್‌ಮಾಬಿ, ಧನ್-ದೌಲತ್‌ಪರ್‌ನಿ ಲಾಲಚ್‌ಮಾಬಿ, ಅಜು ಬಿಜೆ ಖ್ವಾರಿ ತರ್‌ನ್ ಆಖ್ವ್ ಇವ್ವ ಮಹಿ ಭರೈನ್, ಇವ್ಣೆ ಖ್ವಮಜ್ಞತೆ ದೇವ್ನಿ ವಚನ್ನ ಉಪ್ಪರ್ ಮೂಚಿನ್ ದಾಬಿದೇಸ್. ಇನಾಖ್ವಾಜೆ ಇವ್ಣೆ ಫಲ್ ಕೋದೇಯ್ನಿ. ಅವ್ಣೇಸ್ ಯೋ ಕಾಟಾನಿ ಝಿಕ್ರಾವ್‌ಮ ಪಂಡಾ ಪಡ್ಯಾತೆ ಝುಗೊ ಹುಯಿರ್ದ್ಲಾಸ್.

20 ಬಿಜು ಥೋಡು ಅದ್ಮಿ ಪಂಡಾ ಪಡ್ಯಾತೆ ಅಲ್ಪಿ ಜಮೀನ್ ಹುಯಿರ್ದ್ಲಾಸ್. ಅವ್ಣೆ ವಚನ್ನ ಖ್ವಮಜಿನ್, ಇನ ಮಾನಿಲೇಸ್ ಅಜು ಡೋಡಿಖ್ವ್ ತೋಡಿ, ತೀನಿಖ್ವ್ ತೋಡಿ ಅಜು ಖ್ವೊ ತೋಡಿ ಜಾಖ್ವತ್-ಜಾಖ್ವತ್ ಪಂಡಾ ಮ್ಹೇಲಾಸ್” ಕರಿ ಬೋಲ್ಯೊ.

ದೀವೊ ಲಗಾಡಿನ್ ಉಪ್ಪರ್ ಮ್ಹೇಲಾನಿ ಬಾರೇಮ

(ಲೂಕ 8:16-18)

21 ಅತ್ರೇಸ್ ಕಾಹೆತೆ ಯೇಸುನೆ ಇವ್ವನ, “ಕೋಣ್‌ಬಿ ದೀವೊ ಲಗಾಡಿನ್ ಹಂಡಾಮಾಕಿ ನಾತೊ ಪಲಂಗ್‌ನ ಹೇಟ್‌ಕಿ ಲಪಾಡಿನ್ ಮ್ಹೇಲಾಸ್ಕಿ ಶು? ಇಮ್ ಕಾಹೆತೆ, ದೀವೊ ಮ್ಹೇಲಾನಿ ಖಂಬಾಪರ್ ಮ್ಹೇಲಾಕೊಯ್ನಿ ಶು?

22 ಲಪೈರ್ದ್ಲಾತೆ ಖ್ವಾರುಸ್ ಉಜಾಳಾಮ ಭಾರ್ ದೆಖಾವ್‌ಶೇಸ್ ದೆಖಾವ್‌ಶೆ, ಮೂಚ್ಚಿರ್ದ್ಲವಾನು ಖ್ವಾರು ನಿಕಳ್‌ಶೇಸ್ ನಿಕಳ್‌ಶೆ.

23 ಖ್ವಮ್‌ಜಾನ ಕಾನ್ ರ್ವವಾಳು ಖ್ವಾರು ಕಾನ್ ಜೋಡಿ ಖ್ವಮ್‌ಜೊ!” ಕರಿ ಬೋಲ್ಯೊ.

24 ಬಿಜು ಇವ್ವುನ ಯೇಸುನೆ, “ತುಮೆ ಖ್ವಮ್‌ಜಾತೆ ವಚನ್ನ ಮನ್ ಲಗಾಡಿನ್ ಖ್ವಮ್‌ಜೊ! ತುಮೆ ಅಲಕ್ಷಿಬಾರೇಮ ಕಿಮ್ ಮಾಪಿನ್ ದೇಸ್ಕಿ, ಇಮ್ಮಸ್ ದೇವ್‌ಬಿ ತುಮೂನ ಮಾಪ್‌ಶೆ, ಎತ್ರೇಸ್ ಕಾಹೆತೆ ಇನೇಥಿಬಿ ಜಾಖ್ತ್ ತೂಕ್‌ಶೆ.†

25 ಕಿನಾಕನ ಲಾಕಿ ತಿನ ಬಿಜೂಬಿ ದೇವಾವ್‌ಶೆ, ಕಿನಾಕನ ಕೊಯ್ಲಿಕಿ ಇವ್ವಕಂಥು ಲಾತೇಬಿ ಥೋಡು ಕಾಡಿಲಿಶೆ” ಕರಿ ಬೋಲ್ಯೊ.

ಪಂಡಾ ಫುಟಾನಿ ಬಾರೇಮ ಮತ್ಸಬ್‌ನಿ ಖೇಣಿ

26 ಯೇಸುನೆ ಬಿಜೂಬಿ ಇವ್ವುನ ಬೋಲ್ಯೊಹುಯಿನ್, “ದೇವ್ವಿರಾಜ್ಯ ಅಮ್ ಲಾ, ಕಿಮ್‌ಕತೊ; ಏಕ್ ಜಣೊ ಇನಿ ಜಮೀನ್‌ಮ ಪಂಡಾ ಲಿಡ್‌ಕ್ಯೊ.

27 ಅಜು ಯೋ ಅದ್ವಿ ರಾತ್‌ನು ಖ್ವಿವ್ವಾನು, ವ್ಹಾಣಾನು ಉರಿರ್ದವಾನು ಕರ್ತುರ್ದೇಸ್. ಅಮ್ ರ್ವವಾನಿ ವಖ್ತ್‌ಮ ಇನ ಮಾಲುಮಸ್ ಪಡಾಕೊಂತೆ ಪರಕ್ತ ಯೋ ಪಂಡಾ ಫುಟಿನ್ ಮೋಟಿ ಹುವಾಸ್.

28 ಜಮೀನ್ ಪಹಿಲೆ ಅನಾಜ್ ಉಬ್‌ಜಾವಸ್, ಕಿಮ್‌ಕತೊ ಪಹಿಲೆ ಡೀರಿಯೆ ದೆಖಾವಸ್, ಇನಾಕೇಡೆಥು ಬುಟ್ಟು ನಿಕ್ಕಾಸ್, ಬಾದ್‌ಮ ಬುಟ್ಟುಭರಿ ದಾಣ ಭರಾವಸ್.

29 ಅನಾಜ್ ಪಿಕ್‌ವಾನ ಬಾದ್‌ಮ, ಯೋ ಅದ್ವಿ ಖ್ವಿಗ್ಗೀನ ಹಗಾಮ್ ಐಗುಕರಿ, ಪಿಕಾವಾಳೊ ದರಾತಿಥಿ ಇನ ವ್ಹಾಡಲಗಾಸ್” ಕರಿ ಬೋಲ್ಯೊ.

ರಾಯಿನ ದಾಣಾನಿ ಬಾರೇಮಾನಿ ಮತ್ಸಬ್‌ನಿ ಖೇಣಿ

(ಮತ್ತಾಯ 13:31-32,34; ಲೂಕ 13:18-19)

† 4:24 4:24 ಮೇ ಬೋಲೂಸ್ತೆ ವಚನ್ನ ಬರೋಬರಾಥಿ ಮನ್ ಲಗಾಡಿನ್ ಖ್ವಮ್‌ಜೊ. ತುಮೆ ಕೆತ್ರೆ ತೂಕಿನ್ ತುಮಾರು ಮನ್ನ ದೇವ್ ವಚನ್ ಶಿಕಾನ ದೆವೋಸ್ಕಿ ಇನೇಥಿಬಿ ಜಾಖ್ತ್ ದೇವ್ ತೂಕಿನ್ ಇನಿ ವಾಕ್ಯಾನಿ ಗ್ಯಾನ್ ತುಮೂನ ದಿಶೆ.

30 ಬಿಜು ಯೇಸುನೆ ಬೋಲ್ಯೋಕಿ, “ದೇವ್‌ನು ರಾಜ್ಯ ಅಮ್ ಕರಿ ಅಪ್ಪೆ ಶನ ಜೋಡೆ ಏಕ್ ಕರಿಯೆ? ನಾತೊ ಅಪ್ಪೆ ಖಿವಿ ಮತ್ಲಬ್‌ನಿ ಖೇಣಿ ಬೋಲಿನ್ ದೇವ್ನಿ ರಾಜ್‌ನ ವತಾಳೆ.

31 ಯೋ ಅಮ್ ಹುಯಿರ್ರೊಸ್, ಏಕ್ ಅದ್ಮಿ ಜಗತ್‌ಮ ಖ್ವಾರೇಥಿ ನ್ಹಾನು ಪಂಡು ಹುಯಿರ್ರೊತ್ತೆ, ರಾಯಿನ್[‡] ದಾಣಾನ ಪಾಡಿನ್, ಜಮೀನ್‌ಮ ಗಾಡಸ್.

32 ಥೋಡ ದನ್ನ ಬಾದ್‌ಮ ಯೋ ಮೋಟು ಹುಯಿನ್, ಖ್ವಾರ ಭಾಜಿಪಾಲಾನ ಝಾಡೆಥೀಬಿ ಮೋಟು ಹುಯಿನ್, ಮೋಟಿ-ಮೋಟಿ ಡಾಳಿಯೆ ಮ್ಹೇಲಾಸ್. ತದೆ ಆಬ್‌ಮಾಥು ಉಡಂತು ಜಿನಾವರ್ ಖ್ವಾರು ಮ್ಹಾಳೊ ಭಾಂದಿನ್ ವಖ್ವಾಸ್” ಕರಿ ಬೋಲ್ಯೊ.

33 ಯೇಸುನೆ ಅಮ್ಮಿ ಖ್ವಾರಿ ಘಣಿ ಮತ್ಲಬ್‌ನಿ ಖೇಣಿಯೇಥಿ, ಅದ್ಮಿಖ್ವಾರು ಕೆತ್ರೆ ಮನ್ ಲಗಾಡಿನ್ ಖ್ವಮ್‌ಜಿನ್ ಪರ್ಖಾನ ಹುವ್ವಾಸ್‌ಕಿ, ಎತ್ತೀಸ್ ದೇವ್ನಿ ವಚನ್ ಬೋಲಿ ಖ್ವಮ್‌ಜಾಡ್ಲೊ.

34 ಯೋ ಶಾತ್ ಬೋಲ್ಯೊತೋಬಿ ಮತ್ಲಬ್‌ನಿ ಖೇಣಿಯೇಥೀಸ್ ಬೋಲ್ಯೊಥೊ. ಕತೋಬಿ ಇನ ಶಿಷ್ಯರ್‌ಕನ ಅಲಕ್ ರ್ಹವಾನಿ ವಖ್ವತ್‌ಮ, ಯೋ ಖ್ವಾರಿ ಮತ್ಲಬ್‌ನಿ ಖೇಣಿಯೇನ ಛೋಡಿನ್ ಖ್ವಮ್‌ಜಾಡ್‌ತೊಥೊ.

ಯೇಸುನಿ ವಾತ್‌ಪರ್ ತೋಫಾನ್ ಭೀರಿಗಯೊತೆ
(ಲೂಕ 8:22-25)

35 ಯೋ ದನ್ನ ಖ್ವಾರ್‌ಜ್ ಹುಯಿಜಾತಖ್ವತರ್ ಯೇಸುನೆ ಇನ ಶಿಷ್ಯರ್‌ನ, “ಚಾಲೊ, ದರ್ರ್ಯಾವ್‌ನ ಪಾರ್ಲಿ ಕನಾರಿ ಜಯ್ಲಿ” ಕರಿ ಬೋಲ್ಯೊ.

36 ತದೆ ಶಿಷ್ಯರ್‌ಖ್ವಾರು ಯೋ ಅದ್ಮಿನಿ ಭೀಡ್‌ಣ ಮ್ಹೆಂದಿನ್, ಯೇಸು ಬೆರೋಥೋತೆ ಯೋಸ್ ಡೋಣ್‌ಪರ್ ಚಡ್‌ಡಿನ್ ಇಮ್ಮಸ್ ಇನ ಬುಲೈಲಿನ್ ಗಯ. ಇವ್ಣ ಜೋಡ್ಲಿಬಿಜಿ ಖ್ವಾರಿ ಡೋಣ್‌ಬಿ ಥಿ.

‡ 4:31 4:31 ಇಸ್ರಾಯೇಲ್ ದೇಖ್‌ಜ್‌ಞಿ ಪಿಕಾವಾನು ರಾಯಿನ್ ಝಾಡು ತೀನ್ ಮೀಟರ್ ಲಾಂಬು ಮೋಟಿ ಝಾಡಾನಿಫೋಣಿ ರ್ಹವಾಸ್, ಇನ ಮಹಿ ಉಡಂತು ಜಿನಾವರ್ ಜಿನುಕು ವಖ್ವಿಜಾಯ್.

37 ಜ್ಞಾತಿವಸ್ತುತ್ವಮ ಏಕ್ದಮ್ ಮೋಟೊ ವಹಿರೊ ವಾಗಿನ್, ಮೋಟೊ ರೋಕಾಳ್ಕೊ ಉರೀನ್ ಯೋ ಡೋಣ್ಣಾ ಮಾರ್ ಪಡ್ತಾಖ್ವರ್, ಯೋ ಡೋಣ್ಣಮ ಪಾಣಿ ಭರಾವಲಗ್ಯುಧು.

38 ಯೇಸು ಡೋಣ್ಣಾ ಪಾಲ್ಟೊಲಿ ಬಾಜುಮ ಶಿರಾಣು ಟೀಕಿನ್ ಖ್ವಿತೋಥೊ. ತದೆ ಶಿಷ್ಯರ್ನೆ ಇನ ಉರಾಡಿನ್, “ಗುರು, ಹಮೆ ಮರ್ವಾನ ಆಯಾನಿ ತುನ ಭರಾಬಿ ಫಿಕರ್ಕೊಯ್ಕಿ ಶು? ಕರಿ ಬೋಲ್ಯ.

39 ತದೆ ಯೇಸುನೆ ಉರೀನ್ ಯೋ ವಹಿರಾನ, “ಖ್ವಿಪ್ ರ್ಲಿ” ಅಜ್ಜು ದರ್ಯ್ವ “ಶೊಪೊ ಹುಯಿಜಾ!” ಕರಿ ಹುಕುಮಾದಿದೊ. ಅಮ್ ಬೋಲ್ತಾಸ್ ವಹಿರೊ ಖ್ವಿಪೊ ಪಡಿಗಯು, ಅಜ್ಜು ಖ್ವಾರು ಖ್ವಿಪೊ ಪಡಿಗಯು.

40 ಬಾದ್‌ಮ ಯೇಸುನೆ ಇನ ಶಿಷ್ಯರ್ನ, “ತುಮೆ ಶನ ಡರೋಸ್ತೆ? ಅಜ್ಜುಬಿ ತುಮೂನ ವಿಶ್ವಾಸ್ ಕೊಯ್ಕಿ ಶು?” ಕರಿ ಬೋಲ್ಯೊ.

41 ಕತೋಬಿ ಇವ್ಲೆ ಘಣು ಡರಿಜೈನ್, “ಆ ಅದ್ಮಿ ಕೋಣ್ ಉಶೆ? ವಹಿರೋಬಿ, ದರ್ಯ್ವಾಬಿ ಜಿನು ಆ ಬೋಲಾತೆ ಇಮ್ ಖ್ವಿಮ್‌ಜಾಸ್‌ನಿ!” ಕರಿ ಏಕ್‌ಥಿ ಏಕ್ ಬೋಲಿಲಿದು.

5

ಯೇಸುನೆ ಭೂತ್‌ನಿ ದಂಡ್ ಧರಿರಾಖ್ಯುಧೂತೆ ಅದ್ಮಿನ ಗುಣ್‌ಕರ್ರೋತೆ

(ಮತ್ತಾಯ 8:28-34; ಲೂಕ 8:26-39)

1 ಬಾದ್‌ಮ ಯೇಸುಬಿ ಇನು ಶಿಷ್ಯರ್ ಗಲಿಲಾಯ ದರ್ಯ್ವಾನ್ ಪಾರ್ಲಿ ಬಾಜುಮ ಧೂತೆ, ಗೆರಸೇನವಾಳನ ತಬರ್‌ಖಾಮ ಗಯ.

2 ಯೇಸು ಡೋಣ್‌ಮಾಧು ಭಾರ್ ಉತ್‌ರ್ರೋತೆ ತದೇಸ್, ಭೂತ್ ಧರಿರಾಖ್ಯುಧೂತೆ ಏಕ್ ಜಣೊ ಮಖ್ವಾಣ್ಯನು ಘವಿಮಾಥೊ ನಿಕ್ಕಿನ್ ಇನ ಖ್ವಾಮೆ ಆಯು.

3-4 ಯೋ ಅದ್ಮಿ ಮಖ್ವಾಣ್ಯನಿ ಘವಿಯೇನಿ ಝಗೋಮಸ್ ರ್ಲೆತುಧು. ಘಣಿ ಹಲ್ಲ ಇನ ಬೇಡಿಥಿಬಿ, ಲೋಡಾನಿ ಖ್ವಿಂಕ್‌ಳಿಥಿಬಿ ಭಾಂದ್ಯತೋಬಿ ಯೋ ಖ್ವಿಂಕ್‌ಳಿನ ತೋಡಿನ್,

ಬೇಡಿನ ಕಾಡಿನಾಖದೇತೂಧು. ಬಿಜ್ಜು ಕೋಣ್‌ಬಿ ಇನ ಖ್ವೊಕ್‌ಳಿಧೀಬಿ ಭಾಂದಾನ ಕೋ ಹುಯುನಿ. ಯೋ ಭೂತ್ ಧರಿರಾಖವಾಳನ ದಾಬುಕ್ಕ್ ಲ್ಯಾವಾನ ಕಿನೊ ಹಾತ್‌ಬಿ ಕೋ ಹುಯುನಿ.

5 ಯೋ ಕದೇಬಿ ರಾತ್-ದನ್ ಮಖ್ವಾಣ್ಯನಿ ಘವಿಯೆಮಾಬಿ, ಪಹಾಡ್‌ಮಾಬಿ ಚಿಕ್ರಾಣ್ ಮ್ಹೇಲ್ತುಹುಯಿನ್, ಬಂಡಾಧಿ ಇನು ಯೋಸ್ ವಾಡಿಲೇತುಧು.

6 ಯೋ ದೂರ್‌ಥೊ ಯೇಸುನ ದೇಖಿನ್; ನಾಶಿ ಐನ್, ಇನ ಡುಕ್‌ಣ್ಣಟೇಕಿನ್,

7 ಊಚಿ ಆವಾಙ್‌ಮ ಚಿಕ್ರಿನ್, “ಪರಮಂಡಲ್‌ನೊ ದೇವ್ವ ಛಿಯ್ಯಾ ಯೇಸು, ಮಾರೇಧಿ ತುನ ಶಾತ್ ಛಾ? ದೇವ್ವ ಖ್ವಾಮ್‌ಬಿ, ಮನ ಖ್ವತಾವ್ ನಕೊ” ಕರಿ ಬೋಲ್ಯು.

8 ಶನಕತೊ, “ಏ ಭೂತ್, ಅನ ಮ್ಹೊದಿನ್ ಭಾರ್ ನಿಕಳ್” ಕರಿ ಯೇಸುನೆ ಅಗಾಡಿಸ್ ಬೋಲಿರಾಖೊಡೊ, ಇನಾಖ್ವಾಜಿ ಇನೆ ಇಮ್ ಬೋಲ್ಯುತೆ.

9 ಅಜ್ಜು ಯೇಸುನೆ ಇನ, “ತಾರು ನಾಮ್ ಶಾತ್?” ಕರಿ ಪುಲ್ಲಾವಖ್ವತರ್, “ಮಾರು ನಾಮ್ ಝೂಂಡ್, ಶನಕತೊ ಹಮೆ ಡಿಂಡ್‌ಪಾಳಸ್ ಛಿಯ್ಲೆ!” ಕರಿ ಬೋಲ್ಯು.

10 ಅಜ್ಜು, “ಹಮೂನ ಆ ತಬರ್‌ಖಾಮಾಧು ನಕೊ ನಖ್ವಾಡ್” ಕರಿ ಯೋ ಭೂತ್ ಧರೀರಾಖ್ಯೂಡೊತೆ ಅದ್ಮಿನೆ ಯೇಸುನ ಘಣು ಗಿಂಗೈಲಿದು.

11 ಹಿಙ್ವಾ ಖನ್ನೆಸ್ ಧೂತೆ ಪಹಾಡ್‌ಮ ಡೂಕರ್‌ನಿ ಮೋಟಿ ಝೂಂಡ್ ಚರೂಕರ್‌ತೂಧು.

12 ತದೆ ಯೋ ಭೂತ್‌ಖ್ವಾರು ಯೇಸುನ, “ಡೂಕರ್‌ನಿ ಝೂಂಡ್‌ನ ಮಹಿ ಪೇಖ್ವಾನ್ ಹಮೂನ ಬೋಲಿಮೋಕಲ್” ಕರಿ ಗಿಂಗೈಲಿದು.

13 ತದೆ ಯೇಸುನೆ ಇಮ್ಕಸ್ ಹುವಾದೆ, ಕರಿ ಹುಕುಮ್ ದೇತಾಖ್ವತರ್ ಯೋ ಭೂತ್ ಖ್ವಾರು ಯೋ ಅದ್ಮಿನ ಮ್ಹೊದಿನ್ ಭಾರ್ ನಿಕೈನ್, ಡೂಕರ್‌ನಿ ಝೂಂಡ್‌ಮ ಪೇಶಿಗಯು. ತದೆ ಯೋ ಡೂಕರ್‌ಖ್ವಾರು ನಾಶಿನ್, ಪಹಡ್‌ನಿ ಕಥಾರ್‌ಪರ್‌ಧು ದರಬ್‌ವಮ ಪಡೀನ್ ದಮ್ ಘೋಟೈನ್ ಮರಿಗಯು. ಕಮ್‌ಶಿಕಮ್ ಬೇ ಹಙ್ವಾರ್ ಡೂಕರ್ ಧೂ.

14 ಡೂಕರ್ ಚರಾವವಾಳು ಖ್ವಾರು ನಾಶಿಜೈನ್ ಯೋ ಖ್ವಯೇರ್‌ಮಾಬಿ, ಗಾಮ್‌ಬಿ ಇನಿ ಬಾರೇಮ ಬೋಲ್ತಖ್ವತರ್ ಇನ ದೇಖಾನಖ್ವಾಜೆ ಅದ್ವಿಖ್ವಾರು ಯೇಸು ಥೋತೆ ಹಿಜ್ವಾ ಆಯು.

15 ಯೇಸು ಹಿಜ್ವಾ ಆಯೊ ತದೆ ಯೋ ಭೂತ್‌ನಿ ಝೂಂಡ್ ಧರಿರಾಖ್ವುಥೂತೆ ಅದ್ವಿಲುಂಗ್ವಾವ್‌ನ ಪೇರ್ದಿಲಿನ್, ಅಭ್ವಿ ಖ್ವಯಾಲ್‌ಥಿ, ಬೆರುಥೂತೆ ದೇಖಿನ್, ಅದ್ವಿಖ್ವಾರು ಡರಿಗಯು.

16 ಚಾಲ್ಯುತೆ ಇನಿ ಬಾರೇಮ ದೇಖಿರಾಖ್ವುಥುತೆ ಇವ್ವೆ ಯೋ ಭೂತ್ ಧರಿರಾಖ್ವುಥೂತೆ ಇನ ಅಮ್-ಅಮ್ ಹುಯುತೇಬಿ, ಬಿಜು ಡೂಕರ್‌ನಿ ಬಾರೇಮಾಬಿ,

17 ಯೋ ಐರ್ದೂಥೂತೆ ಅದ್ವಿನ ಬೋಲಾಖ್ವತರ್ ಇವ್ವೆ ಇವ್ವೆ ತಬರ್‌ಖಾನ ಮ್ಹಂದಿನ್ ಜಾ ಕರಿ ಯೇಸುನ ಗಿಂಗೈಲಿದು.

18 ಯೇಸು ಡೋಣ್ ಚಡ್‌ಡಾನಿ ವಖ್ವತ್‌ಮ, ಯೋ ಭೂತ್‌ಖ್ವಾರು ನಿಕ್ಕಿಗಯೂತೆ ಅದ್ವಿ “ಮೇಬಿ ತಾರ ಕೇಡೆಸ್ ರ್ವಪುಸ್” ಕರಿ ಯೇಸುನ ಗಿಂಗೈಲಿದೊ.

19 ಕತೋಬಿ ಯೇಸುನೆ ಇನ ರ್ವವಾದಿದೊ ಕೊಯ್ವಿ. ಯೋ ಅದ್ವಿನ, “ತೂ ತಾರ ಘರೇಬಿ, ತಾರ ಅದ್ವಿಕನಾಬಿ ಜೈನ್, ಪ್ರಭುನೆ ತಾರಪರ್ ಗೋರ್‌ಕರೀನ್, ತುನ ಕೆತ್ರೆ ಮದತ್ ಕರೈಯ್ ಕರಿ ಯೋ ಖ್ವಾರಾನ ಇವ್ವುನ ಬೋಲ್” ಕರಿ ಬೋಲ್ಯೊ.

20 ಇಮ್ಮಸ್ ಯೋ ಅದ್ವಿ ಹಿಜ್ವಾಥು ನಿಕ್ಕಿನ್ ದೆಕಪೊಲಿ* ಕರಿ ತಬರ್‌ಖಾಮ ಜೈನ್, ಯೇಸುನೆ ಇನ ಕರೈಯ್‌ತೊ ಖ್ವಾರಿ ಮದತ್‌ನ ಬೋಲಾನ ಶುರುಕರ್ಯ್. ಅನ ಖ್ವಮ್‌ಜಾವಾಳು ಖ್ವಾರು ಆಶ್ವರ್ಯವಾದು.

ಯಾಯಿರನಿ ಛೋರಿ ಅಜ್ಜು ಯೇಸುನು ಲುಂಗ್ವ ಛೀಮೀತೆ ತಯೇಡಾನಿ ಬಾರೇಮ
(ಮತ್ತಾಯ 9:18-26; ಲೂಕ 8:40-56)

* 5:20 5:20 ದೆಕಪೊಲಿ ಕತೊ, ‘ದಖ್ವ್ ಗಾಮ್‌ನೊ ತಬರ್‌ಖೊ’ ಕರಿ

21 ಯೇಸು ಪಾಲ್ಟೊ ಫರೀನ್ ಡೋಣ್‌ಮ ದರ್ರಾವ್‌ಮ ಹೈಕಡ್‌ಳಿ ಬಾಙ್ಕುಮ ಆಯೊ. ಹಿಙ್ಜಾ ದರ್ರಾವ್‌ನ ಕನಾರೆ ಅದ್ವಿನಿ ಘಣಿ ಮೋಟಿ ಝೂಂಡ್ ಯೇಸುನ ಅಶ್‌ಪಿಶ್ ಐನ್ ಭರಾಯು.

22 ತದೆ ಸಬಾಮಂದಿರ್‌ನೊ ಅದಿಕಾರಿ ಏಕ್ ಭಣೊ ಹಿಙ್ಜಾ ಆಯೊ. ಇನು ನಾಮ್ ಯಾಯಿರ ಕರಿ. ಯೋ ಯೇಸುನ ದೇಖಿನ್, ಇನ ಗೋಡಾಪರ್ ಪಡೆನ್,

23 “ಮಾರಿ ಅಡ್ಡಾಣಿ ಫೋಕ್ರಿ ಮರ್‌ವಾನ ಆಯಿ; ಯೊ ಅಲ್ಟಿಹುಯಿನ್ ಬಙ್ಕಾನಖ್ವಾಜಿ ದಯಕರಿನ್ ತೂ ಐನ್ ಇನಾಪರ್ ಹಾತ್ ಮ್ಹೇಲ್, ಕರಿ ಯೇಸುನ ಘಣು ಗಿಂಗೈಲಿದೊ.

24 ತದೆ ಯೇಸು ಇನಜೋಡೆ ಗಯೊ, ಬಿಙ್ಕು ಅದ್ವಿನಿ ಭೀಡ್ ಇನ ಅಶ್‌ಪಿಶ್ ಭರೈನ್ ಧಕೇಲ್‌ತುಹುಯಿನ್ ಇನ ಪೀರೆ ಗಯು.

25 ಹಿಙ್ಜಾಭಾರ ವರಖ್ವಾಡ್ ಮುಟ್ಟುರೋಗ್‌ಧೀತೆ ಏಕ್ ತಯೇಡ ಥಿ.

26 ಯೋ ಕೈಯೆಕ್ಕಿ ವೈದ್ಯಕನ ದೆಖಾಡಿತೋಬಿ ಘಣು ಲತಾಡ ಪಡಿರ್ದೀಥಿ. ಥೂತೆ ಖ್ವಾರು ಇನೆ ಖರ್ಚಿ ಕರಿತೋಬಿ ರೋಗ್ ಜಾಖ್ವತ್ ಹುಯು ಪಣ್ಣಿ ಶಾಸ್ತ್ರಿ ಫಾಯಿದೊ ಕೋ ಹುಯುಥೂನಿ.

27-28 ಯೋ ತಯೇಡ ಯೇಸುನಿ ಬಾರೇಮ ಖ್ವಮ್‌ಜಿನ್, “ಮೇ ಯೇಸುನ ಲುಂಗ್ಡಾನ ಛೀಮೀತೊ ಬಶ್, ಮನ ಅಲ್ಟಿಹುಯಿಜಾಶೆ” ಕರಿ ಸೋಚಿನ್, ಝೂಂಡ್‌ಮ ಪೀರೇಥು ಐನ್ ಇನ ಲುಂಗ್ಡಾನ ಛೀಮಿ.

29 ಛೀಮ್‌ತಾಸ್ ಇನ ಲ್ಹೊಯಿ ಝುರಾನು ಭೀರಿಗಯು; ತದೆ ಇನೆ, ಇನ ಖ್ವತವ್‌ಕರ್ತುಡೂತೆ ರೋಗ್ ನಿಕ್ಕಿಜೈನ್ ಅಲ್ಟಿಹುಯಿಗಯು, ಕರಿ ಇನು ಯೋಸ್ ಮಾಲುಮ್ ಕರೀಲಿದಿ.

30 ತದಾನು ತದೇಸ್ ಯೇಸುನೆ ಇನಾಮಾಥು ಶಕತ್ ಗೈತೆ ಮಾಲುಮ್ ಕರಿಲೀನ್, ಝೂಂಡ್‌ಮ ಪೀರೆ ಫರೀನ್, “ಮಾರ ಲುಂಗ್ಡಾನ ಛೀಮ್ಕೂತೆ ಕೋಣ್?” ಕರಿ ಪುಲ್ಲಾಯೊ.

31 ತದೆ ಇನ ಶಿಷ್ಯರಾನೆ ಇನ, “ಅದ್ವಿನಿ ಝೂಂಡಸ್ ತಾರಾಪರ್ ಪಡುಕರಾಸ್ ತೋಬಿ, ‘ಮನ ಛೀಮ್ಕೂತೆ ಕೋಣ್ ಕರಿ ಪುಲ್ಲಾವಸ್ತೆ ಕಿಮ್?’ ಕರಿ ಬೋಲ್ಯು.

32 ಕತೋಬಿ ಯೇಸು ಇನ ಛೇಮ್ಯುತೆ ಕೋಣ್ ಕರಿ ಅಶ್‌ಪಿಶ್ ದೇಖೂಸ್ ಕರ್ತೊಥೊ.

33 ಯೋ ತಯೇಡ ಇನ ಹುಯೂತೆ ಮಾಲುಮ್ ಕರೀಲಿನ್, ಡರ್‌ಥಿ ಕಾಪ್ತಿಹುಯಿನ್ ಐನ್, ಯೇಸುನ ಗೋಡಾಪರ್ ಪಡೀನ್, ಖ್ವಾರಿಸ್ ಖ್ವಾಚಿನ ಬೋಲಿ.

34 ತದೆ ಯೇಸುನೆ ಇನ, “ಛೋರಿ, ತಾರಿ ವಿಶ್ವಾಸ್‌ಥೀಸ್ ತುನ ಅಟ್ಟು ಹುಯೂತೆ. ಸಮಾಧಾನ್‌ಥಿ ಜಾ, ತುನ ಬಿಜು ಪಾಲ್ತು ಯೋ ರೋಗ್ ಖ್ವತಾವ್‌ಶಿ ಕೊಯ್ತಿ” ಕರಿ ಬೋಲ್ಯೊ.

35 ಯೇಸು ಹಿಜ್ಜಾ ಬಿಜೂಬಿ ವಾತೆ ಬೋಲುಕರ್ತೊಥೋತೆ, ಎತ್ರಾಮ ಮಂದಿರ್‌ನು ಅದಿಕಾರಿ ಭಣಿವಾಳು ಹಿಜ್ಜಾ ಐನ್, “ತಾರಿ ಛೋರಿ ಮರಿಗ್ಲೆ, ಅಜು ಗುರುನ ಖ್ವತಾವ್ ನಕೊ?” ಕರಿ ಬೋಲ್ಯೊ.

36 ಇವ್ಣೆ ಬೋಲ್ಯುತೆ ವಾತೆನ ಯೇಸುನೆ ಮಜುರಸ್ ಕರೈಕೊಂತೆ ಮಂದಿರ್‌ನು ಅದಿಕಾರಿನ, “ಡರ್‌ನಕೊ, ಖಲಿ ವಿಶ್ವಾಸ್ ರ್ವಾವಾದೆ” ಕರಿ ಬೋಲ್ಯೊ.

37 ಬಿಜು ಯೇಸುನೆ ಪೇತ್ರ, ಯಾಕೋಬ್ ಅಜು ಯಾಕೋಬನೊ ನ್ಹಾನೊ ಭೈ ಯೋಹಾನ ಅವ್ಣುನ ಮ್ಹಂದಿನ್ ಕಿನಾಬಿ ಇನ ಕೇಡೆ ಆವಾದಿದೊ ಕೊಯ್ತಿ.

38 ಇವ್ಣೆ ಅದಿಕಾರಿನ ಘರೆ ಆಯತದೆ, ಹಿಜ್ಜಾ ಅದ್ವಿಖ್ವಾರು ಚಿಕ್ರಾಣ್ ಮ್ಹೇಲುಕರಾತೆ ಬಿಜು ಥೋಡು ಅದ್ವಿ ರೊವಣ್‌ಯೋವಣ್ ಕರುಕರಾತೆ ಯೇಸುನೆ ದೇಖ್ಲೊ.

39 ಯೇಸು ಮಹಿ ಜೈನ್, “ಶನ ತುಮೆ ಚಿಕ್ರಾಣ್ ಮ್ಹೇಲುಕರಾಸ್ತೆ, ರೋವ್‌ಕರಾಸ್ತೆ? ಛೋಕ್ರಿ ಮರಿಕೊಯ್ತಿ, ಮ್ಹುತೀಸ್!” ಕರಿ ಬೋಲ್ಯೊ.

40 ಇವ್ಣೆ ಯೇಸುನ ದೇಖಿನ್ ನಕ್ಲೆ ಕರೈ, ಇನಾಖ್ವಾಜಿ ಯೇಸುನೆ ಖ್ವಾರಾನ ಭಾರ್ ಮೋಕ್ಲೀನ್, ಯೋ ಛೋಕ್ರಿನ ಆಯ-ಬಾನ ಬಿಜು ಇನ ತೀನ್ ಜಣ ಶಿಷ್ಯರ್‌ನ ಬುಲೈಲಿನ್ ಛೋಕ್ರಿ ಥೀತೆ ಹಿಜ್ಜಾಗ್‌ಯೊ.

41 ಯೇಸುನೆ ಯೋ ಛೋಕ್ರಿನೊ ಹಾತ್ ಧರೀನ್, “ತಲಿಥಾಕೂಮ್” ಕರಿ ಬೋಲ್ಯೊ. ಇಮ್ ಕತೊ “ಅಡ್ವಾಣಿ ಛೋಕ್ರಿ, ಮೇ ತುನ

ಬೋಲುಕರುಸ್ ಉಪ್ಪರ್ ಉಟ್” ಕರಿ.

⁴² ತದ್‌ನು ತದೇಸ್ ಯೋ ಫೋಕ್ರಿ ಉರೀನ್ ಹೈಕಡ್ ಹೀಕಡ್ ಚಾಲಾಲಗಿ. ಯೋ ಭಾರ ವರಖ್ವಾನಿ ಹುಯಿರ್ದೀಥಿ. ಅಮ್ ಹುವಾನು ದೇಖಿನ್ ಇವ್ಣೆ ಘಣು ಆಶ್ಚರ್ಯಖಾದು.

⁴³ ಯೇಸುನೆ ಇವ್ಣುನ, ಆ ಕಿನಾಬಿ ನಾ ಮಾಲುಮ್ ಪಡ್ಚು ಕರಿ ಘಣು ರ್ಪೀತ್ಯೆನ್, “ಆ ಫೋಕ್ರಿನ ಖಾಣು ಖಡಾವೊ” ಕರಿ ಬೋಲ್ಯೊ.

6

ನಜರೇತ್‌ನು ಅದ್ಮಿ ಯೇಸುನ ಝಿಟ್ಕಾರ್ಯತೆ
(ಮತ್ತಾಯ 13:53-58; ಲೂಕ 4:16-30)

¹ ಯೇಸು ಹಿಜ್ಜಾಥೊ ನಿಕ್ಕಿನ್ ಇನ ಗಾಮೆ ಗಯೊ, ಇನ ಶಿಷ್ಯರಾಬಿ ಇನ ಪೀಲೆ ಗಯ.

² ಸಬ್ಬತ್ ದನ್ ಆವಾದಿನ್ ಯೇಸು ಸಬೆ ಭರಾವಾನು ಮಂದಿರಮ್ ಜೈನ್, ದೇವ್ನಿ ವಚನ್ ಬೋಲಿ ದೆವಾನಿಕ್‌ಚೊ. ಹಿಜ್ಜಾ ಘಣು ಅದ್ಮಿಥು; ಇವ್ಣೆ ಇನಿ ವಾತೆ ಖ್ವಮ್‌ಜಿನ್ ಘಣು ಆಶ್ಚರ್ಯಹುಯಿನ್, “ಆ ಖ್ವಾರಿ ವಾತೆ ಅನ ಕಿಜ್ಜಾಥಿ ಮಳಿ? ಅನ ಅಮ್ಮಿ ಗ್ಯಾನ್ ಕಿಜ್ಜಾಥಿ ಮಳಿ? ಅನ ಅದ್ಭುತ್‌ಖ್ವಾರು ಕರಾನ ಶಕತ್ ಕಿಜ್ಜಾಥಿ ಆಯಿ?”

³ ಆ ಅದ್ಮಿತೊ ಖೋಡ್‌ಶಾನು ಖ್ವಾಮನ್ ಕರಾವಾಳೊನಿ, ಆ ಮರಿಯನೊ ಥಿಯೊನಿ, ಯಾಕೋಬ್, ಯೋಸೆ, ಯೂದ ಅಜ್ಜು ಸೀಮೋನ್ನೊ ಮೋಟೊ ಬೈನಿ? ಅಜ್ಜು ಅನಿ ಭೇನೆಬಿ ಥಾಸ್ ರ್ಪೀತ್‌ನಿ?” ಕರಿ ಬೋಲಿನ್ ಯೇಸುನ ಝಿಟ್ಕಾರ್ಯ.

⁴ ತದೆ ಯೇಸುನೆ ಇವ್ಣುನ, “ಪ್ರವಾದಿಯೇನ ಬಿಜ್ಜಿ ಖ್ವಾರ ಗಾಮ್ ಮರ್ಯಾದಿ ದೇಸ್, ಕತೋಬಿ ಇನು ಶೊಂತ್ ಗಾಮ್ ಶೊಂತ್ ಅದ್ಮಿಮ್ ಅಜ್ಜು ಶೊಂತ್ ಘರಮ್ ಇನ ಮರ್ಯಾದಿ ಕೋ ದೇಯ್ನಿ” ಕರಿ ಬೋಲ್ಯೊ.

5 ಯೇಸುನೆ ಹಿಜ್ಜಾರೋಗ್‌ವಾಳ ಥೋಡ ಅದ್ಮಿಪರ್ ಹಾತ್ ಮ್ಹೇಲಿನ್ ಅಲ್ಪ ಕರಾನು ಕಾಹೆತೆ ಬಿಜು ಶನೂಬಿ ಅದ್ಭುತ್‌ಕಾಮ್ ಕರಾನ ಕೋ ಹುಯೂನಿ.

6 ಹಿಜ್ಜಾನ ಅದ್ಮಿಮ ವಿಶ್ವಾಸ್‌ಕೊಂತೆ ದೇಖಿನ್, ಯೇಸುನೆ ಘಣು ಆಶ್ಚರ್ಯಖಾದೊ.

ಯೇಸುನೆ ಭಾರ ಜಣ ಶಿಷ್ಯರ್‌ನ ಮೋಕ್‌ಲ್ಯೊತಿ

(ಮತ್ತಾಯ 10:5-15; ಲೂಕ 9:1-6)

ಬಾದ್‌ಮ ಯೇಸು ಆಶ್‌ಪೀಶ್‌ನ ಗಾಮೆ ಜೈನ್, ದೇವ್ನಿ ವಚನ್ ಬೋಲಿದೆವಾನಿಕ್‌ಲ್ಯೊ.

7 ಅಜು ಭಾರ ಜಣ ಶಿಷ್ಯರ್‌ನ ಏಕ್‌ದಮ್ ಬುಲೈನ್, ಇವ್ಣುನ ಭೂತ್‌ಖಾರ್ಡು ಕಾಡಾನ ಅದಿಕಾರ್ ದಿದೊ, ಬೆಬ್ಬೆ ಜಣ ಕರಿನ್ ಮೋಕ್‌ಲ್ಯೊ.

8 ಯೇಸುನೆ ಇವ್ಣುನ, “ಲರೊ ಮ್ಹಂದಿನ್ ಶಾತ್ಪಿ ನಕೊ ಲೀಜಾವೊ, ರೋಟೊ ರ್ವವೊ, ರೋಳಿ ರ್ವವೊ, ಚಂಚಿಮ ಪೈಶಾ ರ್ವವೊ ನಕೊ ಲೀಜಾವೊ.

9 ಚಪ್ಲೆ ಫಾಲಿಲೆವೊ, ಅಜು ಪೇರ್ದಿರಾಖ್ತೆ ಕುಡ್‌ತೂಸ್ ಬಶ್, ಬಿಜೇಕ್ ಕುಡ್‌ತು ನಕೊ ಲೀಜಾವೊ” ಕರಿ ಹುಕುಮ್ ದಿದೊ.

10 ಎತ್ರೇಸ್ ಕಾಹೆತೆ ಯೇಸುನೆ ಇವ್ಣುನ, “ತುಮೂನ ಖೆವ ಘರ್‌ಮ ಬುಲೈಲೆಸ್ಕಿ, ಯೋ ಝಗೊ ಮ್ಹೇಲಿನ್ ಜಾವಾಲಗೂಬಿ ಯೋಸ್ ಘರ್‌ಮ ರ್ವವಾಕರೊ.

11 ಅಜು ಕೆವ್ಣಾಬಿ ಝಗೊವಾಳು ತುಮೂನ ನಾ ಬುಲೈಲಿದುತೊ ಅಜು ತುಮಾರಿ ವಾತೆನ ನಾ ಖ್ವಮ್‌ಜುತೊ, ಯೋ ಝಗೋಡು ನಿಕ್ಕಿ ಜಾವೊ ಅಜು ತುಮಾರ ಗೋಡಾನ ಲಾಗ್ತೆ ಧೂಳ್‌ನ ಝಟ್‌ಕಿ ದೆವೊ*. ಆ ಇವ್ಣುನ ಯೇತಾವನು ಸಾಕ್ಷಿ ಹುಯಿರ್ದಿಶೆ!” ಕರಿ ಬೋಲ್ಯೊ.

* 6:11 6:11 ಯೋ ಝಗೊನ ಅದ್ಮಿನ್ ದೇವ್ನಿ ಧಕೇಲಿದಿದೊ ಕರಿ ಆ ಏಕ್ ಖ್ವಣೇದ್

12 ಬಾದಾಮ ಇವ್ವೆ ಹಿಜ್ಜಾಥು ಜೈನ್, ಅದ್ಮಿಖ್ವಾರನ, “ಪಾಪ್ ಕರಾನು ಮ್ವೇಲಿನ್ ದೇವ್ ಭಣಿ ಫರೊ” ಕರಿ ದೇವ್ನಿ ವಾತೆನ ಬೋಲಿವತಾಳ್ಕು.

13 ಇವ್ವೆ ಘಣು ಭೂತ್‌ಖ್ವಾರು ಕಾಡ್ತು ಅಜ್ಜು ರೋಗ್‌ವಾಳ ಘಣ ಅದ್ಮಿನ ತೇಲ್ ಲಗಾಡಿನ್ ಅಟ್ಟುಕರ್ಯ್.

ಬ್ಯಾಪ್ತಿಸ್ಮದ್ಯವಾಳೊ ಯೋಹಾನ್ನಿ ಮರಣ್

(ಮತ್ತಾಯ 14:1-12; ಲೂಕ 9:7-9)

14 ಅಜ್ಜು ಹೆರೋದ ರಾಜಾನೆ ಯೇಸುನಿ ಬಾರೇಮ ಖ್ವಮ್‌ಜೊ, ಶನಕತೊ ಯೇಸುನು ನಾಮ್ ಖ್ವಾರಿ ಬಾಜುಮ ಪೈಲಿಗಯುಧು. ಥೋಡು ಅದ್ಮಿ ಯೇಸುನಿ ಬಾರೇಮ, “ಬ್ಯಾಪ್ತಿಸ್ಮದ್ಯವಾಳೊ ಯೋಹಾನಸ್ ಪಾಲ್ಟೊ ಜಿವ್ತೊಹುಯಿನ್ ಐರ್ರೋಸ್! ಇನಖ್ವಾಜೇಸ್ ಮೋಟು ಅದ್ಭುತ್ ಕರಾನು ಶಕತ್ ಯೇಸುಮ ಲ್ಹಾತೆ” ಕರಿ ಬೋಲ್ತುಧು.

15 ಥೋಡು ಜಱು, “ಯೋ ಎಲೀಯ” ಕರಿ, ಬಿಜು ಥೋಡು ಜಱು, “ಘಣ ವರಖ್ವನ್ ಪೀರೆ ಥೂತೆ ಪ್ರವಾದೀನಿ ಘೋಣಿ ಆಬಿ ಏಕ್ ಪ್ರವಾದಿ ಹುಯಿರ್ರೋಸ್” ಕರಿ ಬೋಲ್ತು.

16 ಕತೋಬಿ ಹೆರೋದನೆ ಆ ಖ್ವಾರಿ ವಾತೆನ ಖ್ವಮ್‌ಜಿನ್, “ಮೇ ಮುಡ್‌ಕ್ಯ ಕತ್ರಾಯೊತೆ ಯೋಹಾನಸ್ ಆ, ಪಾಲ್ಟೊ ಜಿವ್ತೊಹುಯಿನ್ ಐರ್ರೋಸ್!” ಕರಿ ಬೋಲ್ತೊ.

17 ಹೆರೋದನೆ, ಇನೆ ರಾಖಿರಾಖ್ಯೊಥೋತೆ ಹೆರೋದ್ಯನಖ್ವಾಜೆ ಯೋಹಾನ್ನ ಧರೈನ್, ಇನ ಜೇಲ್‌ಮ ಕೋಂಡಿ ಘಲೈರಾಖ್ಯೊಥೊ. ಯೋ ಹೆರೋದ್ಯ ಹೆರೋದನೊ ಭೈಫಿಲಿಪ್ಪನಿ ಬಾವಣ್.

18 ಬ್ಯಾಪ್ತಿಸ್ಮ ದ್ಯವಾಳೊ ಯೋಹಾನ ಹೆರೋದಾನ, “ತೂ ತಾರ ಭೈನಿ ಬಾಯ್ತೊನ ರಾಖಿರಾಖ್ಯೊತೆ ನಿಯಮ್‌ಕಾಹೆ!” ಕರಿ ಬೋಲ್ತೊರ್ರೋತೋಥೊ.

19 ಅನಖ್ವಾಜೆ ಹೆರೋದ್ಯಬಿ ಯೋಹಾನಪರ್ ದಾವೊ ರಾಖಿನ್, ಇನ ಮರೈನಾಕ್ಟು ಕರಿ ಕೆತ್ತು ಕರಿತೋಬಿ ಇನೊ ಹಾತ್ ಕೋ ಹುಯುನಿ.

20 ಹೆರೋದನ ಯೋಹಾನಕತೊ ಡರ್ ಥೊ ಶನಕತೊ, ಯೋಹಾನ ನೀತಿವಾಳೊಕರೀಬಿ ಅಜ್ಜು ಪವಿತ್ರ್ ಅದ್ಮಿಕರಿ ಇನ ಮಾಲುಮ್ ಥು,

ಇನಾಖ್ವಾಜಿ ಇನ ಜತನ್‌ಥಿ ರಾಖಿರಾಖ್ಯೋಥೊ. ಅಜು ಯೋಹಾನ ಬೋಲಾತೆ ವಾತ್ಸ ಖ್ವಮ್‌ಜೊತೊ, ಇನ ದಿಲ್ಮ ಕಲಾಫ್ವಿ ಹುಯುತೋಬಿ, ಇನಿ ವಾತೆನ ಖ್ವಶಿಥಿ ಖ್ವಮಜ್‌ತೋಥೊ.

21 ಹೆರೋದ್ಯನೆ ಸೋಚಿರಾಖಿಥೀತೆ ವಖ್ವತ್ ಆಯಿ. ಕಿಮ್‌ಕತೊ ಹೆರೋದನೊ ಪೈದಾ ಹುಯೋತೆ ದನ್ ಆಯೊ, ಯೋ ದನ್ಮ ಇನೆ ಖ್ವಾರ ಅದಿಕಾರ್‌ಮ ರ್ವವಾಳ ಶಾಣಾವ್ನ್ ಅಜು ಇನು ದಂಡ್-ದಳವಾಯಿನ ಚಲಾವವಾಳ ಮೋಟಾವ್ನ್ ಅಜು ಗಲಿಲಾಯ ತಬರ್‌ಖಾನು ಧನ್-ದಾಲತ್‌ವಾಳ ಗಲ್‌ಥಾವನ್ ಖ್ವಾಜಿ ಮಿರ್ಘುವಾನ್ ಪಿಕಾಯೊ.

22 ತದೆ ಹೆರೋದ್ಯನಿ ಫೋರಿ ಮಹಿ ಅಯಿನ್ ಖೇಲಿನ್, ಹೆರೋದನಾಬಿ ಇನ ಜೋಡ್ತ್ ಖಾಣನ ಬೆರುಥೂತೆ ಖ್ವಾರಾವನ್ ಖ್ವಶಿಕರಿ. ತದೆ ರಾಜಾನೆ ಯೋ ಫೋಕ್ರಿನ, “ತುನ ಶಾತ್ ಹೋಣು ಬೋಲ್? ತುನ ಶಾತ್ ಹೋಣುಕತೋಬಿ ದೆವುಸ್” ಕರಿ ಬೋಲ್ಯೊ.

23 ಇನೆ ಘಣಿ ಶಪತ್ ಲೀನ್, “ತೂ ಶಾತ್ ಬೋಲಿಲಿದಿತೋಬಿ ದೆವುಸ್ ಕರಿ ವಾತ್ ದೆವ್‌ಕರೂಸ್, ಮಾರ ರಾಜ್ಯಮಾಥು ಆಧು ರಾಜ್ಯನ ಮಾಂಗಿಲಿದಿತೋಬಿ ತುನ ದೆವುಸ್” ಕರಿ ಬೋಲ್ಯೊ.

24 ತದೆ ಯೋ ಫೋಕ್ರಿ ಭಾರ್ ಇನಿ ಆಯಕನ ಜೈನ್, “ಮೇ ಶಾತ್ ಮಾಂಗಿಲೆವ್?” ಕರಿ ಪುಟ್ಟೆ.

ತದೆ ಇನಿ ಆಯನೆ, “ಬ್ಯಾಪ್ತಿಸ್ಮದ್ಯವಾಳೊ ಯೋಹಾನನು ಮುಡ್‌ಕ್ಯು ಮಾಂಗಿಲೆ” ಕರಿ ಬೋಲಿ.

25 ಇನಿ ಆಯ ಇಮ್ ಬೋಲ್ವಾಸ್‌ನ, ಒಗ್ಗಿಸ್‌ಮ ಯೋ ರಾಜಕನ ಐನ್, “ಹಮ್ಮೆಸ್ ಬ್ಯಾಪ್ತಿಸ್ಮದ್ಯವಾಳೊ ಯೋಹಾನನು ಮುಡ್‌ಕ್ಯು ಪತ್ತರ್ಮ ಮನ ಮಂಗೈನ್ ದೆ! ಯೋಸ್ ಮಾರಿ ಬಿಂತಿ” ಕರಿ ಬೋಲಿ.

26 ಅನೇಥಿ ಹೆರೋದ ರಾಜಾನ ಘಣು ದುಖ್ ಹುಯು, ಕತೋಬಿ ಅಖ್ವಾನ ಖ್ವಾಮೆ ಇನೆ ವಾಗ್ವಾನ್ ದೀರಾಖ್ಯೋಥೋತೆ ಇನಾಖ್ವಾಜಿ, ಹೆರೋದ್ಯನಿ ಫೋರಿನೆ ಬೋಲಿತೆ ಇನ ಕಾಡಾನ ಕೋ ಹುಯುನಿ.

27 ಅನಾಖ್ವಾಜಿ ರಾಜಾನೆ ಒಗ್ಗಿಸ್‌ಮ ಕಾವ್ಕಿರಾವಾಳ ಶಿಪಾಯಿನ, ಜೀಲ್‌ನ ಜೈನ್ ಯೋಹಾನನು ಮುಡ್‌ಕ್ಯು ಕತ್ರಿಲೀನ್ ಆವಾನ

ಹುಕುಮ್ ದೀನ್ ಮೋಕ್‌ಲ್ಯೊ ತದೆ ಇನೆ ಯೋಹಾನ್ನ ಕೋಂಡಿ ಫಾಲಿರಾಖ್ಯುಧೂತೆ ಹಿಜ್ಜಾಜೈನ್, ಇನು ಮುಡ್‌ಕ್ಯು ಕತ್ರೀನ್,

28 ಇನ ಪತ್ತರಾಮ ಲೈನ್, ಯೋ ಛೋತ್ತಿನ ದಿದು. ಇನೆ ಯೋ ಮುಡ್‌ಕ್ಯಾನ ಇನಿ ಆಯನ ದಿದಿ.

29 ಯೋಹಾನನು ಶಿಷ್ಯರ್ ಅನಿ ಬಾರೇಮ ಖ್ವಮ್‌ಜಿನ್, ಹಿಜ್ಜಾಐನ್, ಯೋಹಾನನು ಮುರ್ದು ಪಳ್ಳಿಜೈನ್, ಮುಖ್ವಾಣ್ಣಿನಿ ಘವಿಮ ಫಾಲ್ಯು.

ಯೇಸುನೆ ಪಾಚ್ ಹಫಾರ್ ಅದ್ಮಿನ ಖಡಾಯೋತಿ

(ಮತ್ತಾಯ 14:13-21; ಲೂಕ 9:10-17; ಯೋಹಾನ 6:1-14)

30 ಬಾದ್‌ಮ ಅಪೊಸ್ತಲರ್ ಖ್ವಾರು ಯೇಸುಕನ ಪಾಠುಫರಿ ಐನ್ ಮಳ್ಳು ತದೆ ಇವ್ಣೆ ಅದ್ಮಿಮ ಕರೈತೆ ಅಜು ಬೋಲಿದಿದೂತೆ ಖ್ವಾರ್‌ನ್ ಯೇಸುನ ಖ್ವಾಮ್ಣೆ ಬೋಲ್ಯು.

31 ತದೆ ಯೇಸುನೆ ಇವ್ಣುನ್, “ಖಲಿ ತುಮೆ ಮಾರ ಜೋಡೆ ಉಜ್ಜಾಡಿ ಝಗೋಪರ್ ಐನ್, ಅರಾಮ್ ಕರಿಲೆವೊ” ಕರಿ ಬೋಲ್ಯೊ. ಶನಕತೊ ಘಣು ಅದ್ಮಿ ಹಿಜ್ಜಾ ಆವಾನು ಜಾವಾನು ಕರುಕರ್ತುಧೂತೆ ಇನಾಖ್ವಾಜೆ, ಯೇಸುನಾಬಿ ಇನ ಶಿಷ್ಯರ್‌ನ ಖಾಣು ಖಾವನಿಬಿ ವಖ್ವತ್ ಕೋ ಥೀನಿ.

32 ಇನಾಖ್ವಾಜೆ ಇವ್ಣೆ ಡೋಣ್‌ಮ ಬೇಶಿನ್ ಉಜ್ಜಾಡಿ ಝಗೋಪರ್ ಗಯ.

33 ಇವ್ಣೆ ವಳ್ಳುಜಾತುಧೂತೆ ಘಣ ಅದ್ಮಿನೆ ದೇಖಿನ್, ಯೇಸುಬಿ ಇನು ಶಿಷ್ಯರ್ ಕರಿ ಖ್ವಣೇದ್ ಧರೈ. ತದೆ ಖ್ವಾರ್ ಗಾಮ್‌ಥು ಅದ್ಮಿಖ್ವಾರು ವಾಟ್‌ಧರಿ ನಾಖ್ವೊತುಹುಯಿನ್, ಇವ್ಣೆಥಿಬಿ ಅಗಾಡಿ ಯೋ ಝಗೋಪರ್ ಆಯು.

34 ಯೇಸು ಹಿಜ್ಜಾಐನ್ ಡೋಣ್‌ಪರ್‌ಥೊ ಉತ್ರಿನ್, ಘಣು ಅದ್ಮಿನಿ ಭೀಡ್ ಟಿವವ್‌ಕರ್‌ಧೂತೆ ದೇಖಿನ್, ಇವ್ಣಾಪರ್ ಗೋರ್‌ಖೈನ್, “ಅವ್ಣೆ ಕುರುಬಕೊಂತೆ ಮ್ಹೇಂಡವ್‌ನಿ ಘೊಣಿ ಲ್ಹಾನಿ” ಕರಿ ಬೋಲಿನ್, ಇವ್ಣುನ್ ಘಣಿ ವಚನ್ ಬೋಲಿದಿದೊ.

35 ಎತ್ರಾಸಮ ಖ್ವಾಂಜ್ ಹುಯಿಗುಥು. ಇನಟೀಕೆ ಯೇಸುನ ಶಿಷ್ಯರ್ ಇನಾಕನ ಐನ್, “ಆ ಉಜ್ಜಾಡಿ ಝಗೊ ಬಿಜು ಖ್ವಾಂಜ್‌ಬಿ ಹುಯಿಗಯು.

36 ಅವ್ಣೆ ಖ್ವಾರು ಅಶ್‌ಪಿಶ್ ಲ್ಹಾತೆ ಗಾಮ್ ಅಜು ಖೇತರಮ ಜೈನ್, ಇವ್ಣುನ ಖಾವನ ಶಾತ್ ಹೋಣುಕಿ ಯೋ ಲ್ಯವಾನಟೀಕೆ ಅವ್ಣುನ ಬೋಲಿಮೋಕಲ್” ಕರಿ ಬೋಲ್ಯ.

37 ಇಮ್ ಬೋಲಾಖ್ವತರ್ ಯೇಸುನೆ ಇವ್ಣುನ, “ತುಮೇಸ್ ಇವ್ಣುನ ಖಾವನ ಶಾತ್‌ತೋಬಿ ದೆವೊ” ಕರಿ ಬೋಲ್ಯೊ.

ತದೆ ಇವ್ಣೆ “ಹಮೆ ಜೈನ್, ಬೇಖ್ವೊ ರೂಪಾನ ಕಾಖ್ವುನ್† ರೋಟಾ ಲೀನ್, ಅವ್ಣುನ ಖಾವನ ದೇಣೂಕಿ ಶು?” ಕರಿ ಯೇಸುನ ಪುಲ್ಲಾಯು.

38 ತದೆ ಯೇಸುನೆ ಇವ್ಣುನ, “ತುಮಾರಕನ ಕೆತ್ರ ರೋಟಾ ಲ್ಹಾ? ಕರಿ ಜೈನ್ ದೇಖೊ” ಕರಿ ಬೋಲ್ಯೊ.

ಇವ್ಣೆ ಜೈನ್ ಮಾಲುಮ್ ಕರಿಲಿನ್, ಯೇಸುಕನ ಐನ್, “ಪಾಚ್ ರೋಟಾ ಅಜು ಬೇ ಮಾಲ್ಲಾಲಾ ಲ್ಹಾ” ಕರಿ ಬೋಲ್ಯೊ.

39 ತದೆ ಯೇಸುನೆ ಇನ ಶಿಷ್ಯರ್‌ನ, “ತಮಾಮ್ ಅದ್ವಿನ ಹರ್ರ್ಯಾ ಫಾಖ್ವಪರ್ ಝೂಂಡೆ-ಝೂಂಡೆ ಕರಿ ಬೆಖ್ವಾಡೊ” ಕರಿ ಬೋಲ್ಯೊ.

40 ತದೆ ಅದ್ವಿಖ್ವಾರು ಏಕ್-ಏಕ್ ಝೂಂಡ್‌ಮ ಖ್ವೊ-ಖ್ವೊ, ಅಡೈವಿಖ್ವೊ-ಅಡೈವಿಖ್ವೊ ಜಣು ಶಾಲ್ ಹುಯಿನ್ ಬೇಶಿಗಯು.

41 ಬಾದ್‌ಮ ಯೇಸುನೆ ಯೋ ಪಾಚ್ ರೋಟ ಬೇ ಮಾಲ್ಲಾಲಾನ ಪಾಡಿಲೀನ್, ಆಕಾಶ್‌ಭಣಿ ದೇಖಿನ್, ದೇವ್ ಧನ್ಯವಾದ್ ಕರಿನ್, ರೋಟಾವ್ ತೋಡಿನ್ ಅದ್ವಿನ ವಾಟಪಾಡಿನ್ ದೆವೊ ಕರಿ ಇನ ಶಿಷ್ಯರ್‌ನ ದಿದೊ. ಬಿಜು ಯೋ ಬೇ ಮಾಲ್ಲಾನಾಬಿ ಅಖ್ವಾ ಅದ್ವಿನ ವಾಟಪಡಾಯೊ.

42 ಇವ್ಣೆ ಖ್ವಾರೂಸ್ ಪೇಟ್‌ಭರಿ ಖೈನ್ ಬಶ್‌ಹುಯು.

43 ತದೆ ಶಿಷ್ಯರ್‌ನೆ ಉಭಾರ್‌ಯೆ ರೋಟಾನ ಅಜು ಮಾಲ್ಲಾಲಾನ ಟುಕ್ವಾನ್ ಜಮಾಕರ್ತ್‌ಖ್ವತರ್ ಭಾರ ಟೋಕ್ವಾ ಭರಾಯು.

† 6:37 6:37 ಏಕ್ ರೂಪಾನು ಬಿಲ್ಲು ಕತೊ, ಏಕ್ ಅದ್ವಿನು ಏಕ್ ದನ್ನು ಶಂಬಾಳೆ ಹುಯಿರ್ದು.

44 ಖಾಣು ಖಾದುತೆ ಇನಾಮ ಪರ್ವ್ವ ಅದ್ಮಿಸ್ ಪಾಚ್ ಹಜಾರ್ಜಣು ಥೂ.

ಯೇಸು ದರ್ರಾವ್‌ಪರ್ ಫಾಲ್ಯೋತೆ
(ಮತ್ತಾಯ 14:22-33; ಯೋಹಾನ 6:15-21)

45 ಅನ ಬಾದ್‌ಮ ಯೇಸುನೆ ಇನ ಶಿಷ್ಯರನ, “ಮೇ ಆ ಅದ್ಮಿನಿ ಝೂಂಡ್‌ನ ಘರೆ ಬೋಲಿಮೋಕ್ಲಾನ ಮಹಿ, ತುಮೆ ಡೋಣ್ ಚಢೀನ್ ಮಾರೇಥಿ ಅಗಾಡಿ ಪಾರ್ಲಿ ಬಾಚುಮ ಛಾತೆ ಬೆತ್ಸಾಯಿದ ಖ್ವಯೇರ್ನ್ ಜಾವೊ” ಕರಿ ಜುಲುಮ್ ಕರ್ರೊ.

46 ಅದ್ಮಿನ ಮೋಕ್ಲಿದ್ಯವಾನ ಬಾದ್‌ಮ, ಯೇಸು ಪ್ರಾರ್ಥನೆ ಕರಾನಖ್ವಾಜೆ ಪಹಡ್‌ಪರ್ ಗಯೊ.

47 ದನ್ ಡುಬಾನ ಬಾದ್‌ಮ, ಶಿಷ್ಯರ್ ಥಾತೆ ಡೋಣ್ ದರ್ರಾವ್‌ನ ಇಚ್‌ಮ ಥು, ಕತೋಬಿ ಯೇಸು ಎಕ್ಲೋಸ್ ಕನಾರೆ ಥೊ.

48 ಖ್ವಾಪ್ಪೊನೊ ವಹಿರೊ ಜೋರೇಖ್ವು ವಾಗುಕರ್ತೊಥೋತೆ ಇನಾಖ್ವಾಜೆ, ಶಿಷ್ಯರ್ ಖ್ವಾರು ಡೋಣ್ಣಾ ಖ್ವಾಪ್ಪೊ ಲೀಜಾವಾನ ಕೋ ಹುವ್ವಾನಿತಿ ತರಪ್‌ಡುಕರ್ತುಥೂತೆ ಯೇಸುನೆ ದೇಖ್ಚೊ ತದೆ ಕಮ್‌ಶಿಕಮ್ ವಾಣ್‌ಖ್ವತ್ರೆ ಚಾರ್ ಘಂಟಾ ಹುಯಿರ್ಲ್ಲ್ಯು. ತದೆ ಯೇಸು ದರ್ರಾವ್‌ಪರ್ ಫಾಲ್ಯೊಹುಯಿನ್ ಇವ್ಣಬಣಿ ಐನ್, ಇವ್ಣುನ ಮ್ಹಿಂದಿನ್ ಖ್ವಾಪ್ಪೊ ಜಾವುಕರಿ ಥೊ.

49 ಕತೋಬಿ ದರ್ರಾವ್‌ಪರ್ ಫಾಲ್ಯೊವಳ್ಳಾವಾತೆ ಯೇಸುನ ಇವ್ಣೆ ದೇಖಿನ್, ಭೂತ್‌ಕರಿ ಸೋಚಿನ್ ಜೋರೇಥಿ ಚಿಕ್ವಾಲಗ್ಲು.

50 ಶನಕತೊ ಇವ್ಣೆ ಖ್ವಾರು ಇನ ದೇಖಿನ್ ಘಬ್‌ರೈ ಗಯುಥು.

ತದೆ ಒಗ್ಗಿಸ್‌ಮ ಯೇಸುನೆ ಇವ್ಣ ಜೋಡೆ ವಾತೆ ಬೋಲಿನ್ ಇವ್ಣುನ, “ಹಿಮ್ತಾಥಿರೈವೊ ಮೇಸ್, ಡರೊನಕೊ!” ಕರಿ ಬೋಲ್ಯೊ.

51 ಬಾದ್‌ಮ ಯೇಸು ಡೋಣ್ ಚಢೀನ್ ಇವ್ಣಾಕನ ಆಯೊ, ತದೆ ವಹಿರೊ ವಾಗಾನು ಭೀರಿಗಯು. ತದೆ ಶಿಷ್ಯರ್ ಖ್ವಾರು ಘಣು ಆಶ್ಚರ್ಯಖಾದು.

52 ಶನಕತೊ ಇವ್ಣೆ ಯೇಸುನೆ ಪಾಚ್ ರೋಟಾನ ಪಾಚ್ ಹಜಾರ್ ಅದ್ತಿನ ಖಡಾಯೋತೆ ಇನಿ ಮತ್ಲಬ್‌ನ ಮಾಲುಮ್ ಕರ್ಯ್ಕೊಯ್ತೆ ಇವ್ಣೆ ದಿಲ್ ಬಂಡೊ ಹುಯಿರ್ರೊಡೊ.

ಗೆನೆಜರೇತ್‌ಮ ಯೇಸುನೆ ರೋಗ್‌ವಾಳಾಫ್‌ನ ಅಲ್ಪು ಕರ್ಯ್ಕೊತೆ
(ಮತ್ತಾಯ 14:34-36)

53 ಇವ್ಣೆ ದರ್ಯ್‌ವಾನ್ ಕಾಡಿನ್ ಗೆನೆಜರೇತ್ ತಬರ್‌ಖಾನ ಕನಾರೆ ಪೊಚಿನ್ ಡೋಣ್ಣಾ ಭಾಂದ್ತು.

54 ಇವ್ಣೆ ಡೋಣ್‌ಪರ್‌ಥು ಉತರ್‌ತಸ್ಸು ಹಿಜ್ಜಾನು ಅದ್ತಿಖ್ವಾರ್ರು ಯೇಸುನಿ ಖ್ವಣೇದ್ ಧರ್ಯ್.

55 ತದೆ ಯೋ ತಬರ್‌ಖಾನು ಖ್ವಾರ್ರು ಅದ್ತಿ ನಾಖ್‌ದಾಖ್‌ ಕರ್ತುಹುಯಿನ್, ರೋಗ್‌ಮ ಪಡಿರ್‌ವಾಳ ಖ್ವಾರ್‌ವಾನ್ ಬಿಲ್ಲಾಫ್ಲಿಮ್ ನಾಖಿಲಿನ್ ಯೇಸು ಕಿಜ್ಜಾ-ಕಿಜ್ಜಾ ಲ್ಲಾ ಕರಿ ಖ್ವಮ್‌ಜಾಸ್ಕಿ ಹಿಜ್ಜಾ-ಹಿಜ್ಜಾ ಲೀನ್ ಆಯು.

56 ಅಜ್ಜು ಯೇಸು ಖೆವ ಖ್ವಯೇರ್‌ಮಾಬಿ, ಖೆವ ಗಾಮ್‌ಬಿ ನಾತೊ ಖೆವ ಖೇತರ್‌ಮಾಬಿ ಕತೊ ಕಿಜ್ಜಾ-ಕಿಜ್ಜಾ ಗಯೋಕಿ ಹಿಜ್ಜಾವಾಳು ರೋಗ್‌ರ್ದವಾಳನ ಭಾರ್ ಬಜಾರ್‌ನಿ ಝಗೊ ಮ್ವೇಲಿನ್ ಯೇಸುನ, “ತಾರು ಲುಂಗ್ಡಾನು ಕೋಣೊತೋಬಿ ಛೀಮಾನ ಮ್ವೇಲಿದೆ” ಕರಿ ಇನ ಗಿಂಗೈಲಿದು. ಅಜ್ಜು ಇನ ಕೋಣ್-ಕೋಣ್ ಛೀಮ್ಕೊಕಿ ಇವ್ಣ ಖ್ವಾರಾನೊ ರೋಗ್ ಅಲ್ಪು ಹುಯಿಗಯೊ.

7

ಗುರುಗುರಬ್‌ಲ್ಯನೆ ಶಿಕಾಡ್ತು ಆಯೊತೆ
(ಮತ್ತಾಯ 15:1-9)

1 ಬಾದ್‌ಮ ಯೆರೂಸಲೇಮ್‌ಥು ಆಯುಹುಯು ಫರಿಸಾಯರ್‌ಬಿ, ಮೋಶೇನು ವಚನ್ ಶಿಕಾಡವಾಳು ಶಾಸ್ತ್ರೀಮ ಥೋಡು ಭಣು ಯೇಸುಕನ ಐನ್ ಅಶ್‌ಪಿಶ್ ಭರಾಯು.

2 ತದೆ ಇವ್ವೆ ಯೇಸುನು ಶಿಷ್ಯರಾಮ ಧೋಡುಜ್ಜಣು ಅಶುದ್ಧ ಹಾಥಿ ಕತೊ ಗುರುಗುರಬ್‌ಲ್ಯಥಿ ಚಾಲ್ತು ಆಯುತೆ ಇಮ್ ಪರಿಸಾಯರ್ ಖ್ಹಾರು ಶಿಕಾಡ್ತುಧೂತೆ ಇಮ್, ಹಾತ್ ಧೋಯುಕೊಂತೆ ಖಾಣು ಖಾತಾನ ದೇಮ್ನು.

3-4 ಫರಿಸಾಯರ್ ಅಜ್ಜು ಯೆಹೂದ್ಯರಾನ ಖ್ಹಾರುಜ್ಜಣು, ಇವ್ವೆ ಶಾಣವ್‌ಥಿ ಶಿಕ್ತು ಆಯುತೆ ಇಮ್, ಇವ್ವೊ ಹಾತ್ ಬರೋಬರ್‌ನಿ ತರೀಕಾಥಿ ಧೋವಾಕೊಂತೆ ಖಾಣು ಕೋಖಾಯ್ನಿ. ಅಜ್ಜು ಬಜ್ಜಾರೆ ಜೈನ್ ಆಯೂತೆ ಪಾಣಿ ಛಿಡ್ಕಿಲೇಯ್ ಕೊಂತೆ ಖಾಯಿಕೊಯ್ನಿ. ಅತ್ರೇಸ್ ಕಾಹೆತೆ ಇವ್ವಾಮ ಗಿಳಾಖ್ತ್ ಕಂಚ್‌ನೊತಾಂಬ್ಯೊ, ಹಂಡ್‌ಕು ಖ್ಹಾರು ಮಾಂಜಿನ್ ಧೋವಾನು ಅಜ್ಜು ಬಿಲ್ಲಾವ್ವಿನ* ಧೋವಾನು, ಅಮ್ಮು ಖ್ಹಾರು ಶಾಣವ್‌ಥಿ ಚಾಲ್ತು ಆಯುತೆ ಇನ ಬರೋಬರ್‌ಥಿ ಕರ್ತುಫು.

5 ಇನಾಖ್ವಾಜಿ ಫರಿಸಾಯರ್ ಅಜ್ಜು ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಯೇನೆ ಯೇಸುನ, “ತಾರು ಶಿಷ್ಯರ್ ಶಾಣವ್‌ನೆ ಶಿಕಾಡ್ತು ಆಯುತೆ ಆದತ್‌ನ ಇಮ್ ಶನ ಕೋ ಕರಾನಿ? ಚಾಲ್ತು ಆಯೂತೆ ಇಮ್ ಹಾತ್ ಧೋವಾಕೊಂತೆ ಶುದ್ಧಕೊಂತೆ ಹಾತೇಮ್ಮಿ ಶನ ಖಾಣು ಖಾಸ್?” ಕರಿ ಪುಲ್ಲಾಯು.

6 ಇಮ್ ಬೋಲ್ತಾನ ಯೇಸುನೆ, “ತುಮೆ ಠಗಾರು, ತುಮಾರಿ ಬಾರೇಮ ಯೆಶಾಯ ಪ್ರವಾದಿನೆ ಬರೋಬರ್‌ಥೀಸ್ ಪ್ರವಾದನೆ ಕರಿರಾಖ್ಲೋಸ್. ಯೋ ಶಾತ್‌ಕತೊ,

‘ದೇವ್ವೆ ಬೋಲ್ಯೋಕಿ, ‘ಆ ಅದ್ಮಿಖ್ಹಾರು ವಾತೇಥಿ ಮನ ಖ್ಹರಾವಸ್, ಕತೋಬಿ ಅವ್ವೊದಿಲ್ ಮಾರೇಥಿ ದೂರ್ ಛಾ’

7 ಅದ್ಮಿನ ಖ್ಹೂಜ್‌ನಿತರ ಶಿಕಾಡ್ತು ಆಯೂತೆ ಇನಾಸ್ ದೇವ್ವಿ ಹುಕುಮ್‌ನಿಫೋಣಿ!
ಬೋಲಿಶಿಕಾಡವಾಳ ಅವ್ವೆ ಮಾರ ಖ್ಹಾಮೆ ಆರಾದನೆ ಕರಾನು ಕಾಮ್ನುಕೊಯ್ನಿ’ ಕರಿ ಯೋ ವಾತೆ ಹುಯಿರ್ದೀಸ್!

* 7:3-4 7:3-4 ಧೋಡು ವಾಕ್ಯಾನು ಭಾಗ್‌ಮ ಬಿಲ್ಲಾವ್ವಿ ಕರಿ ಕೊಯ್ನಿ.

8 “ತುಮೆ ದೇವ್ನಿ ಹುಕುಮ್‌ನ ಮ್ಹೇಲಿದಿನ್ ಅದ್ವಿನೆ ಶಿಕಾಡ್ಯತೆ ಇನ ಧರಿಸಾಖ್ಯಾಸ್” ಕರಿ ಬೋಲೊ.

9 ಯೇಸುನೆ ಬಿಜೂಬಿ ಇವ್ಣುನ, “ತುಮೆ ಕೆತ್ರಿ ಅಕ್ಲಿ ದೇಖೊ! ತುಮೆ ತುಮಾರಿ ಪದತ್ತಿನ ಪಾಡಿಚಾಲ್ನು ಕರಿ ದೇವ್ನಿ ದಿದೋತೆ ಹುಕುಮ್‌ನ ಕಾಡಿನಾಖಿದೆವೊಸ್‌ನಿ.

10 ‘ಆಯ-ಬಾನ ಮರ್ಯಾದಿ ದೇವ್ಣು ಕರಿ, ಅಜ್ಜು ಆಯನ ರ್ಹವೊ ಬಾನ ರ್ಹವೊ ಶಾಪ್ಪ-ಶಬರ್ ದೆವಾಳಾನ ಮಾರಿನಾಖಿದೆವ್ಣು’[†] ಕರಿ ಮೋಶೆನೆ ಹುಕುಮ್ ದೀರಾಖ್ಯೊಸ್.

11 ಕತೋಬಿ ತುಮಾರಮ ಕೋಣ್‌ತೋಬಿ ಏಕ್ ಜಣು ಇನ ಆಯ-ಬಾನ ಶಾತ್‌ತೋಬಿ ದೀನ್, ಮದತ್‌ಕರ್‌ನು ಕರಿ ರ್ಹವೊ ಯೋ ಖ್ಹಾರು ‘ಕೊರ್ಬಾನ್’ ಕರಿನಾಖ್ಯೊ’[‡] ಕರಿ ಬೋಲಿಲಿದೊತೊ,

12 ಯೋ ಅದ್ವಿ ಇನ ಆಯನ ರ್ಹವೊ, ಬಾನ ರ್ಹವೊ ಬಿಜು ಶಾತ್ತ್ರಿ ದೇಕ್-ಭಾಲ್ ಕರ್ನುನಾತೆ ಇಮ್ ಭಾಮ್‌ಧಿ ಲ್ಹುಕಿಜಾಸ್.

13 ಅಮ್ ತುಮೆ ಏಕ್‌ಧಿ-ಏಕ್ ಬೋಲಿದೇತಾಹುಯಿನ್ ದೇವ್ನಿ ಪದತ್ತಿನ ಮರ್ಯಾದಿಕೊಂತೆ ಇಮ್ ಕರೋಸ್. ಅತ್ರೆಸ್ ಕಾಹೆತೆ ಅಮ್ಮು ಖ್ಹಾರು ಬಿಜೂಬಿ ಕೈಯೆಕ್ ಕರೋಸ್” ಕರಿ ಬೋಲೊ.

ಅದ್ವಿನ ಗಲೀಜ್ ಬಣಾವನು ರಾಘು.

(ಮತ್ತಾಯ 15:10-20)

14 ಬಾದ್‌ಮ ಯೇಸುನೆ ಅದ್ವಿನಿ ಝೂಂಡ್‌ನ ಪಾಘೊ ಖನ್ನೆ ಬುಲೈನ್ ಇವ್ಣುನ, “ಖ್ಹಾರು ಕಾನ್ ಜೋಡಿನ್ ಮಾರಿ ವಾತೆನ ಖ್ಹಮ್‌ಜೊ, ಅಜ್ಜು ಪರ್ವಿಲೆವೊ.

15 ಭಾರ್‌ಥು ಮಹಿ ಜೈನ್ ಏಕ್ ಅದ್ವಿನ ಪದತ್ತಿನಿಘೋಣಿ ಮೈಲುಕರಾನು ಏಕ್‌ಬಿ ಕೊಯ್ನಿ. ಕತೋಬಿ ಏಕ್ ಅದ್ವಿನ ಮಹಿತು ಭಾರ್ ನಿಕ್ಕಾನುಸ್ ಇನ ಮೈಲುಬಣಾವಸ್”

[†] 7:10 7:10 ವಿಮೋಚನಕಾಂಡ 21.17, ಯಾಜಕಕಾಂಡ 20.9 [‡] 7:11 7:11 ಕುರ್ಬಾನ್ ಕತೊ ದೇವ್ನ ಮುಡಪ್ ಕರಿ, ಯೆಹೂದ್ಯರ್‌ನು ಕೋಣ್‌ತೋಬಿ ಏಕ್ ಜಣು ದೇವ್‌ಖ್ಹಾಜೆ ಕರಿ ಶಾತ್‌ತೋಬಿ ಕಾಡಿ ಮ್ಹಂದಿದೊತೊ ಇನ ಛೇಮಾನ ಬಿಜು ಕಿನಾಬಿ ಹಕ್‌ಕೊಯ್ನಿ. ಅಮ್ ಕರಿ ಪರಿಸಾಯರ್ ಅಜ್ಜು ಶಾಸ್ತ್ರಿಯೇನಿ ಝೂಂಡ್‌ವಾಳಾನೆ ಕರ್ಯೆತೆ.

16 § “ಖ್ವಮ್‌ಜಾನ ಕಾನ್ ಉಶೇತೊ ಖ್ವಮ್‌ಜಾದೆ” ಕರಿ ಬೋಲ್ಯೊ.

17 ಬಾದ್‌ಮ ಯೇಸು ಖ್ವಾರ್ ಅದ್ವಿನ ಮ್ಹಂದಿನ್ ಘರ್ಮ ಆವಾದಿನ್, ಇನ ಶಿಷ್ಯರನೆ ಯೋ ಮತ್ಸಭಾಧಿ ಬೋಲ್ಯೊತೆ ವಾತೆನಿ ಬಾರೇಮ ಇನ ಫುಲ್ಲಾಯು.

18 ತದೆ ಯೇಸುನೆ ಇವ್ಣುನ, “ಬಿಜಾನಿ ಘೋಣಿ ತುಮುನಾಬಿ ಎತ್ರೆ ಮಾಲುಮ್ ಪಡಾಕೊಯ್ಚಿ ಶು? ಭಾರ್‌ಥು ಖಾವಾನು ರಾಛು ಅದ್ವಿನ ಮಹಿ ಜೈನ್ ಇನ ಗಲೀಜ್ ಕರಾಕೊಯ್ಚಿ ಕರಿ ತುಮೂನ ಮಾಲುಮ್ ಪಡ್ಯಕೊಯ್ಚಿ ಶು?

19 ಭಾರ್‌ಥು ಅದ್ವಿನ ಮಹಿ ಜಾವಾನು ಖ್ವಾರು ಇನ ದಿಲ್ಮ ಜಾಯಿಕೊಂತೆ, ಪೇಟ್‌ಮ ಜೈನ್ ಬಾದ್‌ಮ ಭಾರ್ಮ ನಿಕ್ಕಿಜಾಸ್, ಯೋ ಖ್ವಾರು ಯೋ ಅದ್ವಿನ ಗಲೀಜ್ ಕರಾಕೊಯ್ಚಿ” ಕರಿ ಬೋಲ್ಯೊ. (ಅಮ್ ಬೋಲಾಧಿ, ಖಾವಾನು ಖ್ವಾರುಸ್ ರಾಛು ಶುದ್ಧಕರಿ ಯೇಸುನೆ ವತಾಳಿದಿದೊ).

20 ಯೇಸುನೆ ಬಿಜೂಬಿ ಇವ್ಣುನ, “ಏಕ್ ಅದ್ವಿನ ಮಹಿತು ನಿಕ್ಕಾನುಸ್ ಯೋ ಅದ್ವಿನ ಗಲೀಜ್ ಕರಾಸ್.

21 ಮಹಿತು ಕತೊ ಅದ್ವಿನ ದಿಲ್ಮ ಮಹಿತು ಆವಾತೆ ಖರಾಬ್‌ಸೋಚ್, ಬಿಜೇಕ್‌ಙ್‌ಣಿನೆ ಖ್ವಂಗ್‌ಕರಾನು, ಚೋರಿ, ಖೂನ್‌ಕರಾನು,

22 ವ್ಯಬಿಚಾರ್, ಪೈಶಾನಿ ಲಾಲಚ್, ಬಿಜಾನ ಖರಾಬ್ ಕರಾನು, ಠಗಾವಾನು, ಪಾಪೇಲಿಆದತ್, ಬಿಳಾಪೊ ಕರಾನು, ಗಾಳೆ ದ್ಯವಾನು, ಹಂಕಾರ್, ಝಲಕ್‌ಭರ್‌ಯಾನಿ ಘೋಣಿ ಕರಾನು, ಅಮ್ಮು ಖ್ವಾರು ಖರಾಬ್ ಖ್ವಯಾಲ್ ಭಾರ್ ನಿಕ್ಕಾಸ್.

23 ಅಮ್ಮು ಖರಾಬ್ ಖ್ವಾರು ಅದ್ವಿನ ಮಹಿಥು ನಿಕ್ಕಿನ್, ಯೋ ಅದ್ವಿನ ಗಲೀಜ್ ಕರಿದೇಸ್” ಕರಿ ಬೋಲ್ಯೊ.

ಏಕ್ ತಯೇಡಾನಿ ವಿಶ್ವಾಸ್
(ಮತ್ತಾಯ 15:21-28)

§ 7:16 7:16 ಖೋಳಾನು ವಚನ್ ಗ್ರೀಕ್‌ನು ಖ್ವಾಙ್‌ನಿ ವಾಕ್ಯಾನಿ ಭಾಗ್‌ಮ ಕೊಯ್ಚಿ,

24 ಹಿಜ್ಜಾಥೊ ಯೇಸು ನಿಕ್ಕಿನ್ ತೂರ್ ಕರಿ ಬೋಲಾನು ಖ್ವಯೇರ್ನ್ ಖನ್ನೇನು ತಬರ್‌ಖಾನ ಗಯೊ. ಹಿಜ್ಜಾ ಏಕ್ ಘರ್‌ಮ ಥೊ, ಯೋ ಹಿಜ್ಜಾ ಲ್ಹಾ ಕರಿ ಕಿನಾಬಿ ನಾ ಮಾಲುಮ್‌ಪಡ್ಣು ಕರಿ ಥೊ, ಕತೋಬಿ ಯೋ ಮಾಲುಮ್ ಪಡಾಕೊಂತೆ ರ್ವವಾನ ಕೋ ಹುಯುನಿ.

25 ಒಗ್ಗಿಮ್ ಏಕ್ ತಯೇಡನೆ ಯೇಸು ಹಾ ಲ್ಹಾ ಕರಿ ಖ್ವಮ್‌ಜಿನ್, ಐನ್ ಯೇಸುನ ಗೋಡಾನ ಖ್ವಾಪ್ಪೆ ಪಡಿ. ಇನಿ ಛೋರಿನ ಭೂತ್ ಧರಿರಾಖ್ಯಥು.

26 ಯೋ ತಯೇಡ ಪರೈ ಭಾತ್‌ವಾಳಿ* ಹುಯಿರ್ದೀಥಿ. ಯೋ ಸಿರಿಯ ತಬರ್‌ಖಾನು ಸುರೋಪೊಯಿನಿಕ್ಕಮ ಪೈದಹುಯಿತೆ ಏಕ್ ಗ್ರೀಕ್‌ವಾಳಿ ಹುಯಿರ್ದೀಥಿ. ಯೋ ತಯೇಡ ಇನಿ ಛೋರಿನ ಧರಿರಾಖ್ಯಥೂತೆ ಭೂತ್ ಕಾಡ್ಣು ಕರಿ ಯೇಸುನ ಗಿಂಗಾವಲಗಿ.

27 ತದೆ ಯೇಸುನೆ ಇನ, “ಪಹಿಲೆ ಲಡ್ಕಾ ಪೇಟ್‌ಭರೀನ್ ಖವಾದೆ. ಲಡ್ಕಾ ಖಾವಾನು ರೋಟಾವ್ನ ಪಾಡೀನ್, ಕುತ್‌ರ್ಯಾನ ಚೆಲ್ಕಾನ ನಾಖಾನು ಬರೋಬರ್‌ಕೊಯ್ನು” ಕರಿ ಬೋಲ್ಯೊ.

28 ತದೆ ಯೋ ತಯೇಡಾನೆ, “ಹೋಲಾ ಪ್ರಭು, ತೋಬಿ ಲಡ್ಕಾ ಖಾಣು ಖವಾನಿ ಮೇಜ್‌ಪರ್‌ಥು ನಾಖಿದೇಯಿತೆ ರೋಟಾನ ಟುಕ್ಕಾನ ಹೇಟ್ ರ್ವೀಯ್ತೆ ಕುತ್‌ರ್ಯಾನ ಚೆಲ್ಕ ಖಾಸ್ಸಿ” ಕರಿ ಬೋಲಖ್ವತರ್,

29 ಯೇಸುನೆ ಇನ, “ತುನೆ ಆ ವಾತ್ ಬೋಲಿತೆ ಇನಖ್ವಾಜೆ, ತಾರಿ ಛೋರಿನ ಧರಿರಾಖ್ಯಥೂತೆ ಭೂತ್ ಮ್ಹಂದಿದು! ಘರೆ ಜಾ” ಕರಿ ಬೋಲ್ಯೊ.

30 ಯೋ ಇನ ಘರೆ ಜೈನ್ ದೇಖಾತೊ ಇನಿ ಛೋರಿ ಬಿಲ್ಲಾವ್ಜಪರ್ ಅರಾಮ್‌ಥಿ ಖ್ವತೀಥಿ; ಇನ ಧರಿರಾಖ್ಯಥೂತೆ ಭೂತ್ ನಿಕ್ಕಿ ಗಯುಥು.

ಯೇಸುನೆ ಬೈರೂಬಿ ತೊತ್‌ಳ್ಳು ಹುಯಿರ್ದೀಥೂತೆ ಏಕ್ ಅದ್ವಿನ ಗುಣ್‌ಕರ್ದೀಥಿ

* 7:26 7:26 ಅಲಕ್ ಭಾತ್‌ವಾಳಿ ಕತೊ ಯೆಹೂದ್ಯರ್‌ನಿ ಭಾತ್‌ವಾಳಿ ಕಾಹೆ ಕರಿ. ಆ ತಯೇಡ ಗ್ರೀಕ್‌ವಾಳಿ ಹುಯಿರ್ದೀಥಿ

31 ಬಾದಾಮ ಯೇಸು ಯೋ ತೂರ್‌ನ ಖನ್ನೇನು ತಬರ್‌ಖಾನ ಮ್ವೇಲಿನ್ ಸೀದೋನ್‌ನ ವಾಟಿಕರಿ ದೆಕಪೊಲಿ† ತಬರ್‌ಖಾಮಾಕರಿ ಹುಯಿನ್ ಗಲಿಲಾಯ ದರ್‌ವಾಕನ ಆಯೊ.

32 ತದೆ ಥೋಡು ಅದ್ಮಿನೆ ಭೈರೂಬಿ ತೊತ್‌ಳ್ಳು ಹುಯಿರ್‌ವ್ವಧೂತೆ ಏಕ್ ಜಣಾನ ಯೇಸುಕನ ಬುಲೈಲಾಯಿನ್, “ಅನ ಉಪ್ಪರ್ ತಾರೊ ಹಾತ್ ಮ್ವೇಲ್” ಕರಿ ಇನ ಗಿಂಗೈಲಿದು.

33 ತದೆ ಯೇಸುನೆ ಇನ, ಅದ್ಮಿನಿ ಭೀಡಮಾಥು ಏಕ್ ಬಾಜುಮ ಬುಲೈಲಿಜೈನ್, ಯೇಸುನೆ ಇನಿ ಅಂಗ್‌ಳಿನ ಯೋ ಅದ್ಮಿನ ಕಾನ್‌ಮ ಫಾಲಿನ್, ಥೂಕಿನ್, ಇನಿ ಜೀಬ್‌ನ ಲಗಾಡಿನ್

34 ಉಪ್ಪರ್ ಆಕಾಶ್‌ಭಣಿ ದೇಖಿನ್, ಬೋರೇಥಿ ದಮ್ ಲೀಮ್ವೇಲಿನ್, ಇನ ‘ಎಪ್ಪಥಾ’‡ ಕರಿ ಬೋಲ್ಯೊ ಅಮ್‌ಕತೊ “ಉಖ್‌ಡೈಜಾ!” ಕರಿ.

35 ಅಮ್ ಬೋಲ್ತಾಸ್‌ನ ಇನೊ ಕಾನ್ ಖ್ವಮಜ್ ಪಡಾಲಗ್ಗ್ಯ ಅಜ್ಜು ಇನಿ ಜೀಬ್‌ನಿ ಭಂದಣ್ ಟುಟಿಗಿ, ಯೋ ಬರೋಬರ್‌ಥಿ ವಾತ್ ಬೋಲಾಲಗ್ಗೊ.

36 ತದೆ ಯೇಸುನೆ ಇವ್ವುನ, “ಹಾ ಚಾಲ್ಯುತೆ ಬಾರೇಮ ಕಿನಾಬಿ ನಾ ಬೋಲ್‌ನು” ಕರಿ ರೈತೈನ್ ಬೋಲ್ಯೊ; ತೋಬಿ ಇನೆ ಎತ್ರೈ ರೈತೈನ್ ಬೋಲ್ಯೊತೋಬಿ, ಇನೇಥಿಬಿ ಜಾಖ್ವತ್ ಇವ್ವೆ ಪೈಲೈದಿದು.

37 ಅಜ್ಜು ಖ್ವಮ್‌ಜಾವಾಳು ಖ್ವಾರು ಘಣು ಅಶ್ಚರ್ಯ ಹುಯಿಜೈನ್, “ಯೇಸು ಖ್ವಾರು ಅಲ್ಫುಸ್ ಕರಾಸ್! ಭೈರು ಖ್ವಾರಾನ ಕಾನ್ ಖ್ವಮ್‌ಜಾವಾನಿಘೋಣಿ ಅಜ್ಜು ಮುಕ್ಕಾವ್ವ ಖ್ವಾರು ವಾತೆ ಬೋಲಾನಿ ಘೋಣಿ ಕರಾಸ್!” ಕರಿ ಬೋಲಿಲಿದು.

8

ಯೇಸುನೆ ಚಾರ್ ಹಜಾರ್ ಅದ್ಮಿನ ಖಡಾಯೋತೆ
(ಮತ್ತಾಯ 15:32-39)

† 7:31 7:31 ದೆಕಪೊಲಿ ಕತೊ ‘ದಖ್ವೊಗಾಮ್‌ನೊ ತಬರ್‌ಖೊ’ ಕರಿ. ‡ 7:34 7:34 ಆ ಅರಾಮಿಕ್ ವಾತೇನು ಪದ ಹುಯಿರ್‌ವ್ವಾಸ್.

1 ಯೋ ದನೂಮ ಪಾಲ್ಟು ಅದ್ಮಿನಿ ಭೀಡ್ ಭರೈನ್ ಆಯು, ಇವ್ವುನ ಖಾಣನ ಶಾತ್ವಿಕೊಂತೆ ದೇಖಿನ್, ಯೇಸುನೆ ಇನ ಶಿಷ್ಯರ್‌ನ ಖನ್ನೆ ಬುಲೈನ್,

2 “ಆ ಖ್ವಾರ ಅದ್ಮಿನ ದೇಖಿನ್ ಮನ ಗೋರ್‌ಲಾಗಸ್, ಅವ್ವೆ ಮಾರಕನ ಐನ್ ತೀನ್ ರೋಜ್ ಹುಯಿಗಾ; ಅವ್ವುನ ಖಾಣನ ಶಾತ್ವಿಕೊಯ್ವಿ.

3 ಅವ್ವುನ ಅಮ್ಮಸ್ ಭುಕ್ಕು ಘರೆ ಮೋಕ್ಲಿದಿಮೊತೊ, ವಾಟ್‌ಪರ್ ಭವ್‌ಳ್ಯಾಮಾರಿನ್* ರಡ್ತಿಜಾಶೆ, ಶನಕತೊ ಅವ್ವಾಮ ಥೋಡು ಜಣು ದೂರ್‌ಥು ಐರೊಸ್‌ನಿ” ಕರಿ ಬೋಲ್ಯೊ.

4 ಅನ ಖ್ವಮ್‌ಜಿನ್ ಇನ ಶಿಷ್ಯರ್‌ನೆ, “ಆ ಉಜ್ವಾಡಿ ಝಗೋಮ ಅತ್ರಾಅದ್ಮಿನ ಬಶ್ ಹುವ್ವಾಯೆತ್ರ ಖಾಣು ಕಿಜ್ವಾಡು ಲ್ಯಾವಾನ ಉಶೆ?” ಕರಿ ಬೋಲ್ಯೊ.

5 ಯೇಸುನೆ ಇವ್ವುನ, “ತುಮಾರಕನ ಕೆತ್ರ ರೋಟಾ ಲ್ಹಾ?” ಕರಿ ಪುಲ್ಲಾಯೊ.

ಇನ ಇವ್ವೆ “ಖ್ವಾತ್ ರೋಟಾ ಲ್ಹಾ” ಕರಿ ಬೋಲ್ಯೊ.

6 ತದೆ ಯೇಸುನೆ ಅದ್ಮಿನಿ ಝೂಂಡ್‌ನ ಜಮೀನ್‌ಪರ್ ಬೇಖೊ ಕರಿ ಹುಕುಮ್‌ದಿದೊ. ಬಾದ್‌ಮ ಯೋ ಖ್ವಾತ್ ರೋಟಾನ ಪಾಡಿಲೀನ್, ದೇವ್ವ ಧನ್ಯವಾದ್ ಕರೀನ್, ಯೋ ರೋಟಾನ ಖ್ವಾರು ತೋಡೀನ್, “ಅಖ್ವಾನ ವಾಟಪಾಡಿ ದೆವೊ” ಕರಿ ಇನ ಶಿಷ್ಯರ್‌ನ ದಿದೊ; ಶಿಷ್ಯರ್‌ನೆ ಇಮ್ಮಸ್ ಕರೊ.

7 ಎತ್ರೇಸ್ ಕಾಹೆತೆ ಇವ್ವಾಕನ ಥೋಡು ನ್ಹಾನಿಮಾಳ್ವಿಬಿ ಥು. ಯೇಸುನೆ ಇನಾಬಿ ಪಾಡಿಲೀನ್ ದೇವ್ವ ಧನ್ಯವಾದ್ ಕರೀನ್, “ಅನಾಬಿ ವಾಟಪಾಡಿ ದೆವೊ” ಕರಿ ಶಿಷ್ಯರ್‌ನ ಬೋಲ್ಯೊ.

8 ಅದ್ಮಿಖ್ವಾರು ಪೇಟ್‌ಭರೀನ್ ಖಾದು. ಬಾದ್‌ಮ ಶಿಷ್ಯರ್‌ನೆ ಉಭ್‌ರೈತೆ ಟುಕ್ದಾವ್‌ನ ಜಮಾಕರ್ತಖ್ವಾರ್ ಖ್ವಾತ್ ಟೋಕ್ರಾ ಭರಾಯ.

* 8:3 8:3 ಡೋಳ ಫರೀನ್, ಗಿರಂಟೈನ್ ಪಡಾನು ಕರಿ

9 ಹಿಜ್ಜಾ ಕಮ್‌ಶಿಕಮ್ ಚಾರ್ ಹಜ್ಜಾರ್ ಅದ್ವಿಧು. ಬಾದ್‌ಮ ಯೇಸುನೆ ಯೋ ಖ್ವಾರ್ ಅದ್ವಿನ ಮೋಕ್ವಿದೀನ್,

10 ತದ್‌ನು-ತದೇಸ್ ಇನ ಶಿಷ್ಯರ್‌ನ ಬುಲೈಲಿನ್, ಡೋಣ್‌ಪರ್ ಚಢೀನ್ ದಲ್ಮನೂಥ ಕರಿ ತಬರ್‌ಖಾಮ ಚಲೆಗಯೊ.

ಪರಿಸಾಯರ್‌ವಾಳನೆ ಅದ್ಭುತ್ ಕರಿ ವತಾಳ್ ಕರಿ ಬೋಲ್ಯಾತೆ
(ಮತ್ತಾಯ 12:38-42; 16:1-4)

11 ಬಾದ್‌ಮ ಫರಿಸಾಯರ್‌ವಾಳು ಥೋಡು ಅದ್ವಿ ಯೇಸುಕನ ಐನ್, ಇನಜೋಡೆ ಅಬ್ಬಾಜ್ಜಿ ವಾತೆ ಬೋಲಾಲಗ್ಲು. ಇನಾಮ ಗಲ್ಲಿ ಡೂಂಡಾನಖ್ವಾಜೆ, “ತೂ ದೇವ್‌ಥಿ ಆಯೊ ಹುಯೊ ಕರಿ ಮಾಲುಮ್ ಪಡಾನಟೇಕೆ, ಆಕಾಶ್‌ಮ ಏಕ್ ಖ್ವಣೇದ್‌ನು ಕಾಮ್ ಕರೀನ್ ವತಾಳ್” ಕರಿ ಬೋಲ್ಯು.

12 ಅನ ಖ್ವಮ್‌ಜಿನ್ ಯೇಸುನೆ ಇನ ಮನ್‌ಮ ಜೋರೇಖ್ವು ದಮ್ ಲೀಮ್ವೇಲಿನ್, “ಆ ಪಿಳ್ಳೀನು ಅದ್ವಿ ಅದ್ಭುತ್ ಕಾಮ್ ದೇಕ್ವಕರಿ ಶನ ಬೋಲಾಸ್ತೆ? ಮೇ ಖ್ವಾಚಿಮಾಬಿ ಬೋಲುಸ್ಕಿ ಆ ಪಿಳ್ಳಿವಾಳ ಅದ್ವಿನ ಶನು ಖ್ವಣೇದ್‌ಬಿ ಮಳ್‌ಶೆಸ್ ಕೊಯ್ತೆ” ಕರಿ ಬೋಲ್ಯೊ.

13 ಯೇಸುನೆ ಇವ್ವುನ ಮ್ಹಂದಿನ್, ಪಾಲ್ಟೊಫರಿ ಡೋಣ್ ಚಢೀನ್, ದರ್ಮಾವ್‌ನ ಪಾರ್ಲಿ ಕನಾರೆ ಚಲೆಗಯೊ.

ಪರಿಸಾಯರ್ ಅಜ್ಜು ಹೆರೋದನಿ ಬಾರೇಮ ಶಿಷ್ಯರ್‌ನ
ರೈತಾಯೊತೆ
(ಮತ್ತಾಯ 16:5-12)

14 ಯೇಸುನ ಶಿಷ್ಯರ್‌ನೆ ಪೂರಯೆತ್ತು ರೋಟೆ ಪಳ್ಳಿಜಾವಾನು ಭೈಕಿ ಗಯುಥು, ಅಜ್ಜು ಡೋಣ್‌ಮ ಇವ್ವಾಕನ ಎಕ್ವಸ್ ರೋಟೊ ಥೊ.

15 ಯೇಸುನೆ ಇವ್ವುನ, “ಜತನ್, ಫರಿಸಾಯರ್‌ನುಬಿ ಹೆರೋದನು ಶೋಡ ನಾಖ್ಯುಹುಯು ಆಟಾನಿ ಬಾರೇಮ ಬರೋಬರ್‌ಥಿ ದೇಖಲೆವೊ” ಕರಿ ಘಣು ರೈತೈನ್ ಬೋಲ್ಯೊ.

16 ತದೆ ಇವ್ವೆ, “ಅಪ್ಪಕನ ರೋಟೊಕೊಂತೆ ಇನಟೇಕೆ ಅಮ್ ಬೋಲೊಕ್ಕಿ ಶುಕಿ” ಕರಿ ಇವ್ವೆ ಇವ್ವಾಮ ಬೋಲಿಲಿದು.

17 ಯೇಸುನೆ ಇವ್ವೆ ಬೋಲಿಲೆವ್ಕರಾತೆ ಮಾಲುಮ್ಕರಿನ್, “ರೋಟೊಕೊಂತೆ ಬಾರೇಮ ಶನ ಬೋಲಿಲೆವ್ಕರಾಸ್ತೆ? ಬಿಜೂಬಿ ಮಾಲುಮ್ ಪಡ್ಕುಕೊಯ್ನಿಕ್ಕಿ ಶು? ತುಮಾರೊ ದಿಲ್ ಬಂಡೊ ಹುಯಿಗಯೊಕ್ಕಿ ಶು?

18 ಡೋಳ ರೆನ್ಬಿ ದೆಖಾವ ಕೊಯ್ನಿಕ್ಕಿ ಶು? ಕಾನ್ ಛಾತೋಬಿ ಖ್ವಮಜ್ ಪಡಾಕೊಯ್ನಿಕ್ಕಿ ಶು? ತುಮೂನ ಯಾದ್ ಕೊಯ್ನಿಕ್ಕಿ ಶು?

19 ಮೇ ಯೋ ಪಾಚ್ ರೋಟಾನ ತೋಡಿನ್ ಪಾಚ್ ಹಜಾರ್ ಅದ್ವಿನ ದಿದೋತೆ ತದೆ ಉಭರ್ಯ್ತೆ ಟುಕ್ಡಾವ್ನ ಕೆತ್ರ ಟೋಕ್ರಾಮ ಭರ್ಯ್ತೆ?” ಕರಿ ಪುಲ್ಲಾವ್ತಖ್ತರ್,

ಇವ್ವೆ “ಭಾರ ಟೋಕ್ರಾ” ಕರಿ ಬೋಲ್ಯು.

20 “ಅಜು ಯೋ ಖ್ವಾತ್ ರೋಟಾನ ತೋಡಿನ್ ಚಾರ್ ಹಜಾರ್ ಅದ್ವಿನ ದಿದೋತೆ ತದೆ ಉಭರ್ಯ್ತೆ ಟುಕ್ಡಾವ್ನ ಕೆತ್ರ ಟೋಕ್ರಾಮ ಭರ್ಯ್ತೆ?” ಕರಿ ಪುಲ್ಲಾವ್ತಖ್ತರ್,

ಇವ್ವೆ “ಖ್ವಾತ್ ಟೋಕ್ರಾ” ಕರಿ ಬೋಲ್ಯು.

21 ತದೆ ಯೇಸುನೆ ಇವ್ವುನ, “ತುಮೂನ ಬಿಜೂಬಿ ಮಾಲುಮ್ ಪಡ್ಕುಕೊಯ್ನಿಕ್ಕಿ ಶು? ಕರಿ ಪುಲ್ಲಾಯೊ.

ಯೇಸುನೆ ಬೆತ್ನಾಯಿದಾಮ ಕಾಣಾನ ಡೋಳೊ ದಿದೋತೆ

22 ಬಾದಾಮ ಯೇಸುಬಿ ಇನು ಶಿಷ್ಯರ್ ಬೆತ್ನಾಯಿದ ಗಾಮ್ನ ಆಯು. ಹಿಜ್ಜಾ ಥೋಡು ಅದ್ವಿಏಕ್ ಕಾಣಾನ ಯೇಸುಕನ ಬುಲೈಲಾಯಿನ್, “ಆ ಕಾಣಾನ ಛೇಮ್” ಕರಿ ಇನ ಗಿಂಗೈಲಿದು.

23 ಯೇಸುನೆ ಯೋ ಕಾಣಾನ ಹಾತ್ ಧರೀನ್ ಗಾಮ್ನ ಭಾರ್ ಬುಲೈಲೀಜ್ವಿನ್, ಇನ ಡೋಳಾಪರ್ ಥೂಕಿನ್, ಇನಾಪರ್ ಹಾತ್ ಮ್ವೇಲೀನ್, “ತುನ ಶಾತ್ತೋಬಿ ದೆಖಾವಸ್ತಿ ಶು?” ಕರಿ ಇನ ಪುಲ್ಲಾಯೊ.

24 ಇನೆ ಮುಡ್‌ಕ್ಯು ಪಾಡಿ ದೇಖಿನ್, “ಮನ ಅದ್ಮಿಖ್ವಾರು ದೇಖಾವಸ್, ಕತೋಬಿ ಇವ್ಣೆ ಝಾಡಾವ್‌ನಿಮತ್ ದೇಖಾವಸ್‌ತೋಬಿ ಹೈಕಡ್ ಹೀಕಡ್ ಫರುಕರಾಸ್” ಕರಿ ಬೋಲ್ಯು.

25 ತದೆ ಯೇಸುನೆ ಇನ ಡೋಳಾಪರ್ ಫಾಲ್ಟೊ ಇನೊ ಹಾತ್ ಮ್ಹೇಲ್ಯೊ ಯೋ ಡೋಳ ಮ್ಹೇಲಿ ದೇಖಾಖ್ವತರ್ ಇನ ಡೋಳ ಐಗಾಥ, ಅಜು ಇನಅಖ್ವು ಬರೋಬರ್‌ಥಿ ದೇಖಾಯು.

26 ಬಾದ್‌ಮ ಯೇಸುನೆ ಇನ, “ಗಾಮ್‌ನ ಮಹಿ ನಕೊ ಜ್ಞಾ” ಕರಿ ಬೋಲಿನ್ ಇನ ಘರೆ ಮೋಕ್ಲಿದಿದೊ.

ಪೇತ್ರನೆ ಯೇಸುನ ಕ್ರಿಸ್ತ ಕರಿ ಬೋಲ್ಯೊತೆ

(ಮತ್ತಾಯ 16:13-20; ಲೂಕ 9:18-21)

27 ಬಾದ್‌ಮ ಯೇಸುಬಿ ಇನು ಶಿಷ್ಯರ್ ಫಿಲಿಪ್ಪನು ಕೈಸರೆಯ ಕರಿ ಖ್ವಿಯೇರ್ ಖನ್ನೆನು ಖ್ವಾರ ಗಾಮ್‌ನ ಜಾವ್ಣುಕರಿ ನಿಕ್‌ಳ್ತ್ಯಾ ವಾಟ್‌ಪರ್ ಯೇಸುನೆ, “ಅದ್ಮಿಖ್ವಾರು ಮೇ ಕೋಣ್ ಕರಿ ಬೋಲಾಸ್?” ಕರಿ ಇನ ಶಿಷ್ಯರ್‌ನ ಪುಲ್ಲಾಯೊ.

28 ತದೆ ಇವ್ಣೆ “ಥೋಡು ಜಣು ತುನ, ‘ಬ್ಯಾಪ್ತಿಸ್ಮದ್ಯವಾಳೊ ಯೋಹಾನ’ ಕರಿ ಬೋಲಾಸ್, ಥೋಡು ಜಣು ತೂ ‘ಎಲೀಯ’ ಕರಿ ಬೋಲಾಸ್, ಅಜು ಥೋಡು ಜಣು, ‘ತೂ ಪ್ರವಾದೀಮ ಏಕ್ ಜಣೊ ಹುಯಿರಲ್ವೊಸ್’ ಕರಿ ಬೋಲಾಸ್” ಕರಿ ಬೋಲ್ಯು.

29 ಯೇಸುನೆ ಇವ್ಣುನ, “ತುಮೆ ಶಾತ್ ಬೋಲೋಸ್? ಮೇ ಕೋಣ್?” ಕರಿ ಪುಲ್ಲಾವ್‌ತಖ್ವತರ್,

ಪೇತ್ರನೆ, “ತೂ ದೇವ್‌ಥಿ ಆವ್ಣುತೆ ಕ್ರಿಸ್ತ ಹುಯಿರಲ್ವೊಸ್” ಕರಿ ಬೋಲ್ಯೊ.

30 ತದೆ ಯೇಸುನೆ, “ಮಾರಿ ಬಾರೇಮ ಕಿನಾಬಿ ನಾ ಬೋಲ್‌ನು” ‡ ಕರಿ ಇವ್ಣುನ ರೋತ್ಯೆನ್ ಬೋಲ್ಯೊ.

† 8:29 8:29 ‘ಕ್ರಿಸ್ತ’ ಕತೊ ಗ್ರೀಕ್ ವಾತೆನು ಪದ ಹುಯಿರಲ್ವೊಸ್. ಹಿಬ್ರುಮ ಮೆಸ್ಸೀಯಕರಿ ಬೋಲಾಸ್. ಇನು ಅರ್ಥ ಛುಟ್ಕಾರ್ ಕರಾವಾಳೊಕರಿ. ಆ ಏಕ್ ಬಿರುದ್ ಹುಯಿರಲ್ವೊಸ್. ಯೆಹೂದ್ಯರ್‌ನ ಲೋಗ್ ‘ಕ್ರಿಸ್ತ’ ಕರಿ ಪುಕಾರ್‌ತೊಡ್ಲು. ‡ 8:30 8:30 ಮೇಸ್ ಕ್ರಿಸ್ತ ಹುಯಿರಲ್ವೊಸ್ ಕರಿ ಕಿನಾಬಿ ನಾ ಬೋಲ್‌ನು ಕರಿ ಬೋಲ್ಯೊತೆ.

ಯೇಸುನೆ ಯೋ ವದೇಖ್ತ್ ಪಡೀನ್ ಮರ್ಶೇತೆ ಬಾರೇಮ ಪಹಿಲೇಸ್ ಬೋಲ್ಯೋತೆ

(ಮತ್ತಾಯ 16:21-28; ಲೂಕ 9:22-27)

31 ಅಜ್ಜು ಯೇಸುನೆ, “ಅದ್ಮಿನೊ ಛಿಯೊ ಘಣು ಲತಾಡ ಪಡ್ಜು ಅಜ್ಜು ಶಾಣಾವ್‌ಧೀಬಿ, ಗಲ್‌ಥಯಾಜಕರ್‌ಧಿ, ಅಜ್ಜು ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಖ್ತಾರು ಇನ ಝಿಟ್ಕಾರಿನ್ ಧಕೇಲಿದಿಶೆ. ಅಜ್ಜು ಇನ ಮಾರಿನಾಕ್‌ಶೆ, ಮರಿಜ್ಜಾವಾನ ಬಾದ್‌ಮ, ತೀನ್‌ರೋಜ್ ಕೇಡೆ ಯೋ ಪಾಲ್ಟೊ ಜಿವೊಹುಯಿನ್ ಉರಿನ್ ಆವಾಶೆ” ಕರಿ ಇನ ಶಿಷ್ಯರ್‌ನ ಬೋಲಿದ್ಯವಾನಿಕ್‌ಳೊ.

32 ಯೇಸುನೆ ಆ ವಾತೆನ ಶಾತ್ತ್ರಿ ಲಪಾಡ್‌ಜೊಕೊಂತೆ ಬೋಲ್ಯೊ. ತದೆ ಪೇತ್ರನೆ ಯೇಸುನ ಬಾಜುಮ ಬುಲೈಲಿಜ್ಜೆನ್ ಇನ, “ಅಮ್ ನಕೊ ಬೋಲ್” ಕರಿ ಜಿದ್‌ಕರಲ್ಯೊ.

33 ತದೆ ಯೇಸುನೆ ಪೀರೆ ಫರೀನ್, ಇನ ಶಿಷ್ಯರ್‌ನ ದೇಖಿನ್, ಪೇತ್ರನ ಗುರ್‌ಕೈನ್, “ಶೈತಾನ್, ಮಾರ ಖ್ವಾಪ್ಪೇಥೊ ಹಟಿಜಾ, ತಾರಿ ಸೋಚ್ ಅದ್ಮಿನಿ ಸೋಚಸ್ ಪಣ್ಣಿ ದೇವ್ನಿ ಸೋಚ್ ಕಾಹೆ” ಕರಿ ಬೋಲ್ಯೊ.

34 ಬಾದ್‌ಮ ಯೇಸುನೆ ಇನ ಶಿಷ್ಯರ್‌ನ ಅಜ್ಜು ಅದ್ಮಿನಿ ಝೂಂಡ್‌ನ ಇನಾಕನ ಬುಲಾಯೊ. ಇನೆ ಇವ್ವುನ ಬೋಲ್ಯೊಕಿ, “ಕೋಣ್‌ತೋಬಿ ಮಾರ ಪೀರೆ ಆವ್ವುಕರಿ ಮನ್ ಉಶೇತೊ, ಇನು ಯೋ ಬೈಕಿನ್, ಇನಿ ಶಿಲ್‌ಬೇನಸ್ ಪಾಡಿಲೀನ್, ಮಾರ ಪೀರೆ ಆವಾದೆ.

35 ಕೋಣ್‌ತೋಬಿ ಏಕ್ ಭಣು ಇನು ಜಾನ್ ಬಘಾಡಿಲೇವ್ವು ಕರಿ ಕರಲ್ಯತೊ, ಯೋ ಇನು ಜಾನ್ ಗುಮೈಲಿಶೆ; ಕತೋಬಿ ಮಾರಖ್ವಾಜೆಬಿ ಅಜ್ಜು ದೇವ್ನಿ ಅಲ್ಟಿ ಖಬರ್‌ನಖ್ವಾಜೆ, ಕೋಣ್‌ತೋಬಿ ಜಾನ್ ದಿದುತೊ, ಯೊ ಇನ ಬಘಾಡಿಲಿಶೆ.

36 ಏಕ್ ಅದ್ಮಿ ಹಿಡಿ ಜಗತ್‌ನಾಸ್ ಜೂತಿಲೀನ್ ಇನು ಜಾನ್ ಗುಮೈಲಿದುತೊ ಇನ ಶನು ಫಾಯಿದೊ? ಶನೀಸ್ ಫಾಯಿದೊ ಕೊಯ್ಲಿ!

§ 8:34 8:34 ಅಮ್‌ಕತೊ ಮರಾನಿ ಘಡಿತೋಬಿ ಕ್ರಿಸ್ತನಖ್ವಾಜೆ ಲತಾಡ ಪಡಾನಟೇಕೆ ತೈಯಾರ್ ರಟ್ಟೇಣು ಕರಿ.

37 ಕೋಣ್ತೋಬಿ ಏಕ್ ಭಣು ಶಾತ್ತೋಬಿ ದೀನ್ ಇನೊ ಜಾನ್ನ್ ಪಾಳ್ವು ಲಿಯ್ಯೆಜಾಯಿಕಿ ಶು?

38 ವ್ಯಭಿಚಾರಣಿ ಘೋಣಿ ಛಾತೆ†, ಆ ಪಾಪ್‌ಭರಿ ಪಿಳ್ಳಿಮ ಕೋಣ್ತೋಬಿ, ಮಾರಖ್ವಾಜೆ ಅಜ್ಜು ಮೇ ಬೋಲಿಶಿಕಾಡುತೆ ವಚನ್ನಖ್ವಾಜೆಬಿ ಖ್ವರ್‌ಮಾಯೂತೊ, ಅದ್ಮಿನೊ ಲಿಯ್ಯೆಜಾಬಿ ಇನ ಬಾನಿ ಶಕತ್‌ಥೀಬಿ ಅಜ್ಜು ಉಜಾಖ್ವಾಥಿ ಭರೈನ್, ಅದಿಕಾರ್‌ಥಿ ಪವಿತ್ರ ದೇವ್‌ದೂತರ್‌ನ ಜೋಡೆ ಆವಾನಿ ವಖ್ವತ್‌ಮ, ಯೊ ಅದ್ಮಿನಿ ಬಾರೇಮ ಖ್ವರ್‌ಮಾವಾಶೆ” ಕರಿ ಬೋಲ್ಯೊ.

9

1 ಅಜ್ಜು ಯೇಸುನೆ ಇವ್ಣುನ, “ತುಮೂನ ಖ್ವಾಚಾಮ ಬೋಲುಸ್ಕಿ, ಹಾ ಭಿಯ್ಯಾತೆ ತುಮಾರಾಮ ಥೋಡು ಭಣು ದೇವ್ನಿ ರಾಜ್ಯ ಶಕತ್‌ಥಿ ಆವಾನು ದೇಖಾತೋಡಿ ಮರ್‌ಶೆಸ್ ಕೊಯ್ನ್” ಕರಿ ಬೋಲ್ಯೊ.

ಯೇಸುನು ರೂಪ್ ಬದ್‌ಲ್ಯಾತೆ

(ಮತ್ತಾಯ 17:1-13; ಲೂಕ 9:28-36)

2 ಲೊ ದನ್ನ ಬಾದ್‌ಮ ಯೇಸುನೆ ಪೇತ್ರ, ಯಾಕೋಬ ಬಿಜ್ಜು ಯೋಹಾನ್ ಕೇಡೆ ಬುಲೈಲಿನ್ ಉಚ್ಚಾ ಪಹಾಡ್‌ಪರ್ ಗಯೊ. ಹಿಜ್ಜಾ ಇವ್ಣುನ ಮ್ಹಂದಿನ್ ಕೋಣ್‌ಬಿ ಕೋ ಥೂನಿ. ಇವ್ಣ ಡೋಳಾನ ಖ್ವಾಮ್ಪೇಸ್, ಯೇಸುನು ರೂಪ್ ಬದ್ಲಿಗಯ್.

3 ಯೇಸುನು ಪೆರ್ವಾಖ್ವಾಅಖ್ವು ಥೋಳು ಫಟ್ ಹುಯಿನ್, ಝಮ್‌ಕಾಲಗ್ಯುಥು. ಜಮೀನ್‌ಪರ್ ಛಾತೆ ಕೆಹೊ ಥೋಬೀಬಿ ಎತ್ರ ಥೋಳು ಫಟ್ ಕರಾನ ಕೋ ಹುವ್ವಾನಿತೆ ಇಮ್ ಥು.

4 ತದೆ ಎಲೀಯಬಿ ಮೋಶೆ ಯೇಸುನ ಜೋಡೆ ವಾತೆ ಬೋಲುಕರಾನು ಯೋ ತೀನ್ ಶಿಷ್ಯರ್‌ನೆ ದೇಖ್.

* 8:37 8:37 ಮರ್‌ವಾನ ಬಾದ್‌ಮ ಶಾತ್ತೋಬಿ ದೀನ್ ಹರ್‌ಹಮೇಶ ರ್ವಾವಾಳಿ ಜಿಂಡಾಗಿ ಲಿಯ್ಯೆಜಾಯಿಕಿ ಶು? † 8:38 8:38 ದೇವ್‌ನೊ ಡರ್ ಕೊಯ್ನತೆ ಆ ಪಾಪ್‌ಭರಯ ದನ್ನ ಛಾತೆ

5 ತದೆ ಪೇತ್ರನೆ ಯೇಸುನ, “ಗುರು, ಹಮೆ ಹಜ್ಜಸ್ ರ್ವವಾನು ಅಲ್ಲು! ಹಮೆ ಹಜ್ಜಾ ತೀನ್ ಡೇರಾ ಲೋಕೆಸ್, ಏಕ್ ತುನ, ಏಕ್ ಮೋಶೇನ ಅಜ್ಜು ಏಕ್ ಎಲೀಯನ” ಕರಿ ಬೋಲ್ಯೊ.

6 ಶಾತ್ ಬೋಲ್‌ನು ಕರಿ ಮಾಲುಮ್ ಕೋ ಪಡ್ತುನಿತೆ ಇನಾಖ್ವಾಜೆ ಪೇತ್ರನೆ ಅಮ್ ಬೋಲ್ಯೊತೆ. ಶನಕತೊ ಇವ್ಣೆ ಘಣು ಡರೀರ್ಲ್ಯೊ.

7 ಎತ್ರಾಸ್‌ಮ ವಾದ್‌ಳು ಏನ್ ಇವ್ಣಾಪರ್ ಡಪೈಗಯು. ಯೋ ವಾಡ್ತನ ಮಹಿಧು, “ಆ ಮಾರೊ ಪ್ಯಾರ್‌ನೊ ಛಿಯ್ಯೊ ಅನಿ ವಾತೆನ ಖ್ವಮ್‌ಚೊ!” ಕರಿ ಅವಾಜ್ ಆಯೊ.

8 ಫಕ್ ಕರಿ ಇವ್ಣೆ ಅಶ್‌ಪೀಶ್ ದೇಖಾಖ್ತರ್, ಇವ್ಣಿ ಜೋಡ್ತಯೇಸುನ ಮ್ಹೆಂದಿನ್ ಬಿಜ್ಜು ಕೋಣ್‌ಬಿ ಕೋ ಥೂನಿ.

9 ಇವ್ಣೆ ಯೋ ಪಹಾಡ್‌ಪರ್‌ಧು ಉತ್ರಿನ್ ಆವಾನಿ ವಖ್ತಮ್ ಯೇಸುನೆ ಇವ್ಣುನ, “ತುಮೆ ಹಮ್ಕೆ ದೇಖ್ಯಾತೆ ಇನ ಅದ್ಮಿನೊ ಛಿಯ್ಯೊ ಮರಿನ್ ಜಿವ್ತೊ ಹುಯಿನ್ ಉರಿ ಆವಾತೋಡಿ, ಕಿನಾಬಿ ನಾ ಬೋಲ್‌ನು” ಕರಿ ರ್ಪುತ್ಯೆನ್ ಬೋಲ್ಯೊ.

10 ಇವ್ಣೆ ಯೋ ವಾತೆನ ಮಾನಿಗಯು, ಕತೋಬಿ, “ಮರಿನ್ ಜಿವ್ತೊಹುಯಿನ್ ಉರಾನು ಕತೊ ಶಾತ್?” ಕರಿ ಇವ್ಣ-ಇವ್ಣ ಮಹಿಸ್ ವಾತೆ ಬೋಲಾಲಗ್.

11 ಅಜ್ಜು ಇವ್ಣೆ ಯೇಸುನ, “ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಖ್ವಾರ್ ಎಲೀಯ ಅಗಾಡಿ ಆವಾನು ಜ್ಜರೂರತ್ ಛಾ, ಕರಿ ಶನ ಬೋಲಾಸ್ತೆ?” ಕರಿ ಪುಲ್ಲಾಯ.

12 ತದೆ ಯೇಸುನೆ, “ಎಲೀಯ ಪಹಿಲೆ ಏನ್ ಖ್ವಾರ್ ಖ್ವಾರ್‌ಶೇತೆ ಖ್ವಾಚಸ್. ಕತೋಬಿ ಅದ್ಮಿನೊ ಛಿಯ್ಯಾನಿ ಬಾರೇಮ, “ಯೋ ಘಣು ಲತಾಡ ಪಡೀನ್ ಅದ್ಮಿ ಧಕೇಲೈಜಾಶೆ ಕರಿ ಲೀಖೈರ್ಲ್ಯೊಸ್‌ನಿ, ಆ ಕಿಮ್?”

13 ಕತೋಬಿ ಮೇ ತುಮೂನ ಬೋಲೂಸ್ಕಿ, ಎಲೀಯ ಆಯೊ ಅಜ್ಜು ಇನಿ ಬಾರೇಮ ವಾಕ್ಯಾಮ ಲೀಖೈರ್ಲ್ಯೊತೆ ಇಮ್ ಅದ್ಮಿಖ್ವಾರ್ ಇವ್ಣ ಮನ್‌ಮ ಆಯುತೆ ಇಮ್ ಇನ ಖ್ವತೈನ್ ಮಾರ್ಲ್ಯೊ” ಕರಿ ಬೋಲ್ಯೊ.

ಯೇಸುನೆ ಭೂತ್ ಧರಿರಾಖ್ಯುಧೂತೆ ಲಡ್ಡಾನ ಅಱ್ಫು ಕರ್ರೊತೆ
(ಮತ್ತಾಯ 17:14-20; ಲೂಕ 9:37-43)

14 ಬಾದ್‌ಮ ಯೇಸುಬಿ ಇನ ತೀನ್ ಶಿಷ್ಯರ್, ಉಭಾರ್‌ಚ್ಯಾತೆ ಬಿಜು ಶಿಷ್ಯರ್‌ಕನ ಐನ್, ಇವ್ಣ ಅಶ್‌ಪಿಶ್ ಅದ್ನಿನಿ ಮೋಟಿ ಭೀಡ್ ಭರ್ಚೆರ್ದೆತ್ತೆ ಅಜು ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರೀಮ ಥೋಡು ಜಣು ಇವ್ಣ ಜೋಡೆ ಅಬ್ಬಾಜಬ್ಬಿ ವಾತೆಕರುರಾತೆ ದೇಖ್.

15 ಅಜು ಇವ್ಣೆಖ್ವಾರು ಯೇಸುನ ದೇಖಿನ್, ಘಣು ಆಶ್ಚರ್ಯಖಾದು, ಅಜು ಇನಾಕನ ನಾಶಿ ಆಯಿ ಮಳಿನ್ ಖಿಲಾಮ್ ಕರ್ರ್.

16 ತದೆ ಯೇಸುನೆ ಇನ ಶಿಷ್ಯರ್‌ನ, “ಇವ್ಣ ಜೋಡೆ ಶಾತ್ ಅಬ್ಬಾಜಬ್ಬಿ ವಾತೆ ಕರುಕರ್ತಧಾತೆ?” ಕರಿ ಪುಠಾಯೊ.

17 ತದೆ ಯೋ ಝೂಂಡ್‌ಮಾಥು ಏಕ್ ಜಣು, “ಗುರು, ಮಾರ ಛಿಯ್ಯಾನ ಏಕ್ ಮುಕ್ತೊ ಭೂತ್* ಧರಿರಾಖ್ಯುಸ್, ಇನಾಖ್ವಾಜಿ ತಾರಕನ ಬುಲೈಲಾಯೊಥೊ.

18 ಯೋ ಭೂತ್ ಕದೆ ಇನಾಪರ್ ಆಯುತೋಬಿ, ಇನ ಹೇಟ್ ರಡ್‌ಕ್ಳೆದೇಸ್, ಬಿಜು ಯೋ ಮ್ಹೋಡಾವಾಟೆ ಜಲಭು† ಕಾಡ್ತೊಹುಯಿನ್, ಕರ್-ಕರ್ ದಾತ್ ಫಾವೊಹುಯಿನ್ ಅಕ್‌ಡೈಜಾಸ್. ಇನಾಮಾಥು ಯೋ ಭೂತ್‌ನ ಕಾಡೊ ಕರಿ ತಾರ ಶಿಷ್ಯರ್‌ನ ಬೋಲಿಲಿದೊ, ಕತೋಬಿ ಇವ್ಣ ಹಾತೆ ಕೋಹುಯುನಿ” ಕರಿ ಬೋಲ್ಯು.

19 ತದೆ ಯೇಸುನೆ “ಏ ವಿಶ್ವಾಸ್‌ಕೊಂತೆ ಪಿಳ್ಳಿಯೆ! ಮೇ ಬಿಜು ಕೆತ್ರ ದನ್ ತುಮಾರ ಜೋಡೆ ರ್‌ಣಿಣು? ಅಜು ಕೆತ್ರ ದನ್ ತುಮಾನ ಖಿಮಾಳಾಣು? ಇನ ಮಾರಾಕನ ಬುಲೈಲ್ಯಾವೊ” ಕರಿ ಬೋಲ್ಯೊ.

20 ಇವ್ಣೆ ಇನ ಯೇಸುಕನ ಬುಲೈಲಾಯು. ಯೇಸುನ ದೇಕ್ತಾಸ್‌ನ, ಯೋ ಭೂತ್ ಯೋ ಫೋಕ್ತಾನ ಧಡಾಶ ಮರಾವಲಗ್ಯು, ಯೋ ಫೋಕ್ತು ಜಮೀನ್‌ಪರ್ ಪಡೀನ್ ಮ್ಹೋಡಾವಾಟೆ ಜಲಭು ಕಾಡ್ತೊಹುಯಿನ್ ತರಪ್‌ಥಾಲಗ್ಯು.

* 9:17 9:17 ಯೋ ಭೂತ್ ಮುಕ್ತು ಕಾಹೆ. ಭೂತ್ ಧರಿರಾಖ್ಯುಧೂತೆ ಇನಾಖ್ವಾಜಿ ಯೋ ಮುಕ್ತೊ ಹುಯಿರ್ದೊಥೊ † 9:18 9:18 ಪೇಖ್ವಟ್, ಥೂಕ್ ಕರೀಬಿ ಬೋಲಸ್

21 ಯೇಸು ಯೋ ಛೋಕ್ರಾನ ಬಾನ, “ಅನ ಆ ಭೂತ್ ಧರೀನ್ ಕೆತ್ರ ದನ್ ಹುಯ್?” ಕರಿ ಪುಲ್ಲಾವಖ್ತರ್,

ಇನೆ, “ಅಡ್ಡಾಣಿಪರಸ್ ಆಯುಧು;

22 ಅಜ್ಜು ಅನ ಮಾರ್ನ್ ಕರಿ ಘಣಿ ಹಲ್ಲ ಆಗ್‌ಮಾಬಿ, ಪಾಣಿಮಾಬಿ ನಾಕ್ತುಧು. ತಾರ ಹಾತೆ ಶಾತ್ನೊಬಿ ಹೋತು ಉಶೇತೊ! ಹಮಾರಪರ್ ಗೋರ್‌ಕರೀನ್, ಮದತ್ ಕರ್” ಕರಿ ಬೋಲ್ಯು.

23 ಯೇಸುನೆ ಇನ, “ತಾರ ಹಾತೆ ಹೋತು ಉಶೇತೊ! ಕರಿ ಬೋಲಾಸ್ ಕಿಶು? ನಂಬವಾಳಾನ ಖ್ವಾರುಸ್ ಹುವಾಸ್” ಕರಿ ಬೋಲ್ಯೊ.

24 ಇಮ್ ಬೋಲ್ತಾಸ್‌ನ ಯೋ ಛೋಕ್ರಾನ ಬಾನೆ, “ನಂಬುಸ್, ಮಾರಿ ವಿಶ್ವಾಸ್‌ಕಮ್ ಉಶೇತೊಬಿ, ಮದತ್‌ಕರ್” ಕರಿ ಚಿಕ್ರಿನ್ ಬೋಲ್ಯೊ.

25 ತದೆ ಯೇಸುನೆ ಬಿಜೂಬಿ ಅದ್ಮಿನಿ ಝೂಂಡ್ ಇವ್ಣ ಭಣಿ ನಾಶಿ ಉಳ್ಳಾವತೆ ದೇಖಿನ್, ಯೋ ಭೂತ್‌ನ ಗುರ್‌ಕೈನ್, “ಏಯ್, ಬೈರಾ ಮುಕ್ತಾಭೂತ್, ಅನ ಮ್ಹೆಂದಿನ್ ಭಾರ್‌ನಿಕಳ್, ಪಾಲ್ತು ಅನ ನಾ ಧರ್‌ನು! ಕರಿ ಮೇ ತುನ ಹುಕುಮ್ ದೆವ್‌ಕರುಸ್” ಕರಿ ಬೋಲ್ಯೊ.

26 ತದೆ ಯೋ ಭೂತ್ ಚಿಕ್ರಾಣ್ ಮ್ಹೇಲಿನ್, ಯೋ ಛೋಕ್ರಾನ ಧಡಾಶ ಮರೈನ್, ಇನ ಮಹಿತು ಭಾರ್ ನಿಕ್ಕಿಗಯು. ತದೆ ಯೋ ಛೋಕ್ರು ಮರ್ರ್‌ಹುಯಾನಿಘೋಣಿ ಪಡ್ಕುಧೂತೆ ದೇಖಿನ್ ಘಣ ಅದ್ಮಿನಿ, “ಆ ಮರಿಗಯು!” ಕರಿ ಬೋಲ್ಯು.

27 ಕತೋಬಿ ಯೇಸುನೆ ಯೋ ಛೋಕ್ರಾನ ಹಾತ್ ಧರಿನ್ ಉತಾಡ್‌ತಾಖ್ತರ್, ಯೋ ಉರಿ ಭೀರಿಗಯು.

28 ಯೇಸು ಘರ್‌ಮ ಆವಾದಿನ್, ಎಕ್ಲೋಸ್ ರ್‌ವಾನಿ ವಖ್ತಮ್, ಇನ ಶಿಷ್ಯರಾನೆ, “ಯೋ ಭೂತ್‌ನ ಕಾಡಾನ ಹಮಾರೇಥಿ ಶನ ಕೋ ಹುಯೂನಿ?” ಕರಿ ಯೇಸುನ ಪುಲ್ಲಾಯು.

29 ತದೆ ಯೇಸುನೆ, “ಆ ಜಾತ್ನು ಭೂತನ, ಪ್ರಾರ್ಥನೆಧೀಸ್ ಪಣ್ಣಿ ಬಿಜ್ಜು ಶನೇಧೀಬಿ ಕಾಡಾನ ಕೋ ಹುವಾನಿ”‡ ಕರಿ ಬೋಲ್ಯೊ

ಯೇಸುನೆ ಇನಿ ಮರಣ್ಣಿ ಬಾರೇಮ ಪಾಲ್ಟೊ ಬೋಲ್ಯೊತೆ
(ಮತ್ತಾಯ 17:22-23; ಲೂಕ 9:43-45)

30 ಯೇಸುಬಿ ಇನು ಶಿಷ್ಯರ್ ಹಿಜ್ಜಾಡ್ಲು ನಿಕ್ಕಿನ್ ಗಲಿಲಾಯ ತಬರ್‌ಖಾಮಾಕರಿ ವಳ್ಳಜಾತಾಡ್. ಯೋ ಕಿಜ್ಜಾ ಲ್ಲಾ ಕರಿ ಕಿನಾಬಿ ನಾ ಮಾಲುಮ್‌ಪಡ್ಜುಕರಿ ಯೇಸುನ ದಿಲ್ಮಡ್.

31 ಶನಕತೊ ಯೇಸು ಇನ ಶಿಷ್ಯರ್‌ನ ಬೋಲಿ ದೇತೊಹುಯಿನ್, “ಅದ್ವಿನ ಛಿಯ್ಯಾನ, ಇನ ಮಾರಿನಾಖವಾಳಾನ ಹಾತ್‌ಮ ದೆವೈಜಾಶೆ, ಇವ್ಣೆ ಇನ ಮಾರಿನಾಕ್‌ಶೆ. ಕತೋಬಿ ಮರೀನ್ ತೀನ್ ರೋಜ್ ಕೇಡೆ, ಯೋ ಪಾಲ್ಟೊ ಜಿವ್ವೊ ಹುಯಿನ್ ಉರಿ ಆವ್‌ಶೆ” ಕರಿ ಬೋಲ್ಯೊ.

32 ಕತೋಬಿ ಇವ್ಣೆ ಯೋ ವಾತೆನ ಪರ್‌ಖ್ಯುಕೊಯ್ಚಿ, ಅಜ್ಜು ಇನಿ ಬಾರೇಮ ಯೇಸುನ ಪುಲ್ಲಾವನಾಬಿ ಡರಿಗಯ್.

ಅಖ್ಬೇಥಿ ಮೋಟು ಕೋಣ್?

(ಮತ್ತಾಯ 18:1-5; ಲೂಕ 9:46-48)

33 ಇವ್ಣೆ ಕಪೆರ್ನೊಮ್ ಗಾಮ್ ಆಯ್. ಅಜ್ಜು ಯೇಸು ಘರ್‌ಮ ರ್ಹವಾನಿ ವಖ್ತಮ್, ಇನ ಶಿಷ್ಯರ್‌ನ, “ತುಮೆ ವಾಟ್‌ಪರ್ ತುಮಾರ ತುಮಾರಸ್‌ಮ ಶಾತ್ ಅಬ್ಬಾಜ್ಬಿ ವಾತೆ ಕರುಕರ್ತಥಾತೆ?” ಕರಿ ಪುಲ್ಲಾಯೊ.

34 ಕತೋಬಿ ಇವ್ಣೆ ಜವಾಬ್ ಕೋ ದಿದೂನಿ, ಶನಕತೊ ಇವ್ಣೆ ವಾಟ್‌ಪರ್, ಅಖ್ಬೇಥಿ ಮೋಟೊ ಕೋಣ್ ಕರಿ ಇವ್ಣ-ಇವ್ಣಾಮ ಅಬ್ಬಾಜ್ಬಿ ವಾತೆ ಕರುಕರ್ತಥ್.

35 ಯೇಸು ಬೇಶಿನ್, ಇನ ಭಾರಜ್ಜಣ ಶಿಷ್ಯರ್‌ನ ಬುಲೈನ್ ಇವ್ಣುನ, “ತುಮಾರಮ ಕೋಣ್‌ತೋಬಿ ಅಖ್ಯಾಮ ಅಗಾಡಿ ರ್ಹೇವ್ಣುಕರಿ

‡ 9:29 9:29 ಗ್ರೀಕ್‌ನು ಥೋಡು ವಾಕ್ಯಾನು ಭಾಗ್‌ಮ ‘ಪ್ರಾರ್ಥನೆ ಅಜ್ಜು ಉಪವಾಸ್‌ಥಿ’ ಕರಿ ಲ್ಲಾ

ಉಶೇತೊ ಇನು ಯೋ ಅಖ್ವೇಥಿ ಪಾಲ್ಟೊ ಹೋಣು ಅಜ್ಜು ಅಖ್ವಾನೊ ಸೇವಕ್ ಹುಯಿರ್ದೊವ್ಣ್” ಕರಿ ಬೋಲ್ಯೊ.

36 ಅಜ್ಜು ಇನೆ ಏಕ್ ಅಡ್ವಾಣಿ ಲಡ್ಕಾನ ಬುಲೈನ್ ಶಿಷ್ಯರ್‌ನ ಇಚ್ಛೆಮ ಭೀರಖಾಡೀನ್, ಇನ ಬಡ್ವೆನ್ ಇವ್ಣುನ,

37 “ಕೋಣ್‌ತೋಬಿ ಮಾರ ನಾಮ್‌ಪರ್ ಅಮ್ಮ ಅಡ್ವಾಣಿ ಲಡ್ಕಾಮ ಏಕ್‌ನ ಮಳ್ಳೆಲಿದೊತೊ, ಯೋ ಮನ ಮಳ್ಳೆ ಲ್ಯಾವದಾಖ್ಲಲ್, ಅಜ್ಜು ಕೋಣ್‌ತೋಬಿ ಮನ ಮಳ್ಳೆಲಿದೊತೊ, ಮನಾಸ್ ಕಾಹೆತೆ ಮನ ಮೋಕ್‌ಲ್ಯೊತೆ ಇನಾಬಿ ಮಳ್ಳೆಲ್ಯಾವದಾಖ್ಲಲ್” ಕರಿ ಬೋಲ್ಯೊ.

ಅಪ್ಪುನ ಕೋಣ್ ದುಶ್‌ಮನ್ ಕರಾಕೊಯ್ತಿಕಿ ಇವ್ಣೆ ಅಪ್ಪಾಸ್ ಭಣಿವಾಳು ಹುಯಿರ್ದೊವ್ಣ್
(ಲೂಕ 9:49-50)

38 ತದೆ ಯೋಹಾನನೆ ಯೇಸುನ, “ಗುರು, ಕೋಣ್‌ಕಿ ಏಕ್ ಜಣು ತಾರು ನಾಮ್ ಬೋಲಿನ್ ಭೂತ್ ನಖ್ವಾಡುಕರ್ತುಡ್ಲಾತೆ ಹಮೆ ದೇಖಿನ್, ಯೋ ಅಪ್ಪ ಭಣಿವಾಳು ಕಾಹೆತೆ ಇನಖ್ವಾಜೆ, ಇನ ಭಿರಾಕಡ್, ಕರಿ ಬೋಲ್ಯ” ಕರಿ ಬೋಲ್ಯೊ.

39 ತದೆ ಯೇಸುನೆ, “ಇನ ನಕೊ ಭಿರಾಖಡೊ, ಮಾರ ನಾಮ್‌ಪರ್ ಅದ್ಭುತ್ ಕರೀನ್ ಏಕ್‌ದಮ್ ಮಾರಿ ಬಾರೇಮ ಖರಾಬ್ ಬೋಲಾನ ಕಿನಾಬಿ ಕೋ ಹುವಾನಿ.

40 ಅಪ್ಪಪರ್ ದಾವೊನ್ ಕರಾಕೊಂತೆ ಇವ್ಣೆ ಅಪ್ಪಾಸ್ ಭಣಿವಾಳು ಹುಯಿರ್ದೊವ್ಣ್.

41 ಮೇ ಖ್ವಾಜಮಾಬಿ ಬೋಲುಸ್ಸಿ, ತುಮೆ ಕ್ರಿಸ್ತಭಣಿವಾಳು ಕರಿ, ಕೋಣ್‌ತೋಬಿ ಏಕ್‌ಜಣೊ ತುಮೂನ ಏಕ್ ತಾಂಬ್ಯೊ ಪಾಣಿ ಪಿಯ್ಯಾನು ದಿದುತೋಬಿ, ಇವ್ಣುನ ಮಳ್ಳೆಶೆತೆ ಇನಾಮ್ ಟ್ರುಕ್‌ಶೆಸ್ ಕೊಯ್ತೆ”.

§ 9:40 9:40 ದುಶ್‌ಮನ್ ಕರಾಕೊಂತೆ ನತರ್‌ಕಿ ವಹೇರ್ ಕರಾಕೊಯ್ತೆ ಇವ್ಣೆ ಅಪ್ಪಾಸ್ ಭಣಿವಾಳು ಹುಯಿರ್ದೊವ್ಣ್ ಕರಿ ಮತ್‌ಲಬ್

ಪಾಪ್‌ಮ ಚಲಾವವಾಳಾನ ರೈತಾವ್ವಿ
(ಮತ್ತಾಯ 18:6-9; ಲೂಕ 17:1-2)

42 ಅಜ್ಜು ಕೋಣ್‌ತೋಬಿ ಮನ ನಂಬವಾಳ ಆ ನ್ಹಾನಾವ್‌ಮ ಏಕ್‌ನಿ ವಿಶ್ವಾಸ್ ಮಾರಪರ್‌ಥು ತುಟಿ ಭಾವಾನಿಘೋಣಿ ಕರ್ಯೊತೊ, ಯೋ ಅದ್ವಿನ ಘಲೆಂಡ ಕೇಡೆ ಮೋಟೊ ಘಟ್ಟಿನೊ ಬಂಡೊ* ಭಾಂದೀನ್ ದರ್ಯಾವ್‌ಮ ನಾಖಿ ದಿದುತೋಬಿ ಇನ ಅಱ್ಱುಸ್.

43 ಅತ್ರೇಸ್ ಕಾಹೆತಿ, ತಾರೊ ಹಾತ್ ತುನ ಪಾಪ್‌ಮ ಖ್ವಪ್‌ಡಾವ್‌ತೊ ಉಶೇತೊ ಇನ ಕತ್ರಿ ನಾಖಿದೆ;

44 †ಬೇ ಹಾತ್ ರಾಖಿನ್ ಕದೇಬಿ ಉಝಾವಾನಿ ಕಾಹೆತಿ ಆಗ್ ಹುಯಿರ್ದೀತೆ ನರಕ್ ಪಡಾಫೀಬಿ, ಹಾತ್‌ಕೊಂತೆ ಹರ್‌ಹಮೇಶ ರ್ಹವಾನಿ ಛಿಂದ್‌ಗಿ ಭಾವಾನು ತುನ ಅಶೇಲ್.

45 ಅಜ್ಜು ತಾರೊ ಗೋಡೊ ತುನ ಪಾಪ್‌ಮ ಖ್ವಪ್‌ಡಾವ್‌ತೊ ಉಶೇತೊ ಇನ ಕತ್ರಿ ನಾಖಿದೆ;

46 ‡ಬೇ ಗೋಡ ರ್ಹೀನ್ ನರಕ್ ಪಡಾಫೀಬಿ ಲಂಗೊ ಹುಯಿನ್ ಹರ್‌ಹಮೇಶ ರ್ಹವಾನಿ ಛಿಂದ್‌ಗೀಮ ಭಾವಾನು ತುನ ಅಶೇಲ್.

47 ತಾರೊ ಡೋಳೊ ತುನ ಪಾಪ್‌ಮ ಖ್ವಪ್‌ಡವಾನು ಉಶೇತೊ, ಇನ ಕಚ್‌ಕೋರಿ ಕಾಡಿ ಫೇಕಿದೆ! ಬೇ ಡೋಳ ರ್ಹೀನ್ ನರಕ್ ಪಡಾಫೀಬಿ ಎಕ್ಯಸ್ ಡೋಳೊ ರ್ಹೀನ್ ದೇವ್ನಿ ರಾಜ್ಯಮ ಭಾವಾನು ತುನ ಅಶೇಲ್.

48 ನರಕ್ ಇವ್ಣುನ ಕಲ್ಡಾವಾಳೊ ಕೀಡೊ ಮರ್‌ಶೆಸ್ ಕೊಯ್ನಿ ಇವ್ಣುನ ಬಳಾತೆ ಆಗ್ ಉಝಾವ್‌ಶೆಸ್ ಕೊಯ್ನಿ.

49 ಬಲಿ ದೆವಾನು ರಾಘಾನ ಮೀಟ್‌ಥಿ ಪಾಕ್ ಕರಾತೆ ಇಮ್, ಹರೇಕ್ ಅದ್ವಿ ಆಗ್‌ಥಿ ಪಾಕ್ ಉಶೆ.

* 9:42 9:42 ಯೋ ಕಾಲಾಮ ಗಧೇಡಾ ಕೇಡೆ ಮೋಟೊ ಘಟ್ಟಿನೊ ಬಂಡೊ ಭಾಂದೀನ್ ದಳುತೊಡು, ಯೋ ಬಂಡೊ ಕಮ್‌ಶಿಕಮ್ ಬೇ ಖ್ವೊ ಕಿಲೊಫೀಬಿ ಭಾಖತ್ ರ್ಹೀತೊಡು.

† 9:44 9:44 44 ನು ವಚನ್ ಗ್ರೀಕ್‌ನು ಥೋಡು ವಾಕ್ಯಾನು ಭಾಗ್‌ಮ ಕೊಯ್ನಿ ಆ ವಚನ್ 48 ನು ವಚನ್ ಘೋಣಿ ರ್ಹೀಸ್. ‡ 9:46 9:46 46 ನು ವಚನ್ ಗ್ರೀಕ್‌ನು ಥೋಡು ವಾಕ್ಯಾನು ಭಾಗ್‌ಮ ಕೊಯ್ನಿ ಆ ವಚನ್ 48 ನು ವಚನ್ ಘೋಣಿ ರ್ಹೀಸ್.

50 ಮೀಟ್ ಏಕ್ ಅಲ್ಫು ರಾಲ್ಫುಸ್; ಕತೋಬಿ ಮೀಟ್ಸ್ ಫಿಕ್ಟು ಹುಯಿಗುತೊ, ಇನ ತುಮೆ ಕಿಮ್ ಮೀಟ್‌ಣು ಲಙ್ಗತ್ ದೈವಾನ ಉಶೆ?
 ತುಮಾರಮ ಮೀಟ್‌ನಿಫೋಣಿ ಏಕ್‌ಥಿ-ಏಕ್
 ಮಾನಿರ್ದವಾಳಹುಯಿನ್ ಸಮಾಧಾನ್‌ಥಿ ರ್ಲವೊ.

10

ಯೇಸುನೆ ತಲಾಕ್‌ನಿ ಬಾರೇಮ ಬೋಲಿವತಾಳ್ವೋತೆ

(ಮತ್ತಾಯ 19:1-12; ಲೂಕ 16:18)

1 ಯೇಸು ಹಿಜ್ಜಾಡೊ ನಿಕ್ಕಿನ್, ಯೂದಾಯ ತಬರ್‌ಖಾನ ಗಯೊ, ಅಜು ಯೊರ್ದನ್ ನದ್ವಿನ್ ಬಿಜೇಕ್ ಆಡಿನು ತಬರ್‌ಖಭಣಿ ಆಯೊ. ಹಿಜ್ಜಾಡ್ವಿನ್ ರ್ಲುಂಡೆ ಇನಾಕನ ಐನ್ ಭರಾವಖ್ತರ್, ಯೋ ಕದೇಬಿ ಕರ್ತೋಥೋತೆ ಇಮ್ಮಸ್ ವಚನ್ ಬೋಲಿದಿದೊ.

2 ತದೆ ಫರಿಸಾಯರ್‌ವಾಳು ಯೇಸುಕನ ಆಯಿನ್ ಇನ ಫಖ್ತಾಪ್ಪು ಕರಿ ಕರ್ಲ್ಯ. ತದೆ ಇವ್ಣೆ ಇನ, “ಅಪ್ಪಿ ಖಾನುಲ್‌ಮ, ಕೋಣ್‌ತೋಬಿ ಏಕ್ ಭಣೊ ಇನಿ ಬಾವಣ್ಣ ಮ್ಹೇಲಿದೈವಾನು ಬರೊಬರ್‌ಕಿ ಶು? ಕರಿ ಪುಲ್ಲಾಯು.

3 ಅನ ಖ್ವಮ್‌ಜಿನ್ ಯೇಸುನೆ, “ಮೋಶೆನೆ ತುಮೂನ ಶಾತ್ ಹುಕುಮ್ ದೀರಾಖ್ಯೊಸ್?” ಕರಿ ಪುಲ್ಲಾಯೊ.

4 ತದೆ ಇವ್ಣೆ ತಲಾಕ್‌ನು ಕಾಗತ್ ಲೀಖಿದೀನ್, ಇನಿ ಬಾವಣ್ಣ ಮ್ಹೇಲಿದಿಯ್ಜಾಯ್ ಕರಿ ಮೋಶೆನೆ ಹುಕುಮ್ ದೀರಾಖ್ಯೊಸ್” ಕರಿ ಬೋಲ್ಯು.

5 ತದೆ ಯೇಸುನೆ ಇವ್ಣುನ, “ತುಮಾರ ಮೊಂಡಿದಿಲ್‌ನ ದೇಖಿನ್, ಮೋಶೆನೆ ಅಮ್ಮಿ ಹುಕುಮ್ ದೀರಾಖ್ಯೊಸ್ತೆ.

6 ದೇವ್‌ನೇತೊ ಖ್ವಾರು ಉಬ್‌ಜಾಯೋತೆ ತಪ್‌ಥೋಸ್, ‘ಅದ್ವಿನ ಪರ್‌ಖ್ವೊ ತಯೇಡಕರಿ ಬಣಾಯೊ,

7 ಅನಖ್ವಾಜಿಸ್ ಪಖ್ವೊ ಇನ ಆಯ-ಬಾನ ಮ್ಹೇಲಿನ್, ಇನಿ ಬಾವಣ್‌ಥಿ ಮಳಾಸ್, ಅಜು ಇವ್ಣೆ ಭೇ ಭಣ ಎಕ್ಸ್‌ ಶರೀರ್ ಹುಯಿಜ್ಞಾಸ್” ಕರಿ ಲೀಖ್ಪಿರ್ದುಸ್.

8 ಅಮ್ ಬಿಙ್ಘು ಖ್ವಾಪ್ಪೆ ಇವ್ವೆ ಬೇಙ್ಘಣ ಕಾಹೆ, ಎಕ್ಕ್‌ಸ್ ಶರೀರ್ ಹುಯಿರ್ಟ್ಲಾಸ್.

9 ಇನಾಖ್ವಾಜೆ ದೇವ್ ಮಳಾಯಹುಯಾನ, ಅದ್ನಿ ಅಲಕ್‌ನಾಸ್ ಕರ್ಟ್ಲಾಸ್” ಕರಿ ಬೋಲ್ಯೊ.

10 ಇವ್ವೆಘರ್‌ಮ ಆವಾದಿನ್, ಶಿಷ್ಯರ್‌ನೆ ಅನಿಸ್ ಬಾರೇಮ ಯೇಸುನ ಪುಲ್ಲಾಯು.

11 ತದೆ ಯೇಸುನೆ ಇವ್ವುನ, “ಕೋಣ್‌ತೋಬಿ ಏಕ್ ಭಣೊ ಇನಿ ಬಾವಣ್ಣ ಮ್ಹೇಲಿನ್, ಬಿಜೇಕ್ ಭಣಿನ ವ್ಯಹಾ ಕರೀಲಿದೊತೊ ಯೋ ಶೊಂತ್ ಬಾವಣ್ಣ ಧೋಕೊ ದ್ಯಾವಾಳೊ ಹುಯಿನ್, ವ್ಯಬಿಚಾರ್* ಕರಾವಾಳೊ ಹುಯಿರ್ಟ್ಲಾಸ್.

12 ಇಮ್ಮಸ್ ಏಕ್ ಬಾವಣ್ ಇನ ಬಾವ್ತಿನ ಮ್ಹೇಲಿನ್, ಬಿಜೇಕ್ ಭಣಾನ ಕರೀಲಿದೀತೊ ಯೋಬಿ ವ್ಯಬಿಚಾರ್† ಕರಾವಾಳಿ ಹುಯಿರ್ಟ್ಲಾಸ್” ಕರಿ ಬೋಲ್ಯೊ.

ಯೇಸುನೆ ಅಡ್ವಾಣಿ ಲಡ್ವಾವ್ ಆಶೀರ್ವಾದ್ ಕರ್ಟ್ಲಾತೆ
(ಮತ್ತಾಯ 19:13-15; ಲೂಕ 18:15-17)

13 ಬಾದ್‌ಮ ಥೋಡು ಭಣು ಅಡ್ವಾಣಿ ಲಾಡ್ವಾವ್‌ಪರ್ ಯೇಸುನೊ ಹಾತ್ ಮ್ಹೇಲಾವ್ಣು ಕರಿ ಇನಾಕನ ಲಾಯು, ತದೆ ಇನ ಶಿಷ್ಯರ್‌ನೆ ಇವ್ವುನ ಗುರ್‌ಕಾಯು.

14 ಯೇಸುನೆ ಅನ ದೇಖಿನ್, ಖೀಜ್ ಖೈನ್, ಇನ ಶಿಷ್ಯರ್‌ನ, “ಅಡ್ವಾಣಿ ಲಡ್ವಾವ್‡ ಮಾರ ಖನ್ನೆ ಆವಾನ ಮ್ಹೇಲೊ; ಇವ್ವುನ ಭೀರಾಕೊ ನಕೊ, ಶನಕತೊ ದೇವ್‌ನು ರಾಜ್ಯ ಅಮ್‌ನಾಸ್‌ವಾಳಾನು.

15 ತುಮೂನ ಖ್ವಾಚಮಾಬಿ ಬೋಲುಸ್ಕಿ ಕೋಣ್‌ತೋಬಿ ಅಡ್ವಾಣಿ ಲಡ್ವಾನಿ ಘೋಣಿ ದೇವ್ನಿ ರಾಜ್ಯನ ನಾ ಮಾನ್ಯತೊ, ಯೋ ದೇವ್ನಿ ರಾಜ್ಯಮ ಭಾಶೇಸ್ ಕೊಯ್ತೆ”.

* 10:11 10:11 ಕತೊ ಬಿಜಿ ತಯೇಡಾನ ರಾಖಾನು ಪಾಪ್ † 10:12 10:12 ಕತೊ ಬಿಜಿ ಪರ್ವಾಕನ ಜಾವಾನು ಪಾಪ್ ‡ 10:14 10:14 ಅಡ್ವಾಣಿ ಲಡ್ವಾ ಕತೊ ಪೈದಾ ಹುವಾತೆ ಲಡ್ವಾಥು ಧರೀನ್ ತೇರ್ಟ್ಲಾ (13) ವರಖ್ವನ್ ಮಹಿನು ಲಡ್ವಾ ಕರಿ.

16 ಅಮ್ ಬೋಲೀನ್ ಯೋ ಲಡ್ಕಾವ್ ಬಡ್ವೆನ್, ಇವ್ವಾಪರ್ ಹಾತ್ ಮ್ಹೇಲೀನ್, ಆಶೀರ್ವಾದ್ ಕರಯ್ಲೊ.

ಶೌಕಾರ್ ಅದ್ನಿನಿ ಬಾರೇಮ

(ಮತ್ತಾಯ 19:16-30; ಲೂಕ 18:18-30)

17 ಯೇಸು ನಿಕ್ಕಿನ್ ವಾಟ್ ಧರೀನ್ ಭಾವಾನಿ ವಖ್ತಮ್, ಏಕ್ ಭಣೊ ನಾಖ್ತೊ ಐನ್, ಇನ್ ಖ್ವಾಮೆ ಗುಡ್‌ಫ್ಯಾ ಟೀಕಿನ್, “ಅಲ್ಲೊ ಗುರು, ಹಮೇಶಾನಿ ಜಿಂದಾಗಿ ಮಳ್‌ಣುಕತೊ, ಮೇ ಶಾತ್ ಕರಯ್ಲೆ?” ಕರಿ ಫುಲ್ಲಾಯೊ.

18 ತದೆ ಯೇಸುನೆ ಇನ್, “ಮನ್ ಅಲ್ಲೊಕರಿ ಶನ್ ಬೋಲಾಸ್ತೆ? ದೇವ್ ಮ್ಹೇಲೀನ್ ಬಿಜು ಕೋಣ್‌ಬಿ ಅಲ್ಲು ಕಾಹೆ.

19 ‘ಖೂನಿ ನಾಹೋಣು; ವ್ಯಬಿಚಾರ್ ನಾ ಕರಯ್ಲೆ; ಚೋರಿ ನಾ ಕರಯ್ಲೆ; ಬಿಜಾಪರ್ ಝೂಟಿ ಇಂಜಾಮ್ ನಾ ಲಗಾಡ್‌ಣು; ಕಿನಾಬಿ ರಗಾಫ್ತುನಾ; ಆಯ-ಬಾನ ಮರ್ಯಾದಿ ದೇವ್ ಕರಿ ದೇವ್ನಿ ಹುಕುಮ್ ಖ್ವಾರಿ ತುನ್ ಮಾಲುಮ್ ಛಾನಿ” ಕರಿ ಬೋಲೊ.

20 ಇನೆ ಯೇಸುನ್, “ಗುರು, ಮೇ ಅಡ್ವಾಣಿಪರ್‌ಥೋಸ್, ಆ ಖ್ವಾರಿ ವಾತೆನಿ ಘೋಣಿ ಭಾಲ್ತೊ ವಳ್ಳಾವ್‌ಸ್” ಕರಿ ಬೋಲೊ.

21 ತದೆ ಯೇಸುನೆ ಇನ್ ರರ್‌ಕೆ ದೇಖಿನ್ ಪ್ಯಾರ್‌ಥಿ ಇನ್, “ತಾರಮ್ ಏಕ್ ಕಮ್ ಛಾ. ಭಾ ತಾರಕನ್ ಛಾತೆ ಖ್ವಾರು ವೇಚಿನಾಖಿದೀನ್ ಗರಿಬನ್ ದೆ, ತದೆ ತುನ್ ಪರ್‌ಲೋಕ್‌ಮ ಶೊತ್‌ರೈಶೆ ಅಜು ತು ಐನ್ ಮಾರ ಪೀಠೆ ಆವ್” ಕರಿ ಬೋಲೊ.

22 ಕತೋಬಿ ಯೋ ಅದ್ನಿ ಘಣು ಧನ್-ದೌಲತ್‌ವಾಳು ಹುಯಿರಲ್ಲ್ಯಾತೆ ಇನಾಖ್ವಾಜೆ, ಯೇಸುನೆ ಅಮ್ ಬೋಲಾನ್ ಖ್ವಾಮ್‌ಜಿನ್, ಮ್ಹೋಡು ಮುರ್‌ರೈಲೀನ್, ದುಖ್‌ಥಿ ಭಲೆಗಯೊ.

23 ತದೆ ಯೇಸುನೆ ಅಶ್‌ಪೀಶ್ ಇನ್ ಶಿಷ್ಯರ್ ಭಣಿ ದೇಖಿನ್ ಇವ್ವುನ್, “ಧನ್‌ದೌಲತ್‌ವಾಳು ದೇವ್ನಿ ರಾಜ್ಯಮ್ ಭಾವಾನು ಘಣು ಮುಶ್ಕಿಲ್!” ಕರಿ ಬೋಲೊ.

24 ಶಿಷ್ಯರಾನೆ ಆ ವಾತೆನ ಖ್ವಮ್‌ಜಿನ್ ಆಶ್ಚರ್ಯಖಾದು, ಯೇಸುನೆ ಪಾಟ್ಲೊ ಇವ್ಣುನ, “ಮಾರ ಲಡ್ಕಾ, ದೇವ್ನಿ ರಾಜ್ಯಮ ಜಾವಾನು ಘಣು ಮುಶ್ಕಿಲ್!”

25 ಶೌಕಾರ್ ಅದ್ನಿ ದೇವ್ನಿ ರಾಜ್ಯಮ ಜಾವಾಥೀಬಿ ಊಟ್ ಖ್ವಯಿನ ಡೋಳವಾಟಿಕರಿ ಪೇಶಿಜಾವನು ಶುಲ್ಬ್ ಕರಿ ಬೋಲ್ಯೊ.

26 ಅನ ಖ್ವಮ್‌ಜಿನ್ ಶಿಷ್ಯರಾನೆ ಬಿಜ್ಜೂಬಿ ಆಶ್ಚರ್ಯಖ್ವಿನ್, “ಇಮ್‌ಕತೊ, ಕಿನ ರಕ್ಷಣೆನ್ ಮಳ್‌ಶೆ?” ಕರಿ ಇವ್ಣ-ಇವ್ಣಾಮ ಬೋಲಿಲಿದು.

27 ತದೆ ಯೇಸುನೆ ಇವ್ಣುನ ರರ್‌ಕ್ಯೆ ದೇಖಿನ್, “ಆ ಅದ್ನಿನ ಹಾಡ್ಲಿ ಕೋ ಹುವಾನಿ ಕತೋಬಿ ದೇವ್ನ ಹಾತೆ ಹುವ್ವಾಸ್; ದೇವ್‌ನೊ ಹಾತೆ ಕೋ ಹುವ್ವಾನಿತೆ ಏಕೆಬಿ ಕೊಯ್ನಿ” ಕರಿ ಬೋಲ್ಯೊ.

28 ತದೆ ಪೇತ್ರನೆ ಯೇಸುನ, “ಹಂದೇಕ್! ಹಮೆ ಖ್ವಾರು ಮ್ಹಂದಿನ್ ತಾರ ಪೀಲೆ ಐಗಯ” ಕರಿ ಬೋಲಾಲಗ್ಲೊ.

29 ತದೆ ಯೇಸುನೆ, “ತುಮೂನ ಖ್ವಾಚ ಬೋಲುಸ್ಕಿ, ಕೋಣ್‌ತೋಬಿ ಮಾರಖ್ವಾಜೆಬಿ ಅಜ್ಜು ದೇವ್ನಿ ಅಲ್ಫಿ ಖಬರ್‌ನಖ್ವಾಜೆ ಇನ ಘರ್‌ನರ್ದೆವೊ, ಬೈಯೇನ ರ್ದೆವೊ, ಭೇನೇನ ರ್ದೆವೊ, ಆಯಾನ ರ್ದೆವೊ, ಬಾನ ರ್ದೆವೊ, ಲಡ್ಕಾವ್ಣ ರ್ದೆವೊ, ಖೇತರ್‌ನ ರ್ದೆವೊ ಮ್ಹಂದಿದೊ ಉಶೇತೊ,

30 ಇನ ಜಮೀನ್‌ಪರ್ ರ್ದೆವಾನಿ ವಖ್ವತ್‌ಮ ಖ್ವೋ ಪಟ್ ಜಾಖ್ವತ್ ಕೈಯೆಕ್ಲಿ ಘರ್, ಭೇನೆ, ಬೈಯೇ, ಆಯ, ಲಡ್ಕಾ, ಖೇತರ್ ಅಜ್ಜು ಅದ್ನಿ ಲತಾಡಾಬಿ* ಮಳ್‌ಶೆಸ್ ಮಳ್‌ಶೆ. ಅಜ್ಜು ವಳ್ಳಾವಾತೆ ಜಂಗ್‌ಮ ಹರ್‌ಹಮೇಶ ರ್ದೆವಾನಿ ಭಿಂದಾಗಿ ಮಳ್‌ಶೆ.

31 ಕತೋಬಿ ಆಜ್ ಅಗಾಡಿ ರ್ದೆವಾಳು ಕೈಯೆಕ್ಲಿ ಜಣು ಪಾಲ್ತಳ್ ಹುಯಿಜಾಶೆ, ಅಜ್ಜು ಆಜ್ ಪಾಲ್ತಳ್ ರ್ದೆವಾಳು ಕೈಯೆಕ್ಲಿ ಜಣು ಖ್ವಾಮ್ಪೆ ಹುಯಿಜಾಶೆ”† ಕರಿ ಬೋಲ್ಯೊ.

§ 10:26 10:26 ಕತೊ ನರಕ್‌ಥಿ ಬಚಿನ್ ಪರ್‌ಲೋಕ್ ಜಾವಾನು * 10:30 10:30 ವದೇಖ್ವೊ ಖ್ವತಾಪ್ಣಿ ಕರೀಬಿ ಹುವಾಸ್ † 10:31 10:31 ಜಮೀನ್‌ಪರ್ ಪಹಿಲೆ ಝಗೋಪರ್ ರ್ದೆವಾಳು ಪರ್‌ಲೋಕ್‌ಮ ಛೇಟುನಿ ಝಗೋಪರ್ ರ್ದೆವೆ

ಯೇಸುನೆ ಇನಿ ಮರಣ್ಣಿ ಬಾರೇಮ ತೀನ್ನಿ ಹಲ್ಲ ಬೋಲ್ಯೊತೆ
(ಮತ್ತಾಯ 20:17-19; ಲೂಕ 18:31-34)

32 ಯೇಸುಬಿ ಇನು ಶಿಷ್ಯರ್ ಯೆರೂಸಲೇಮ್‌ನಿ ವಾಟ್ ಧರೀನ್ ವಳ್ಳಭಾತಾಥ. ಯೇಸು ಇವ್ವ ಖ್ವಾಮ್ಪೆ-ಖ್ವಾಮ್ಪೆ ವಳ್ಳೊಜಾತೋಥೊ, ಅನ ದೇಖಿನ್ ಶಿಷ್ಯರ್‌ನೆ ಘಣು ಧಡುಕೊ ಘಾಲಿಲಿದು; ಅಜ್ಜು ಇನ ಪೀರೆ ಆವಾಳು ಖ್ವಾರು ಡರಿಗಯು. ತದೆ ಯೇಸುನೆ ಇನ ಭಾರ ಜ್ಞಣ ಶಿಷ್ಯರ್‌ನ ಪಾಟ್ಲೊ ಬಾಜೂಮ ಬುಲೈಲಿಜೈನ್, ಖ್ವಾಮ್ಪೆ ಇನ ಉಷೇತೆ ಇನಿ ಬಾರೇಮ ಬೋಲ್ಯೊ.

33 ಇನೆ ಇವ್ವುನ, “ಹಂದೇಖೊ, ಅಪ್ಪೆ ಯೆರೂಸಲೇಮ್‌ನ ವಳ್ಳಾಜಯ್ಸೆಸ್, ಹಿಜ್ಜಾ ಅದ್ಮಿನೊ ಛಿಯ್ಯಾನ್ ಗಲ್‌ಥಯಾಜಕರ್‌ನ ಅಜ್ಜು ಮೋಶೆನಿ ವಚನ್ ಶಿಕಾಡವಾಳ ಶಾಸ್ತ್ರಿಯೇನ ಹಾತ್‌ಮ ಧರಿದಿಶೈ. ಇವ್ವೆ ಇನ ಮಾರಿನಾಕ್ಟು ಕರಿ ಬೋಲಿದೀನ್ ಇನ ಪರೈಃ ಜಾತ್‌ವಾಳ ಅದ್ಮಿನ ಹಾತ್‌ಮ ದಿನಾಕ್‌ಶೆ.

34 ಇವ್ವೆ ಇನ ಚಿಂಫಾವ್‌ಶೆ, ಇನಾಪರ್ ಥೂಕ್‌ಶೆ, ಇನ ಮೇಕ್‌ನ ಕೊಳ್ಳೇಥಿ ಮಾರ್‌ಶೆ ಅಜ್ಜು ಇನ ಮಾರಿನಾಕ್‌ಶೆ; ಕತೋಬಿ ತೀನ್ ರೋಝ್‌ನ ಬಾದ್‌ಮ ಯೋ ಪಾಟ್ಲೊ ಜಿವ್ವೊಹುಯಿನ್ ಉರಿ ಆವ್‌ಶೆ” ಕರಿ ಬೋಲ್ಯೊ.

ಯಾಕೋಬ್ ಅಜ್ಜು ಯೋಹಾನ್ನಿ ಬಿಂತಿ
(ಮತ್ತಾಯ 20:20-28)

35 ಬಾದ್‌ಮ ಜೆಬೆದಾಯನ ಛಿಯ್ಯಾ ಹುಯಿರ್ದಾಥಾತೆ ಯಾಕೋಬಬಿ ಯೋಹಾನ, ಯೇಸುಕನ ಐನ್, “ಗುರು, ಹಮೆ ಏಕ್ ಬಿಂತಿಕರಿಲಿಯೇಸ್, ಇನ ತೂ ಹಮಾರಖ್ವಾಜೆ ಚಲೈದೇಣು” ಕರಿ ಬೋಲ್ಯೊ.

36 ಯೇಸುನೆ ಇವ್ವುನ, “ಶಾತ್ ಯೋ?” ಕರಿ ಪುಲ್ಲಾಯೊ.

‡ 10:33 10:33 ಅಲ್ವಾವ್ ನಾತೊ ಪರೈಜಾತ್‌ವಾಳು ಕತೊ, ಯೆಹೂದ್ಯರ್‌ವಾಳು ಕಾಹೆತೆ ಬಿಜಿ ಜಾತ್‌ವಾಳು ಕರಿ ಮತ್‌ಲಬ್.

37 ತದೆ ಇವ್ವೆ, “ತಾರಿ ಮಹಿಮೆನಿ ರಾಜ್‌ಮ ತು ಸಿಂಹಾಸನ್‌ಪರ್ ಬೇಖ್ವಾನಿ ವಖ್ವತ್‌ಮ, ಹಮೆ ಬೇ ಭಣಾಮ ಏಕ್ ಭಣೊ ತಾರಿ ಖಾವಿ ಬಾಙ್ಕುಮ, ಬಿಜ್ಜೇಕ್ ಭಣೊ ತಾರಿ ಡಾವಿ ಬಾಙ್ಕುಮ ಬೇಖ್ವಾನಿ ಘೋಣಿ ಕರನ್” ಕರಿ ಬೋಲ್ಯ.

38 ಕತೋಬಿ ಯೇಸುನೆ ಇವ್ವುನ, “ತುಮೆ ಶಾತ್ ಮಾಗಿಲಿದ ಕರಿ ತುಮುನ ಮಾಲುಮ್ ಕೊಯ್ತಿ. ಮೇ ಪೀಣುತೆ ವದೇಖ್ವಾನ ರಾಱ್ತಮ ತುಮೆ ಪಿಯ್ಯಾನ ಉಶೇಕಿ ಶು? ಮನ ಉಷೇತೆ ಬ್ಯಾಪ್ತಿಸ್ಮ ಲ್ಯಾವಾನ ತುಮುನ ಉಶೇಕಿ ಶು?” ಕರಿ ಪುಛಾವಖ್ವತರ್,

39 ಇವ್ವೆ, “ಹಮಾರೇಧಿ ಹುವಾಸ್” ಕರಿ ಬೋಲ್ಯ.

ತದೆ ಯೇಸುನೆ ಇವ್ವುನ, “ಮೇ ಪೀಣುತೆ ರಾಱ್ತಮ ತುಮೇಬಿ ಪೀಶು, ಮನ ಉಷೇತೆ ಬ್ಯಾಪ್ತಿಸ್ಮ ತುಮುನಾಬಿ ಉಶೇತೆ ಖ್ವಾಚಸ್.

40 ಕತೋಬಿ ಮಾರಿ ಖಾವಿ ಬಾಙ್ಕುಮ ರ್ವವೊ, ಡಾವಿ ಬಾಙ್ಕುಮ ರ್ವವೊ ಬೇಖ್ವಾನಿ ಘೋಣಿ ಭೂಣಾನು ಮಾರ ಹಾತ್‌ಮ ಕೊಯ್ತಿ. ಯೋ ಕಿನಾಖ್ವಾಜೆ ಕರಿ ದೇವ್ ಬಣೈರಾಖ್ಯೋಸ್ಕಿ, ಇವ್ವುನಾಸ್ ಮಳ್‌ಶೆ” ಕರಿ ಬೋಲ್ಯೊ.

41 ಉಬ್‌ರೈತೆ ದಖ್ತ್ ಭಣ ಶಿಷ್ಯರಾನೆ ಅನ ಖ್ವಮ್‌ಜಿನ್, ಯಾಕೋಬ್ ಅಙ್ಕು ಯೋಹಾನಪರ್ ಖೀಜ್‌ಖಾದು.

42 ತದೆ ಯೇಸುನೆ ಖ್ವಾರಾನ ಎಕ್ಕದಮ್ ಬುಲೈನ್ ಇವ್ವುನ, “ಯೆಹೂದ್ಯರ್‌ಕಾಹೆತೆ ಅದ್ಮಿಮ, ಅದಿಕಾರ್‌ಮ ರ್ವವಾಳು ಇವ್ವಾಪರ್ ಹಂಕಾರ್‌ಧಿ ಅದಿಕಾರ್ ಚಲಾವಸ್. ಅಙ್ಕು ಇವ್ವಾಮ್ ಮೋಟು ಖ್ವಾರು ಜುಲವ್ವಸ್ತಿದಿ ಅದಿಕಾರ್ ಚಲಾವಸ್ ಕರಿ ಬೋಲಾನು ತುಮುನ ಮಾಲುಮ್ ಛಾ.

43 ಕತೋಬಿ ತುಮಾರಮ ಇಮ್ ನಾರ್ಡ್ವೆವ್ವು ತುಮಾರಮ ಕೋಣ್‌ತೋಬಿ ಮೋಟು ಹೋಣುಕರಿ ಉಶೇತೊ; ಯೋ ಬಿಙ್ಕ ಖ್ವಾರಾನಿ ಸೇವಕ್ ಹುಯಿರ್ದೆವ್ವು.

§ 10:40 10:40 ದೇವ್ ರಾಜ್‌ಮ ಊಚಿ ಸ್ತಾನಮ್ ಬೇಖ್ವಾಣು ಕರಿ

44 ತುಮಾರಾಮ ಕೋಣ್ತೋಬಿ ಅಖ್ವೇಥಿ ಖ್ವಾಮ್ವೆ ರ್ವೇವ್ವಕರಿ ಉಶೇತೊ, ಯೋ ಅಖ್ವಾನೊ ಗುಲಾಮ್ ಹುಯಿರ್ವೇಣು.

45 ಅದ್ಮಿನೊ ಛಿಯ್ಯೋಬಿ ಸೇವೆ ಕರೈಲ್ವವಾನಖ್ವಾಜೆ ಕೋ ಆಯೋನಿ; ಬಿಜ್ಜಾನಿ ಸೇವೆ ಕರಾನ ಅಜ್ಜು ಇನೊ ಜಾನ್ನ್ ದೀನ್ ಕೈಯೆಕ್ಕಿ ಅದ್ಮಿನ ಛೋಡೈಲ್ವವಾನಖ್ವಾಜೆ ಆಯೊ” ಕರಿ ಬೋಲ್ಯೊ.

ಯೇಸುನೆ ಬಾರ್ತಿಮಾಯ ಕರಿ ಏಕ್ ಕಾಣಾನ ಡೋಳ ದಿದೋತೆ
(ಮತ್ತಾಯ 20:29-34; ಲೂಕ 18:35-43)

46 ಬಾದ್‌ಮ ಇವ್ವೆ ಯಿರಿಕೋನ ಆಯು. ತದೆ ಯೇಸು ಇನ ಶಿಷ್ಯರನ ಜೋಡೆ ಹಿಜ್ಜಾಥೊ ನಿಕ್ಕಿನ್ ವಳ್ಳೊಜ್ಜಾತೋಥೊ, ಅಜ್ಜು ಇನಜೋಡೆ ಅದ್ಮಿನಿ ಮೋಟಿ ಝುಂಡ್ ಥಿ, ತದೆ ತಿಮಾಯನೊ ಛಿಯ್ಯೊ ಬಾರ್ತಿಮಾಯ ಕರಿ ಏಕ್ ಕಾಣೊ ಧರಮ್ ಮಾಂಗವಾಳೊ ಮಾರಗ್‌ನ ಶೇಡೆ ಬೆರೋಥೊ.

47 ಆ ವಾಟಿ ವಳ್ಳೊಜ್ಜಾಸ್ತೆ ನಜರೇತ್‌ನೊ ಯೇಸು ಕರಿ ಇನೆ ಖ್ವಮ್‌ಜಿನ್, “ದಾವೀದ್‌ನ ಛಿಯ್ಯಾ ಮಾರಪರ್ ಗೋರ್‌ಕರ್!” ಕರಿ ಜೋರೇಖ್ವುಚಿಕ್ಕಾಲಗ್ಗೊ.

48 ಕೈಯೆಕ್ಕಿ ಅದ್ಮಿ “ಖ್ವೊಪೇಥಿ ರ್ವೇ!” ಕರಿ ಇನ ಗುರ್‌ಕಾಯು. ತೋಬಿ ಯೋ, “ದಾವೀದ್‌ನ ಛಿಯ್ಯಾ ಮಾರಪರ್ ಗೋರ್‌ಕರ್!” ಕರಿ ಬಿಜ್ಜಾಬಿ ಜ್ಜಾಖ್ವತ್ ಚಿಕ್ರಿಲಿದೊ.

49 ತದೆ ಯೇಸುನೆ ಭೀರಿನ್, “ಇನ ಬುಲಾವೊ” ಕರಿ ಬೋಲ್ಯೊ.

ಅಮ್ ಬೋಲ್ತಾನ ಇವ್ವೆ ಯೋ ಕಾಣಾನ ಬುಲೈನ್, “ಭಾಲಿಥಿರ್ವೇ, ಉಟ್, ಯೇಸು ತುನ ಬುಲಾವ್‌ಕರಾಸ್” ಕರಿ ಬೋಲ್ಯು.

50 ತದೆ ಯೋ ಇನ ಝುಗ್ಗಾನ್* ಕಾಡಿ ಫೇಕಿನ್, ಭಶ್‌ಡಕ್ ಕರಿ ಉರೀನ್, ಯೇಸುಕನ ಆಯೊ.

51 ಯೇಸುನೆ ಇನ, “ಮೇ ತುನ ಶಾತ್ ಕರ್ವ್?” ಕರಿ ಪುಲ್ಲಾಯೊ.

* 10:50 10:50 ಯೆಹೂದ್ಯರನ ಲೋಗ್‌ಮ ಕೋಣ್ತೋಬಿ ಕಾಣು ಹುಯಿಗಯೂತೊ ಇನ ಯಾಜಕವ್‌ಕನ ಬುಲೈಲಿಜೈನ್ ಓತಾಳಸ್. ತದೆ ಯೋ ಯಾಜಕರ್ ಇನ ದೇಖಿನ್, ಯೋ ಕಾಣೂಸ್ ಕರಿ ಮಾಲುಮ್ ಪಡ್ಕೊತೊ, ಇನ ಧರಮ್ ಮಾಂಗಾನಖ್ವಾಜೆ ಖ್ವಣೇದ್‌ನು ಝುಗ್ಗೊ ದೇಸ್.

ತದೆ ಯೋ ಕಾಣಾನ, “ಗುರು, ಮನ ಡೋಳ ದೆಖಾವಾನಿ ಫೋಣಿ ಕರ್ಲಾ” ಕರಿ ಬೋಲ್ಯೊ.

52 ಯೇಸುನೆ ಇನ, “ಜಾ, ತಾರಿ ವಿಶ್ವಾಸ್‌ಧೀಸ್ ತುನ ಅಟ್ಟು ಹುಯಿಗಯ” ಕರಿ ಬೋಲ್ಯೊ.

ಅಮ್ ಬೋಲ್ತಾಸ್‌ನ ಇನ ದೆಖಾವಲಗ್ಯು ಅಜ್ಜು ಯೋ ಮಾರಗ್‌ವಾಟಿ ಕರಿ ಯೇಸುನ ಪೀರೆ ಗಯೊ.

11

ಯೇಸು ರಾಜಾನಿ ಫೋಣಿ ಯೆರೂಸಲೇಮ್‌ನ ಮಹಿ ಗಯೋತೆ
(ಮತ್ತಾಯ 21:1-11; ಲೂಕ 19:28-40; ಯೋಹಾನ 12:12-19)

1 ಇವ್ಣೆ ಯೆರೂಸಲೇಮ್‌ನ ಖನ್ನೆ-ಖನ್ನೆ ಐನ್, ಆಲಿವ್‌ನ ಪಹಾಡ್‌ಕನ ಛಾತೆ ಬೆತ್ವಗೆ ಅಜ್ಜು ಬೇಧಾನ್ಯ ಕರಿ ಗಾಮ್‌ಕನ ಆಯ. ತದೆ ಯೇಸುನೆ ಇನ ಶಿಷ್ಯರಾಮ ಬೇ ಜಣಾನ ಬುಲೈನ್,

2 ತುಮಾರ ಖ್ವಾಮ್ಣೆ ಛಾತೆ ಗಾಮ್ ಜಾವೊ, ತುಮೆ ಯೋ ಗಾಮ್‌ನ ಮಹಿ ಭಾತಸ್‌ನ, ಹಿಜ್ಜಾ ಏಕ್ ಗಧೇಡಾನು ಚೆಲ್ಕು ಭಂದೈರ್ದೆಶೆತೆ ತುಮೆ ದೇಕ್‌ಶು. ಹಂಕೆತೋಡಿ ಇನಾಪರ್ ಕೋಣ್‌ಬಿ ಕೋ ಬೆರೂನಿ. ಇನ ಫೋಡೆನ್ ಹಜ್ಜಾ ಲೀನ್ ಆವೊ.

3 ಅಜ್ಜು ಕೋಣ್‌ತೋಬಿ ತುಮುನ ಶನ ಅಮ್ ಕರುಕರಸ್ತೆ ಕರಿ ಪುಲ್ಲಾಯುತೊ, ಪ್ರಭುನ ಆ ಹೋಣುಕಸ್, ಅಜ್ಜು ಒಗ್ಗಿಸ್‌ಮ ಅನ ಪಾಲ್ಟು ಬೋಲಿ ಮೋಕಲ್‌ಶೆ ಕರಿ ಬೋಲೊ” ಕರಿ ಬೋಲಿನ್ ಮೋಕ್‌ಲ್ಯೊ.

4 ತದೆ ಇವ್ಣೆ ಜೈನ್, ವಾಟ್ನ ಶೇಡೆಧೂತೆ ಘರ್‌ನ ಬಾಕಲ್‌ಕನ ಗಧೇಡಾನು ಚೆಲ್ಕು ಭಂದ್ಯಂತೆ ದೇಖ್ತು ಇನ ಫೋಡುಕರಾನಿ ವಖ್ತಾಮ,

5 ಹಿಜ್ಜಾ ಭಿಯುಧೂತೆ ಥೋಡು ಜಣು, “ಆ ಚೆಲ್ಕಾನ ಫೋಡೆನ್, ಶಾತ್ ಕರಾನ ಆಯ?” ಕರಿ ಪುಲ್ಲಾಯು.

6 ಇವ್ಣೆ ಯೇಸುನೆ ಬೋಲಿ ಮೋಕ್‌ಲ್ಯೊಧೋತೆ ಇಮ್ಮಸ್ ಬೋಲ್ಯು ತದೆ ಯೋ ಅದ್ಮಿಖ್ವಾರು ಜಾವಾನ ಮ್ಹೇಲ್ಯು.

7 ಇವ್ವೆ ಯೋ ಗಧೇಡಾನ ಚೇಲ್ಕಾನ ಯೇಸುಕನ ಲೈನ್, ಇವ್ವ ಲುಂಗ್ಡಾವ್ ಇನಾಪರ್ ನಾಖ್ಕು ತದೆ ಯೇಸು ಇನಾಪರ್ ಚಫೀನ್ ಬೇಶಿಗಯೊ.

8 ತದೆ ಘಣ ಅದ್ವಿನೆ ಇವ್ವ ಲುಂಗ್ಡಾವ್ ವಾಟ್‌ಪರ್ ಬಿಲ್ಲಾಯು. ಬಿಜು ಥೋಡು ಜಣು ಬಾಗ್‌ಮಾಡು ಡಾಳಿಯೇನ ಕತ್ರಿಲೈನ್ ವಾಟ್‌ಪರ್ ಬಿಲ್ಲಾಯು.*

9 ಯೇಸುನ ಖ್ವಾಮ್ಬೆಬಿ ಪೀರೆಬಿ ಒಳಿಜಾತುಥೂತೆ ಅದ್ವಿಖ್ವಾರು ಚಿಕ್ರಾಣ್ ಮ್ಹೇಲ್ತುಹುಯಿನ್, “ಹೊಸನ್ನ!† ಪ್ರಭು ದೇವ್ವ ನಾಮ್‌ಪರ್ ಆವಾಳಾನ ದೇವ್ ಆಶೀರ್ವಾದ್ ಕರಾದೆ!

10 ಅಪ್ಪೊ ಬಾ ಹುಯಿರ್ದೊತೆ ದಾವೀದ್‌ನಿ ರಾಜ್ಯ ಆವಾಶೆ, ದೇವ್ ಇನ ಆಶೀರ್ವಾದ್ ಕರಾದೆ. ಉಪ್ಪರ್‌ಲ್ಯ ಲೋಕಾಮ ಛಾತೆ ದೇವ್ವ ಧನ್ಯವಾದ್ ಹುವಾದೆ!” ಕರಿ ಬೋಲ್ಕು.

11 ಬಾದ್‌ಮ ಯೇಸು ಯೆರೂಸಲೇಮ್‌ನ ಗಯೊ, ಹಿಜ್ಜಾ ಮಂದಿರ್‌ಮ ಜೈನ್, ಚಾರ್‌ಬ್ ಬಾಜು ಥೂತೆ ಖ್ವಾರೂಸ್ ದೇಖ್ಚೊ ಎತ್ತಾಸ್‌ಮ ಖ್ವಾಂಜ್ ಹುಯಿಗಯುಡು, ಇನಾಖ್ವಾಜೆ ಇನ ಭಾರ ಜಣ ಶಿಷ್ಯರ್‌ನ ಕೇಡೆ ಬೇಡಾನ್ಯನ ಚಲೆಗಯೊ.

ಯೇಸುನೆ ಮೋಟೆ ಅಂಜೀರ್‌ನ ರ್ಲುಡಾಣ ಶಾಪ್ ದಿದೋತೆ
(ಮತ್ತಾಯ 21:18-19)

12 ತಿನವ್ವಾಣೆ ಇವ್ವೆ ಬೇಡಾನ್ಯಡು ಪಾಲ್ತು ಆವಾನಿ ವಖ್ವತ್‌ಮ, ಯೇಸುನ ಭುಕ್‌ಲಾಗ್ಕು.

13 ತದೆ ಪಾಂದ್‌ಡು ಮ್ಹೇಲ್ವಿರ್ದೊತೆ ಏಕ್ ಅಂಜೀರ್‌ನ ರ್ಲುಡಾನ ಯೇಸುನೆ ದೂರ್‌ಥೊ ದೇಖಿನ್, ಇನಾಮ ಎಖಾದು ಪಂಡು ಮಳ್‌ಶೆ ಕರಿ ಹಿಜ್ಜಾ ಗಯೊ. ಕತೋಬಿ ಹಿಜ್ಜಾ ಜಾವಾದಿನ್ ಖಲಿ ಪಾಂದ್‌ಡುಸ್ ಪಣ್ಣಿ, ಬಿಜು ಶಾಕ್ತಿ ಕೋ ಥೂನಿ, ಶನಕತೊ ಯೋ ಅಂಜೀರ್‌ನ ಪಂಡಾ ಮ್ಹೇಲಾನ ದನ್‌ಕಾಹೆ.

* 11:8 11:8 ಆ ಖ್ವಾರು ಇವ್ವೆ ಕರಯ್ತೆ, ಮರ್ಯಾದಿ ವತಾಳನಖ್ವಾಜೆ. ಯೆಹುದ್ಯರ್ ಲೋಗ್ ಆ ತರೀಕಾಥಿ ಅದ್ವಿನ ಸ್ವಾಗತ್ ಕರಸ್. † 11:9 11:9 “ಹೊಸನ್ನ” ಕತೊ ‘ದೇವ್ವ ಧನ್ಯವಾದ್ ಹುವಾದೆ’ ಕರಿ.

14 ತದೆ ಯೇಸುನೆ ಯೋ ರ್ಘಾಡಾನ, “ಹಂಕೇಥು ಕೋಣ್‌ಬಿ ತಾರಾಮ ಕದೇಬಿ ಪಂಡು ನಾ ಖಾಣುತೆ ಇಮ್ ಹುವಾದೆ!” ಕರಿ ಬೋಲ್ಯೊ.

ಅಜ್ಜು ಇನ ಶಿಷ್ಯರ್‌ನೆ ಆ ವಾತೆನ ಖ್ವಮ್‌ಜ್ಜು.

ಯೇಸು ಮೋಟಿ ಮಂದಿರ್‌ನ ಗಯೋತೆ
(ಮತ್ತಾಯ 21:12-17; ಲೂಕ 19:45-48; ಯೋಹಾನ 2:13-22)

15 ಇವ್ಣೆ ಯೆರೂಸಲೇಮ್‌ನ ಅವಾದಿನ್, ಯೇಸು ಮೋಟಿ ಮಂದಿರ್‌ಮ ಜೈನ್, ಹಿಜ್ಜಾ ವೇಚ್ಚವಾಳಾನ ಲ್ಯವಾಳಾನ ಭಾರ್ ನಖ್ವಾಡಲಗ್ಯೊ. ಅಜ್ಜು ಇನೆ ಪೈಶಾ ತೋಡಾವಾನು ಧಂದೊ ಕರಾವಾಳಾನ ಖುಡ್‌ಶಿನಾಬಿ, ಪರ್ಯೊ ವೇಚ್ಚವಾಳಾನು ಮೇಜ್‌ನ ರಡ್‌ಕೈನಾಬಿದಿದೊ.

16 ಏಕ್ ಜಣಾನಾಬಿ ಮಂದಿರ್‌ನ ಮಹಿಕರಿ ಶಾಶ್ವಿ ಪಳ್ಳಿನ್ ಜಾವಾದಿದೊಕೊಯ್ಲಿ.

17 ಅಜ್ಜು ಯೇಸುನೆ ದೇವ್ಣಿ ವಚನ್ನ ಬೋಲಿ ದೇತೊಹುಯಿನ್, “ದೇವ್ಣೆ ಬೋಲ್ಯೊತೆ ಇಮ್, ‘ಮಾರಿ ಮಂದಿರ್ ಖ್ವಾರ್ ಜಾತ್‌ವಾಳ ಅದ್ವಿನ ಪ್ರಾರ್ಥನೆನು ಘರ್‌‡ ಕರಿ ಬೋಲ್ಯೆಲೀಶೆ’ ಕರಿ ಲೀಖ್ಪಿರ್‌ಲ್ದಾಸ್‌ನಿ? ಕತೋಬಿ ತುಮೆ ಅನ ಚೋರ್‌ನಿ ಘವಿ ಬಣೈರಾಖ್ಯಾಸ್‌!”[§] ಕರಿ ಬೋಲ್ಯೊ.

18 ಅನ ಖ್ವಮ್‌ಜಿನ್ ಗಲ್‌ಥಯಾಜಕರ್ ಅಜ್ಜು ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಯೆ ಯೇಸುನ ಕೆವ್ವಿಭಾಮ್‌ಥಿ ಮಾರೇಜಾಯ್ ಕರಿ ಸೋಕಾಲಗ್ಯೊ. ಕತೋಬಿ ಅದ್ವಿಖ್ವಾರು ಯೇಸುನಿ ವಾತೆನ ಖ್ವಮ್‌ಜಿನ್ ಘಣು ಅಶ್ಚರ್ಯ ಹುಯುತೆ ಇನಾಖ್ವಾಜೆ, ಇವ್ಣೆ ಯೇಸುನ ದೇಖಿನ್ ಡರಿನ್ ಥು.

19 ಖ್ವಾಂಜ್ ಹುವ್ವಾದೀನ್ ಯೇಸುಬಿ ಇನು ಶಿಷ್ಯರ್ ಖ್ವಯೇರ್‌್ಲ ಮೈಲಿ ಗಯ.

‡ 11:17 11:17 ಯೆಶಾಯ 56.7 § 11:17 11:17 ಯೆರೆಮೀಯ 7.11

ಅಂಜೀರ್‌ನ ಝಾಡ್‌ಧಿ ಶಿಕಾನು
(ಮತ್ತಾಯ 21:20-22)

20 ತಿನವ್ವಾಣೆ ಇವ್ಣೆ ಮಾರಗ್ ಧರಿನ್ ಆವಾನಿ ವಖ್ಖತ್‌ಮ, ಯೋ ಅಂಜೀರ್‌ನು ಝಾಡ್‌ಣ ಇವ್ಣೆ ದೇಖ್. ಯೋ ಜಡ್ ಖ್ವಮೇದ್‌ಥೂಸ್ ಖ್ವುಕ್ಲೆಗಯೂಥು.

21 ತದೆ ಪೇತ್ರನೆ ಗಯೋತೆ ದನ್ನೆ ಚಾಲ್ಯುಥೂತೆ ಇನ ಯಾದ್‌ಕರಿನ್ ಯೇಸುನ, “ಗುರು ಹಂದೇಕ್, ತುನೆ ಶಾಪ ದಿದೊಥೋತೆ ಅಂಜೀರ್‌ನು ಝಾಡ್ ಖ್ವುಕ್ಲೆಗಯು!” ಕರಿ ಬೋಲ್ಯೊ.

22 ತದೆ ಯೇಸುನೆ ಇವ್ಣುನ ಫರೈನ್ ಬೋಲ್ಯೊಕಿ, “ದೇವ್‌ಪರ್ ವಿಶ್ವಾಸ್ ರ್ವಾವಾದೆ.

23 ಮೇ ತುಮುನ ಖ್ವಾಚ ಬೋಲುಸ್, ಕೋಣ್‌ತೋಬಿ ಆ ಪಹಾಡ್‌ನ, ‘ತೂ ಉಖ್‌ಡೈ ಜೈನ್, ದರ್ಯಾವ್‌ಮ ಪಡ್’ ಕರಿ ಬೋಲಿನ್ ಇನ ದಿಲ್ಮಗುಮಾನಿ ಕರ್ರೊಕೊಂತೆ, ಯೋ ಬೋಲ್ಯೊತೆ ಇಮ್ಮಸ್ ಉಷೆಕರಿ ನಂಬ್ಯೊತೊ, ಯೋ ಬೋಲ್ಯೊತೆ ಇಮ್ಮಸ್ ಇನ ಉಶೆ.

24 ಇನಾಖ್ವಾಜೆಸ್ ಮೇ ತುಮೂನ ಬೋಲುಸ್ಕಿ: ತುಮೆ ಪ್ರಾರ್ಥನೆ ಕರಿನ್ ಶಾತ್ ಮಾಂಗೋಸ್‌ಕಿ ಯೋ ತುಮೂನ ಮಳೀರಲ್ವಸ್ ಕರಿ ನಂಬೊ, ತದೆ ತುಮೆ ಶಶ್ಯಾತ್ ಮಾಂಗಿಲಿದಾಕಿ ಯೋ ತುಮುನ ಮಳ್‌ಶೆ.

25 ಎತ್ರೇಸ್ ಕಾಹೆತೆ ತುಮೆ ಭೀರಿನ್ ಪ್ರಾರ್ಥನೆ ಕರಾನಿ ವಖ್ಖತ್‌ಮ, ತುಮೂನ ಕಿನಾಪರ್‌ಬಿ ಶಾತ್‌ತೋಬಿ ದಾವೊ ರ್ವಯೂತೊ ಇನ ಮಾಪ್ ಕರೊ, ತದೆ ಪರಲೋಕ್‌ಮ ಛಾತೆ ತುಮಾರೊ ಬಾಬಿ ಜಿನು ತುಮೆ ಕರ್ರೊತೆ ಗಲ್ಲಿನ ಮಾಪ್ ಕರಿನಾಕ್‌ಶೆ” ಕರಿ ಬೋಲ್ಯೊ.

26 ಕತೋಬಿ ತುಮೆ ಮಾಪ್ ನಾಕರ್ರೊತೊ ಪರಲೋಕ್‌ಮ ಛಾತೆ ತುಮಾರೊ ಬಾಬಿ ಜಿನು ತುಮಾರಿ ಗಲತ್ಸ್ ಮಾಪ್ ಕೊಕರ್‌ಶೇನಿ.*

* 11:26 11:26 26 ನು ವಚನ್ ಗ್ರೀಕ್‌ನು ಥೋಡು ವಾಕ್ಯಾನು ಭಾಗ್‌ಮ ಛಾ. ಯೋ ಶಾತ್‌ಕತೊ, “ಬಿಜಾನ ಮಾಪ್ ನಾ ಕರ್ರೊತೊ ಪರಲೋಕ್‌ಮ ಛಾತೆ ತುಮಾರೊ ಬಾ ತುಮಾರು ಪಾಪ್ ಮಾಪ್ ಕರ್ತೆ ಕೊಯ್ತು” ಕರಿ.

ಯೇಸುನಿ ಅದಿಕಾರ್ನಿ ಬಾರೇಮ ಪುಲ್ಲಾಯೂತೆ
(ಮತ್ತಾಯ 21:23-27; ಲೂಕ 20:1-8)

27 ಇವ್ವೆ ಪಾಲ್ಟು ಫರೀನ್ ಯೆರೂಸಲೇಮ್‌ನ ಆಯ. ಹಿಜ್ಜಾಯೇಸು ಮಂದಿರ್‌ನ ಮಹಿ ಜೈನ್ ಫರುಕರಾತೆ ವಖ್ತಿಮ್, ಗಲ್‌ಥಯಾಜಕರ್‌ನ ಮೋಶಿನಿ ವಚನ್ ಶಿಕಾಡವಾಳು ಶಾಸ್ತ್ರಿಯೆ ಅಜ್ಜು ಶಾಣು ಖ್ವಾರ್ರು ಯೇಸುಕನ ಐನ್,

28 “ತೂ ಖೆವಿ ಹಕ್‌ಥಿ ಆ ಖ್ವಾರ್ರು ಕರಾಸ್ತೆ? ಅಮ್ಮಿ ಹಕ್ ತುನ ಕೋಣ್ ದಿದು?” ಕರಿ ಇನ ಪುಲ್ಲಾಯು.

29 ಯೇಸುನೆ ಇವ್ವುನ, “ಮೇಬಿ ತುಮೂನ ಏಕ್ ಸವಾಲ್ ಪುಲ್ಲಾವುಸ್, ಮನ ಜವಾಬ್ ದಿದಾತೊ, ಬಾದ್‌ಮ ಮೇ ಕೆವ್ವಿ ಹಕ್‌ಥಿ ಆ ಖ್ವಾರ್ರು ಕರುಸ್ ಕರಿ ತುಮುನ ಬೋಲುಸ್” ಕರಿ ಬೋಲಿನ್

30 ಬ್ಯಾಪ್ತಿಸ್ತ ದೈವಾನಿ ಹಕ್ ಯೋಹಾನ್ನ ಪರಲೋಕ್‌ಥಿ ಆಯುಕಿ: ಕೊಯ್ನಿ ಅದ್ವಿಥಿ ಆಯು? ಜವಾಬ್ ದೆವೊ” ಕರಿ ಬೋಲ್ಯೊ.

31 ತದೆ ಇವ್ವೆ ಇವ್ವ-ಇವ್ವ ಮಹಿಸ್ ವಾತೆಚೀತೆ ಕರ್ತುಹುಯಿನ್, “ಅಪ್ಪೆ ಶಾತ್ ಬೋಲಿಯೆ? ‘ಪರಲೋಕ್‌ಥಿ ಆಯು’ ಕರಿ ಅಪ್ಪೆ ಬೋಲ್ಯಾತೊ, ‘ಇಮ್‌ಕತೊ ತುಮೆ ಶನ ಯೋಹಾನ್ನ ನಂಬ್ಯಾಕೊಯ್ನಿ?’ ಕರಿ ಬೋಲ್‌ಶೆ,

32 ‘ಅದ್ವಿಥಿ ಆಯು’ ಕರಿ ಬೋಲ್ಯಾತೊ ಶಾತ್ ಹುವ್ವಾಸ್‌ಕಿ” ಕರಿ ಬೋಲಾಲಗ್ಸು. ಶನಕತೊ ಯೋಹಾನ ಏಕ್ ಪ್ರವಾದಿ ಕರಿ ತಮಾಮ್ ಅದ್ಮಿಗುಮಾನಿಕೊಂತೆ ನಂಬಿರಾಖ್ತು. ಇನಾಖ್ವಾಜೆ ಇವ್ವುನ ಅದ್ಮಿನೊ ಡರ್ ಥೊ.

33 ಅನಖ್ವಾಜೆ ಇವ್ವೆ “ಹಮೂನ ಮಾಲುಮ್ ಕೊಯ್ನಿ” ಕರಿ ಯೇಸುನ ಜಬಾಬ್‌ದಿದು.

ತದೆ ಯೇಸುನೆ ಇವ್ವುನ, “ಮೇಬಿ ಖೆವಿ ಹಕ್‌ಥಿ ಆ ಖ್ವಾರ್ರು ಕರಾಸ್ತಿ, ಯೋ ತುಮುನ ಕೋ ಬೋಲಾನಿ” ಕರಿ ಬೋಲ್ಯೊ.

12

ದ್ರಾಕ್ಷಿನ್ ಬಾಗ್‌ನ ವಾರ್‌ನ ಕರಿರಾಖವಾಳಾನಿ ಬಾರೇಮಾನಿ

ಮತ್ತಬ್‌ನಿ ಖೇಣಿ

(ಮತ್ತಾಯ 21:33-46; ಲೂಕ 20:9-19)

1 ತದೆ ಯೇಸುನೆ ಇವ್ವ ಜೋಡೆ ಮತ್ತಬ್‌ನಿ ಖೇಣಿಯೇಡಿ ಬೋಲಾಲಗ್ಯೋಕಿ, “ಏಕ್ ಅದ್ಮಿನೆ ಏಕ್ ದ್ರಾಕ್ಷಿನು ಬಾಗ್ ಬಣೈನ್, ಇನ ಅಶ್‌ಪೀಶ್ ವಾಡ್‌ಗಿ ನಖೈನ್, ದ್ರಾಕ್ಷಿನೊ ರಖ್ತೆ ಕಾಡಾನಖ್ವಾಜೆ ಖಾಡ್ ಖೋಂದಾಯೊ ಅಜ್ಜು ಕಾಫ್ಲಿನಖ್ವಾಜೆ ಉಪ್ಪರ್ ಅಟ್‌ಲೊ ಭಂದಾಯೊ. ಅಜ್ಜು ಇನೆ ಯೋ ದ್ರಾಕ್ಷಿನಬಾಗ್‌ನ ವಾರ್ ಕರಾವಾಳವ್‌ನ ದೀನ್, ಘರ್‌ಥೊ ನಿಕ್ಕಿನ್ ದೇಖ್‌ಪರ್ ಚಲೆಗಯೊ.

2 ಪಂಡು ಪಾಕಾನ ಹಗಾಮ್ ಆವಾದಿನ್, ವಾರ್‌ನ ದೀರಾಖ್ಯೊಥೊತೆ ಇವ್ವಾಕಂಥು ದ್ರಾಕ್ಷಿನ ಪಂಡಾಮ ಭಾಗ್ ಲುವಾನಟೇಕೆ, ಏಕ್ ಆಳ್‌ನ ಇವ್ವಾಕನ ಮೋಕ್‌ಲ್ಯೊ.

3 ಇವ್ವೆ ಯೋ ಆಳ್‌ನ ಧರಿಲೀನ್, ಇನ ಮಾರಿನ್, ಖಾಲಿಹಾತೆ ಮೋಕ್ಲಿದಿದು.

4 ತದೆ ಯೋ ಬಾಗ್‌ನ ಯಜಮಾನ್ನೆ ಬಿಜ್ಜೇಕ್ ಜಣ ಆಳ್‌ನ ಮೋಕ್‌ಲ್ಯೊ; ಯೋ ವಾರ್‌ನ ಲೀರಾಖ್ಯೊಥೊತೆ ಇವ್ವೆ ಇನ ಮುಡ್‌ಕಪರ್ ಮಾರಿನ್ ಖ್ವರಮ್ ಕಾಡಿನ್ ಮೋಕ್‌ಲ್ಯು.

5 ಅನ ಬಾದ್‌ಮ ಯೋ ಬಾಗ್‌ನ ಯಜಮಾನ್ನೆ ಬಿಜ್ಜೇಕ್ ಜಣ ಆಳ್‌ನ ಮೋಕ್ಲಾಖ್ವತರ್ ಇನ ಮಾರಿ ನಾಖಿದಿದು; ಅಜ್ಜೂಬಿ ಕೈಯೆಕ್ಕಿ ಜಣಾನ ಮೋಕ್‌ಲ್ಯೊ ಇವ್ವಾಮ ಥೋಡ ಜಣಾನ ಮಾರ್ಲ್ಯು ಅಜ್ಜು ಥೋಡ ಜಣಾನ ಕತ್ತಿನಾಖಿದಿದು.

6 ಯೋ ಬಾಗ್‌ನೊ ಯಜಮಾನ್ನೆ ಬಿಜ್ಜು ಎಕ್ಕಸ್ ಜಣೊ ರಹಿಗಯೋಥೊ. ಯೋ ಕೋಣ್‌ಕತೊ ಇನೊ ಲಾಡ್‌ನೊ ಛಿಯ್ಯೊ ತದೆ ಇನೆ ಸೋಚ್ಯೊಕಿ, ‘ಮಾರ ಛಿಯ್ಯಾನ ದೇಖಿನ್ ಮರ್ಯಾದಿ ದಿಶೆ’ ಕರಿ ಯಜಮಾನ್ನೆ ಖ್ವರ್ತಿಮ ಇನ ಛಿಯ್ಯಾನ ಯೋ ವಾರ್ ಕರವಾಳಾವ್‌ಕನ ಮೋಕ್‌ಲ್ಯೊ.

7 ಕತೋಬಿ ಯೋ ವಾರ್‌ನ ಕರಿರಾಖ್ಯೊಥೊತೆ ಅದ್ಮಿಖ್ವಾರ್ಡು ಇನ ದೇಖಿನ್, ‘ಆಸ್ ಬಾಗ್‌ನೊ ಯಜಮಾನ್ನೊ ಛಿಯ್ಯೊ ಆವೊ, ಅನ

ಮಾರಿನಾಖಿದಿಯೈ ತದೆ ಇನು ಶೋತ್ ಖ್ಹಾರು ಅಪ್ಪು ಹುಯಿಜ್ಜಾಶೆ!”
ಕರಿ ಏಕ್‌ನ ಜೋಡೆ ಏಕ್ ವಾತೆ ಕರಿಲೀನ್,

8 ಇನ ಛಿಯ್ಯಾನ ಧರೀನ್ ಮಾರಿನಾಖಿದೀನ್, ದ್ರಾಕ್ಷಿನ ಬಾಗ್‌ನ
ಭಾರ್ ಫೇಕಿದಿದು.

9 ಇಮ್‌ಕತೊ, ದ್ರಾಕ್ಷಿನ ಬಾಗ್‌ನೊ ಯಜಮಾನ್ ಶಾತ್ ಕರ್ಶೆ?
ಯೋ ಐನ್ ದ್ರಾಕ್ಷಿನ ಬಾಗ್‌ನ ವಾರ್‌ನ ಲೀರಾಋಘೂತೆ ಇವ್ವುನ
ಮಾರಿನಾಖಿದೀನ್, ಇನು ದ್ರಾಕ್ಷಿನ ಬಾಗ್‌ನ ಬಿಜ್ಜಾನ ದಿನಾಕ್‌ಶೆ.

10 ‘ಘರ್ ಭಾಂದಾವಾಳು ನಕೊಕರಿ ಧಕೇಲೈಗಯೋತೆ ಬಂಡೋಸ್,
ಹೋಣುತೆ ಕೋಣಾನೊ ಬಂಡೊ ಹುಯೊ. ಅವ್ಕರಿ
ಧರ್ಮಶಾಸ್ತ್ರಮ ಪಠಿರಾಋಸ್ಸಿ!

11 ಹೈರುತೆ ಪ್ರಭುನೇಸ್ ಕರೈತೆ;
ಆ ಅಪ್ಪ ಡೋಳಾಮ ಅಶ್ಚರ್ಯ ದೆಖಾವಸ್ಸಿ!”*

12 ಆ ಅಪ್ಪೀಸ್ ಬಾರೇಮ ಆ ಮತ್ಲಬ್‌ನಿ ಖೇಣಿ ಬೋಲ್ಯೊ ಕರಿ
ಇವ್ವೆ ಮಾಲುಮ್ ಕರಿಲೀನ್ ಯೇಸುನ ಧರ್ಮನು ಕರಿ ಕೋಶಿಶ್ ಕರೈ.
ಕತೋಬಿ ಅದ್ವಿನ ಡರ್‌ಥಿ ಇನ ಮ್ಹಂದಿನ್ ಚಲಿಗಯು,

ಶುಂಕ ಭಾಂದಾನಿ ಬಾರೇಮ ಪುಲ್ಲಾಯೊತೆ
(ಮತ್ತಾಯ 22:15-22; ಲೂಕ 20:20-26)

13 ಅನ ಬಾದ್‌ಮ ಇವ್ವೆ ಯೇಸುನ ವಾತೆಮ ಫಖ್ವಾವ್ವು ಕರಿ,
ಫರಿಸಾಯರ್ ಅಜ್ಜು ಹೆರೋದನಿ ಝೂಂಡ್‌ಥು ಥೋಡ ಜ್ಞಾನ
ಇನಾಕನ ಮೋಕ್‌ಲ್ಯು.

14 ಇವ್ವೆ ಇನಾಕನ ಐನ್ ಬೋಲ್ಯೊಕಿ, “ಗುರು, ತೂ ಖ್ವಾಚಿಸ್
ಬೋಲಾಸ್, ಕಿನಾಬಿ ದೇಖಿನ್ ಡರಾಕೊಯ್ನಿ, ತು ಅದ್ವಿನು
ಮ್ಹೋಡುದೇಖಿನ್ ವಾತೆ ಕೋ ಬೋಲಾನಿ. ಕತೋಬಿ ಅದ್ವಿನಿ
ಬಾರೇಮ ದೇವ್ನಿ ಮರ್ಜಿ ಶಾತ್ ಲ್ಲಾಕಿ ಯೋ ಬೋಲಿವತಾಳಸ್
ಕರಿ ಹಮೂನ ಮಾಲುಮ್. ಕೈಸರ್‌ನ ಶುಂಕ ದೆವಾನು ನಿಯಮ್‌ಕಿ
ಕೊಯ್ನಿ? ದೇಣೂಕಿ ನಾ ದೇವ್ವು” ಕರಿ ಯೇಸುನ ಪುಲ್ಲಾಯು.

* 12:11 12:11 ಕೀರ್ತನೆ 118:22-23

15 ತದೆ ಯೇಸುನೆ, ಇವ್ವೆ ಮಶ್ಲತ್ ಭಂದೈನ್ ಐರಂದೈತೆ ದೇಖಿನ್, “ಮನ ಫಖ್ಲಾವ್ಣು ಕರಿ ಶನ ದೇಖೊಸ್ತೆ? ಮನ ಏಕ್ ರೂಪಾನು ಬಿಲ್ಲು ಲೈನ್ ವತಾಳೊ” ಕರಿ ಬೋಲ್ಯೊ.

16 ತದೆ ಇವ್ವೆ ಏಕ್ ಬಿಲ್ಲು ಲಾಯು, ತದೆ ಯೇಸುನೆ, “ಅ ಬಿಲ್ಲಾನ ಉಪ್ಪರ್ ಛಾತೆ ಮ್ಹೋಡಾನಿ ರೂಪಾಬಿ ನಾಮ್ ಕಿನ್?” ಕರಿ ಪುಲ್ಲಾವಖ್ತರ್ ಇವ್ವೆ “ಕೈಸರ್‌ನು” ಕರಿ ಬೋಲ್ಯು.

17 ತದೆ ಯೇಸುನೆ, “ಇಮ್‌ಕತೊ, ಕೈಸರ್‌ನು ಶಾತ್ ಛಾಕಿ ಯೋ ಕೈಸರ್‌ನ ದೆವೊ, ದೇವ್ವ ದೇವ್ಣತೆ ದೇವ್ವ ದೆವೊ” ಕರಿ ಬೋಲ್ಯೊ.

ಯೇಸುನೆ ಅಮ್ ಬೋಲ್ಯೊತೆ ದೇಖಿನ್ ಇವ್ವೆ ಘಣು ಆಶ್ಚರ್ಯವಾದು.

ಮರೀನ್ ಜಿವ್ಣೊ ಹುಯಿನ್ ಉತಾನಿ ಬಾರೇಮ ಪುಲ್ಲಾಯೊತೆ
(ಮತ್ತಾಯ 22:23-33; ಲೂಕ 20:27-40)

18 ಅನ ಬಾದಾಮ ಸದ್ವಕಾಯವಾಳು[†] ಥೋಡು ಜಣು ಯೇಸುಕನ ಆಯು. ಅವ್ವೆ ಮರೈಹುಯು ಅದ್ವಿ ಪಾಳ್ತು ಜಿವ್ಣುಹುಯಿನ್ ಉತಾಕೊಯ್ತಿ ಕರಿ ಬೋಲಾವಾಳು. ಅವ್ವೆ ಯೇಸುನ ಪುಲ್ಲಾಯುಕಿ,

19 “ಗುರು, ಏಕ್ ಜಣೊ ಲಡ್ಡಾಕೊಂತೆ ಮರಿಗೋತೊ, ಇನಿ ಬಾವಣ್ಣ ಇನೊ ಭೈ ಕರಿಲೇವ್ಣು ತದೆ ಇವ್ಣುನ ಲಡ್ಡಾ ಹುಯಾತೊ, ಯೋ ಲಡ್ಡಾ ಮರೈಯೊತೆ ಭೈನ ಲಡ್ಡಾ ಹುಯಿರ್ದಿಶೆ” ಕರಿ ಮೋಶೆನೆ ಹಮಾರಖ್ವಾಜೆ ಲೇಖಿರಾಖೊಸ್.

20 ಖ್ವಾತ್‌ಜಣ ಭೈಯೆ ಥಾ; ಇವ್ವಾಮ ಪಹಿಲೊ ಭೈ ವ್ಯಹಾ ಕರೀನ್ ಲಡ್ಡಾಕೊಂತೆ ಮರಿಗಯೊ.

21 ಇನಿ ಬಾಯ್ಲೊನ ಇನ ಪೀಟ್‌ಣೊ ಭೈನೆ ಕರಿಲೇನ್ ಯೋಬಿ ಲಡ್ಡಾಕೊಂತೆ ಮರಿಗಯೊ. ಇಮ್ಮಸ್ ತೀನ್ನೊ ಭೈನಾಬಿ ಹುಯು,

[†] 12:18 12:18 ಸದ್ವಕಾಯವಾಳು ಕತೊ ಯೆಹೂದ್ಯರೊನಿ ಜಾತ್ನು ಅದಿಕಾರ್ ಚಲಾವವಾಳು ಏಕ್ ರ್ಲುಂಡ್. ಅವ್ವೆ ಜೂನು ಒಪ್ಪಂದಾನನು ಪಹಿಲು ಪಾಚ್ ಪುಸ್ತಕ್‌ನ ಮ್ಹೇಲಿನ್ ಬಿಜು ಕೆಹೂಬಿ ರಾಕುತುಡು ಕೊಯ್ತಿ. ಅವ್ವೆ ಮರ್‌ವಾನ ಬಾದಾಮ ಅದ್ವಿ ಪಾಳ್ತು ಜಿವ್ಣುಹುಯಿನ್ ಉತಾಕೊಯ್ತಿ ಕರಿ ಬೋಲಾವಾಳು ಅಜು ದೂತರ್, ಆತ್ಮಯೋ ಖ್ವಾರಿ ನಂಬಾಕೊಯ್ತಿ.

22 ಇಮ್ಮನ್ ಖ್ವಾತೆ ಜ್ಞಾಬಿ ಯೋ ತಯೇಡಾನ ಕರಿಲೀನ್ ಲಡ್ಡಾಕೊಂತೆ ಮರಿಗಯ. ಖ್ವಾರಾನ ಬಾದ್‌ಮ, ಯೋ ತಯೇಡಾಬಿ ಮರಿಗೈ.

23 ಇಮ್‌ಕತೊ, ಮರವಾಳು ಜಿವ್ತುಹುಯಿನ್ ಆವ್‌ಶೇತೆ ಯೋ ದನ್ತ್ಯ ಯೋ ತಯೇಡ ಖೆವಾನಿ ಬಾವಣ್ ಹುಯಿರ್ಟಿಶೆ? ಶನಕತೊ ಖ್ವಾತೆ ಜ್ಞಾಬಿ ಇನ ಕರಿಲಿದಾಥಾನಿ” ಕರಿ ಬೋಲ್ಯು.

24 ಯೇಸುನೆ ಇವ್ಣುನ, “ತುಮೆ ಕೆತ್ರಿಗಲ್ಲಿಮ ಶನ ಛಾಕರಿ ಮಾಲುಮ್ ಕಿಶು? ಶನಕತೊ ತುಮೂನ ದೇವ್ನಿ ವಚನ್‌ಬಿ ನಾತೊ ದೇವ್ ಕೆತ್ರಿ ಶಕತ್‌ವಾಳೊ ಕರೀಬಿ ಮಾಲುಮ್‌ಕೊಯ್ನಿ.

25 ಮರವಾಳು ಜಿವ್ತುಹುಯಿನ್ ಆವ್‌ಶೇತೆ ತದೆ, ಇವ್ಣೆ ಸೊರ್ಗಥು ದೇವ್‌ನು ದೂತರ್‌ನಿ ಘೋಣಿ ರ್ಟಿಶೆ ಅಜ್ಜು ವ್ಯಹಾ ಕರ್‌ಶೆಬಿ ಕೊಯ್ನಿ, ವ್ಯಹಾ ಕರಿದಿಶೇಬಿ ಕೊಯ್ನಿ.

26 ಕತೋಬಿ ‘ಮರವಾಳು ಜಿವ್ತುಹುಯಿನ್ ಉಟ್‌ಶೇತೆ’ ಇನಿ ಬಾರೇಮ ಬೋಲ್‌ನು ಕತೊ, ‘ಮೇ ಅಬ್ರಹಾಮ್‌ನೊ ದೇವ್, ಇಸಾಕನೊ ದೇವ್, ಯಾಕೋಬನೊ ದೇವ್’ ಕರಿ ದೇವ್ನೆ ಮೋಶೆನ ಬೋಲ್ಯೊತೆ ಇನ ಮೋಶೆನು ಪುಸ್ತಕ್‌ಮ ಆಗ್‌ನಿ ಡಾಗ್‌ನಿ ಬಾರೇಮ ಛಾತೆ ವಚನ್ನು ಭಾಗ್‌ಮ‡ ಪಠಿರಾಖ್ಯಕೊಯ್ನಿ ಕಿ ಶು?

27 ಇವ್ಣೆ ಮರಿಗಯಾತೋಬಿ ದೇವ್ನೆ ಜೋಡ್ ಜಿವ್ತು ಹುಯಿನ್ ಛಾ; ಇನಖ್ವಾಜೆ ಯೋ ಜಿವ್ತಾನೊ ದೇವ್ ಹುಯಿರ್ಟೊಸ್ತೆ ಪಣ್ಣಿ ಮರ್ರ್ಯಾಹುಯಾನೊ ಕಾಹೆ, ತುಮೆ ತೀರ್‌ಚಾಸ್ ಗಲ್ಲಿಮ ಪಡ್ಯಾಸ್” ಕರಿ ಬೋಲ್ಯೊ.

ಖ್ವಾರೇಥಿ ಮೋಟಿ ಹುಕುಮ್

(ಮತ್ತಾಯ 22:34-40; ಲೂಕ 10:25-28)

28 ಹಿಜ್ಲಾ ಮೋಶೆನಿ ವಚನ್ ಶಿಕಾಡವಾಳೊ ಶಾಸ್ತ್ರಿಮ ಏಕ್ ಜ್ಞೊ ಇವ್ಣೆ ಚರ್ಚೆ ಕರುಕರಾತೆ ಖ್ವಮ್‌ಜಿನ್, ಯೇಸುನೆ ಸದ್ವುಕಾಯವಾಳನ

‡ 12:26 12:26 ವಿಮೋಚನಕಾಂಡ 3.6

ಅಲ್ಲು ಜವಾಬ್ ದಿದೋತೆ ದೇಖಿನ್, ಯೇಸುಕನ ಐನ್, “ಖ್ವಾರಿ ಹುಕುಮ್‌ಮ ಮೋಟಿ ಹುಕುಮ್‌ ಖೆವಿ” ಕರಿ ಪುಲ್ಲಾಯೊ.

29 ತದೆ ಯೇಸುನೆ, “ಇಸ್ರಾಯೇಲ್‌ನು ಅದ್ವಿ ಖ್ವಮಜ್! ಖ್ವಾರೇಫಿ ಮೋಟಿ ಹುಕುಮ್‌ ಖೆವಿಕತೊ, ‘ಅಪ್ಪೊ ದೇವ್ ಹುಯಿರ್ರೋತೆ ಪ್ರಭು ಎಕ್ವಸ್ ಭಣೊ ದೇವ್ ಹುಯಿರ್ರೋಸ್.’

30 ತಾರೊ ದೇವ್ ಹುಯಿರ್ರೋತೆ ಪ್ರಭುನ ಪೂರ ದಿಲ್‌ಫಿ, ಪೂರ ಜಾನ್‌ಫಿ, ಪೂರ ಮನ್‌ಫಿ, ಪೂರ ಶಕಥಿ ಪ್ಯಾರ್ ಕರನ್.

31 ಅಜ್ಜು ಬೇನಿ ಮೋಟಿ ಹುಕುಮ್‌ ಖೆವಿಕತೊ, ‘ತಾರು ತು ಕಿಮ್ ಪ್ಯಾರ್ ಕರಾಸ್ತಿ ಇಮ್ಮಸ್ ತಾರ ಭೀಡೆವಾಳಾನ್‌ ಪ್ಯಾರ್ ಕರನ್. ಆ ಬೇ ಹುಕುಮ್‌ಫಿ ಮೋಟಿ ಹುಕುಮ್‌ ಬಿಜೇಕ್ ಖೆವಿಬಿ ಕೊಯ್ತಿ” ಕರಿ ಬೋಲ್ಯೊ.

32 ತದೆ ಯೋ ಶಾಸ್ತ್ರಿನೆ, “ಗುರು, ತೂ ಅಶೇಲ್ ಬೋಲ್ಯೊ ‘ದೇವ್ ಹುಯಿರ್ರೋತೆ ಪ್ರಭು ಎಕ್ವಸ್ ಭಣೊ, ಇನ ಮ್ವೇಲೀನ್ ಬಿಜು ಕೋಣ್‌ಬಿ ದೇವ್ ಕೊಯ್ತಿ ಕರಿ ತುನೆ ಬೋಲ್ಯೊತೆ ಖ್ವಾಚಿ.

33 ಇನ ಪೂರ ದಿಲ್‌ಫಿ, ಪೂರ ಮನ್‌ಫಿ ಅಜ್ಜು ಪೂರ ಶಕಥಿ ಪ್ಯಾರ್ ಕರನ್; ಅಜ್ಜು ಇನು ಯೋ ಕಿಮ್ ಪ್ಯಾರ್ ಕರಿಲೇಸ್ತಿ, ಇಮ್ಮಸ್ ಇನ ಭೀಡೆವಾಳಾನ್ ಪ್ಯಾರ್ ಕರನ್. ಆ ಬೇ ಹುಕುಮ್‌ ದೇವ್ ಖ್ವಾಮೆ ಅಖ್ವಯೇಕ್ ಶರೀರ್‌ನ ಬಲಿದ್ಯವಾನು ದೆವಾಫೀಬಿ ಅಜ್ಜು ಬಿಜಿ ಖ್ವಾರಿ ಜಾನ್ವರ್‌ನ ಬಲಿದೀಬಿ ಮೋಟು ಹುಯಿರ್ರೋಸ್” ಕರಿ ಬೋಲ್ಯೊ.

34 ಇನೆ ಸೋಚಿಪರ್‌ಖಿನ್ ಜವಾಬ್ ದಿದೋತೆ, ಯೇಸುನೆ ದೇಖಿನ್, “ತೂ ದೇವ್‌ ರಾಜ್ಯಫಿ ದೂರ್‌ಲ್ಯೊ ಕಾಹೆ” ಕರಿ ಬೋಲ್ಯೊ.

ಅನ ಬಾದ್‌ಮ ಯೇಸುನ ಬಿಜು ಶಾತ್ವಿ ಪುಲ್ಲಾವನ ಕಿನೇಬಿ ಹಿಮ್ಮತ್ ಕೋ ಕರನ್.

ಮೆಸ್ಸೀಯಾನಿ ಬಾರೇಮ ಪುಲ್ಲಾಯೋತೆ
(ಮತ್ತಾಯ 22:41-46; ಲೂಕ 20:41-44)

§ 12:31 12:31 ಲೂಕ 10.27-37, ಪಡೋಶಿವಾಳು ಕತೊ ಕಿನ-ಕಿನ ಭರೂರತ್ ಛಾಕಿ ಇವ್ವನ ಮದತ್‌ಕರನು ಕರಿ

35 ಯೇಸು ಮಂದಿರಮ ವಚನ್ ಬೋಲಿದೇವಕರ್ತೋಫೊ, ತದೆ ಇನೆ ಪುಲ್ಲಾಯೊಕಿ, “ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಯೊರು ಮೆಸ್ಸೀಯ ದಾವೀದನೊ ಥಿಯೊ ಕರಿ ಬೋಲಾಸ್ಸಿ ಯೋ ಕಿಮ್ ಉಶೆ?

36 ‘ಮೇ ತಾರು ದುಶಮನ್ನ ಖ್ಹಾರು ತಾರ ಗೋಡಾನ ಹೇಟ್ ನಾಖಾಲಗು ಮಾರಿ ಖಾವಿ ಬಾಙ್ಕುಮ ಬೆರೋರೆ,
ಕರಿ ಪ್ರಭು ಹುಯಿರೊಡ್ತೆ ದೇವ್ನ ಮಾರ ಮಾಲಿಕ್‌ನ ಬೋಲೊ’*
ಕರಿ ಪವಿತ್ರಾತ್ಮನೆ ದಾವೀದನ ಮೊಡಾವಾಟಿ ಬೋಲಾಯೊನಿ.

37 ದಾವೀದಸ್ ಕ್ರಿಸ್ತನ ಪ್ರಭುಕರಿ ಬೋಲಾಪರ್ ಕ್ರಿಸ್ತ ದಾವೀದನೊ ಥಿಯೊ ಕಿಮ್ ಉಶೆ?”

ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಯೊನಿ ಬಾರೇಮ ಯೇಸುನೆ
ಝೇತಾಯೊತೆ

(ಮತ್ತಾಯ 23:1-36; ಲೂಕ 20:45-47)

ಯೇಸುನಿ ವಾತೆನ ಘಣ ಅದ್ಮಿ ಖ್ಹುಶೀಥಿ ಖ್ಹಮ್‌ಜುಕರ್ತು.

38 ಯೇಸುನೆ ವಚನ್ ಬೋಲಿ ದೇತೊಹುಯಿನ್ ಬೋಲೊಕಿ,
“ಮೋಶೆನು ವಚನ್ ಶಿಕಾಡವಾಳು ಶಾಸ್ತ್ರಿಯೊನಿ ಬಾರೇಮ ಹೊಷಾರ್‌ಥಿ ರ್ವೊ. ಇವ್ಣೆ ಘಣ ಮೋಲ್ನು ಝಗೊ ಪೇರೊಲೀನ್ ಹೈಕಡ್‌ಹೀಕಡ್ ಫರ್‌ವಾನು, ದುಕಾನೇನಿ ಗಲ್ಲಿಮ ಅದ್ಮಿ ಖ್ಹಾರು ಇವ್ಣನ ಮರ್ಯಾದಿ ದೀನ್ ಖ್ಹಲಾಮ್ ಕರ್ನುಕರಿ,

39 ಅಙ್ಕು ಸಬೆ ಭರಾವಾನು ಮಂದಿರಮ ಅಖ್ಖಾನ ಖ್ಹಮೆ ಬೇಖ್ವೊಣು ಕರಿ, ಮಾನ್-ಮಿಝ್‌ವಾನೇನಿ ಝಗೋಮ ಅಖ್ಖಾನ ದೆಖಾವಾನಿ ಘೋಣಿ ಖ್ಹಮೆ ಬೇಖ್ವೊಣು ಕರಿ ಖಲಿ ಅಮ್ಸ್ ಆಖ್ವೊಕರ್ತುರೊಸ್.

40 ಇವ್ಣೆ ಮುಂಡಚ್ಚಿ† ತಯೇಡಾವ್‌ನ ರಗ್ಮಿನ್ ಇವ್ಣ ಘರ್‌ನ ಲೂಟಿಲೇಸ್ ಅಙ್ಕು ಅದ್ಮಿನ ವತಾಳಿಲ್ಯಾವನಖ್ವೊಣಿ ಲಾಂಬಿ ಪ್ರಾರ್ಥನೆ ಕರಾಸ್. ಅವ್ಣಪರ್ ಘಣೇಥಿ ಘಣಿ ನಿಶತ್ ಮಳಾಶೆ” ಕರಿ ಬೋಲೊ.

* 12:36 12:36 ಕೀರ್ತನೆ 110.1 † 12:40 12:40 ಬಾವಿ ಮರಿಘಾಯಿತೆ ತಯೇಡ, ಮುಂಡಚ್ಚಿ ಕರೀಬಿ ಬೋಲಾಸ್

ಮುಂಡಚ್ಚಿ ತಯೇಡಾನಿ ಕಾಣ್ತೆ

(ಲೂಕ 21:1-4)

⁴¹ ಯೇಸು ಮಂದಿರಾನ್ ಹುಂಡಿನ ಖ್ವಾಮ್ಣೆನಿ ಬಾಙ್ಗೂಮ ಬೇಶಿನ್, ಅದ್ವಿಖ್ವಾರು ಪೈಶಾ ನಾಖಾತೆ ದೇಖುಕರ್ತೊಧೊ. ಕೈಯೆಕ್ಚಿ ಧನ್-ದೌಲತ್‌ವಾಳು ಅದ್ವಿಘಣು-ಘಣು ನಾಖ್ಲು.

⁴² ತದೆ ಹಿಙ್ಗಾ ಏಕ್ ಗರೀಬ್ ಮುಂಡಚ್ಚಿ ತಯೇಡ ಐನ್, ಬೇ ತಾಂಬಾನು ಕಾಖ್ಲೆ ಕತೊ ಏಕ್ ಪೈಶಾ ನಾಖಿ.

⁴³ ತದೆ ಯೇಸುನೆ ಇನ ಶಿಷ್ಯರಾನ್ ಖನ್ನೆ ಬುಲೈನ್, “ಮೇ ತುಮೂನ ಖ್ವಾಚ ಬೋಲುಸ್ತಿ ಹುಂಡಿಮ ಖ್ವಾರೇಧಿ ಜಾಖ್ವತ್ ಆ ಗರೀಬ್ ಮುಂಡಚ್ಚಿ ತಯೇಡ ನಾಖಿರಾಖಿಸ್.

⁴⁴ ಕಿಮ್ ಕತೊ, ಖ್ವಾರು ಇವ್ಣುನ ಬಶ್‌ಹುಯಿನ್ ಉಭರ್ಯ್ತೆ ಇನಾಮಾಥು ಥೋಡು ನಾಖ್ಲು; ಕತೋಬಿ ಆ ಹೈರಿತೆ, ಅತ್ರೆ ಗರೀಬ್ ರಕ್ಷೆನ್‌ಬಿ, ಇನಾಕನ ಥೂತೆ ಖ್ವಾರುಸ್ ನಾಖಿದಿದಿ, ಇನು ಜಿವ್ಣು ಚಲಾವಾನ ಥೂತೆ ಖ್ವಾರೂಸ್ ನಾಖಿದಿದಿ”.

13

ಮೋಟಿ ಮಂದಿರಾನ್ ಫೋಡಿನಾಕ್‌ಶೆತೆ ಇನಿ ಬಾರೇಮ ಯೇಸುನೆ ಬೋಲ್ಯೊತೆ

(ಮತ್ತಾಯ 24:1-2; ಲೂಕ 21:5-6)

¹ ಮಂದಿರಾನ್ ಮ್ಹೆಂದಿನ್ ಜಾವಾನಿ ವಖ್ವತ್‌ಮ, ಇನ ಶಿಷ್ಯರಾಮ ಏಕ್ ಜಣಾನೆ ಇನ, “ಗುರು, ಹಂದೇಕ್ ಕಿಮ್ಮ ಬಂಡಾ! ಆ ಮಂದಿರಾನ್ ಕಿಮ್ ಬಣೈರಾಖ್ಯೊಸ್ತೆ!” ಕರಿ ಬೋಲ್ಯು.

² ತದೆ ಯೇಸುನೆ, “ಆ ಕೆತ್ರೆ ಮೋಟುಫರ್ ಬಣೈರಾಖ್ಯೊಸ್ ಕರಿ ತೂ ದೇಖುಕರಾಸ್ ಕೊಯ್ತಿಕಿ ಶು? ಹಙ್ಗಾ ಏಕ್ ಬಂಡಾಪರ್ ಬಿಜೇಕ್ ಬಂಡೊ ಭೀರಿಶೆ ಕೊಯ್ತು; ಅಖ್ವಾಸ್ನ ರಡ್‌ಕೈನಾಖಿದಿಶೆ” ಕರಿ ಬೋಲ್ಯೊ.

ಖ್ವಾಪ್ಪಿ ಅಜು ವದೇಖ್

(ಮತ್ತಾಯ 24:3-14; ಲೂಕ 21:7-19)

3 ಬಾದಾಮ್ ಯೇಸು ಆಲಿವ್ ಪಹಾಡ್‌ಪರ್* ದೇವ್ನಿ ಮೋಟಿ ಮಂದಿರ್ ಭಣಿ ಮ್ಹೋಡು ಕರೀನ್ ಬೆರೋಥೊ. ತದೆ ಪೇತ್ರ, ಯಾಕೋಬ್, ಯೋಹಾನ್ ಅಜ್ಜು ಅಂದ್ರೆಯ ಯೇಸು ಎಕ್ಲೊ ರ್ವಾವಾನಿ ವಖ್ಖತ್‌ಮ ಇನಾಕನ್ ಆಯ.

4 ತದೆ ಇವ್ಣೆ ಇನ್, “ಆ ಖ್ಹಾರು ಕದೆ ಉಶೆ? ಆ ಖ್ಹಾರು ಹುವಾನ ವಖ್ಖತ್ ಐಗಿ ಕರಿ ಮಾಲುಮ್ ಪಡಾನಟೀಕೆ ಶಾತ್ ಫಾಲ್‌ಜೆ, ಕರಿ ಹಮೂನ್ ಬೋಲ್” ಕರಿ ಪುಲ್ಲಾಯ.

5 ತದೆ ಯೇಸುನೆ ಇವ್ಣುನ್, “ಹೊಷಾರ್‌ಥಿ ರ್ವಾವೊ, ಅಜ್ಜು ತುಮೂನ್ ಕೋಣ್‌ಬಿ ರಗಾವ್ಣುನಾತೆ ಇಮ್ ದೇಖಿಲೇವೊ.

6 ಕೈಯೆಕ್ಕಿ ಜಣು ಆಯಿನ್ ಮಾರು ನಾಮ್ ಬೋಲಿಲಿನ್, ‘ಮೇ ಕ್ರಿಸ್ತ, ಮೇ ಕ್ರಿಸ್ತ’ ಕರಿ ಘಣ ಅದ್ವಿನ ಧೋಕ ಕರ್ತೆ.

7 ಅತ್ರೇಸ್ ಕಾಹೆತೆ ತುಮೆ, ಖನ್ನೆ ಜಂಗ್ ಭೀಡುಕರಾತೆ ಅವಾಜ್ ಅಜ್ಜು ದೂರ್ ಜಂಗ್ ಭೀಡುಕರಾತೆ ಖಬರ್‌ನ ಖ್ವಮ್‌ಜ್ಯಾತೊ ಘಬ್ರಾವೊ ನಕೊ. ಅಮ್ಮು ಖ್ಹಾರು ಫಾಲ್ವುಸ್ ಫಾಲ್ವು. ಕತೋಬಿ ಅನಿ ಮತ್‌ಲಬ್ ಜಗತ್ ಖತಮ್ ಹುಯಿಜಾವಾನ ಆಯುಕರಿ ಕಾಹೆ.

8 ದೇಖ್ವೊ ಲಡೈ ಪಡ್‌ಶೆ; ಏಕ್ ರಾಜ್ಯಪರ್ ಬಿಜೇಕ್ ರಾಜ್ಯ ಲಡೈನ್ ಉಟ್‌ಶೆ. ಖ್ಹಾರಿ ತರಬ್ ಜಮೀನ್ ಹಲ್‌ಶೆ, ಅಜ್ಜು ಕಾಳ್ವುಕಾಳ್ ಉಶೆ. ಆ ಖ್ಹಾರು ಲಡ್ಕು ಪೈದಾ ಹುವಾನಿ ವಖ್ಖತ್‌ಮ ಆವಾತೆ ಪಹಿಲಿ ಅಜಾನಿಫೋಣಿ ಹುಯಿರ್ವ್ವಸ್.

9 ಕತೋಬಿ ತುಮೆ ತುಮಾರಿ ಬಾರೇಮ ಹೊಷಾರ್‌ಥಿ ದೇಖಿಲೆವ್ಣು ತುಮೂನ್ ಧರೀನ್ ನ್ಯಾವ್ ಕರಾನಿ ಸಭೆಮ ಖೇಚಿಲಿಜಾಶೆ. ತುಮುನ್ ಸಬೆ ಭರಾವಾನು ಮಂದಿರ್‌ಮ ಮಾರ್‌ಶೆ; ಮಾರ್‌ಖ್ವಾಜಿ ತುಮೆ ರಾಜ್‌ಭಾರ್ ದೇಖಿಲೆವಾಳಾನ್ ಖ್ವಾಮ್ಣೆಬಿ ಅಜ್ಜು ರಾಜಾನ್ ಖ್ವಾಮ್ಣೆ ಸಾಕ್ಷಿಕರಿನ್ ಭೀರಾಕಶೆ.

* 13:3 13:3 ಆಲಿವ್ ಕರಿ ಪಂಡಾ ಮ್ಹೇಲಾನು ಝಾಡ ಆ ಪಹಾಡ್‌ಪರ್ ಥು. ಆ ಆಲಿವ್‌ನ್ ಪಂಡಾನ ಪೀಂಜಿನ್ ತೇಲ್ ಕಾಡಸ್. ಆ ತೇಲ್ ಖಾಣು ಕರಾನ್, ದೀವೊ ಲಗಾಡನ್, ಓಖ್ವಡ್ ಕರಾನ್ ಅಜ್ಜು ರಂಗ್-ರೂಪ್ ಭಡಾವಾನಟೀಕೆ ಉಪ್‌ಯೋಗ್‌ಕರಾಸ್

10 ಕತೋಬಿ ಜಗತ್ ಖತಮ್ ಹುವಾನ ಅಗಾಡಿ, ತಮಾಮ್ ಜಗ್ಗಾತ್‌ವಾಳನ ದೇವ್ನಿ ಅಲ್ಫಿ ಸಮಾಚಾರ್‌ನ ಬೋಲ್‌ನು.

11 ತುಮುನ ಧರೀನ್ ನ್ಯಾವ್ ಕರಾನಿ ಝುಗೊ ಲೀಗಯೂತೊ, ಶಾತ್ ಬೋಲ್ವುಕರಿ ಪಹಿಲೇಸ್ ಧಡುಕೊ† ನಕೊಫಾಲೊ. ಯೋ ವಖ್ವತ್‌ಮ ಶಾತ್ ಬೋಲ್ವುಕರಿ ದೇವ್ ಯಾದ್ ದೇಸ್ಕಿ ಯೋಸ್ ಬೋಲೊ. ಶನಕತೊ ತುಮೆ ಬೋಲ್‌ಶುತೆ ವಾತೆ ತುಮಾರಿ ಕಾಹೆ; ಪವಿತ್ರಾತ್ಮಾಢಿ ಐತೆ ವಾತೆ ಹುಯಿರೈಶೆ.

12 ಅತ್ರೇಸ್ ಕಾಹೆತೆ ಏಕ್ ಭೈ ಇನ ಶೊಂತ್ ಭೈನ ಮಾರಿನಾಖಾನ ದಿನಾಕ್‌ಶೆ, ಇಮ್ಮತ್ ಬಾಬಿ ಇನ ಲಡ್ಕಾವ್ ಮರಾವ್‌ಶೆ. ಲಡ್ಕಾ ಉರೀನ್ ಇವ್ವ ಆಯ-ಬಾನ ಧೋಕೊದೀನ್ ಮರಾವ್‌ಶೆ.

13 ಅಜು ಮಾರ ನಾಮ್‌ಟೀಕೆ ಹರೇಕ್ ಅದ್ಮಿ ತುಮುನ ವಹೇರ್ ಕರ್ಶೆ. ಕತೋಬಿ ಆಖಿ ದಮ್‌ತೋಡಿ ಖ್ವಮಾಳಿಲ್ಯವಾಳು‡ ದೇವ್ನಿ ನ್ಯಾವ್‌ನಿ ತೀರ್ಪ್‌ಢಿ ರಕ್ಷಣೆಲೀನ್ ಪರ್‌ಲೋಕ್‌ಮ ಜಾವಾನ ಲ್ಹಾಯಕ್ ಉಶೆಸ್.

ಮಹಾ ಖ್ವತಾಪ್ಪಿನಿ ವಖ್ವತ್

(ಮತ್ತಾಯ 24:15-28; ಲೂಕ 21:20-24)

14 ಅತ್ರೇಸ್ ಕಾಹೆತೆ 'ಬರ್ಬಾತ್ ಕರಾವಾಳು ಖರಾಬ್ ರಾಲ್ಹು' ಯೋ ಭೀರೆವ್ಣುನಾತೆ ಝುಗೋಪರ್* ಭೀರಾವನು ತುಮೆ ದೇಕ್‌ಶು. ಅನ ಪಥವಾಳು, ಅನಿ ಮತ್ಲಬ್‌ನ ಪರ್ವಿಲ್ಯಾವದೆ. ತದೆ ಯೂದಾಯಮ ರ್ಹವಾಳು ಪಹಾಡೋಮ ಮಿಲೈಜಾಣು.

15 ಕೋಣ್‌ತೋಬಿ ಏಕ್‌ಜಣೊ ಇನ ಘರ್‌ನ ಲ್ಲತ್‌ಪರ್ ರ್ಹಯೋತೊ, ಯೋ ಹೇಟ್ ಉತ್ರಿನ್ ಶಾತ್‌ತೋಬಿ ಪಾಡಿಲೇಣು ಕರಿ ಘರ್‌ನ ಮಹಿ ಜೈನ್, ವಖ್ವತ್ ಬರ್ಬಾತ್ ನಾ ಕರನ್.

16 ಖೇತರ್‌ಮ ರ್ಹವಾಳು ಕೋಣ್‌ತೋಬಿ ಝುಗೊ ಪಾಡಿಲೇಣು ಕರಿ ಪಾಲ್ಹುಫರಿ ಘರೆ ನಾ ಜಾವ್ಣು.

† 13:11 13:11 ಹೇಬತ್, ‡ 13:13 13:13 ಆಖಿ ದಮ್‌ತೋಡಿ ನಂಬವಾಳಾನ
§ 13:13 13:13 ರಕ್ಷಣೆ ಮಳ್‌ಶೆ * 13:14 13:14 ಮತ್ತಾಯ 24.15

17 ಕತೋಬಿ ಯೋ ದನೂಮ ಬೇಜೂನಿ ಅಜು ದೂದ್ ಪಿಡಾವವಾಳಿ ತಯೇಡಾವ್ ಉಷೇತೆ ವದೇಖ್ವನ್ ಶಾತ್ ಬೋಲು!

18-19 ಯೋ ದನೂಮ ಘಣು ಲತಾಡ ರ್ತ್ವೆಶೆ. ಇನಾಖ್ವಾಜೆ ಆ ಖ್ವಾರ್ಡು ವರ್ಖ್ವಾತ್ ಅಜು ರಣ್ಣಾ ದನೂಮ ನಾ ಹೋಣು ಕರಿ ಪ್ರಾರ್ಥನೆ ಕರೊ, ಶನಕತೊ ಇಮಾನೊ ವದೇಖ್ವೊದೇವ್ವೆಜಗತ್ ಉಬ್‌ಜಾಯೋತೆ ತಪ್‌ಥು ಧರೀನ್ ಹಮ್ಕೆಲಗು ಕೋ ಹುಯಿರ್ದೊನಿ; ಖ್ವಾಮ್ಣೆಬಿ ಅಮ್ ಕೋ ಉಶೇನಿ.

20 ಪ್ರಭು ಯೋ ಖ್ವಾರ್ಡು ದನ್ನ ಕಮ್ ನಾ ಕರ್ರೊತೊ, ಏಕ್ ಅದ್ಮಿಬಿ ಬಚಿಕೊರ್ದಿಷೇನಿ. ಕತೋಬಿ ಇನೆ ಚೂಣಿಲಿದೊತೆ ಖ್ವಾರ್ಡು ಅದ್ಮಿನಖ್ವಾಜೆ ಯೋ ಖ್ವಾರ್ಡು ದನ್ನ ಕಮ್ ಕರಿರಾಖ್ಯೋಸ್.

21 ತದೆ ಕೋಣ್‌ತೋಬಿ ತುಮುನ, “ದೇಖೊ, ಕ್ರಿಸ್ತ ಹಜ್ವಾ ಛಾ! ನಾತೊ ‘ಹಂದೇಖೊ, ಯೋ ಹಿಜ್ವಾ ಛಾ!’ ಕರಿ ಬೋಲ್ಯುತೊ ಇನ ನಕೊ ನಂಬ್‌ಶು.

22 ಶನಕತೊ ಝೂಟುಕ್ರೈಸ್ತರ್ ಖ್ವಾರ್ಡು ಅಜು ಝೂಟು ಪ್ರವಾದಿಖ್ವಾರ್ಡು ದೆಖೈನ್, ಇವ್ಣೇಥಿ ಹುಯೂತೊ ದೇವ್‌ಥಿ ಚೂಣೈರ್ದವಾಳನಾಬಿ ರಗಾವಾನಖ್ವಾಜೆ ಅದ್ಭುತ್‌ಕಾಮ್ ಅಜು ಅಶ್ವರ್ಯನು ಕಾಮ್‌ಖ್ವಾರ್ಡು ಕರಿ ವತಾಳೆಶೆ.

23 ಇನಾಖ್ವಾಜೆ ತುಮೆ ಹೊಷಾರ್‌ಥಿ ರ್ತ್ವೊವೊ! ಯೋ ಖ್ವಾರ್ಡು ಹುವಾನ ಅಗಾಡಿಸ್ ಇನಿ ಬಾರೇಮ ಮೇ ತುಮುನ ಬೋಲಿರಾಖ್ಯೋಸ್.

ಅದ್ಮಿನೊ ಛಿಯ್ಯೊ ಆವಾನಿ ಬಾರೇಮ

(ಮತ್ತಾಯ 24:29-31; ಲೂಕ 21:25-28)

24 ಅತ್ರೇಸ್ ಕಾಹೆತೆ ಯೋ ದನೂಮ ಯೋ ವದೇಖ್ವೊ ಖತಮ್ ಹುಯಿಜಾವಾನ ಬಾದ್‌ಮ ಚಾಂದ್ ಕಾಳೊಪಡಿಜಾಶೆ. ಚಂದರ್‌ಮೊ ಉಜಾಳು ಕೋ ದಿಶೇನಿ,

25 ಆಕಾಶ್‌ಪರ್‌ಥು ಶುಕ್ಕರ್‌ಖ್ವಾರ್ಡು ಖಂಕ್ರಲಗ್‌ಶೆ, ಆಕಾಶ್‌ಮ ಛಾತೆ ಶಕತ್ ಖ್ವಾರಿ ಕಾಪಿನ್ ಹಟ್‌ಶೆ.

26 ತದೆ ಅದ್ಮಿನೊ ಛಿಯ್ಯೊ ಘಣಿ ಶಕತ್‌ಥೀಬಿ, ಉಜಾಖ್‌ಥಿ ಫೈಗ್‌ತೊಹುಯಿನ್, ವಾದ್ಯಮಕರಿ ಆವಾನು ಅದ್ಮಿಖ್ವಾರ್ಡು ದೇಕ್‌ಶೆ.

27 ತದೆ ಯೋ ಇನ ದೂತರ್‌ನ ಜಮೀನ್ನಿ ಚಾರ್‌ ಬಾಜೂಮ ಮೋಕ್ಲಿನ್ ಧರ್ತಿನ ಕಡೇಶಿಥು ಧರೀನ್ ಆಬ್‌ನಿ ಖ್ವರ್ತಿಲಗು, ಇನೆ ಚೂಣಿಲಿದೊತೆ ಖ್ವಾರ ಅದ್ವಿನ ಜಗತ್‌ನು ಏಕ್ ಬಾಜುಥು ಧರೀನ್ ಬಿಜೇಕ್ ಬಾಜೂಲಗು ಎಕ್ಚು ಕರ್ಶೆ.

ಅಂಜೀರ್‌ನ ಝಾಡೇಥಿ ಅಕ್ಕ್‌ಲ್ ಶಿಕಾನು
(ಮತ್ತಾಯ 24:32-35; ಲೂಕ 21:29-33)

28 ಮೋಟಿ ಅಂಜೀರ್‌ನ ಝಾಡಾಥಿ ಮತ್ಲಬ್‌ನಿ ಅಕ್ಕ್‌ಲ್ ಶಿಕೊ. ಇನಿ ಡಾಳಿಯೆ ಹರಿಗಾರ್ ಕವ್ಳಿ ಹುಯಿನ್, ಪಾಂದ್‌ಡ ಮ್ಹೆಲಾಲಗ್ಚುತೊ, ತಡ್ತಾನ ಹಗಾಮ್ ಖನ್ನೆ ಐಗು ಕರಿ ಮಾಲುಮ್ ಕರಿಲೆವೊಸ್ಚಿ.

29 ಇಮ್ಮಸ್ ತುಮೇಬಿ ಆ ಖ್ವಾರು ಹುವಾನು ದೇಖ್ಯಾತೊ, ಬಾಕಲ್‌ನ ಖನ್ನೆಸ್ ಥೋಕರಿ ಮಾಲುಮ್ ಕರಿಲೆವೊ.

30 ಮೇ ತುಮೂನ ಖ್ವಾಚಮಾಬಿ ಬೋಲುಸ್ಚಿ ಆ ಭಮಾನಾನು ಅದ್ವಿಖ್ವಾರು ಮರ್‌ವಾನ ಮಹಿಸ್ ಆ ಖ್ವಾರು ಚಾಲ್‌ಶೇತೆ ಕರಿ ಯಾದ್‌ರಾಖೊ.

31 ಆಬ್-ಧರ್ತಿ[†] ಖ್ವಾರು ಮಟಿಚಾಶೆ, ಕತೋಬಿ ಮಾರಿ ವಾತೆಖ್ವಾರಿ ಮಟ್‌ಶೆಸ್ ಕೊಯ್ಚಿ.

ಯೋ ದನ್ ಕೊಯಿಂತೊ ಯೋ ವಖ್ವತ್ ಕಿನಾಬಿ ಮಾಲುಮ್ ಕೊ ಉಷೇನಿ

(ಮತ್ತಾಯ 24:36-44)

32 ಎತ್ರೇಸ್ ಕಾಹೆತೆ ಯೋ ದನ್ನಿ ಬಾರೇಮ ರ್ವ್ವೊ ನಾತೊ ಯೋ ಘಡಿನಿ ಬಾರೇಮ ರ್ವ್ವೊ ಮಾರ ಬಾನ ಮಾಲುಮ್ ಪಣ್ಣಿ ಬಿಜು ಕಿನಾಬಿ ಮಾಲುಮ್‌ಕೊಯ್ಚಿ; ಪರ್‌ಲೋಕ್‌ಮ ಛಾತೆ ದೇವ್‌ನು ದೂತರ್‌ನಾಬಿ ಮಾಲುಮ್‌ಕೊಯ್ಚಿ ಛಿಯ್ಯಾನಾಬಿ ಮಾಲುಮ್‌ಕೊಯ್ಚಿ.

33 ಯೋ ವಖ್ವತ್ ಕದೆ ಆವ್‌ಶೆಕರಿ ತುಮುನ ಮಾಲುಮ್‌ಕೊಂತೆ ಇನಾಖ್ವಾಜೆ ಹೊಷಾರ್‌ಥಿರ್ದವೊ, ಕದೇಬಿ ಜತನ್‌ಥಿರ್ದವೊ.

[†] 13:31 13:31 ಚಾಂದ್, ಚಂದರ್‌ಮೊ, ಶುಕ್ರರ್ ಖ್ವಾರೂಸ್ ಮಟಿಚಾಶೆ ಕರಿ. ಆಬ್-ಧರ್ತಿ

34 ಏಕ್ ಅದ್ಮಿ ಇನು ಘರ್‌ನ ಮ್ಹೇಲಿನ್ ದೇಖ್‌ಪರ್ ಜಾವಾನಿ ವಖ್ತಮ, ಇನ ಸೇವಕರ್‌ನ ಬುಲೈನ್ ಘರ್‌ನ ದೇಕ್-ಭಾಲ್ ಕರಾನು ಕಾಮ್ನಿ ಅದಿಕಾರ್‌ನ ದಿದೊ. ಏಕೇಕ್ ಭಣಾನ ಇವ್ಜು-ಇವ್ಜು ಕಾಮ್‌ದೀನ್, ಘರ್‌ನಿ ಕಾವ್ಲಿ ಕರಾವಾಳನ ಹೊಷಾರಿ ರ್ಹ್ವೇಣು ಕರಿ ಹುಕುಮ್ ದಿದೊ. ಇಮ್ನುಸ್ ಮೇ ತುಮುನ ಹುಕುಮ್ ದೆವ್‌ಸ್.

35 ಘರ್‌ನೊ ಯಜಮಾನ್ ಖ್ವಾಂಜೇಕಿ, ಅಧಿರಾತ್ಮ ಮುರ್‌ಗಾ ಬಾಂಗೇಕಿ, ದನ್ ನಿಕ್ಕಾದೀನ್‌ಕಿ, ಕದೆ ಆವಾಶೆಕರಿ ತುಮುನ ಮಾಲುಮ್‌ಕೊಂತೆ ಇನಾಖ್ವಾಜೆ ಹೊಷಾರ್‌ಧಿ ರ್ಹ್ವೊ.

36 ಯೋ ಮಾಲುಮಸ್ ಪಡಾಕೊಂತೆ ಇಮ್ ಆಯೋತೊ, ತುಮೆ ಖ್ವಿತಾರ್‌ವಾನು ನಾ ದೇಕ್ಚು.

37 ಮೇ ತುಮುನ ಬೋಲೂಸ್ತೆ ಇನ ಅಖ್ವಾನ ಬೋಲುಸ್, ಹೊಷಾರ್‌ಧಿ ರ್ಹ್ವೊ” ಕರಿ ಬೋಲ್ಯೊ.

14

ಯೇಸುನಿ ವಿರೋದ್ ಮಶ್ತ್ ಭಂದಾಯುತೆ

(ಮತ್ತಾಯ 26:1-5; ಲೂಕ 22:1-2; ಯೋಹಾನ 11:45-53)

1 ಪಸ್ತು ಪೂಜ ಅಜು ಖಾಟುಕೊಂತೆ ರೋಟಾನಿ ಪೂಜಾನ ಬೇ ದನ್ ಥಾತೆ ತದೆ, ಗಲೆಡಯಾಜಕರ್ ಅಜು ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಯೆ ಕಿನಾಬಿ ಮಾಲುಮ್ ನಾಪಡ್ಚುತೆ ಇಮ್ ಯೇಸುನ ಧರೀನ್ ಮಾರಿನಾಕ್ಚು ಕರಿ ದೇಖುಕರ್ತುಫು.

2 ಕತೋಬಿ ಇವ್ಜೆ, “ಪೂಜಾನಿ ವಖ್ತಮ ಯೇಸುನ ನಾ ಧರ್‌ನು, ಶನಕತೊ ಅದ್ಮಿಖ್ವಾರು ಅಪ್ಪಪರ್ ಕಲ್ವಾಗಟ್‌ನ ಉಟ್‌ಶೆ” ಕರಿ ವಾತೆ ಬೋಲಿಲಿದು.

ಬೆಥಾನ್ಯಾಮ ಯೇಸುನ ಅಬಿಷೇಕ್ ಹುಯೂತೆ

(ಮತ್ತಾಯ 26:6-13; ಯೋಹಾನ 12:1-8)

3 ಯೇಸು ಬೆಥಾನ್ಯಾಗಾಮ್ನುಸೀಮೋನ್ನಘರ್‌ಮ ಥೊ, ಆ ಸೀಮೋನ್ನ ಖೋಡ್ ಲಾಗಿರೊಡ್ಲೊ. ಹಿಜ್ವಾ ಯೇಸು ಖಾಣು ಖಾವಾನಿ ವಖ್ತಮ,

ಏಕ್ ತಯೇಡ ನಾರ್ಡ್‌ಥಿ* ಬಣಾಯುಹುಯು, ಘಣ ಮೋಲ್ವು ವಾನು ತೇಲ್ವ ಬಂಡಾನಿ ಶೀಶಿಮ† ಲೀನ್ ಐನ್, ಯೋ ಶೀಶಿನ ಫೋಡಿಸ್, ತೇಲ್ವ ಯೇಸುನ ಮಾಥಪರ್ ರಂಚಿ.

4 ಕತೋಬಿ ಹಿಜ್ಜಾ ಥೂತೆ ಥೋಡು ಭಣು ಇವ್ವ-ಇವ್ವಮ ಖೀಜ್ ಖೈನ್, “ವಾನುತೇಲನ್ ಲುಕ್ವಾನ್ ಕರಾಥಿ ಶನಿ ಫಾಯಿದೊ?

5 ಆ ತೇಲ್ವ ತೀನ್‌ಖೊ ರೂಪಾನು ಪಾವ್ಲನ‡ ವೇಚಿನ್ ಗರೀಬ್‌ನ ದಿಯೈಜಾಯಿಥೂನಿ!” ಕರಿ ಬೋಲಿನ್ ಗಾಳೆ ದಿದು.

6 ಕತೋಬಿ ಯೇಸುನೆ, “ಅನ ಮ್ಹೇಲೊ! ಶನ ಅನ ಖ್ವತಾವಸ್ತೆ? ಆ ತಯೇಡ ಮಾರಖ್ವಾಜೆ ಘಣು ಅಲ್ಫುಕಾಮ್ ಕರಿರಾಖೀಸ್.

7 ಗರೀಬ್ ಅದ್ವಿಖ್ವಾರ್ ಕದೇಬಿ ತುಮಾರ ಜೋಡೆ ರ್‌ಶೈ, ತುಮುನ ಮನ್ ಆವಾತೆ ತದೆ, ಇವ್ವುನ ಮದತ್ ಕರೆಜಾಯ್, ಕತೋಬಿ ಮೇ ಕದೇಬಿ ತುಮಾರಕನ ರ್‌ಶೈಶ್‌ಕೊಯ್ತು.

8 ಅನೆ ಇನೊ ಹಾತ್ ಕೆತ್ರೆ ಹುವ್ವಾಸ್‌ಕಿ ಎತ್ರೆ ಕರಿರಾಖೀಸ್. ಮೇ ಮರ್‌ವಾನ ಅಗಾಡಿಸ್, ಮಾರು ಶರೀರ್‌ನ ಮಖ್ವಾಣ್ಕು ಕರಾನ ಖ್ವವಾರನಖ್ವಾಜೆ ಅನೆ ಅಗಾಡಿಸ್ ಮಾರ ಆಂಗ್‌ತನ್‌ಪರ್ ವಾನು ತೇಲ್‌ಲಗಾಡಿರಾಖಿಸ್.

9 “ಹಿಡಿ ಜಗತ್‌ಮ ದೇವ್ನಿ ಅಲ್ಫಿ ಖಬರ್ ಕಿಜ್ಜ-ಕಿಜ್ಜ ಬೋಲಾವ್‌ಶೇಕಿ, ಹಿಜ್ಜಾ-ಹಿಜ್ಜಾ ಅನೆ ಕರಿತೆ ಇನಾಬಿ ಅನಿ ಯಾದ್‌ನಖ್ವಾಜೆ ಬೋಲ್‌ಶೆ”ಕರಿ ತುಮುನ ಖ್ವಾಚಮಾಬಿ ಬೋಲುಸ್ ಕರಿ ಬೋಲ್ಯೊ.

ಯೂದಾನೆ ಯೇಸುನ ಧೋಕೊ ದೈವಾನ ಮಾನಿಗಯೋತೆ

(ಮತ್ತಾಯ 26:14-16; ಲೂಕ 22:3-6)

10 ಅನೆ ಬಾದ್‌ಮ ಭಾರ ಭಣ ಶಿಷ್ಯರ್ಮ ಏಕ್ ಜಣೊ ಹುಯಿರೊ ಥೋತೆ ಇಸ್ಕರಿಯೋತ ಯೂದಾನೆ, ಯೇಸುನ ಗಲೆಡಯಾಜಕರ್‌ನ ಧರಿದೇಣು ಕರಿ ಇವ್ವಾಕನ ಗಯೊ.

* 14:3 14:3 ನಾರ್ಡ್ ಕರಿ ಶೊಶಿಯೆನಿ ಜಡ್‌ಥಿ ಬಣಾಯುಹುಯು ಘಣ ಮೋಲ್ವು ವಾನು ತೇಲ್. † 14:3 14:3 ಆ ಶೀಶಿನ ‘ಅಲಬಾಶ್‌ಟರ್’ ಕರಿ ಥೋಳೊ ಅಜ್ಜು ಪೀಳೊ ಘಣ ಅಲ್ಫಿ ಬಂಡೇಡಿ ಬಣಾಯುಹುಯು ‡ 14:5 14:5 ಏಕ್ ಅದ್ವಿನು ಏಕ್ ವರಖ್ವಾನು ಶಂಬಳ

11 ಇನೆ ಬೋಲ್ಯೋತೆ ವಾತೆನ ಖ್ವಮ್‌ಜಿನ್ ಇವ್ಣುನ ಖ್ವಶಿ ಹುಯು, ಅಜ್ಜು ಯೂದಾನ, “ತುನ ಪೈಶಾ ದಿಶು ಕರಿ” ವಾತೆದಿದು. ಇನಾಖ್ವಾಜೆ ಯೂದ ಯೇಸುನ ಧರಿದ್ಯವಾನಿ ಬರೋಬರ್‌ನಿ ವಖ್ವತ್‌ನಖ್ವಾಜೆ ಜಪೂಕರ್‌ತೊಫೊ.

ಯೇಸುನೆ ಇನ ಶಿಷ್ಯರ್‌ನ ಜೋಡೆ ಪಸ್ಕಾನು ಖಾಣು ಖಾದೋತೆ
(ಮತ್ತಾಯ 26:17-25; ಲೂಕ 22:7-14,21-23; ಯೋಹಾನ 13:21-30)

12 ಖಾಟುಕೊಂತೆ ರೋಟಾನು ಪೂಜಾನ ಪಹಿಲ ದನ್ನೆ ಕತೊ ಪಸ್ಕಾನಿ ಪೂಜಾನಮೆಂಥಾನ ಚೆಲ್ಕಿ ರ್‌ವಿಖ್ವಾಜೆ ದನ್ನೆ ಯೇಸುನ ಶಿಷ್ಯರ್ ಇನ, “ಹಮೆ ಕಿಜ್ವಾಜ್ವಿನ್ ತಾರಾಖ್ವಾಜೆ ಪಸ್ಕಾನು ಖಾಣನ ಖ್ವವಾರ್‌ನು?” ಕರಿ ಪುಲ್ಲಾಯ.

13 ಯೇಸುನೆ ಇನ ಶಿಷ್ಯರ್‌ಮ ಬೇ ಜ್ಞಾನ ಬುಲೈನ್, “ತುಮೆ ಖ್ವಯೇರ್‌ಮಹಿ ಜ್ಞಾವೊ, ಹಿಜ್ವಾಏಕ್ ಅದ್ಮಿಪಾಣಿನೊ ಘಡೊ ಪಳ್ಳಿನ್ ತುಮಾರ ಖ್ವಾಮ್ಜೆ ಆವಾಶೆ; ಇನ ಪೀಲೆ ಜ್ಞಾವೊ.

14 ಯೋ ಖೆವ ಘರ್‌ಮ ಜ್ಞಾಶೆಕಿ, ಯೋ ಘರ್‌ನ ಯಜಮಾನ್ಯ, “ಮಾರ ಶಿಷ್ಯರ್‌ಬಿ ಮೇ ಪಸ್ಕಾನು ಖಾಣು ಖಾವಾನಖ್ವಾಜೆ ಖಾಣಾನಿ ಝಗೊ ಕಿಜ್ವಾಲ್ವಾ, ಕರಿ ಗುರುನೆ ಪುಲ್ಲಾಯೊ ಕರಿ ಬೋಲೊ.

15 ತದೆ ಯೋ ಹೋಣುತೆ ಖ್ವಾಮನ್ ಖ್ವಾರು ಬರೋಬರ್‌ಧಿ ಖ್ವವಾರೈರ್‌ಶೀತೆ, ಲ್ಲತ್‌ನ ಉಪ್ಪರ್‌ಲೈ ಮೋಟೆ ಕೋಣಾನ ತುಮುನ ವತಾಳ್‌ಶೆ, ಹಿಜ್ವಾ ಅಪ್ಪಖ್ವಾಜೆ ಖ್ವಾರು ಖ್ವವಾರೊ” ಕರಿ ಬೋಲಿನ್ ಮೋಕ್‌ಲೈ.

16 ತದೆ ಯೋ ಶಿಷ್ಯರ್ ಹಿಜ್ವಾಝು ನಿಕ್ಕಿನ್, ಖ್ವಯೇರ್‌ಮ ಜೈನ್, ಯೇಸುನೆ ಇವ್ಣುನ ಬೋಲ್ಯೋತೆ ಇಮ್ಮಸ್ ಥೂತೆ ದೇಖಿನ್; ಪಸ್ಕಾನ ಖಾಣನ ತೈಯಾರ್ ಕರ್ಯ್.

17 ಖ್ವಾಂಜ್ ಹುವಾನ ಬಾದ್‌ಮ, ಯೇಸು ಇನ ಭಾರ ಜ್ಞಣ ಶಿಷ್ಯರ್‌ನ ಜೋಡ್ತ ಆಯೊ.

18 ಇವ್ವೆ ಖಾಣು ಖವಾನಿ ವಖ್ವತ್‌ಮ ಯೇಸುನೆ, “ತುಮುನ ಖ್ವಾಚಮಾಬಿ ಬೋಲುಸ್ಕಿ, ತುಮಾರಮ ಏಕ್ ಭಣೊ ಮನ ಧೋಕೇಥಿ ಧರಿದಿಶೆ, ಯೋ ಮಾರ ಜೋಡ್ಡ ಖಾಣು ಖಾವಾಳೋಸ್ ಹುಯಿರ್ದೋಸ್” ಕರಿ ಬೋಲ್ಯೊ.

19 ತದೆ ಇವ್ವೆ ದುಖ್‌ಥಿ, “ಮೇತೊ ಕಾಹೆನಿ, ಮೇತೊ ಕಾಹೆನಿ” ಕರಿ ಏಕ್‌ನ ಬಾದ್‌ಮ ಏಕ್ ಇನ ಬೋಲಾಲಗ್.

20 ತದೆ ಯೇಸುನೆ ಇವ್ವುನ, “ಯೋ ಮಾರ ಭಾರ ಭಣ ಶಿಷ್ಯರಮ ಏಕ್ ಭಣೊ, ಯೋ ಮಾರ ಜೋಡ್ಡ ಕಟೋರಿಮ ಇನೊ ರೋಟೊ ಚೋಪ್‌ಡೆನ್ ಖಾವಾಳೋಸ್.

21 ಅದ್ಮಿನೊ ಥಿಯೊ ಇನಿ ಬಾರೇಮ ಲೀಖ್ಪಿರ್ದುಸ್ತೆ ಇಮ್‌ಸ್ ಮರ್‌ಶೇತೆ ಖ್ವಾಚಸ್; ಕತೋಬಿ ಕೋಣ್, ಅದ್ಮಿನೊ ಥಿಯ್ಯಾನ ಧೋಕೊದೀನ್ ಧರಿದಿಶೇಕಿ ಇನಿ ಹಾಲ್ವ ಶಾತ್ ಬೋಲು! ಯೋ ಅದ್ಮಿಪೈದ ನಾಸ್ ಹುಯುಹೊತ್ತೊ ಇನ ಅಲ್ಫುರ್ದುಯುಹೋತ್!” ಕರಿ ಬೋಲ್ಯೊ.

ಪ್ರಭುನು ಭೋಜನ್

(ಮತ್ತಾಯ 26:26-30; ಲೂಕ 22:14-20; 1 ಕೊರಿಂಥ 11:23-25)

22 ಇವ್ವೆ ಖಾಣು ಖವ್‌ಕರಾನಿ ವಖ್ವತ್‌ಮ, ಯೇಸುನೆ ರೋಟಾನ ಪಾಡೆನ್, ದೇವ್ವ ಧನ್ಯವಾದ್ ಕರೀನ್, ಇನ ತೋಡೆನ್, “ಅಲ್ಲೇವೊ, ಆ ಮಾರು ಶರೀರ್” ಕರಿ ಬೋಲಿನ್ ಇನ ಶಿಷ್ಯರನ ದಿದೊ.

23 ಬಾದ್‌ಮ ಕಟೋರಿನ ಪಾಡೆನ್, ದೇವ್ವ ಧನ್ಯವಾದ್ ಕರೀನ್, ಇವ್ವುನ ದಿದೊ; ಇವ್ವೆ ಖ್ವಾರೊಸ್ ಇನಾಮ ಪೀದು.

24 ತದೆ ಯೇಸುನೆ ಇವ್ವುನ, “ಆ ಮಾರು ಲೋಯಿ, ಆ ದೇವ್ವೆ ಇನ ಅದ್ಮಿನ ಜೋಡೆ ಕರ್ಯುಹುಯು ನವು ಒಪ್ಪಂದಾನನು ಮಾರು ಲೋಯಿ; ಆ ಘಣ ಅದ್ಮಿನ ಖ್ವಾಜೆ ರಂಘಾಯುತೆ ಲೋಯಿ.

25 ಮೇ ಖ್ವಾಚಮಾಬಿ ತುಮುನ ಬೋಲುಸ್ಕಿ, “ಹಂಕೇಧು ಧರೀನ್ ಮೇ ದೇವ್ನಿ ರಾಜ್ಯಮ ನವು ದ್ರಾಕ್ಷಿನು ರಖ್ವನ್‌ಕ್ ಪಿಯ್ಯಾನ ದನ್‌ತೋಡಿ ಅನ ಪಾಲ್ತು ಪೀಶಸ್‌ಕೊಯ್ನಿ”.

26 ಬಾದ್‌ಮ ಇವ್ಣೆ ಸ್ತುತಿನ್ ಗೀದ್ ಬೋಲಿನ್ ಆಲಿವ್ ಪಹಡ್‌ಕನ ಚಲೇಗಯ.

ಪೇತ್ರ ಝಿಟ್ಕಾರನು ಯೇಸುನ ಮಾಲುಮ್ ಹುಯುತೆ

(ಮತ್ತಾಯ 26:31-35; ಲೂಕ 22:31-34; ಯೋಹಾನ 13:36-38)

27 ತದೆ ಯೇಸುನೆ ಇವ್ಣುನ, “ತುಮೆ ಖ್ವಾರುಸ್ ಮನ ಮ್ಹಂದಿನ್ ಮಿಲೈಜಾಶು, ಶನಕತೊ, ‘ದೇವ್ ಮೇಂಡ್ ಚರಾವವಾಳಾನ ಮರ್‌ನಾಕಿಶ್, ತದೆ ಮಂಧಾಮಾಧು ಮೇಂಡ್ ಛಿಡ್‌ಗರ್ ಹುಯಿಜಾಶೆ’* ಕರಿ ಲೀಖೈರೊಸ್‌ನಿ.

28 ಕತೋಬಿ ಮೇ ಜಿವ್ವೊಹುಯಿನ್ ಉಠಾನ ಬಾದ್‌ಮ, ತುಮಾರೇಫಿ ಅಗಾಡಿ ಗಲಿಲಾಯ ಜೈಶ್”. ಕರಿ ಬೋಲ್ಯೊ.

29 ಕತೋಬಿ ಪೇತ್ರನೆ, “ಖ್ವಾರು ಡರಿನ್ ತುನ ಮ್ಹಂದಿದುತೋಬಿ, ಮೇ ಕೋ ಮ್ಹೇಲೀಶ್‌ನಿ!” ಕರಿ ಬೋಲ್ತಖ್ವತರ್,

30 ಯೇಸುನೆ ಪೇತ್ರನ, “ಖ್ವಾಚಮಾಬಿ ತುನ ಬೋಲುಸ್ಕಿ ಆ ರಾತೀಸ್ ಮುರ್‌ಗೊ ಬೇ ಹಲ್ಲ ಬಾಂಗ್ ದ್ಯವಾನ ಅಗಾಡಿ, ತು ಮಾರಿ ಬಾರೇಮ, ‘ಯೋ ಮನ ಮಾಲುಮ್‌ಕೊಯ್ನಿ’ ಕರಿ ತೀನ್ ಹಲ್ಲ ಬೋಲಿಶ್” ಕರಿ ಬೋಲ್ಯೊ.

31 ಕತೋಬಿ ಪೇತ್ರನೆ ಬಿಜೂಬಿ ಕಡಕ್‌ಫಿ, “ಮೇ ತಾರ ಜೋಡ್ಡ ಮರ್ದುಕತೋಬಿ, ‘ತೂ ಮನ ಮಾಲುಮ್ ಕೊಯ್ನಿ’ ಕರಿ ಕೋಸ್ ಬೋಲಿಶ್‌ನಿ!” ಕರಿ ಬೋಲ್ಯೊ.

ಅಜ್ಜು ಖ್ವಾರ ಶಿಷ್ಯರ್‌ನೇಬಿ ಇಮ್ತುಸ್ ಬೋಲ್ಯೊ.

§ 14:25 14:25 ಖಾಟು ಪಡ್ತುಹುಯು ದ್ರಾಕ್ಷಿನು ರಖ್ವನ್ ಬಿಣಾಯುಹುಯು ನಿಷ ಚಢಾನು ರಖ್ವನ್ * 14:27 14:27 ಜಕರೀಯ 13:7

ಗೆತ್ತೆಮನೆಮ ಯೇಸುನೆ ಪ್ರಾರ್ಥನೆ ಕರೆಯ್ತೆ
(ಮತ್ತಾಯ 26:36-46; ಲೂಕ 22:39-46)

32 ಬಾದಾಮ ಇವ್ವೆ ಅಖ್ವಾಜಣ ಗೆತ್ತೆಮನೆ ಕರಿ ಬಾಗ್‌ಕನ ಆಯ, ಯೇಸುನೆ ಇನ ಶಿಷ್ಯರನ, “ಹಜ್ಜಾಸ್ ಬೇಖ್ವೊ ಮೇ ಪ್ರಾರ್ಥನೆ ಕರೀನ್ ಆವುಸ್” ಕರಿ ಬೋಲ್ಯೊ.

33 ಅಮ್ ಬೋಲಿನ್ ಖಲಿ ಪೇತ್ರ, ಯಾಕೋಬ್ ಅಜು ಯೋಹಾನ್ ಇನ ಜೋಡ್ತ ಬುಲೈಲಿ ಗಯೊ. ತದೆ ಯೇಸುನ ಘಣು ಘಬ್ರಾವಣಿ ಹುಯು ಅಜು ದುಖ್‌ಧಿ ಭರೈಗೊ.

34 ಅಜು ಇನೆ ಇವ್ವುನ, “ಮಾರೊ ಜಾನ್ ಮರ್ದವಿತ್ರೈದುಖಮ ಛಾ. ತುಮೆ ಹಜ್ಜಾಸ್ ರಕ್ಷೀನ್ ಹೊಷಾರಿ ರಕ್ಷವೊ” ಕರಿ ಬೋಲಿನ್,

35 ಜರ ಖ್ವಾಪ್ಪೊ ಜೈನ್, ಜಮೀನ್‌ಪರ್ ಆಡೊ ಪಡೀನ್, ಹೋತು ಉಶೇತೊ, ಯೋ ವದೇಖ್ವಾನಿ ವಖ್ವತ್ ಇನ ಮ್ಹಂದಿನ್ ಜಾವಾನಿತರ ಪ್ರಾರ್ಥನೆ ಕರೀನ್,

36 “ಓ ಬಾ, ಓ ಮಾರೊ ಬಾ! ತಾರೇಧಿ ಖ್ವಾರುಸ್ ಹುವ್ವಾಸ್. ಆ ವದೇಖ್ವಾನ ರಾಲ್ತಾನ ಮಾರೇಧಿ ಹಟಾವ್. ತೋಬಿ ಮಾರಿ ಮರ್ಜಿನಿ ಘೋಣಿ ಕಾಹೆತೆ ತಾರಿ ಮರ್ಜಿನಿ ಘೋಣಿಸ್ ಹುವಾದೆ” ಕರಿ ಬೋಲ್ಯೊ.

37 ಬಾದಾಮ ಯೇಸು ಪಾಲ್ಟೊಫರಿ ಐನ್ ದೇಖಾತೊ ಯೋ ತೀನ್ ಜಣ ಶಿಷ್ಯರ್ ನಿಂದರ್ ಲೆವ್‌ಕರ್ತುಧು. ತದೆ ಇನೆ ಪೇತ್ರನ, “ಸೀಮೋನ್, ಖ್ವುತೋಸ್ತಿ ಶು? ಏಕ್ ಘಡೀಬಿ† ತುನ ಹೊಷಾರಿರ್ದವಾನ ಕೋ ಹೋಯ್ತಿಕಿ ಶು?”

38 ಅಜು ಇವ್ವುನ ಬೋಲ್ಯೊಕಿ, “ಶೋದನೆಮ‡ ಪಡ್ಣುನಾತೆ ಇಮ್ ಹೊಷಾರಿ ರಕ್ಷೀನ್ ಪ್ರಾರ್ಥನೆ ಕರೊ. ಮನ್ ಛಾ ಖ್ವಾಚಸ್, ಕತೋಬಿ ಶರೀರನ ಶಕತ್ ಪೂರಕೊಯ್ತು.”

39 ಬಾದಾಮ ಪಾಲ್ಟೊ ಜೈನ್, ಯೋಸ್ ವಾತೆನ ಬೋಲ್ತೊಹುಯಿನ್ ಪ್ರಾರ್ಥನೆ ಕರೆಯ್ತೊ.

† 14:37 14:37 ಏಕ್ ಘಂಟೊಬಿ ‡ 14:38 14:38 ಶೋದನೆಮ

40 ಪಾಲ್ಟೊ ಐನ್ ದೇಖಾನಿ ವಖ್ತಮ ಇವ್ಣೆ ಬಿಜೂಬಿ ನಿಂದರ್ ಲೆವಕರ್ತುಫ್ತು; ಇವ್ಣೆ ಡೋಳಾಮ ನಿಂದರ್ ಭುವಕರ್ತುಫ್ತು. ಇನಾಖ್ವಾಜಿ ಯೇಸುನೆ ಪುಲ್ಲಾಯೋತೆ ಇನ, ಶಾತ್ ಬೋಲ್‌ನು ಕರಿ ಇವ್ಣೆನ ಮಾಲುಮ್ ಕೋ ಪಡ್ಕುನಿ.

41 ಯೇಸುನೆ ತೀನ್ನೆ ಹಲ್ಲ ಪ್ರಾರ್ಥನೆನ ಜೈನ್ ಐನ್ ಇವ್ಣೆನ, “ತುಮೆ ಹಂಕೆತೋಡಿ ಖ್ವಯಿನ್, ಅರಾಮ್ ಕರುಕರಾಸ್ಕಿ ಶು? ಬಶ್! ಹಂದೇಖೊ, ಅದ್ಮಿನೊ ಛಿಯ್ಯಾನ ಧರೀನ್ ಪಾಪಿ ಅದ್ಮಿನ ಹಾತ್‌ಮ ದೆವೈಜಾಶೆ.

42 ಉರೊ, ಜಯ್ಕಿ ಮನ ಧೋಕೇಛಿ ಧರಿದ್ಯವಾಳೊ ಖನ್ನೆನ್ ಐರ್ರೋಸ್, ದೇಖೊ” ಕರಿ ಬೋಲ್ಯೊ.

ಯೇಸುನ ಧರ್ರ್ಯತೆ

(ಮತ್ತಾಯ 26:47-56; ಲೂಕ 22:47-53; ಯೋಹಾನ 18:3-12)

43 ಯೇಸು ಅಜೂಬಿ ವಾತೆ ಬೋಲುಕರಾತೆ ತದ್ದೇಸ್, ಇನ ಭಾರಜಣ ಶಿಷ್ಯರಾಮ ಏಕ್ ಭಣೊ ಹುಯಿರ್ರೊಡ್ಲೋತೆ ಯೂದ, ಹಿಜ್ವಾ ಆಯೊ. ಇನ ಜೋಡ್ವ ಗಲಾಡಯಾಜಕರ್, ಮೋಶಿನಿ ವಚನ್ ಶಿಕಾಡವಾಳು ಶಾಸ್ತ್ರಿಯೆ ಅಜು ಶಾಣುಖ್ವಾರು ಬೋಲಿ ಮೋಕ್‌ಲ್ಯುಹುಯು ಏಕ್ ಟೋಳ್, ತಲ್ವಾರೆ ಅಜು ಲಠ್ ಧರಿಲಿನ್ ಹಿಜ್ವಾ ಆಯು.

44 ಯೇಸುನ ಧೋಕೇಛಿ ಧರಿದ್ಯವಾಳೊ ಯೋ ಝೂಂಡ್‌ವಾಳನ, “ಮೇ ಕಿನ ಬುಚ್ಚಾ ದೆವ್‌ಸ್ಕಿ ಯೋಸ್ ತುಮೂನ ಹೋಣುತೆ ಅದ್ಮಿ ಇನ ಧರೀನ್ ಹೊಷಾರ್‌ಛಿ ಲೀಜಾವೊ” ಕರಿ ಖ್ವಣೇದ್ ಬೋಲಿ ದೀರಾಖೊಡ್ಲೊ.

45 ಯೂದ ಹಿಜ್ವಾ ಆವ್‌ತಾಸ್ಕ ಇನೆ ಯೇಸುನ ಖನ್ನೆ ಜೈನ್, “ಗುರು!” ಕರಿ ಬೋಲಿನ್ ಇನ ಬುಚ್ಚಾ ದಿದೊ.

46 ತದೆ ಇವ್ಣೆ ಯೇಸುಪರ್ ಹಾತ್ ನಾಖಿನ್ ಇನ ಧರ್ರ್ಯ

47 ತದೆ ಹಿಜ್ಜಾ ಖನ್ನೆನ್ ಭಿಯ್ಯುಧೂತೆ ಏಕ್ ಜಣು ಇನಿ ತಲ್ವಾರ್‌ನ ಕಾಡಿನ್, ಗಲ್‌ಥಯಾಜಕ್‌ನ ಆಳ್‌ನ ಮಾರಿನ್, ಇನೊ ಕಾನ್ ಕತ್ತಿನಾಘ್ನು.

48 ತದೆ ಯೇಸುನೆ ಇವ್ವುನ, “ಚೋರ್‌ನ ಧರಾನಿಫೋಣಿ ತಲ್ವಾರೆ, ಲಠ್ ಪಳ್ಳಿನ್ ಮನ ಧರಾನಘ್ವಾಜೆ ಆಯಾಕಿ ಶು?

49 ಮೇ ದನ್‌ರೋಚ್ ತುಮಾರ ಜೋಡ್ವಾಸ್ ರ್ವೀನ್ ಮೋಟಿ ಮಂದಿರಾಮ ವಚನ್ ಬೋಲಿ ದೆವ್‌ಕರ್ತೊಧೋತೆ, ತದೆ ತುಮೆ ಮನ ಧರಾಕೊಯ್ಚಿ ತೋಬಿ ವಚನ್‌ಮ ಲೀಖ್ಪಿರಾಡ್ವೆತೆ ಪೂರಹುವಾನಘ್ವಾಜೆ ಆ ಖ್ವಾರು ಹುಯೂತೆ” ಕರಿ ಬೋಲ್ಯೊ.

50 ತದೆ ತಮಾಮ್ ಶಿಷ್ಯರ್ ಯೇಸುನ ಮ್ಹಂದಿನ್ ನಾಶಿ ಚಲೇಗಯ.

51 ಹಿಜ್ಜಾ ಏಕ್ ಜಾನ್ಲಮಾನ್ ಅದ್ಮಿ ಖಾಲಿ ಆಂಗ್‌ಪರ್ ಘಣ ಮೋಲ್‌ನುಲುಂಗ್ಡು ಲಪೇಟಿಲೀನ್, ಯೇಸುನ ಪೀಲೆ-ಪೀಲೆ ವಳ್ಳುಜಾತೂಡು. ಇವ್ಣೆ ಇನಾಬಿ ಧರಿಲೇವ್ಣುಕರಿ ಕರಾ.

52 ಕತೋಬಿ ಯೋ ಇನು ಕೋರಲುಂಗ್ಡಾನ ಮ್ಹಂದಿನ್, ಖಾಲಿಆಂಗೇಸ್ ನಾಶಿಗಯ.

ಮೋಟಿ ಸಭೆನ ಖ್ವಾಮೆ ಯೇಸುನ ಭೀರಾಘ್ವೊತೆ

(ಮತ್ತಾಯ 26:57-68; ಲೂಕ 22:54-55,63-71; ಯೋಹಾನ 18:13-14,19-24)

53 ಬಾದಾಮ್ ಇವ್ಣೆ ಯೇಸುನ ಗಲ್‌ಥಯಾಜಕ್‌ನ ಘರ್‌ಕನ ಲೀನ್‌ಗಯ, ಹಿಜ್ಜಾ ಗಲ್‌ಥಯಾಜಕ್‌, ಮೋಶಿನಿ ವಚನ್ ಶಿಕಾಡವಾಳು ಶಾಸ್ತ್ರಿಯೆ ಅಜು ಶಾಣು ಖ್ವಾರು ಭರೈರಾಡ್ವೆ.

54 ಪೇತ್ರ ದೂರ್‌ಥೋಸ್ ಯೇಸುನ ಪೀಲೆ-ಪೀಲೆ ಜಾತೋಹುಯಿನ್ ಗಲ್‌ಥಯಾಜಕ್‌ನ ಘರ್‌ನ ಖ್ವಾಮ್ಣೆನು ಚೌಕ್‌ಕನ ಗಯೊ. ಹಿಜ್ಜಾ ಆಗ್ ಶೇಕು ಕರ್ತುಧೂತೆ ಕಾವ್ಲಿ ಕರಾವಾಳನ ಜೋಡ್ವೆಬೇಶಿನ್, ಯೋಬಿ ಆಗ್ ಶೇಕಾಲಗ್ಯೊ.

55 ತದೆ ಗಲಠಯಾಜಕರ್ ಅಜ್ಜು ಮೋಟಿ ಸಬೇನು ಖ್ವಾರು ಯೇಸುನ ಮರೈನಾಖಿದೇಣು ಕರಿ ಸಬೂತ್ ಡೂಂಡ್ಕು ಕತೋಬಿ ಬರೋಬರ್‌ನಿ ಸಾಕ್ಷಿ ಮಳ್ಳುಕೊಯ್ನಿ.

56 ಘಣು ಅದ್ಮಿ ಯೇಸುಪರ್ ಝೂಟಿ ಸಾಕ್ಷಿಖ್ವಾರಿ ಬೋಲ್ಕುತೋಬಿ ಇವ್ವಿ ಸಾಕ್ಷಿ ಏಕ್‌ಥಿ-ಏಕ್ ಬರೋಬರ್ ಕೋ ಲಾಗ್ಕುನಿ.

57-58 ಬಾದಾಮ ಥೋಡು ಅದ್ಮಿ ಉರಿ ಭೀರಿನ್, “ಅದ್ಮಿನೆ ಭಾಂದಿರಾಮ್ಮನೆ ಆ ಮಂದಿರ್‌ನ ಮೇ ಫೋಡಿನಾಖಿನ್, ಅದ್ಮಿನ ಹಾತೇಮ್ಮ ಭಾಂದಾನ ಕೋ ಹುವ್ವಾನಿತೆ ಬಿಜೇಕ್ ಮಂದಿರ್‌ನ, ತೀನ್ ದನ್ಮ ಭಾಂದೀಶ್ ಕರಿ ಆ ಬೋಲ್ಕೊತೆ ಹಮೆ ಖ್ವಮ್‌ಜಿರಾಖ್ಯಾನ್” ಕರಿ ಯೇಸುಪರ್ ಝೂಟಿ ಸಾಕ್ಷಿ ಖ್ವಾರು ಬೋಲ್ಕು.

59 ತದೇಬಿ ಇವ್ವಿ ಸಾಕ್ಷಿ ಖ್ವಾರು ಏಕ್‌ಥಿ-ಏಕ್ ಬರೋಬರ್ ಕೋ ಲಾಗ್ಕುನಿ.

60 ತದೆ ಗಲಠಯಾಜಕರ್‌ನೇ ಉರೀನ್ ಖ್ವಾರಾನ ಖ್ವಾವ್ವೆ ಭೀರಿನ್, “ತೂ ಶಾತ್ತ್ರಿ ಜವಾಬ್ ಕೋ ದೇಯ್ನಿಕಿ ಶು? ಅವ್ವೆ ತಾರಪರ್ ಬೋಲುಕರಸ್ತೆ ಆ ಸಾಕ್ಷಿ ಖ್ವಾಚಸ್‌ಕಿ ಶು?” ಕರಿ ಯೇಸುನ ಪುಲ್ಲಾಯೊ.

61 ತೋಬಿ ಯೇಸುನೆ ಶಾತ್ತ್ರಿ ಫರೈ ಕೋ ಬೋಲ್ಕೊನಿತೆ ಖ್ವೊಪ್ ಥೊ. ಪಾಲ್ಟೊ ಗಲಠಯಾಜಕರ್‌ನೇ, “ತೂ ಮಹಾನ್ ದೇವ್‌ನೊ ಛಿಯ್ಯೊ ಹುಯಿರಲ್ಕೊತೆ ಕ್ರಿಸ್ತಸ್‌ಕಿಶು?” ಕರಿ ಯೇಸುನ ಪುಲ್ಲಾವಖ್ವತರ್,

62 ಯೇಸುನೆ, “ಒಹೊ, ಮೇಸ್; ಎತ್ರೇಸ್ ಕಾಹೆತೆ ಅದ್ಮಿನೊ ಛಿಯ್ಯೊ ಮಹಾನ್ ಶಕತ್‌ವಾಳೊ ದೇವ್ವ ಖಾವಿಬಾಜುಮ ಬೆರೊರಲ್ಕೊತೆ ಅಜ್ಜು ಆಬನ್ ವಾದ್ಕಪರ್ ಬೇಶಿನ್ ಆವ್‌ಶೇತೆ ತುಮೆಖ್ವಾರು ದೇಕ್‌ಶು!” ಕರಿ ಬೋಲ್ಕೊ.

63 ಅನ ಖ್ವಮ್‌ಜಿನ್, ಗಲಠಯಾಜಕರ್‌ನೇ ಇನ ಝುಗ್ಗಾನ ಫಾಡಿಲೀನ್, “ಅಪ್ಪುನ ಅನೇಥಿಬಿ ಅಜ್ಜು ಖೆವಿ ಸಾಕ್ಷಿ ಹೋಣು!

64 ಅನೆ ದೇವ್ವ ಗಾಳೆಕರಾನಿ ವಾತೆ ಬೋಲ್ಕೊತೆ ತುಮೆ ಖ್ವಮ್‌ಜ್ಯಾನಿ. ತುಮುನ ಕಿಮ್ ದೆಖಾವಸ್?” ಕರಿ ಬೋಲ್ತುಖ್ವತರ್,

ಇವ್ವೆ ಖ್ವಾರು ಯೇಸುನಿ ವಿರೋದ್ ಹಾತ್ ಪಾಡಿನ, “ಆ, ಮರ್ವಾನ ಲ್ಲಾಯಕಸ್ ಟಾ” ಕರಿ ಬೋಲ್ಯು.

⁶⁵ ಬಾದಾಮ ಇವ್ವಾಮ ಥೋಡು ಭಣು ಯೇಸುಪರ್ ಥೂಕಿನ್, ಇನ ಮ್ಹೋಡಾಪರ್ ಲುಂಗ್ಡು ನಾಖಿನ್, ಗುಖ್ವತೊ ದೀನ್, “ಕಿನೆ ಮಾರ್ವ್ಯಾಕಿ ಪ್ರವಾದಾನೆ ಬೋಲೆನು ದೇಖಿ!” ಕರಿ ಬೋಲ್ಯು. ಅಜ್ಜು ಕಾವ್ಲಿ ಕರಾವಾಳನೆ ಇನ ಕಲ್ಲಪರ್ ಮಾರಿನ್ ಇವ್ವ ಜೋಡ್ಡು ಬುಲೈಲಿ ಗಯು.

ಪೇತ್ರನೆ ಯೇಸು ಮಾಲುಮ್ ಕೊಯ್ನಿ ಕರಿ ಬೋಲ್ಯೊತೆ
(ಮತ್ತಾಯ 26:69-75; ಲೂಕ 22:56-62; ಯೋಹಾನ 18:15-18,25-27)

⁶⁶ ಯೋಸ್ ವಖ್ತಾಮ ಪೇತ್ರ ಹೇಟ್ ಘರಾನ್ ಖ್ವಾಮ್ ಥೊ. ತದೆ ಗಲ್‌ಥಯಾಜಕ್‌ನ ಆಳ್‌ಮ ಏಕ್ ಭಣಿ ಹಿಜ್ಜಾ ಐನ್,

⁶⁷ ಪೇತ್ರ ಆಗ್ ಶೇಕುಕರ್ತೊಥೋತೆ ದೇಖಿ. ಅಜ್ಜೂಬಿ ಇನ ಖನ್ನೆಥು ರರ್‌ಕೈ ದೇಖಿನ್, “ತೂಬಿ, ಯೋ ನಜರೇತ್‌ನೊ ಯೇಸುನ ಜೋಡ್ಡು ಥೋನಿ” ಕರಿ ಬೋಲಿ.

⁶⁸ ತದೆ ಪೇತ್ರನೆ, “ಕೊಯ್ನಿ, ತು ಶಾತ್ ಬೋಲುಕರಾಸ್ತಿ ಮನ ಮಾಲುಮ್‌ಕೊಯ್ನಿ” ಕರಿ ಬೋಲಿನ್ ಭಾರಲಿ ಝಗೋಪರ್ ಗಯೊ. ಎತ್ರಾಸ್‌ಮ ಮುರ್‌ಗೊ ಬಾಂಗ್ ದಿದೊಸ್.

⁶⁹ ಹಿಜ್ಜಾಯೋ ಆಳ್‌ನೆ ಪಾಲ್ತು ಇನ ದೇಖಿನ್, ಖನ್ನೆಸ್ ಭಿಯುಥೂತೆ ಅದ್ವಿ ಖ್ವಾರಾವನ್, “ಆಬಿ ಇವ್ವಾಮ ಏಕ್ ಜಣೊ” ಕರಿ ಬೋಲಾಲಗಿ.

⁷⁰ ಕತೋಬಿ ಪೇತ್ರನೆ, “ಕಾಹೆ” ಕರಿ ಪಾಲ್ತೊ ಬೋಲ್ಯೊ. ಜರಘಡಿನ ಬಾದಾಮ ಹಿಜ್ಜಾ ಭಿಯುಥೂತೆ ಇವ್ವೆ ಪೇತ್ರನ, ಖ್ವಾಚಮಾಬಿ “ಯೇಸುನ ಜೋಡ್ಡು ಥೂತೆ ಇವ್ವಾಮ ತೂಬಿ ಏಕ್ ಜಣೊ ಕರಿ ಹಮೂನ ಮಾಲುಮ್, ತೂಬಿ ಗಲಿಲಾಯವಾಳೋಸ್” ಕರಿ ಬೋಲ್ಯು.

⁷¹ ಕತೋಬಿ ಪೇತ್ರನೆ, “ಖ್ವಾಚಮಾಬಿ, ತುಮೆ ಬೋಲುಕರಾಸ್ತೆ ಯೋ ಅದ್ವಿ ಮನ ಮಾಲುಮ್‌ಕೊಯ್ನಿ! ಮೇ ಝೂಟಿ ಬೋಲುಕರ್ತೊ

§ 14:68 14:68 ‘ಎತ್ರಾಸ್‌ಮ ಮುರ್‌ಗೊ ಬಾಂಗ್ ದಿದೊ’ ಕರಿ ಗ್ರೀಕ್‌ನು ಥೋಡು ವಾಕ್ಯಾನು ಬಾಗ್‌ಮ ಕೊಯ್ನಿ.

ಉಶೇತೊ, ದೇವ್ವ ಮಾರ್ ಮಾರಪರ್ ಆವಾದೆ ಕರಿ” ಬೋಲಿನ್ ಶಪತ್ ಖಾವಲಗ್ಯೊ.

⁷² ಯೋಸ್ ವಖ್ತ್‌ಮ, ಮುರ್‌ಗೊ ಬೇನೆ ಹಲ್ಲ ಬಾಂಗ್ ದಿದೊ. ತದೆ ಪೇತ್ರನೆ, “ಮುರ್‌ಗೊ ಬೇ ಹಲ್ಲ ಬಾಂಗ್‌ದ್ಯವಾನ ಆಗಾಡಿ, ತೂ ಮಾರಿ ಬಾರೇಮ ತೀನ್ ಹಲ್ಲ ‘ಯೋ ಮನ ಮಾಲುಮ್ ಕೊಯ್ತೆ’ ಕರಿ ಬೋಲಿಶ್” ಕರಿ ಯೇಸುನೆ ಇನ ಬೋಲ್ಯೊಡೊತೆ ವಾತೆನ ಯಾದ್‌ಕರಿನ್, ಯೋ ಖಡ್‌ಕ್ಯಾ ಭರಿನ್ ರೋಯೊ.

15

ಯೇಸುನ ಪಿಲಾತಕನ ಲಾಯುತೆ
(ಮತ್ತಾಯ 27:1-2,11-14; ಲೂಕ 23:1-5; ಯೋಹಾನ 18:28-38)

¹ ವ್ಹಾಣ್‌ಖ್ವತ್ರೇಸ್ ಗಲ್‌ಡಯಾಜಕರ್, ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಯೆ, ಮೋಟಿ ಸಬೆವಾಳು ಅಜ್ಜು ಶಾಣುಖ್ವಾರು ಮಳಿನ್ ವಾತೆಕರಿಲೀನ್, ಯೇಸುನ ಭಂದ್ಯೆನ್ ಲೀಜ್ಯೆನ್, ಪಿಲಾತನ್* ಹಾತ್‌ಮ ದಿದು.

² ತದೆ ಪಿಲಾತನೆ ಯೇಸುನ, “ತು ಯೆಹೂದ್ಯರ್‌ನೊ ರಾಜಾಕಿ ಶು?” ಕರಿ ಪುಲ್ಲಾವಖ್ತರ್.

ಯೇಸುನೆ, “ತುನೇಸ್ ಬೋಲ್ಯೊನಿ” ಕರಿ ಜವಾಬ್ ದಿದೊ.

³⁻⁴ ಗಲ್‌ಡಯಾಜಕರ್ ಯೇಸುಪರ್ ಘಣಿ ಗಲ್ಲಿ ಲಗಾಡುಕರ್ತಾಡ. ತದೆ ಪಿಲಾತನೆ ಬಿಜೇಕ್ ಹಲ್ಲ ಯೇಸುನ, “ತು ಶಾತ್ತ್ವಿ ಜವಾಬ್ ಕೋ ದೇಯ್ತಿಕಿ ಶು? ದೇಕ್, ಅವ್ಣೆ ತಾರಪರ್ ಕೆತ್ತು ಬೋಲುಕರಾಸ್ತೆ!” ಕರಿ ಬೋಲ್ಯೊ.

⁵ ಕತೋಬಿ ಯೇಸುನೆ ಶಾತ್ತ್ವಿ ಜವಾಬ್ ಕೋ ದಿದೋನಿ. ಅನ ದೇಖಿನ್ ಪಿಲಾತನೆ ಆಶ್ಚರ್ಯವಾದೊ.

* **15:1 15:1** ಪಿಲಾತ ಆ ರೋಮ್ ಖರ್ಕಾರ್‌ನ ಭಣಿವಾಳೊ ಹುಯಿರ್ಟ್ವೊಡೊ. ಆ ಯೆಹೂದ್ಯರ್‌ನ ರಾಜ್‌ಭಾರ್‌ನ ಚಲಾವವಾಳೊ ಹುಯಿರ್ಟ್ವೊಡೊ

ಯೇಸುನ ಮರಣ್ ದಂಡ್ ದೇವ್ಣು ಕರಿ ಬೋಲ್ಪುತೆ
(ಮತ್ತಾಯ 27:15-26; ಲೂಕ 23:13-25; ಯೋಹಾನ
18:39—19:16)

⁶ ಪಸ್ತ ಪೂಜಾನಿ ವಖ್ತುಮ ಕೋಂಡಿ ಫಾಲಿರಾಖಾತೆ ಅದ್ವಿಮ, ಅದ್ವಿಖ್ವಾರು ಕಿನ ಬೋಲಸ್ಕಿ ಇನ, ಭಾರ್ ಮ್ಹೇಲಾನಿ ಆದತ್ ಥು.

⁷ ತದೆ ಬರಬ್ಬ ಕರಿ ಏಕ್ ಭಣೊ ಥೊ. ಕಲ್ಹಾಗಟ್ ಪಡಾನಿ ವಖ್ತುಮ, ಅದ್ವಿನ ಮಾರಿನಾಖಿ ದೇಯಿತೆ ಇವ್ಣ ಜೋಡ್ಡ್ ಇನ ಧರಿನ್ ಕೋಂಡಿ ಫಾಲಿರಾಖ್ತು.

⁸ ತದೆ ಅದ್ವಿಖ್ವಾರು ಪಿಲಾತಕನ ಆಯಿ ಭರೈನ್, “ತುನೆ ಹಮೂನ ಕರ್ತೊ ಆಯೋತೆ ಇಮ್ ಕರ್” ಕರಿ ಗಿಂಗಾಯು.

⁹⁻¹⁰ ತದೆ ಗಲ್‌ಥಯಾಜಕ್‌ಖ್ವಾರು ಬಳಾಪೇಥಿ ಯೇಸುನ ಧರಿ ದೀರಾಖ್ತು ಕರಿ ಪಿಲಾತನೆ ಮಾಲುಮ್ ಕರಿಲೀನ್, “ಮೇ ಯೆಹೂದ್ಯರ್‌ನ ರಾಜಾನ ತುಮುನ ಮ್ಹೇಲಿದೇಣು ಕರಿ ತುಮಾರಿ ಆಖ್ತುಕಿ ಶು?” ಕರಿ ಪುಲ್ಲಾಯೊ.

¹¹ ತದೆ ಗಲ್‌ಥಯಾಜಕ್‌ಖ್ವಾರು, “ಬರಬ್ಬನಾಸ್ ಮ್ಹೇಲಿದೆ ಕರಿ ಬೋಲ್‌ನು” ಕರಿ ಅದ್ವಿನ ಬೋಲಿದಿದು.

¹² ತದೆ ಪಿಲಾತನೆ ಇವ್ಣುನ, “ಇಮ್‌ಕತೊ, ತುಮೆ ಯೆಹೂದ್ಯರ್‌ನೊ ರಾಜ ಕರಿ ಬೋಲುಕರಾತೆ ಅನ, ಮೇ ಶಾತ್ ಕರ್ನ್ ಕರಿ ತುಮೆ ಬೋಲೋಸ್?” ಕರಿ ಪಾಲ್ಟೊ ಬೋಲ್ತುಖ್ತರ್.

¹³ ಇವ್ಣೆ “ಇನ ಶಿಲ್‌ಬೇಪರ್[†] ಮರಾವ್!” ಕರಿ ಚಿಕ್ರಿನ್ ಬೋಲಾಲಗ್ತು.

¹⁴ ತದೆ ಪಿಲಾತನೆ, “ಶನ? ಅನೆ ಶನಿ ಗಲ್ತಿ ಕರಿರಾಖ್ಯೋಸ್?” ಕರಿ ಬೋಲ್ಯೊ ಕತೋಬಿ ಇವ್ಣೆ “ಇನ ಶಿಲ್‌ಬೇಪರ್ ಮರಾವ್!” ಕರಿ ಅಜ್ಜಾಬಿ ಜೋರೇಮ್ತು ಬಳೇಳಿನ್ ಬೋಲ್ಯು.

¹⁵ ತದೆ ಪಿಲಾತನೆ ಅದ್ವಿನ ದಿಲ್ನ ಮ್ಹಿಶಿ ಕರಾವ್ಣು ಕರಿ ಬರಬ್ಬಾನ ಇವ್ಣುಖ್ವಾಜೆ ಮ್ಹೇಲಿದಿದೊ. ಅಜ್ಜು ಯೇಸುನ ಮೇಕ್‌ನ ಕೊಳ್ಡೇಥಿ ಮರೈನ್ ಶಿಲ್‌ಬೇಪರ್ ನಾಖಾನ ದಿದೊ.

[†] 15:13 15:13 ಆಡ ಕಂಭಾಪರ್

ಶಿಪಾಯಿಖ್ವಾರು ಯೇಸುನಿ ನಕ್ಕೆ ಕರೃತೆ
(ಮತ್ತಾಯ 27:27-31; ಯೋಹಾನ 19:2-3)

16 ಶಿಪಾಯಿಖ್ವಾರು ಯೇಸುನ ಪಿಲಾತನಿ ಮಹೇಲನ ಖ್ವಾಮ್ವೆನಿ ಝಗೋಮ ಬುಲೈಲೀಜೈನ್, ದಂಡ್-ದಳ್‌ವಾಯಿನ ಎಕ್ಕದಮ್ ಬುಲಾಯು.

17 ಹಿಜ್ಜಾ ಶಿಪಾಯಿಖ್ವಾರು ಯೇಸುನ ಲಾಲ್‌ಭಗ್ಮ ರಂಗ್ನು ಲುಂಗ್ನು‡ ಹೋಡೈನ್, ಕಾಟಾನಿ ಕಿರೀಟ್ಟ ವಣಿನ್ ಇನ ಮಾಧಪರ್ ಫಾಲಿನ್,

18 “ಯೆಹೂದ್ಯರ್‌ನ ರಾಜ, ತುನ ಖ್ವಲಾಮ್” ಕರಿ ಬೋಲಿನ್,

19 ಬೈತನಿ ಲಾಕ್ವಿಥಿ ಇನ ಮುಡ್‌ಕೃಪರ್ ಮಾರಿನ್, ಇನಪರ್ ಥೂಕಿನ್, ಇನಾಖ್ವಾಮ್ ಥುಕ್‌ಣ್ಣಟೀಕಿನ್, ಆಡು ಪಡ್ಡು.

20 ಅಮ್ ಇವ್ವೆ ಯೇಸುನಿ ನಕ್ಕೆನ್ ಕಾಡಾನ ಬಾದ್‌ಮ ಯೋ ಲಾಲ್‌ಭಗ್ಮ ರಂಗ್‌ನ ಲುಂಗ್ನಾನ ಕಾಡಿನಾಖಿದೀನ್ ಇನ ಲುಂಗ್ವಾವ್‌ನಸ್ ಪಾಲ್ತು ಫೇರೈನ್ ಶಿಲ್‌ಬೆಪರ್ ಮಾರಾನಖ್ವಾಜಿ ಬುಲೈಲಿ ಗಯು.

ಯೇಸುನ ಶಿಲ್‌ಬೆಪರ್ ಮಾರೃತೆ

(ಮತ್ತಾಯ 27:32-44; ಲೂಕ 23:26-43; ಯೋಹಾನ 19:17-27)

21 ತದೆ ಖೇತರ್‌ಮಾಥು ಯೋಸ್ ವಾಟೆ ಉಳ್ಳಾವ್ವೊಥೋತೆ ಕುರೇನೆ ಖ್ವಯೇರೃನ್ನಿ ಸೀಮೋನ್ನ್, ಯೇಸುನಿ ಶಿಲ್‌ಬೆ ಪಾಡ್‌ಕರಿ ಶಿಪಾಯಿಖ್ವಾರು ಜುಲಮ್ ಕರೃ. ಆ ಸೀಮೋನ್ ಅಲೆಕ್ಸಾಂಡರ್ ಅಜು ರೂಫ ಕರಿ ಥಾತೆ ಇವ್ವೊಬಾ ಹುಯಿರೃಡ್ವೊ.

22 ಅಜು ಯೇಸುನ ‘ಗೊಲ್ಗೊಥಾ’ ಕರಿ ಝಗೋಪರ್ ಬುಲೈಲಿ ಗಯು. ಗೊಲ್ಗೊಥಾ ಕತೊ “ಖೋಪ್ರಿನಿ ಝಗೊ” ಕರಿ.

23 ಹಿಜ್ಜಾ ಇನ ರಕ್ತಬೋಳ* ಮಳ್ಳೆಹುಯು ದ್ರಾಕ್ಷಿನು ರಖ್ವನ್ ಪಿಯ್ಯಾನ ದಿದು. ಕತೋಬಿ ಯೇಸುನೆ ಇನ ಪೀದೊಕೊಯ್ನಿ.

‡ 15:17 15:17 ರಾಜ ಪೆರೃವ್ವಾನು ಲುಂಗ್ನು § 15:20 15:20 ಖ್ವರಮ್ ಕಾಡಿನ

* 15:23 15:23 ರಕ್ತಬೋಳ ಏಕ್ ಝಾಡ್‌ಣು ದೂದ್ ಹುಯಿರೃಡ್ವೊಸ್. ಆ ಘಣ ಮೋಲ್ನು ಅಜು ಅನೇಥಿ ಕೈಯೆಕ್ವಿ ಫಾಯಿದೊ ಛಾ. ದ್ರಾಕ್ಷಿನು ರಖ್ವನ್ ಜೋಡೆ ಮಳ್ಳೆನ್ ಪೀದೊತೊ ಅಜ್ಜ ಕಮ್ ಹುವಾಸ್.

24 ಇವ್ವೆಯೇಸುನ ಶಿಲೆಬೆಪರ್ ಮಾರ್ಯ್ಯ ಅಜ್ಜು ಇನ ಲುಂಗ್ವಾಫಾಮ ಕೆಹು-ಕೆಹು, ಕಿನ-ಕಿನ ಜ್ಞಾವ್ಣು ಕರಿ ಬೋಲಿನ್ ಚೀಟ್ ನಾಖಿನ್ ಇವ್ವಾಮಸ್ ವಾಟ ಪಾಡಿಲಿದು.

25 ಇವ್ವೆಯೇಸುನ ಶಿಲೆಬೆಪರ್ ಮಾರ್ಯ್ಯತೆ ತದೆ ವ್ಹಾಣನ ನೌ ಘಂಟೆ ಹುಯಿರ್ದಾಥ.

26 ಇವ್ವೆಯೇಸುಪರ್ ಲಗಾಡ್ಕುತೆ ಯೋ ಗಲ್ಲಿನ ದೆಖಾವನಿ ಫೋಣಿ ಶಿಲೆಬೆಪರ್ ಲೀಖಿರಾಮ್ಕುಥು. ಯೋ ಶಾತ್‌ಕತೊ, “ಯೆಹೂದ್ಯರ್‌ನೊ ರಾಜ್” ಕರಿ.

27 ಯೇಸುನ ಜೋಡ್ಕ ಬೇ ಜ್ಞಣ ಚೋರ್‌ನಾಬಿ ಲೈನ್ ಏಕ್ ಜ್ಞಣಾನ ಇನಿ ಖಾವಿ ಬಾಜ್ಞೂಮ ಅಜ್ಜು ಬಿಜೇಕ್ ಜ್ಞಣಾನ ಇನಿ ಡಾವಿ ಬಾಜ್ಞೂಮ ಶಿಲೆಬೆಪರ್ ಮಾರ್ಯ್ಯ.

28 ಆ ವಚನ್ ಗ್ರೀಕ್‌ನು ಥೋಡು ವಚನ್ನು ಭಾಗ್‌ಮ ಛಾ,†

29 ಹಿಜ್ಜಾಕರಿ ಜವ್‌ಕರ್ತುಡೂತೆ ಅದ್ಮಿಖ್ವಾರು ಯೇಸುನಿ ನಕ್ಲೆ ಕಾಡ್ಕು: ಅಜ್ಜು ಮುಡ್‌ಕೈ ರಶೆಕಾವ್ತು ಹುಯಿನ್, “ಓಹೊ, ತೂ ಮಂದಿರ್‌ನ ಪೋಡಿನ್ ತೀನ್ ದನ್ಮಭಾಂದೀಶ್ ಕರಿ ಬೋಲ್ಯೋಥೊ!”

30 ಹಮ್ಮೆ ಶಿಲೆಬೆಪರ್‌ಥು ಉತ್ರಿನ್ ಆವ್ ಅಜ್ಜು ತಾರು ತೂ ಬಚ್ಚಾಡಿಲೆ!” ಕರಿ ಇನ ಚಿಂಫಾಯು.

31 ಇಮ್ಕಸ್ ಗಲ್‌ಥಯಾಜಕರ್‌ಬಿ, ಮೋಶೆನಿ ವಚನ್ ಶಿಕಾಡವಾಳು ಶಾಸ್ತ್ರಿಯೇಬಿ, “ಇನೆ ಬಿಜ್ಞಾನ ಬಚ್ಚಾಡ್ಕೊ; ಕತೋಬಿ ಇನು ಯೋಸ್ ಬಚ್ಚಾಡಿಲ್ಪವಾನ ಕೋ ಹೊಯ್ನಿ.

32 ಇಸ್ರಾಯೇಲ್‌ನೊ ರಾಜ್ ಹುಯಿರ್ದೊತೆ ಆ ಕ್ರಿಸ್ತ ಹಮ್ಮೆ ಶಿಲೆಬೆಪರ್‌ಥು ಉತ್ರಿನ್ ಆವಾದೆ! ಉತ್ರಿನ್ ಆಯೋತೊ ಹಮ್ಮೆ ದೇಖಿನ್ ನಂಬ್‌ಶು” ಕರಿ ಏಕ್‌ಥಿಏಕ್ ಯೇಸುನಿ ನಕ್ಲೆ ಕಾಡಿನ್ ವಾತೆ ಬೋಲುಕರ್ತೂಡು.

ಅಜ್ಜು ಇನ ಜೋಡ್ಕ ಶಿಲೆಬೆಪರ್ ಮರೈರ್ದೊಡೂತೆ, ಯೋ ಭೇ ಜ್ಞಣಾನೇಬಿ ಇನಿ ಖ್ವರಮ್‌ಕಾಡ್ಕು.

† 15:28 15:28 ಯೋ ಶಾತ್‌ಕತೊ “ಚೋರ್‌ನ ಜೋಡ್ಕ ಇನಾಬಿ ಮಳಾಯು ಕರಿ ದೇವ್ನಿ ವಾಕ್ಯಮ ಲೀಖ್ಪಿರ್ದೊತೆ ಇಮ್ಕಸ್ ಚಾಲ್ಯು” ಕರಿ. ಯೆಶಾಯ 53:12

ಯೇಸುನೆ ಜಾನ್ ಮ್ವೇಲ್ಯೋತೆ
(ಮತ್ತಾಯ 27:45-56; ಲೂಕ 23:44-49; ಯೋಹಾನ 19:28-30)

33 ಧೊಪಾರ್‡ ಹುವ್ವಾದೀನ್ ಹಿಡಿ ದೇಖ್ವಪರ್ ಅಂಧಾರು ಥಪೈನ್, ತೀನ್ ಘಂಟತೋಡಿ ಇಮ್ಮಸ್ಥು.

34 ತೀನ್ ಘಂಟಾನ ಯೇಸು, “ಎಲೋಹಿ, ಎಲೋಹಿ ಲಮಾ ಸಬಕ್ತಾನಿ”[§] ಅಮ್ಕತೊ, “ಮಾರೊ ದೇವ್, ಮಾರೊ ದೇವ್, ತೂ ಶನ ಮನ ಹಾತ್ ಮ್ಹಂದಿದೊ?”^{*} ಕರಿ ಜೋರ್ ಆವಾಙ್‍ಥಿ ಚಿಕ್ರೈ.

35 ಖನ್ನೆ ಭಿಯ್ಯುಧೂತೆ ಥೋಡು ಜಣು ಅನ ಖ್ವಮ್‍ಜಿನ್, “ಹಂದೇಖೊ, ಯೋ ಎಲೀಯನ ಚಿಕ್ರುಕರಾಸ್!” ಕರಿ ಬೋಲ್ಯು.

36 ತದೆ ಹಿಜ್ವಾ ಥೂತೆ ಏಕ್ ಜಣು ನಾಶಿಜೈನ್, ಗುಂಙ್‍ನ[†] ಖಾಟಿ ರಖ್ವಮ್‡ ಡುಬೈನ್, ಲತ್ಮಾಕೇಡೆ ಅಟ್‍ಕೈನ್ ಯೇಸುನ ಪಿಯ್ಯಾನ ದೀನ್, “ಲೇರೊ! ಎಲೀಯ ಐನ್ ಅನ ಶಿಲ್‍ಬೆಪರ್‍ಥು ಉತ್ರಾವಸ್ ಶುಕಿ ದೇಖೆ!” ಕರಿ ಬೋಲ್ಯು.

37 ಕತೋಬಿ ಯೇಸುನೆ ಜೋರೆಖ್ವುಚಿಕ್ರಿನ್ ಜಾನ್ ಮ್ವೇಲ್ಯೋ.

38 ತದೆ ಮೋಟಿ ಮಂದಿರ್‍ನೊ ಪಡ್‍ದೊ ಉಪ್ಪರ್‍ಥು ಹೇಟ್‍ತೋಡಿ ಫಾಟಿನ್, ಬೇ ಭಾಗ್ ಹುಯಿಗಯು.

39 ಯೇಸುನೆ ಆ ತರೀಕಾಥಿ ಜಾನ್ ಮ್ವೇಲ್ಯೋತೆ ಇನ ಖ್ವಾಮ್ವೆಸ್ ಭಿಯೊಥೋತೆ ಖ್ವೋಶಿಪಾಯಿನೊ ಮೋಟಾನೆ ದೇಖಿನ್, “ಖ್ವಾಚಮಾಬಿ ಆ ಅದ್ಮಿ ದೇವ್‍ನೊ ಛಿಯ್ಯೊ ಹುಯಿರ್ದೊಥೊ!” ಕರಿ ಬೋಲ್ಯೊ.

40-41 ಹಿಜ್ವಾ ದೂರ್‍ಥು ಭೀರಿನ್ ಥೋಡಿ ತಯೇಡಾಬಿ ಆ ಖ್ವಾರು ದೇಖುಕರ್ತಿಥಿಯೆ. ಅವ್ವಾಮ ಮಗ್ಗಲನಿ ಮರಿಯ, ನ್ಹಾನೊ ಯಾಕೋಬ್ ಅಜ್ಜು ಯೋಸೆನಿ ಆಯ ಹುಯಿರ್ದೊಥೀತೆ ಮರಿಯ

‡ 15:33 15:33 ಧೋಪಾರ್‍ ಭಾರ ಘಂಟ ಹುವ್ವಾದೀನ್ § 15:34 15:34 ಯೇಸುನೆ ಇನಿ ಶೊಂತ್ ಬೋಲಿಮ ಆ ವಾತೆ ಬೋಲ್ಯೋತೆ * 15:34 15:34 ಕೀರ್ತನೆ 22.1

† 15:36 15:36 ರಖ್ವನ್ ಖ್ವೋಖ್ವಾನು ರಾಘು ‡ 15:36 15:36 ಕಮ್ ಮೋಲ್ವುಗರೀಬ್ ಅದ್ಮಿಪಿಯ್ಯಾನು ರಖ್ವ್

ಅಜ್ಜು ಸಲೋಮೀಬಿ ಥಿಯೆ. ಅವ್ವೆ ಯೇಸು ಗಲಿಲಾಯಮ ಥೋತೆ ತದೆ ಇನ ಕೇಡೆಸ್ ರಕ್ರೀನ್ ಇನಿ ಸೇವೆ ಕರಿಹುಯ್ತೆ. ಎತ್ರೇಸ್ ಕಾಹೆತೆ ಯೇಸುನ ಜೋಡ್ಡುಯೆರೂಸಲೇಮ್ ಆಯೆಥೀತೆ ಬಿಜಿ ತಯೇಡಾವ್‌ಬಿ ಹಿಜ್ಜಾ ಥಿಯೆ.

ಯೇಸುನ ಮಖ್ವಾಣ್ಣು ಕರ್ಯ್ತೆ

(ಮತ್ತಾಯ 27:57-61; ಲೂಕ 23:50-56; ಯೋಹಾನ 19:38-42)

42 ತದೆ ಖ್ವಾಂಜ್ ಹುಯಿಗಯುಥು; ಅಜ್ಜು ಯೋ ದನ್ ಖ್ವಾರಾನೊ ದನ್ ಹುಯಿರಕ್ರೋಥೊ, ಕತೊ ಸಬ್ಬತ್ ದನ್ನ ಪೀರೆನೊದನ್ ಹುಯಿರಕ್ರೋಥೊ.

43 ತದೆ ಅರಿಮಥಾಯ ಗಾಮನೊ ಯೋಸೇಫ ಕರಿ ಏಕ್ ಜಣೊ ಘಟ್ ಜಾನ್‌ಥಿ ಪಿಲಾತಕನ ಐನ್, ಯೇಸುನ ಶರೀರ್‌ನ ಮನ ದೇ ಕರಿ ಬೋಲಿಲಿದೊ. ಆ ಯೋಸೇಫ ಮೋಟಿ ಸಭೆಮ ಘಣು ಮರ್ಯಾದಿನು ಅದ್ಮಿ ಹುಯಿರಕ್ರೋಥೊ ಅಜ್ಜು ದೇವ್ನಿ ರಾಜ್ಯ ಕದೆ ಆವ್‌ಶೆಕರಿ ಭಪಿರಕ್ರೋತೊ.

44 ಪಿಲಾತನೆ ಯೇಸು ತದ್ದೇಸ್ ಮರಿಗಯೊ ಕರಿ ಖ್ವಮ್‌ಜಿನ್ ಆಶ್ವರ್ಯಖಾದೊ. ಅಜ್ಜು ಖ್ವೋಶಿಪಾಯಿನೊ ಮೋಟಾನ ಬುಲೈನ್, “ಯೋ ತದ್ದೇಸ್ ಮರಿಗಯೊಕಿ ಶು?” ಕರಿ ಇನ ಪುಳ್ಳಾಯೊ.

45 ಖ್ವೋಶಿಪಾಯಿನ ಮೋಟಾಧಿ ಖ್ವಮ್‌ಜಾನ ಬಾದ್‌ಮ, ಪಿಲಾತನೆ ಯೇಸುನ ಮುರ್ದಾನ ಯೋಸೇಫನ ದೇವಾಡ್ಲೊ.

46 ಯೋಸೇಫನೆ ಘಣ ಮೋಲ್ನು ಲುಂಗ್ಡಾನ ಮೋಲ್ ಲೈನ್, ಯೇಸುನ ಶಿಲೆಬೆಪರ್‌ಥು ಉತಾರಿನ್, ಯೋ ಲುಂಗ್ಡಾಧಿ ಇನ ಲಪೇಟಿನ್, ಬಂಡಾನಿ ಘವಿಮ ಮ್ಹೇಲಿನ್ ಯೋ ಘವೀನ ಬಾಕಲೆನ ಮೋಟೊ ಬಂಡಾಧಿ ಮೂಚ್ಚೊ.

47 ಹಿಜ್ಜಾ ದೇಖುಕರ್‌ತಿಥಿಯೆತೆ ಮಗ್ದಲನಿ ಮರಿಯ ಅಜ್ಜು ಯೋಸೆನಿ ಆಯ ಮರಿಯನೆ ಯೇಸುನ ಶರೀರ್‌ನ ಮ್ಹೇಲ್ಯುತೆ ಝಗೋನ ದೇಖಿಯೆ.

16

ಯೇಸು ಜಿವೊ ಹುಯಿನ್ ಉರೊತೆ

(ಮತ್ತಾಯ 28:1-8; ಲೂಕ 24:1-12; ಯೋಹಾನ 20:1-10)

¹ ಸಬ್ಬತ್ ದನ್ ಖತಮ್ ಹುವಾನ ಬಾದ್‌ಮ, ಮಗ್ದಲನಿ ಮರಿಯ, ಯಾಕೋಬ್‌ನಿ ಆಯ ಮರಿಯ ಅಜ್ಜು ಸಲೋಮಿ ಯೇಸುನ ಮುರ್ದಾನ ಲಗಾಡನಖ್ವಾಜೆ ಅಲ್ಪು ವಾನುತೇಲ್‌ನ ಮೋಲ್ ಲಿದಿಯೆ.

² ವಾರಾನು ಪಹಿಲ ದನ್ನೆ ವಾಣ್‌ಖತ್ತಿಸ್, ದನ್ ನಿಕಳ್‌ತಾಸ್‌ನ, ಇವ್ಣೆ ಯೇಸುನ ಮ್ಹೇಲಿರಾಖ್ಯುಥೂತೆ ಘವಿಕನ ನಿಕ್ಕಿಯೆ.

³ ಘವಿನ ಬಾಕಲ್‌ನೊ ಬಂಡೊ ಘಣೊ ಮೋಟೊ ಥೊ. ಅನಖ್ವಾಜೆ ಇವ್ಣೆ ಆವಾನಿ ವಖ್ತಮ, “ಯೋ ಬಂಡಾನ ಅಪ್ಪಟೇಕೆ ಕೋಣ್ ಕಾಡ್‌ಶೆಲಿ?” ಕರಿ ಇವ್ಣೆಇವ್ಣೆಸ್ ವಾತೆ ಬೋಲ್ತಿ ಉಳ್ಳಾವ್‌ತಿಥಿಯೆ.

⁴ ಕತೋಬಿ ಮುಡ್‌ಕ್ಕು ಪಾಡಿ ದೇಖಾತೊ ಯೋ ಬಂಡೊ ನಿಕ್ಕಿರ್ದೊ.

⁵ ತದೆ ಇವ್ಣೆ ಘವಿನ ಮಹಿ ಜೈನ್, ಹಿಜ್ಜಾ ಏಕ್ ಜಾನ್ಲಮಾನ್ ಅದ್ಮಿ ಧೋಳು ಲುಂಗ್ಲು ಪೇರ್ದಿಲೇನ್, ಖಾವಿ ಬಾಜುಮ ಬೆರುಥೂತೆ ದೇಖಿನ್, ಇವ್ಣೆಡರೀಗಯ್ಲೆ.

⁶ ತದೆ ಇನೆ ಇವ್ಣುನ, “ಡರೊನಕೊ, ಶಿಲ್‌ಬೆಪರ್ ಮಾರ್ೊಥೂತೆ, ನಜರೇತ್‌ನೊ ಯೇಸುನ ಡೂಂಡುಕರಾಸ್ ಕರಿ ಮನ ಮಾಲುಮ್. ಯೋ ಹಜ್ಜಾ ಕೊಯ್ಲಿ, ಯೋ ಜಿವೊ ಹುಯಿನ್ ಉರಿರ್ದೊಸ್! ಹಂದೇಖೊ, ಆಸ್ ಇನ ಮ್ಹೇಲಿರಾಖ್ಯುಥೂತೆ ಝಗೊ.

⁷ ಹಮ್ಲೆ ಜಾವೊ ಅಜ್ಜು ಆ ಖಬರ್‌ನ ಇನ ಶಿಷ್ಯರ್‌ನ ಅಜ್ಜು ಪೇತ್ರನಬಿ ಬೋಲೊ, ‘ಯೇಸುನೆ ತುಮೂನ ಬೋಲ್ಯೊಥೋತೆ* ಇಮ್ಲಸ್, ತುಮಾರೇಥಿ ಅಗಾಡಿ ಗಲಿಲಾಯನ ವಳ್ಳೊಜಾಸ್; ಹಿಜ್ಜಾ ತುಮೆ ಇನ ದೇಕ್‌ಶು ಕರಿ ಬೋಲೊ” ಕರಿ ಬೋಲ್ಯೊ.

* 16:7 16:7 ಮಾರ್ಕ 14:28

8 ತದೆ ಇವ್ವೆ ಫಬ್‌ರೈಜೈನ್, ಕಾಪ್ತಿಹುಯಿನ್ ಭಾರ್‌ಆಯಿನ್, ಯೋ ಮಖ್ವಾಣ್ಣನಿ ಘವಿಕಂಥು ನಾಶಿ ಚಲೀಗಯ್ಕೆ ಇವ್ವೆ ಡರ್‌ಥಿ, ಕಿನಾಬಿ ಶಾತ್‌ಬಿ ಕೋ ಬೋಲ್‌ಯೇನಿ.

ಯೇಸು ಮಗ್ಗಲನಿ ಮರಿಯನ ದೆಖಾಯೊತೆ

(ಮತ್ತಾಯ 28:9-10; ಯೋಹಾನ 20:11-18)

9 †ವಾರಾನೊ ಪಹಿಲೊ ದನ್ನೆನು (ಐತ್‌ವಾರ್‌ನ) ವ್ಹಾಣೆ, ಯೇಸು ಜಿವ್ವೊ ಹುಯಿನ್ ಉಠಾನ ಬಾದ್‌ಮ, ಮಗ್ಗಲನಿ ಮರಿಯನ ಪಹಿಲಿ ಬಾರ್ ದೆಖಾಯೊ, ಆ ಮರಿಯಮಾಥು ಯೇಸುನೆ ಖ್ವಾತ್ ಭೂತ್‌ನ ಕಾಡ್ಲೋಥೊ.

10 ತದೆ ಇನೆ ಜೈನ್, ಇನಕೇಡೆ ಥೂತೆ ಇವ್ವುನ ಬೋಲಿ; ಇವ್ವೆ ಫಾಣು ದುಖ್‌ಥಿ ರೊವ್‌ಕರ್ತುಫ್‌ಥು;

11 “ಯೇಸು ಜಿವ್ವೊಹುಯಿನ್ ಉರಿರ್ರೊಸ್, ಮನ ದೆಖಾಯೊ” ಕರಿ ಇನೆ ಬೋಲಿತೆ ವಾತೆನ ಖ್ವಮ್‌ಜ್ಜು ಕತೋಬಿ ಇವ್ವೆ ಇನ ವಿಶ್ವಾಸ್ ಕರಬ್ಬುಕೊಯ್ತು.

ಯೇಸು ಬೇ ಜಣ ಶಿಷ್ಯರ್‌ನ ದೆಖಾಯೊತೆ

(ಲೂಕ 24:13-35)

12 ಅನ ಬಾದ್‌ಮ, ಶಿಷ್ಯರ್‌ಮ ಬೇ ಜಣ ಏಕ್ ಗಾಮ್‌ನ ಚಾಲಿ ಜಾವಾನಿ ವಖ್ವತ್‌ಮ, ಯೇಸು ಕೋಣ್‌ಬಿ ಖ್ವಣೇದ್ ಧರಾನ ಕೋ ಹುವ್ವಾನಿತೆ ಇಮ್ಮಿ ರೂಪ್‌ಮ ಇವ್ವುನ ದೆಖಾಯೊ.

13 ಇವ್ವೆ ಜೈನ್ ಬಿಜ್ಜಿ ಖ್ವಾರಾನ ಬೋಲ್ಯು ಕತೋಬಿ ಅವ್ವಿ ವಾತೆನಾಬಿ ಇವ್ವೆ ನಂಬುಕೊಯ್ತು.

ಯೇಸು ಗ್ಯಾರ್‌ಜ್ಜಣಾನ ದೆಖಾಯೊತೆ

(ಮತ್ತಾಯ 28:16-20; ಲೂಕ 24:36-49; ಯೋಹಾನ 20:19-23; ಅಪೊ 1:6-8)

† 16:9 16:9 9-20 ಲಗು ಛಾತೆ ವಾಕ್ಯಖ್ವಾರಿ ಗ್ರೀಕ್ ವಾತೆನು ಜೂನು ಅಜ್ಜು ವಚನ್ನು ಭಾಗ್‌ಮ ಮಳ್ಳಿರಾಖ್ತು ಕೊಯ್ತು.

14 ಬಾದಾಮ ಗ್ಯಾರ್ಜಿಣ ಶಿಷ್ಯರ್ ಭರೈನ್ ಖಾಣು ಖಫ್‌ಕರ್ತಫಾತೆ ತದೆ ಯೇಸು ಇವ್ಣನಾಬಿ ದೆಖಾಯೊ. ಯೋ ಜಿವೊ ಹುಯಿನ್ ಉಠಾನ ಬಾದಾಮ, ಇನ ದೇಖಾವಾಳನಿ ವಾತೆನ ಇವ್ಣೆ ನಂಬ್ಯುಕೊಂತೆ ಇನಾಖ್ವಾಜೆ ಯೇಸುನೆ, ಇವ್ಣನ ವಿಶ್ವಾಸ್‌ಕೊಂತೆ ಅಜು ಇವ್ಣ ಬಂಡಾನ ದಿಲ್‌ನಖ್ವಾಜೆ ಇವ್ಣನ ಗುರ್‌ಕಾಯೊ.

15 ಅನ ಬಾದಾಮ ಇವ್ಣನ, “ತುಮೆ ಜಗತ್ತಿ ಖ್ವಾರಿ ಬಾಜುಮ ಜೈನ್ ತಮಾಮ್ ಅದ್ವಿನ ದೇವ್ನಿ ಅಲ್ಫಿ ಖಬರ್‌ನ ಬೋಲ್‌ನು.

16 ನಂಬಿನ್, ಬ್ಯಾಪ್ತಿಸ್ಮ ಕರೈಲೆವಾಳು ದೇವ್ನಿ ನ್ಯಾವ್‌ನಿ ತೀರ್ಪ್‌ಥಿ ಬಚಿನ್ ಪರ್‌ಲೋಕ್‌ಮ ಜಾಶೆ[‡]; ಕೋಣ್ ನಂಬಾಕೊಯ್ನಿ ಇವ್ಣನ ನಿಶತ್‌ಮಳ್‌ಶೆ.

17 ಅತ್ರೇಸ್ ಕಾಹೆತೆ, ನಂಬವಾಳಾನ ಅದ್ಭುತ್ ಕರಾನಿ ಶಕತ್ ದೆವಾವ್‌ಶೆ; ಮಾರು ನಾಮ್ ಬೋಲಿನ್ ಭೂತ್‌ಖ್ವಾರು ನಖ್ವಾಡ್‌ಶೆ; ಇವ್ಣೆ ಬೋಲಿಸ್‌ರಾಖ್ಯುಕೊಂತೆ ನವಿ ಬೋಲಿಥಿ ಬೋಲ್‌ಶೆ.

18 ಇವ್ಣೆ ಖ್ವಾಪ್‌ನಖ್ವಾರು ಪಾಡ್ಯತೋಬಿ ನಾತೊ ಝಾರ್ ಪೀಲಿದುತೋಬಿ ಇವ್ಣನ ಶಾಪ್ತಿ ಖರಾಬ್ ಕೋ ಉಶೇನಿ; ಇವ್ಣೆ ರೋಗ್‌ವಾಳನ ಉಪ್ಪರ್ ಹಾತ್ ಮ್ಹೇಲಿತೊ ಯೋ ರೋಗ್‌ವಾಳನ ಅಲ್ಫ್ಣು ಹುಯಿಜಾಶೆ” ಕರಿ ಬೋಲ್ಯೊ.

ಯೇಸು ಸೊರ್ಗನ ಗಯೋತೆ
(ಲೂಕ 24:50-53; ಅಪೊ 1:9-11)

19 ಯೇಸು ಪ್ರಭುನೆ ಇವ್ಣ ಜೋಡೆ ಆ ಖ್ವಾರು ಬೋಲಿನ್ ಹುಯಿಜಾವಾನ ಬಾದಾಮ ಇಮ್‌ಸ್ ಸೊರ್ಗಮ ಪಡೈಗಯೊ ಅಜು ಯೇಸು ದೇವ್ನಿ ಖಾವಿ ಬಾಜುಮ ಬೇಶಿಗಯೊ.

20 ಹೈಕಡ್ ಇನು ಶಿಷ್ಯರ್ ಚಲ್ಯೂಜೈನ್ ಖ್ವಾರಿ ಬಾಜು ದೇವ್ನಿ ಅಲ್ಫಿ ಖಬರ್‌ನ ಬೋಲ್ಯು. ಅಜು ಪ್ರಭುನೆ ಇವ್ಣ ಜೋಡೆಸ್ ರ್ಡ್ವಿನ್ ಖ್ವಣೇದ್‌ನು ಅದ್ಭುತ್ ಕಾಮ್‌ಖ್ವಾರು ಕರಿನ್, ಇವ್ಣೆ ಬೋಲಾತೆ ಖ್ವಾರು ಖ್ವಾಚಿಸ್‌ಕರಿ ವತಾಳಿದೇತೊ ರ್ಡ್ವಿತೊಥೊ.

‡ 16:16 16:16 ರಕ್ಷಣೆ ಮಳ್‌ಶೆ, ಮಾರ್ಕ 13:13

ದೇವ್ವಿ ಖಾಜಿ ವಚನ್
The New Testament in the Vaagri Booli language of
India: ದೇವ್ವಿ ಖಾಜಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವ್ವಿ ಖಾಜಿ ವಚನ್
ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06